





3261  
5/5 1A













# اصطلاحات ادبیہ

محرری

معلم ناجی

صاحبی


محمد سالم


معارف نطارت جلیله سنک رخصتیلہ طبع اولیٰ منشدر

استانبول

( ۲۰۰۰ آسادوریاں ) شرکت مریبہ مطبعہ می - ناپ عالی جادہ سندہ نومرو ۵۲

۱۳۰۷





شرکت مریدیہ مطبعہ و کتابا ناسی - نا - عالی حارسندہ

نومرو ۵۲

## افاده مخصوصه


اجراسی اقتدارمك قات قات فوقنده اولدینی معترف  
بولدینیم ، لسانم ایچون بر اصطلاحات ادبیه قاموسی  
یازمق ، فکری آره صیره ذهنی اشغال ایدردی .  
بوطاتلی خیال بعضاً اودرجه لرده محرك شوق اولوردی  
که کوکلمی موقتاً اولسون آووتقم ایچون او یولده  
برآز یازی یازمنه مجبوریت حس ایدردم . یازاردم  
یازاردم بکنمزدم . کاغذلری بیرتار آتاردم ، بوخیالی  
برسوز دکلدردم . واقعدردم . عینله نقل ایدیوردم . برخیلی  
زمان کچدی ، اوفکرینه دهنمه اوغرامقدن کری  
قاللاردی ، بروقت اولدی که یازدینم پارچه لری محو  
ایتدی که پشیمان اولدم امکرمه آجیدم ، زوالی یازلیرم !  
سز قابل تصحیح اولق مزیتندن ده می محروم ایدیکز ،  
دی که باشلادم . نهایت تلافی مافات ایچون تکرار برطاقم  
پارچه لر یازمق لازم کلدی . میدان بولدقجه یازمقده

دوام ایتدم ، خیلی شی بیریکدی ، تکرار کوزدن چگیر-  
 مکه کلمیور همان هپسنی آرقداشلیک یانه کوندره-  
 جگم کلیور . آنلری تهلکه دن ، کنه می ندامتن حفظ  
 ایچون برچاره دوشوندم ، «طبع ونشر» ی بولدم .  
 {اصطلاحات ادبیه} نامیله میدانه چیقمنه باشلایان  
 بو بندلر ادبیات ترکیه نك - فن اولق حیثیتیه - کافه  
 لوازمی بریره جمع ایتک کبی یوجک بر مقصده  
 یازیلیور ، ایستدیکم صورتده یازه بیلسم مقصد  
 حصوله کله جک ، نه فائده که بنم ایچون ایستدیکم  
 صورتده یازه بیلکم محال دینیه جک درجه ده کوچ!  
 اقتدارم همتله متناسب اولمی ایدی ! .. هر حالده  
 بویله شیلری یازمق یازمامقدن اولادر اعتقادنده بو-  
 اندینم ایچون عجزم بنی یاسه دوشوره میور . سعم  
 ترایدایتدکجه عجزم تناقص ایدیور صایورم . بو کوزل  
 برتسایدر و ماتوفیق الاله ،

## اخطار

( اصطلاحات ادبیه ) - عنوانیدن دخی آ کلاشبله جفی اوزره -  
 بین الادبا اصطلاح اوله رقی مستعمل اولان کله لرله ترکیب لری جامع اوله جقدر.  
 بوکا آ نار کنترانه مدن برحقو مثال درج ایدیشم :  
 کهن خرقه خویش پیراستن  
 به ازجامه عاریت خوانستن

قول حکیمانه سی تقدیر ایتک ایستدیکدندر یوقسه (آ نار کنترانه مد) دیدیکم  
 شیلرک حقیقه برر انر کتر اولدیفی تحت اعتراضده در \*  
 بو اصطلاحاته دائر و یردیکم ایضاحات ( ادبیات ترکیه ) نک شمدیکی  
 حالته واستقبالنه کوره در \* اوله دن بری عرب وبا فرس طرز ادبسی  
 عیناً قبول ایتک فکرینه اشتراک ایدنلردن دکم \* بومسکی بکیمیلر ایده جکم  
 خطالری عفو ایتکه ننزل یورمارلر صائیرم \* شونکله متسلی  
 اولیورم که هم مسلکم اولان اصحاب انصافک مظهر عفو ی اوله جنم  
 محققدر \*





## اصطلاحات ادبیه

سحر حلال — بیت آرەسندە ھەم کلمات سابقەنک تەمەسی  
 ھەم دە کلمات لاحقەنک مقەدەسی عد اولئەبیەجک صورتدە برلفظ  
 ویا ترکیب ایراد ایتمکدر .

کوردە اولش بر کواکب آسمان  
 خالق اجرامی نیجیل ایلدم  
 طولدی کوکلم نور ایله بی اختیار  
 سورة (والجهم) ی ترتیل ایلدم

قطەسندە واقع ( بی اختیار ) تعبیری ) ھەم « طولدی کوکلم نور  
 ایله » جملەسنە تەھەم دە « سورة والنجمی ترتیل ایلدم » کلامنە  
 مقەدە اعتبار ایدیلەبیەجکندن سحر حلال قیلندن عد اولنور .  
 برنجی احتمالە کوردە بیت « کوکلم بی اختیار نور ایله طولدی .  
 سورة والنجمی ترتیل ایلدم » — ایکنجی احتمالە کوردە کوکلم  
 نور ایله طولدی . بی اختیار سورة والنجمی ترتیل ایلدم » . ئالئدە  
 اولور .

مشاہیر شجعان عربدن ( عمرو بن معدی کرب ) و صفندە  
 اولان آشایگی قطعەلردە کوردە جگەز ( بی محابا ) و ( بالتردد )  
 نعیملری دخی یوقاریکی ( بی اختیار ) کیدر :

صمصامه بی ایلدیکه تسلیل [۵]

تسلیم سیوف ایدردی اعدا

تاریخ دییوف که بی محابا

بر اردویی رار ایتدی تنکیل

میدانه کیروب بلا تردد

دیرمش او دلیر مرتضی شان

اولمکدن اولوریم هراسان

اولمک ایچون ایلدم تولد

(بی محابا) هم «تاریخ دییورکه» به همده «بر اردویی برار

ایتدی تنکیل» ه قید اوله بیلیر. ایکی احتماله کوره بیت «تاریخ

بی محابا دییورکه: بر اردویی برار تنکیل ایتدی» و یا «تاریخ

دییورکه: بر اردویی برار بی محابا تنکیل ایتدی» مفهومی

کوستور.

کذاک (بلا تردد) هم «میدانه کیروب» ه همده «دیرمش

او دلیر مرتضی شان» ه قید اوله بیلیر. ایکی احتماله کوره بیت

«او دلیر مرتضی شان بلا تردد میدان کیروب دیرمش» و یا

«او دلیر مرتضی شان میدان کیروب بلا تردد دیرمش» مضموننده

بولنور.

سحر حلالاک صحتی ایچون احتمالارک ایکسنه کورهده مغناک

صحیح اولسی کافیدر. احتمالردن برینک دیکرینه مرجع کورنمسی

مقصده خال ویرمز.

[۵] (صمصامه) عمرونه قیلچییدر. (ذوالفقار) دن مکره اشهر سیوف

عد اولنور.

بو صنعت اولدقجه قرین لطافت ایسه ده عظمت عنوانیسه  
متناسب کورینه جک بر اهمیتی حائر دکدر . بالاده کی مثالرده  
بولتنی تصادفیدر . بالالتزام اجراسی اختیار اولسه جق کلفته  
دکمز .

(سحر حلال) تعبیری - بر ذات بی وقایه خطاباً یازلش  
اولان قطعه آتیده اولدینی کبی - ( کلام بدیع) مقامنده دخی  
ایراد اولتور :

قصیدم عجزی عرض ایشدی  
دریفا صورمدک بر کره حالم  
شوصونه صراغم اولسون صون خطایم  
حرام اولسون سکا مهر حلام



استخدام — بر لفظك دلالت ایتدیکی ایکی معنایی معاً  
اراده ایله هر برینی مناسب اولان جهته صرف ایتدکر .  
قطعه آتیده (آچلدی) فعلی بواسلوب اوزره ایراد اولنمشدر :

برابر ایدی سو دیکم هم فصل دی هم کل [۱]  
بری صحن کستاندن بری صحن کستانده

چیقوب برلکده کلزاری نماشایسه ک اولمازی  
کل آنده بلبل آنده جله آثار بهار آنده [۲]

[۱] «آچل ای فصل دی سن کستانلردن آچلسون کل - ندیم»  
[۲] «دی آنده دلبر آنده جله یاران صفا آنده - وجدی»

(آچلمق) مصدری هم (تباعده) هم ده (شکفتن) معناسنه کلدیکی جهته قطعه ده کی (آچلدی) فعلندن «تباعده ابتدی» «شکفته اولدی» معناری معاً قصد اولنه رق معنای اول مناسبی اولان (فصلدی) «معنای ثانی کذلک مناسبی اولان (کل)» صرف ایدلمشدر. شو حالده یتدن «سودیکم! موسم بهارک حلولیله فصل شتا صحن کلستاندن تبعاده ابتدی. کل ایسه صحن کلستانده شکفته اولدی» مالی استخراج اولنور. بو استفاده بعض ادبا (صرف الحزانه) نامنی ویرمشدر.

ادبیات عربیه کنابلرنده تعریف اولندیغی اوزره «ایکی معناسی اولان بو لفظ ایله اول امرده معنایینک برینی مراد ایدوب بعده او لفظه راجع اولان ضمیر ایله دیگر معناسنی قصد ایتک و یا او لفظه راجع اولان ایکی ضمیردن بریله بر معناسنی، دیگر یله ده دیگر معناسنی اراده ایلیمک» دن عبارت بولنان استخدامک ادبیات ترکیه ده اجراسی مغایرت شیوه لسان ایجاب طبعیسنجه همان هیچ یاقیشیق آلامقده اولدیغی کبی صورت اجراسنده کی تکلفه نظراً فهمی تصعب ایده جکی دخی آشکار بولندیغندن بو تعریفه مطابق اولان استخدامک ادبیات ترکیه یه متعلق محسناندن عد اولنماسی لازم کلیر،

بز (استخدام) دیدیکمز وقت بالاده کوستریلن «بر لفظک دلالت ایتدیگی ایکی معنایی معاً اراده ایله هر برینی مناسب اولان جهته صرف ایتک» مفهومنی قصد ایدرز.

استخدامك بودلوسی (استخدام المضمَر) عنوانه مقابل  
ویریان (استخدام المظهر) نامیده ادبیات عربیه دخی موجوددر.  
یوقاریده افاده اولندینی اوزره (استخدام مضمَر) ویا (استخدام  
ضمیر) دینیلن صنعت اربیات ترکیده معتبر اولمیه جفته مبنی  
کیفیت بر نوعه منحصر قاله جفتدن بز آکا ساده جه (استخدام)  
دیمکه اکتفا ایلرز.

استخدام کثیر الاجرا بر صنعت اولماه قله برابر حسن  
اجراسی حالده لطافت بخش کلام اولور.



حسن تعلیل - بر اعتبار لطیفه مسند اوله رق بر حصوص

ایچون علت مناسبه درمیان ایتمکدر.

حسن تعلیلده درمیان اولنه جق عاتك حقیق اولماسی یعنی  
نفس الامر مطابق بولنماسی شرطدر. حقیق اولورسه  
تعلیل عادی دیمک اوله رق محسناتدن صایله میه جفتدن حسن  
تعلیل تحقّق اتمز. مثلاً اوغلانی حقیقه "تأدیب ایچون تکدیر ایدن  
بر پدرك" اوغلانی تأدیب ایچون تکدیر ایتدم" قولنده حسن تعلیل  
بوئنه ماز.

کیزلندی کلسانده بشیل - براق آردیه  
رئك عذار کزذن اولوب شرمسار کل

بیتمده ایسه متحققدر. چونکه کالك بشیل یا براق آردینه کیزلنمی

ایچون درمیان اولئان علت - که مخاطبک رنک رخساری  
 کوره رنک کل کندی رنکنک آکا نسبتله لطافتسز کورینه جکنی  
 آکلادیغدن شرمسار اولسیدر - حقیقی دکلدر ، شاعر مخاطبک  
 رنک رخساری کلک رنکنندندها لطیف اولدیتی افاده مقصدیه  
 بویه برادعاده بولنیور . کذلک :

ایتدیگ کون ای ملک خورشید رخسارک عیان  
 اولدی شرمندن پرلر چشم مردمن نهان

ییتنده پرلرک کوزدن نهان اولشاری ایچون درمیان اولئان  
 عات - که مخاطبک بر کون میدانه جیقه رق پرتونشار جمال  
 اولسی اوزرینه مالک اولدقاری حسنک آکا نسبتله هیچ منزله سنده  
 قاله جغنی فهم ایله شرمنده اوللریدر - غیر حقیقیدر .  
 بالفرض سایه سنده پرورده اولدینی وطنندن آبریلر رق دیار  
 دیگره کیتیمکه مجبور ایدلش بری چاره هر آدیم آتیشنده الم  
 درونیسنک تزاید ایتدیکنی حس ایده ایده یولده کیدر کن -  
 موسم بهار اولدینی حالده - هر هانکی جهته عطف نظر ایلیه  
 اوجعتی کوکلی کبی حزنه مستغرق بولور . سباهه اولجه پیدا  
 اولش اولان بر بولوتدن او آرهلق یاغموور دوکلکه باشلار .  
 بتون دنیایی محزونیت ایچنده کوره مکده اولان زواللی یولجی  
 کنیدی کبی الم زده اولیانلرک انتراح قلب ایله تماشا ایده بیله جکلری  
 او لطیف سحابیه توجیه نگاه ایدنجه دیرکه :

اوده اولمش وطن جدا سیار

نه حزین آغلاپور شو ابر بهار

کندیسنک صنایع بدیمیه دوشونمکه وقتی اولمديغندن بویتمده  
اوصنعتلردن هانکیسی موجود اولدیغنی بلکه ده بیلمز . فقط  
بزلر - که له الحمد آسوده خاطرز - دقت ایندیکمز حالده یتک  
حسن تعلیل ایچون بر مثال اوله بیلهجکنی کوررز : قائل بهار  
بولودینک یک حزین آغلایشنی آنک ده کندی کبی وطنندن  
آیرلمش آواره لردن اولدیغنه حمل ایدیور . « شو بولوت  
نیچون آغلاپور ؟ » دینلسه « وطنندن آیرلینی ایچون ! »  
دیهجک حال بوکه ابر بهار - وطنی ارض ایسه - وطنندن  
آیرلمش ، فقط قائل کبی متأثر اولمامش . دیمک که بو عات ده  
حقیقی دکل .

بعض ادبا بو صنعتی ( حسن توجیه ) نامیله یاد ایدرلر .  
تعریفندهده ( علت ) ی ( وجه ) ه تحویل ایله « براعتبار لطفه  
مستند اوله رق بر خصوص ایچون وجه مناسب در میان اینمکدر ،  
دیرلر .

حسن تعلیل ویا حسن توجیه انه خوش آینده صنایعدن  
معدوددر . بونکله برابر اصحاب طراقة کوره اجر اسنده دعوبت  
بو قدر . اکثر یاطیبی اوله رق کایر . بوجهته محاورات ظرفادخی  
آکله زینتیاب اولمقدن خالی قلماز . مثال اوله رق بر فقره ایراد  
ایده لم :

اصطلاح درازنی سونلردن بر ذات محترم بر آفشام بعض

بند کاتی قوناغنه دعوت ایدر . برخیلی مصاحبت جریان ایتدکدن  
 صکره بولردن مسنجه برظریف اصول ایله قالفار ، اوطور مقدمه  
 اولدقلری اوطه نك اتصالده کی تنفس اوطه سنه چکیلیر . اولدن  
 یاننده قاعد بولان رفیق ده آرقه سی صیره اورایه کیدر یاریم ساعته  
 یقین زمان کچر . صاحب دعوت بر آره لقی « بولر زده قالدیلر ؟ »  
 دیه قیام ایله آغیر آغیر کیده رک تنفس اوطه سندن ایجری کیرر .  
 اواننده ظریف ایکی ثانیه اول جیندن دوشه رک اوزرنده لامبه  
 یانمقده بولان قونصوگ آلتیه طوغری تکرلنش اولان بر  
 آلتونی آرامقده مشغول بولنور . صاحب دعوت کیرر کیرر  
 دیرکه : « نیچون او ایله خمیده قامت اولدیکز ؟ » ظریف درحال  
 شو جوابی ویرر : « تکرار خلك پایکنزه رومال عبودیت اولقی  
 ایچون ! »

تحفی شوراسیدرکه ظریف بو حسن تعلیلی ایراد ایله تعلیل دائماً  
 محظوظ ایتدیکی صیره ده رفیق ده « افندم ! جیندن بر آلتون  
 دوشدی ده . . . » حقیقتندن دم اورر . کویا که بویله یرلرده  
 حسن تعلیله مقابل تعلیل حقیقینک نه درجه لرده صوغق  
 دوشه جکنی اثبات ایتک ایستر .

بالاده کی ماللرده کورلیدیکی وجه ایله حسن تعلیل دائماً  
 بر حکم قطعی صورتنده اجرا اولنور . آنده صورتک مغایری  
 اولان ظنه دلالت ایدیه یله جک لفظ بولنماز . حسن تعلیل طرزنده ،



شبه حسن تعلیل فقط ظنه مستند اوله رق ایراد اولئان تعلیلات ( شبه حسن تعلیل )  
عنوانیه حسن تعلیلدن آریایر . مثلا :

بارش بران مصادق دوشدی هجران شامنه  
اولدی صاندم مطالعه رحم الیوب کرین محباب

ییتنده مندرج « سحابک آغلامسی نیم شاه هجرانده کی حنه  
ترحمندندر » مضمونی حسن تعلیل قیاندن ایسه ده آره یه کیرن  
( صاندم ) فعل افاده نك ظنه مستند اولدیقنی تعیین ایله یکنندن  
بوکا ( شبه حسن تعلیل ) دینلمك لازم کلیر .

.....

اشلاف ائتلاف — بش نودر :

- لفظك معنى ايله ائتلاف .
- لفظك وزن ايله ائتلاف .
- لفظك لفظ ايله ائتلاف .
- معنائك وزن ايله ائتلاف .
- معنائك معنى ايله ائتلاف .

لفظك معنى ايله ائتلاف — عباره ده افاده اولانه جق معنایه  
ایله ائتلاف موافق دوشمیه جك الفاظ بولنما مقبله تحقیق ایدر .

لفظك معنى ايله ائتلاف حقنده بر فکر حاصل ایدلمك  
ایچون الفضاظك سمعه تأیر ایتك جهتیله اولان احوالی ضر  
دقه آلملیدر . ( جلادت ، صدمه غضنفر ، جکاجاك ، رخشان .

کلبانک) کبی بعض الفاظ سمعه قوتلی کلیر . بونلره (الفاظ جزله)،  
حائر اولدقلری کیفیتده (جزالت) تعبیر اولنور . (بسم، جزء،  
فم، زلف، کل، ناز) کبی بعض الفاظ ایسه قولاغه حقیف  
طوقنور. بونلره (الفاظ رقیقه)، حائر اولدقلری کیفیتده (رقت)  
نامی ویریلیر .

طبیعی کرک الفاظ جزله، کرک الفاظ رقیه استعمالنه سوق  
ایدن شی مقتضای مقامدر . مثلاً براردو قوماندانی عسکره  
خطاباً ایرادایده جکی نطق الفاظ جزله دن تشکیل ایتمهک چالیشیر،  
چونکه برمعسکر نازکانه اداره کلام ایدیلر جک یردکلدر . بالعکس  
برعاشق کوکلنی جذب ایتمهک چالشدینی معشوقه سنه الفاظ رقیقه  
ایله سوز سویلمک ایستر، زیرا سمع دلبر کلمات شدیدتهک هجومه  
تاب آور اوله ماز .

عباره لرده الفاظ جزله ایله الفاظ رقیقه مختلط بولنمق  
ضروری اولدیفنه کوره اوزونجه یرمقاله ویا منظومه نک صرف  
الفاظ جزله ویا صرف الفاظ رقیقه ایله ترتیبی متعسر اولدینی  
قابل انکار دکلدر . بوحالده دقت اولنه جق جهت الفاظ جزله  
مقامنده الفاظ رقیقه و بالعکس الفاظ رقیقه موقعنده الفاظ جزله  
ایراد ایدلمه مک خصوصندن عبارت اولمق لازم کلیر . بر سخنورک  
مهارتی فرصتی فوت ایتمه رک هر لفظی یرنده ایراد ایلیمک مسئله  
سنده کوریلور . مقصد سوزک هیئت عمومیه سنده جزالت ویا  
رقت کوستر مکدر . بعض الفاظک بامحل اوله رق ایرادندن، مطلوب

اولان جزالت و یارقت محتل اوله بیله جکی کچی بعضاً جزالت  
 رفته و یارقت جزالتیه مبدل ده اوله بیلیر . بو صورتده کلام  
 متکلمک مقصودینه مخالف بر نتیجه حاصل ایتمکه مستعد بولنور .  
 یینلرنده فرق جزئی بولنان الفاظک تبادل بیله جزالت و رفته  
 اجرای تأثیر ایلر . مثلاً نفعینک بر قصیده سنده واقع :

چالندی بام فلکده نفاذه دولت

پرایندی دبدیه مزده کوش ایی

ییتنده ( دبدیه ) یه بدل ( زمزمه ) کتیر لسه سوزک جزالتیه انکسار  
 کلیر . کذلک آثار کترانه مدن :

زلفده و پردیجه نسیم اهتزاز

اوستنه تتر دل ناز کترم

ییتنده ( ناز کترم ) برنده ( غمپرورم ) دینلسه سوزک رقی منکسر  
 اولور .

لفظک معنی ایله ائتلافی نه قدر یولنده اولورسه سوز او  
 درجه مکمل اولور . حتی یینلرنده تقارب ویا مترادف بولنان ایکی  
 لفظدن مقامه انسب اولان ایراد ایدلرسه کلام - ائتلاف  
 جهتیله - قیصه دار عد اولور . ایکی محرر طرفدن بر فقره  
 یازلسه ، یینلرنده کی فرق متقارب ویا مترادف اولان ایکی لفظدن  
 بری برنده . دیکری دیکرنده بولنمقدن عبارت اولسه آره لرنده  
 ائتلاف جهتیله تفاوت بولنمق ایجاب ایدر . هانکیسی انسب اولان  
 لفظی حاوی ایسه رجحان آنده قالیر . بورالرنی بیانلر قباچه تدرکه

ادبیات نامنه « لفظنه باقلماز ، معنایه باقیلیر » دیمکده معنی اولدینی  
بیله سونلر ؟ کچنلرده بر مناسبتله :

بر سانجه نك اولمی حقیله معجل  
اولغله اولور سبك مؤداسی مکمل  
دیمش ابدك . بوبارده :

سوزمیدر اول که چپ و راست دوشه منعمونی  
نیجه معنای درستی بوزه بر لفظ سقیم  
دیمش اولان نفی ایله متفقز . ائتلاف جهته التفات ایتمک  
ایستمینلر استغفالرنده اصرار ایله طور سونلر . بز لفظه ده ، معنایه ده  
لایق اولدینی قدر اهمیت و بره درک صحیحاً ادبیاتدن معدود اوله بیله جگ  
اثرلر وجوده کتیرمکه چالیشلم .

سوزك هیئت عمومیه سننده کوریه جگ جزالت و یارقنك  
منشأی معنادن عبارت اولان فکدر . بر فکریه یدانه چیقجه جنی  
وقت حالتیه مناسب کسوه ایستر . اوده لفظدر . بر کوزل نه قدر  
اویغون لباس کیرسه حسنی اودرجه رونق بولور . هنر آکا  
هانکی لباسك اك زیاده یاقیشه جفنی بیامکدر . تزیناتنك بر  
جهتده نقصان قالسه آرزو اولنان کمال رونق حصوله کلز . فکر  
اولور : کسوه سی متناسب اولدینی ایچون درجه استعدادینك  
فوقنده پارلاق کورینور . ینه فکر اولور : کسوه سننده تناسب  
اولماق جهتیله مستعد اولدینی مرتبه نظر ربا کورنمز . « قدمایه  
برو اولهلم ! » دیمك خیالزردن بیله کیمز . مقصدمن « بر فکرك

حق نیایه او ویرلی ! « دیمکدر قابل ترین اولان بر فکری  
 بچون ترین اجمه ملی ؟  
 جزالته مثال :

— مناجات —

وقت غروب حلول ایتمش . آرتق شهریار شعشعه بار نهار [°]  
 کردونه ظفر شعارندن کمال عظمت ووقار ایله اینیور . وجه رخشاننی  
 انظاردن تمان ایدن صحابه نابان آسمانده براقدیغنی مدود وزراندود  
 ایزلری محافظه ایتمکله برابر انعکاسات ارغوانی رنگ ایله آفاق مستغرق  
 انوار ایلپور . کره قر ایسه قبه فیروزه قام ایچنده معلق بر فنوس  
 زرین کپی افقده جلوه نما اولپور . برنو لطیفی چنارلر اوزربنه بی تابه  
 دوشدیکي حالده برده جهانپوش لیل طاع بشلرینی اورتورک مطمح صحریده  
 طوغری میل ایدیور .

بوساعت طبیعتک حلول ایتمکده اولان کیمه ایله تباعد ایلمکده بولندن  
 کوبدوز بیننده اکتساب شوق جدید وخالق لیل ونهاره طوغری رفع  
 روی امید ایده رنک بر لسان بلیغ ایله قدرت قاطره سنه قارشی مقبرانه  
 عرض تعظیفات مقدسه ایلدیکی ساعتدر .

کبریا گاه رحمت پناهندن آهنگ عومئ کائناتی ایستیمکده اولان خدا  
 البته بنی عظمتنه قارشی جله دن زیاده حیران ونام عالمگیرینی آکفده جبه  
 ایله یکران اولان ادراک عاجز مک زمزمه سنی ده ایشیدر . تجیلات بی نهید  
 سکا ای ذاتک ماسواسنک اصل اقدسی اولان وجود واجب ! سن که بر  
 نظره ابعاد نامتناهی بی مظاهر آتار قدرتکله مالامال ایدرین خنقین .  
 مربی عوالمسین ، روح کائناتسین آلهی !

بویله بیک نام ایله یاد اولندیغک ، هیچ برسیله ده بحق تعریف اونده مدیعت

[°] کونشدن کنایه .

حالده سکا جداً ایمان ایدنلردنم . ای حسن اتم واحسان اعظم صاحی !  
 بو ایمان دخی سکا قدیمه شایان عد اولنه حق برشی دکلدر ...  
 [ لامارتیندن ترجمه ]

## دیگر :

### — فورطنه —

افقده عظملی ، هیبتلی ایکی سحاب ظلمانی کوریورم . کیتدیکه تکائف  
 ایدیور . تکائف ایتدیکه باران دهشت یاغدیریور . بر نقطه ده طور میور .  
 آن بآن یوکسلیور . یاییلیور . یویور . کوك یوزینی قابلیور .  
 اوزافدن اوزاغه شدتلی بر کوك کورلتیسی ایشیدیورم . کره نسی  
 طالفه لاندیریور . سطوح میاهی لرزه ناک ایدیور . شو درین وادینک  
 ایچنده نه قدر یایراق کوریورسه ، جله سی لرزنده ! بویدن بویه برسیلابه  
 رعشه در آقوب کیدیور !

سلاسل جبال کدور بخش اولان آوازه هول انکیز رعدی ایستدیکی  
 کی چکهرک اورادوب کونوریور . جهان ایکله یور . بو کورلغی متعاقب  
 اورتلغی مدهش بر سکوت استیلا ایدیور . یربوزی خشیت وحیرت  
 ایچنده ظهور عاقبت کاره منتظر بولنیور .

باقکز ! عظیم طاغیر ، جسم قایالر بردن بره قویو رنک خاکستریده  
 برپرده جهانپوشه بورندی . کیتدیکه بسط اجنه ایتش اولان اوقوجه  
 بولوتلر بولتری کوزدن نهان ایلدی .

آرهلوق آرهلوق خطوط بر قیه بولوتلری شرحه شرحه ایدیور .  
 صاعقه آفاق پرطنین ایتکده اولان صیحه لرله پارلدایه پارلدایه بولوتلرک  
 آره سندن قابوب کیدیور .

کیجه پک مظلدر . کیتدیکه توسیع دائره تنور ایتکده اولان شیشکلر  
 چاقدهجه بولیه ظلمای بلادن کوندوزلر ایجاد ایدیور . کیجه رآنده  
 کوندوز اولیور . یته برآنده کوندوز کیجه کسلیور .

غرب تار یکدن فیلامقده اولان ریاح شدید یلدرم کی صحرادن  
بجرکن چیلدر مشجه سنه دونوب طولاشمه باشلیه رق یولر اوزرنده  
موجود ایزلری نابید ایلدیکی ائنده هوایه قالدردینی ریک سیاه ایله  
قارشیق موخش بر قاصیرغه تشکیل ایدیور . یکی بر قاره بولوت میدانه  
کتیرن بوکر دبادمدش دوران بقیه ضیای برقی ییده انظاردن ستر ایلپور .  
نواقیس ولوله برداز اصوات خاشعانه سیله بریشان اهالی بی بر سیل  
عظیم کی عبادتمخانه لره طوغری روان ایدیور .

یارب العالمین ! زیر قدم عزتکده منجم اولان شو قلکزده قوللریکه  
بر کره نظریور ! بر سال کمال مکافات مسامیستی سندن ایتدیور لر !  
هیها ! آتشین آسماندن یاغقده بولنان کرات منجمده ذاتا بر لره  
سرلش اولان باشاقلری ازوب محو ایدیور . رعد و روزگار بولوتلری  
یاروب بیرنیور .

زواللی چقچی کلس ، الدن کیتش اولان تارلا سنک حالی یأس و حیرتله  
تاشا ایلپور . بوداهیه مک دهشتندن بوزلش قالمش اولان جوجقلرینی  
قوجاغنه آلمش ، مشغافه باغیرنه باصبور . ییلدرمینه آتشلر صاحبور .  
آوازه هولناک ایله دوشپور . صاعقه زده اولان بوکسک طاغردن تولولات  
عظیمه ایله قوملر ، طاشلر ، قایالر ایندرمکده اولان سیلر منبت تارلاری  
چیکنه بوب کچیور . . .

[ سن لامبردن ترجمه ]

دیگر :

— نعت شریف —

باشلار لمعان ائمکه بر نیر عرفان  
هر لحظه افولن کوزه در شبیره طبعان  
اعداسنک آلچاقنی ایتدیکه نوالی  
ایلر او ضیا کستر آفاق تعالی

برق آوردی جالندن اوائی یتیم  
 اک شعشعه لی فیضی خداوند حکیم  
 بر درس ادب و پردی که اصحاب ذکایه  
 حیرت و پرر آناری فحول حکمایه  
 بر نور میندر که بو تابشکه انوار  
 بر مثنی اولسون ایده من تا ابد اطهار  
 هم صورتی هم سیرتی اولمقله مکمل  
 شایسته کورمشدر آکا پایه اول  
 فخر ایچلیسین ای شرف نا مناهی  
 زیرا سکا مظهر در او محبوب آلهی

دیگر :

— صلاح الدین ایوبی به —

شایسته تقدیسین ای مرد قدر زور  
 ایتدک اوقضاردولرین رجعتیه مجبور  
 منجه نصل ایجه لم نامکه تعظیم  
 اعدا دخی ایچشدر ایدر فضلکی تسلیم  
 تیغکله قازاندک ابدی شعشعه بر نام  
 ملت سکا دیر حشره قدر حامی اسلام  
 علویت فطریه ده انکشت تماسین  
 بکرر روشک حیدره بر شانلی قتاسین



دیگر:

— تلاطم —

تمکینی وروب جنونی آتش  
 دریا ینہ اضطرایہ طامش  
 اولش بکجه رک سکون زمانی  
 هر طالعہ سی بر جنون جهانی  
 ایتش هیماله سطح دریا  
 یسک وادی\* هولناک پیدا  
 اولقده در آن بآن سر افراز  
 هر موج عظیم دهشت انداز  
 کیدرمه ده روز کار بر فن  
 هر طالعیه بر قبا کویو کدن  
 بر آبریمه قارلی طاغ کسلش  
 هر موجه کف نثار مدهش  
 آر امر بای ناظر و ندر  
 چوق بلقه محرك الجنوندر  
 قوبشی نه در قیامت ابواه  
 تسیر ایدیور جبالی الله [۱]  
 اولقده هزار طور سیار  
 یکدیگره پیشدار و دمدار  
 ساحل کورینورمی قورقوسندن  
 کیزلندی بو طالعہ اردوسندن

---

[\*] « و سیرت الجبال » آیت کریمه سته تلججدر .

ای باد ! کسله امتداد ایت  
 آژ کلدی بو قوت اشتداد ایت  
 صوڤ شدی طورمه ایله ابراز  
 قارشیکده وارابشته پر سرانداز  
 دریا ! بنی ایله بر تماشا  
 سندن ایده جگمیرم تماشا  
 بر طامله کوزمده الک یوڤ هوج  
 ویرمز بکا قورقو بویه بیک فوج  
 بازیچه باصره مدر امواج  
 مغلوب متاعدر افواج  
 بک کوچی و داع دهر فانی  
 اولشمی حیات جاودانی  
 افتا ایله روح قورقودلار  
 طوفان ایله نوح قورقودلار

رقه مثال :

— چیچکلرم —

سویلی چیچکلر ! نه طور یورسکز ؟ بر آن اول آپیلکز ! پک  
 اختیارم . بر نفس اول آپلدیغکز ی کورمک ایسترم . همان شکفته  
 اولکز که لطافتکز صباحی بر بسم اینسون، بوی لطیفکز آقشامی تعطیر  
 ایلسون .

آچیلکز فردایه قاله جق اولور ایسه بنجه پک بچکمش اولور .  
 اختیارلره کوره هر نفس نفس واپسین صایلیر نه ییلیرسکز ! بو کون  
 سزی ابتسامه تشویق ایدن شو کونش یارین بلکه بنم تابونم اوزرینه  
 پرتو انداز اولور !

چیکر! یزم کبی سزده بلادن آزاده اوله مازسکز. مضر حیوانچقزل  
اوزرکزه اوششورلر. شدتلی روز کارلر اسر. دها نملر اولور! بن که  
یونجه سنه یا شامش بر بیر جهانیدهیم، آجله دن صولش نه قدر غنچه کوردم!  
فورحقکز، سزی قوبارم. بر سالخورده دگلییم؟ سزدن کوزل  
بر دمت یابوبده هانکی دلبره تقدیم ایده ییلیرم؟

نظریات بی قائده ایله پک بوردلدم. زیر سایه کزده اولقی اوزره آماده  
ایده جک صوک خوابکا همه چکلسه مده آرتقی خواب جاویده طالمه!  
دنیا به وداع ایده جکم ساعت یوراده، یانکزده حلول ایدر ایسه  
خطره شایب اولان رواج لطیفه کز بنی اوساعنده دخی نفه پرداز عشق  
ایده ییله جکدر...

[ برانزه دن ترجمه ]

دیگر:

— زوالی قیز —

ایچنده هیچ بر کوزل رو یا کورلک احتمالی اولیان شو مضموس  
اویقودن اویانیر اویانماز طاغ باشنه چیقهرق کونشک ایلك شعاعلرینی  
قارشیلادم.

هنوز اویقودن اویانمش بر یاورو قوشچغز نازه چیچک آجش بر  
افاحک اوزرنده حزن حزن اویوردی. او زمان بزم کوزلرم یش یله  
طولمش ابدی.

آه! نیحون والدم یوق؟ یووه سی آفاحک دالی اورته سنده آهسته  
آهسته سالانعه اولان شو قوشچغز کبی نیحون بختیار اوله میورد؟  
بر یوزنده هیچ بر شی بزم دکدر. بشیکم ییسه یوقدر. بی چاره  
وانده سی طرفندن کویمرک معبدی اوکنده کی طاشک اوزرینه بر اقلش  
زوالی بر قیزچغزم!

آماندن بابامدن آیری دوشدم. اوقشایشلرنده کی لذتی ییلیم. کوی  
چوجقزلی بکا همشیره دیملر. بونلرک اویونلرنده قایلهیم.

کیغلی جفتجی بنی کولکه لکنک آلتند اوطورمغه هم چاغیرماز .  
یانوب چیتر دامقده اولان آسمه دالترینک قارشیسند چوجقلرینی قوجاغنه  
آلهرق اوپوب اوقشادیغنی اوزاقدن سیر ایدرم .

نه یاپیم ؟ آغلايه آغلايه معبد طوغری روان اولورم . دنیاده بنم  
ایچون قبوسی آچیق بولنه یلیر . بریر وار ایسه اوراسیدر . دنیاالمیرینی  
اوزرنده حکمکه باشلادییم طاشه کوزلری دیکرم . بنی بر اقدیغنی زمان  
والده مک سریش اولدیغنی خیال ایندیکم کوز یاشلرینک اثرلرینی آدارم .  
بعض کمره ده تنها مزارلغه طوغری قوشارم . بکا مزارلرک هبسی  
بر کوربتور . بی چاره قیزجفرنه پر اوستنده آماسی باباسی اولدیغنی کبی  
پر التنده ده یوقدر !

اون درت یبار موسی بچد که بنی ترک ایتس اولان اغوشدن جدا  
اولهرق اغلایورم . والده حکم ! کل کل ! بنی بر اقدیغک طاشک اوزرنده  
سنی بکلپورم . . .

[ سومه دن برجه ]

دیگر :

— صوڪ تشبیه —

بکزه درکن دامن طاوس قدسی باله  
اش طوتارکن قامت نورسته طوی داننه  
ورد فردوس برین دیرکن عذار الیه  
از کوررکن نور اسود نامنی فرخالنه  
نقطه امید دل تعبیر ایدرکن خالنه  
ذاتک عالمده و برمرکن وجود امثالنه  
دون کیجه جانانی بکزنم باقجه حالنه  
جان بلب بر عاشقک امید استقبالنه

ديگر :

— آوجي —

قوشلرم ! مژده اوجيكنز كيديور  
 كوردى بر بشقه او شتاب ايدور  
 بر كلن يوق تباعد ايتدى كيدن  
 شمدى اهنكه باشلايك يكيكن  
 قالميدى شمدليك محل حذر  
 و بر كنز مشرئجه بر قونسر  
 ويردى مهلت زمانه بر مقدار  
 اونك اطرافى اوتديرك تكرر  
 لكن اول ظالم طمع برور  
 بورالردن يارين ايدرسه كذر

صومكر قوشغزلرم صومكر

لفظك وزن ايله اشتلافى — « ايرادى انسب اولان لفظلن  
 عدول ايله آكا بدل لفظ ديكر ايراد ايدملك » و « تقديم  
 وتأخيرده طبع سايمك تعين ايدمجي حدك خارجنه چيقلقم »  
 صورتلرينك انتفاسيه تحقيق ايدر .

ايرادى انسب اولان لفظلن عدول ايله آكا بدل لفظ  
 ديكر ايراد ايدباير ويا تقديم وتأخيرده طبع سليمك تعين  
 ايدمجي حدك خارجنه چيقيباير ايسه لفظ وزن ايله اشتلاف  
 ايتمهش اولور . ايكنجي صورت برنوع (ضعف تأليف) ديمك

اولدیفندن نظمى برنجى صورتدن زیاده معیوب کوستر .  
 بر نظمك مقبول اولماسی ایچون بو صورتلر دن برینك  
 وجودی کافیدر . ایکینسی جامع اولور ایسه بالطبع بتون بتون  
 مردود اولسی لازم کلیر . ثابتك :

کلیر بانك سقاك الله خانه مرده غدن  
 الندن ساقی کلچهره نك پیمانه دوشدکجه  
 بیتده انصب اولان ( شهید ) ه بدل ( مرده ) کتیرلمسندن ،  
 نائلی قدیمك :

خاطرده ذوق، دلده صفاءتده یوق مجال  
 ارباب غم ایرشه ده نوروزه نیلسون  
 بیتده دخی ( مجال یوق ) موقعنده ( یوق مجال ) دینلمسندن  
 اشلافه خلل کلشدر . راغب پاشانك :

کورسه اغیار ایله جاناسنی همبزم شراب  
 عاشقك باغری کبابه تب غیرتله دوز  
 بیتده ایسه ایرادی انصب اولان ( آتش ) ه بدل ( تب )  
 کتیرلمکه برابر « عاشقك باغری تب غیرتله کبابه دوز » جمله سی  
 وزنه قولملق ایچون قدیم وتأخیر حدینك خارجنه چیقلدیفندن  
 ایکی صورتله ده اشلاف مفقودر . تعیر دیکرله : عدم اشلاف  
 سیلیرینك ایکینسی ده موجوددر . بو حال ایله بیتده ( بزم ، شراب ،  
 باغر ، کباب ، دوز ) لفظلرینك اجتماعدن حصوله کلن ( مراعات نظیر )  
 صنعتك نه قدر اهمیتسز قاله جفی ایضاحدن مستغیدر .

لفظك وزن ايله كمال ائتلافي نظمك نثر دن فرق اولميه جق  
 صورتده كلقتسز اولمسيه حصوله كلير . بويولده اولان نظمك  
 نثر دن فرق يالكز موزونيت اولور حتى نثر صورتده يازيله جق  
 اولسه اوزان ايله الفتي اوليان طبيعت نظم اولديغني حس ايدمهز .  
 ايشته اصل نظم طبيعي بودر . اك لطيف شعر لر بودر لو نظم لر  
 اينجده بولور . اك كوزل فكر لر بواسلوبده منظوم اولق ايچون  
 حسرت چكر . محفوظمز اولان نمونه لر دن بعضاري ني كوسترلم :

## مصارع

نابي	يارب بو آفرين نه نوكتسز خزينته در !
»	بونشته نك - سوكي البته سر كر انلقدر
»	كنارك دلبري نازنده اولسه نازنين اولماز
»	مناسبتله اولان اقترانه مشكل ايش !
»	حرف رجا زباتم ايله آشنا دكل
»	الله صاقلسون ، بوني حساد ايشتمسون !
شيخ الاسلام يحيى	تقليد زاغ بك كخراماني كولديرر
»	آدمه جبه و دستار كراشمي و برر
»	كنخ استغما كي بر كوشه راحتى وار ؟
»	كل موسيدر دفتر و ديوانه باقلز
»	همم شهبازى آلقاقرده برواز ايتدى
شيخ عتاب	وقت شادى ده كلير موسم محنت ده بجر

»	فیض ازلی مرد کله‌داره می مخصوص ؟
ابن‌الجبار شیخ رصنا	عاشقک حال دل زارینی الله ییابر
»	خاییده سخن مرد سخندانه یاقشماز
اصولی	نازه کل یابراغیدر باد سهرردن انجینیر
»	واعظک نار جهنم دیدیکی فرقت ایش !
خیالی	جان مرغی آرمیده دکلدرد رمیده در
»	آب وهوا اولنجه بر خا کدن نه یجز ؟
واصف اندرونی	مجریدر که باران مبتلای عید قرباندر
»	بازارده کالای معارف صاتیلیری ؟
فطنت	فصل بهار مرغ خوش آوازی سویلدر
»	چشم مستک نیجه کویالری خاموش ایلر
»	بو باغک غنچه رعناسی محتاج بهار اولماز
»	بو بزمک باده نوشی مست اولور اما خراب اولماز . شیخ الاسلام بیانی
راغب پاشا	هزار احباب اولان اهل تلوندن وفا کلر
»	مروتمند اولان نا کامی دشمنه کام آلماز
جویری	عالم قاییده رسم زندگانی بویله در
»	اریاب دله ثقلت نادان نه بلادر !
»	آشنایه آشنا بیکاهیه بیکانه یز
باقی	انسان کامل اولمغه سعی ایله آدم اول



نابت	افندی! کنج بکه خدمت اظک کوچ ایش
حلیجکرای	ایل عید اکبر ایلدی بن ماتم ایلدم
لا	روز کارک اوکنه دوشمین آدم یوریلور

## ابیات

نابی	اظهار کین شعار دل زارمن دکل اغیار ایله جدال بزم کارمن دکل
راغب پاشا	نه قصر دلکش کلشن نه حصن باغ آراز شو تنکناده همان کوشه فراغ آراز
جوری	دنیایی بر صفایه ورن رند بی نوا کتر متاع ذوقی دنیایه ورمه مش
فطنت	غنائی قلبه سبب دولت قناعت ایش جهانده جای فرح کوشه فراغت ایش
نابت	میان لجه محنتده چاره سز قالدق بر آز مساعده روز کاره محتاجز
عونی بک	محیط دائره عشقندن خروج محال نه چاره قبضه تقدیر کردکارده بز
»	مهربان امورك کلامی کرچک ایش بالان دیدکلری دنیایی بویله بیلر ایدم
»	ین سنک آب حیات لبکک نشنه سی بم طالب چشمه حیوان ابد هم انسان دکل

اصحاب طبیعت کوره کمال اسلافی حاوی بر مصراع، بر بیت  
 نظم ایتمک او قدر کوچ بر شی دکدر . فقط بو طبعیلکده بش  
 بیتلی بر غزل سویلمک حقیقه مشکدر . اکثریا بویه طبعی اوله رق  
 سویلنیلن سوز وزنه کلز . وزنه کلن سوز بویه طبعی اولماز .  
 ذهنمزده کمال اسلافی حاوی اوچ درت بیتدن متشکل بر منظومه  
 آرادق . مشارالیه عونیه بکک بر نشیده سندن اولان ابیات آتیه یی  
 بوله بیلدک :

— سوز —

سوز کالبد قدر بنی آدمه جاندر  
 سوز واسطه رابطه عالمیاندر  
 سوز بر نفس سازج بی رنگدر اما  
 بر همزن صورتکده کون و مکاندر  
 یارب بونه حالت بونه تأثیر که بر سوز  
 رونق شکن معرکه سیف و سناندر  
 یارب بونه قدرت که سراپای ممالک  
 فرمانبر شمشیر جهانگیر زباند

بر نظمک بو قیلدن عد اولنسی دور اصلاح ادبیات  
 دینلمکه استحقاق کوسترن زمانمزده تجویز ایدلمه مکده اولان مسا-  
 محاندن سالم بولنسنه متوقفدر یالکر ترتیب الفاظجه اولان  
 طبعیلک کفایت ایتمز . مثلاً باقینک ضروب امثال عثمانیه صیره سینه  
 کچمش اولان :

کورەلم آینه دوران نه صورت کوسرر  
 مصراعی ترتیب الفاظ جهتیه نر کبی اولدینی حالده (کورەلم)  
 بزجه تجویز اولتمیه جق بر امالیه شامل اولدیفندن ینه بزجه  
 نظم طبیعی مثالرندن عد اولتماز .

### - استطراد -

بو مصرع زمانزده سویانلمش اولسه (کورەلم) . بدل  
 (باقلم) دینیلردی . باقی معاصرلرندن نوعینک كذلك  
 ضروب امثال عثمانیه صیره سنه کچمش اولان و یاقینک مصراعی  
 کبی امالیه اولدیفندن بزجه ده نظم طبیعی مثالرندن معدود  
 بولتان :

بر وجهه ناظرز کورەلم حق نه کوسرر  
 مصراعی ده بو مدعایی اثبات ایدر شواهد دندر .

(انتهی)

زمانزده تجویز ایدلکده اولان مسامحاته کلنجه : بولر  
 طبیعیک موانعندن معدود دکلدر . بالاده کوسریان :

کنارک دلر نازکده اولسه ، زنن اولمز  
 مصراعی بری (دلبری) ده ، دیکری (اواسه) ده اولمق اوزده  
 ایکی امالیه شامل اولدینی حالده طبیعیکدن حیقش صایله ازمز .

فیض ازلی مرد کلهداره می مخصوص؟  
 آب وهوا اولجه بر خاکدن نه بیتیز؟  
 بو خاک غنچه ره ناسی محتاج بهار اولمز

کې مصرع‌لرده کی اماله‌لرده بویه‌لدر . ( اماله ) مبحثده ایضاحات ویریه‌جکدر .

بعض اسباب وارددر که سلیقه شاعرانه‌نی ( نظم طبیعی ) دیدیکمز بو صورتدن عدوله مجبور ایدر . نثرکی یازلمغه مستعد اولان برنظمی تقدیمی ناخیرلی یازدیرر . بوحالده طبعیک ایکنجی صورتده بولور . نثرکی یازلمش اولسه طبعیکه رعایت ایدله‌مش اولور . ( قدیم - تأخیر ) مبحثده ایضاحات ویریه‌جکدر .

لفظك لفظ ایله ائتلافی — آره‌لرنده اسباق کلام جهتجه لفظك لفظ ایله ائتلافی .

آشایکی پارچه‌لرده ( ییلدیریم ) و ( تیمور ) ایله ( سهر صاعقه ) نك ، ( قولومب ) ایله ( کوکرجین ) ك ، ( نوح ) ایله ( طوفان ) ك ائتلافی اوولده‌در :

لکن ییلدیریم اقلیم عثمانی جولانه مساعد بولمیدندن اطرافنده اولان حصار انحصاری دورمکده وخارق عاده بعض اطواریک صدماتی اساس اداره‌یه خلل ویرمکده ایکن تیمور مشهور برسر صاعقه‌کی طریق استیلاسنه دنگامشدر .

[ دوراستیلا ]

فی الحقیقه مشهور قریستوف قولومبسغینه نوحدن طورراق تحریره کیدن کوکرجین کی برشدلی طوفان اعتراض آره‌سندن جیقهرق آمریقای کشف ایله عالم انسانیته یته بو عالم ایچنده برجهان دیگر الحاق ایتکه طغوزنجی عصرده موفق اولش ایدی .

[ حرری ]

شيخ غالب ييت آئیده (ياقوت) ايله (الماس) ي پارلاق  
بر صورتده تأليف ايتمشدر :

ياقوت كي شراب انكور  
الماس كي پياله نور

بالفرض :

ياقوت كي شراب انكور  
اينه كي پياله نور

ياخود :

تسليم كي شراب انكور  
الماس كي پياله نور

دبتلسه او پارلاقلق قالماز .

معناك وزن ايله ائتلافی — فكرك جريان طيعیدن  
ايه ائتلافی چي قمامسيلاه تحق ايدر .

نابتك شو يني بو ائتلافدن محرومدر :

كنار حوضده مهتابه قارشى سينه چاك اولمش  
ابدوب عكسيلاه حوضى معدن سياب لب برب

« كنار حوضده مهتابه قارشى سينه چاك اولمش » خصوصتلك  
صورده « عكسيلاه حوضى لب برب معدن سياب ايتلك » كينيئه  
تقدسى طيبي اولدوغنه كوره « كنار حوضده مهتابه قارشى سينه  
چاك اولوب عكسيلاه حوضى لب برب معدن سياب ايتمش »  
دبتلك لازم كليركن وزنك تصديقلاه « عكسيلاه حوضى لب برب

معدن سیاب ایدوب کنار حوضده مهتابه قارشى سینه چاك  
اولش « دینلمشدر .

معناك معنی  
ایله ائتلافی

معناك معنی ایله ائتلافی — بر خصوصك دیگر ایکی  
خصوصدن هر برینه مقاربتی ممکن ایکن بونلرك مناسب ویا  
انسب اولانته مقارن اولسیله تحقق ایدر .

مثال :

جهان بر تازہ رونق بولدی بر روح مصوره  
عجبمی تازہ لنسه داستان ماه کنعانی  
جهان اولدی مسلم بر جهان آراشه‌نشاهه  
بر ایتدی نه رواقی غفل کوس جهانبانی  
[ نفعی ]

ایکنجی مصراعلر یکدیگرک برینه کجیریلرک یاتلر :

جهان بر تازہ رونق بولدی بر روح مصوره  
بر ایتدی نه رواقی غفل کوس جهانبانی  
جهان اولدی مسلم بر جهان آراشه‌نشاهه  
عجبمی تازہ لنسه داستان ماه کنعانی

صورتنه قوناسه ائتلاف خلایذیر اولور . چونکه « جهان  
بر روح مصوره تازہ بر رونق بولمق » جهتیله « ماه کنعانی داستانك  
تازہ لنسی » — « جهان بر جهان آراشه‌نشاهه مسلم اولمق » منا-بتیله ده  
« کوس جهانبانی غفلنك نه رواقی بر ایتسی » اسبدر .  
کذلک شاعر مشار الیهك :

شکوه بخت و اقبالیه نازنده شهنشاهی  
کمال عدل و انصافیه پاینده جهانبانی

یعنی :

شکوه بخت و اقبالیه پاینده جهانبانی  
کمال عدل و انصافیه نازنده شهنشاهی

شکله افراغ اولنسه ینه اوقیلدن بر عدم ائتلاف پیدا اولور



حشو — اساساً ایکی نوعدر :

حشو

— حشو مفسد .

— حشو غیر مفسد .

حشو مفسد — افاده سی مقصود اولان فکری احلال ایدن  
حشودر .

حشوك بودر لوسی معنایه طوقه جفی جهته لفظ غلبه لکنندن  
عبارت قالماز . اساس مقصدی خراب ایدر سوز آره سننده  
حشو مفسد ایرادی متکلمك هاکی فکری ترویج ایتمک  
ایستدیکنی بیلمدیکنه حکم ایتدیره بیله جک بریوک قیصه اولد یغدن  
اسانده آئارنده پک نادر بولنور . بولنا لرده اک بیول آدم لرك  
بیله محطره عجیزسر اولان تأیر اتندن قور بلمغه مقتدر اوله مدقاری  
غفلته حمل اولنور . تفحینك بصوح پاشا مکتوبی وصفده کی  
قصیده سنك مطلبی اولان :

نه نامه در بوکه حسن بیان عنوانی  
ایدر کشاده دل و طبع مستمندانی

یافته واقع (عنوان) لفظی حشو مفسد عد اولته بیلیر. چونکه  
شاعرك مقصدی نامه‌ك هیئت عمومی سنی مدح اولق لازم  
کلدیکی حالد (حسن بیان) ك (عنوان) ه تخصیصی سائر  
جهتلیرنك حسن بیان مزیتیدن عاری اولدیغنی ایهام ایدیور.  
فی الواقع آلت طرفده :

نه نامه در بوکه کیف رحیق مضمونی  
ویبرر ملاحظه یه بر نشاط روحانی

دینلهر ك کیفیت تعیم ایدیلیور سده بر کره او واهمه ذهنه کلش  
بولیور . بوندن باشقه بر مکتوبك عنواننده حسن بیان تصور  
ایتمك ده بر آز غریب گورنیور. حقیقت حال شاعرك نه نامه در  
بوکه حسن بیانی، دیه جك ایکن وزن وقایه‌ك سوقیله «نه نامه در  
بوکه حسن بیان عنوانی، دیمکه لزوم کورمش اولسندن عبارتدر.  
حتی مصراع ثانیه «ایدر کشاده دل مستمندانی، ویا «ایدر  
کشاده طبع مستمندانی، دیمك کافی اولدیغنی حالد ایکیسندن برینی  
حشو غیر مفسد عد ایتدیره جك صورتده (دل) ایله (طبع) ی  
جمع ایتیمی ده اکمال وزنه مجبور بولمسننددر .

نسخه صحیحانه ك (حسن بیان عنوانی) دکل، عطف ایله  
(حسن بیان و عنوانی) اولسنه احتمال ویرمك نفینك طرز  
انشادندن تغافل ایتمك دیمك اوله جنی آریجه نظر دفته عرض  
اولنور .



(مولدین) عنوانیله یاد اولئان بلغای عربک الک مشهور -  
لرندن اولان (ابو الطیب) ک «دنیا ده موت اولمیدی شجاعتک،  
سخاوتک، صبرک مزیتی قالمادی،» [۱] قولنده کی (سخاوت) حشو  
مفسد عد اولتهرق دینلمش که :

— واقعا دنیا ده موت اولدینی تقدیرده مزیتی قالماق  
خصوصی شجاعت ایله صبره کوره طوغریدر. چونکه اولیه جکنی  
یقیناً بیلن بر آدم نزهه اولسه هجوم ایتمکدن صاقماز. گدک  
عاقبت نائل سلامت اوله جفنده شبهه ایتمن بر کیمسه اوغرادینی  
شدانده قولایقله صبر ایدر. شو حالده کړک شجاعت، کړک صبره  
مزیت ویرن شی حلول موت احتمالی اولمش اولور. اما سخاوت  
سبتله بو وجه صحیح دکدر. زیرا اولیه جک بر آدمک ایلریده  
لازم اولور ملاحظه سیله بذل مالدن توقی ایتمسی طبعی کورینور.  
بو صورتده سخاوت مزیت ویرن شی حلول موت احتمالی دکل،  
بالعکس دنیا ده خلود حالی اولق لازم کلیر،

شاعرك (سخاوت) دن مرادی (بذل نفس) اولدیتی ادعا  
ایله تأویله قانقیشانلره شویله جواب ویرلمشدر :

— اورته ده موت اولینجه بذل نفسک معناسی اهلاک

[۲] «ولا فضل فیها للشجاعة والندی - وصبر الفی لولا البقاء شعوب»  
یتنک مألیدر - بزه قالسه بوراده (فتی) لفظنکده حشو غیر مفسد  
اولدیفته قائل اولهرق (والصبر) دینلی ایدی دیر ایدک.

شابندن اولان شیلردن احتراز ایتمه مکدن عبارت قالمق ضروریدر.  
بو ایسه شجاعتنک عینیدر،

(ابن جنی) نک بو بابده درمیان ایندیکی قول محقول شو  
مأله در :

— دنیاده خلود ایله برابر عسردن یسره، شدندن رخایه  
اشغال انسانه مدار تسلی اولور. بناءً علیه سخاوتک بیوک برمزیتی  
قالماز،

دیمک ایستیور که :

— دنیاده خلودی فرض اولنان کیمسه نک بذل مال ایندیکی  
صورته دوچار اوله جنی ضرورت عالمده جاری اولان قانون  
تبدل مقتضاسنجه برزمان صکره مبدل رفاهیت اوله بیلیر، اوآدم  
ایشته بو جهتی تفکرله تسلی بولور. «شمذیک کرفتار ضرورت  
اولدم. فقط مادام که بنم ایچون اولوم یوقدر. ایلریده البته نائل  
رفاهیت اولورم» دیر. بوصورته بذل مال خصوصنده او قدر  
صعوبت قالمیه جنندن سخاوتده بیوک برمزیتده قالماز. بناءً علیه  
ابوالطلیک قولنده کی (سخاوت) لفظی حشو مفسد اولماش  
اولور.

حشو غیر مفسد — اوج نوعدر :

حشو غیر مفسد

- حشو قبیح.
- حشو ملیح.
- حشو متوسط.

حشو قبیح — زائد محض اولدیندن سوزه چرکینک و یرن  
حشو در .

حشوک بو نوعی هر نصلسه اسکی ادبامزک چوغنه کوزل  
کورنمش. اثرلرینک هانکی یاراغی آچلسه بر قاچ حشو قبیحه  
تصادف اولته یلیر. هله (زدیف مترادف) و (عطف تفسیری)  
دینیلن یوللرده ایراد اولمشلری پک چوق بولور .

بر قاچ مثال :

الی هذا الآن منتظم سلك مشهور ومسئول اولان ایام محمدي آهاری،  
عد (وشار) وهر مائه کامه سن بر قرن اولوق اوزره اعتبار و یراعه بر اعته  
بت ابدوب یرابه دست اشتهار ایشلردر\*

[نعیم تاریخی]

ملکه مرحمت واحسان موجب جلال مظاهر سلطانی و مال متعلقان  
احلاق رحمان منتهی سعادت چاودانی اوله جنی بی رب (و کبان) در .  
[عاصم تاریخی]

بو فقیر جائینک خصم جانی اولوب بی سبب ( و علت ) ناولک عزل  
و اهانت آماج و اسباب آسایش ( و راحت ) ی تاراج ایلدی .  
[اوقچی زاده منشائی]

« یوق اکر ایلمچی بکک امریه ایسه نصل لساندر ؟ یرده بونک  
رضیه حنی ایسترز » کی دیر بیجه سوزلرله بایاغی ایلمچی و ترجمانی صوچلاندیرمق  
ممکن ایکن مرام ( و مقصود ) باشقه اولدیفندن . . .  
[ما کف باشا نیرده سی]

اوقاریس نام دختر ناهید اخترک آغوشه امانت و بعد زمان بو کاره  
ابتداریه اظهار بشپانی ( و ندامت ) ایلدی .

[تله ماق ترجمه سی]

	عقد رشك ( وحسد ) یوق دلی بی باکده
نقی	اولسه نظم سلیمده عجیبی تعقید
»	سنی مدح ایتسون یا یلسون اهل دل ودانش
»	که انواع مکارمله وجودک فرد ( ویکتا ) در
	لسانم نرجان سر غیب الغیب لاهوتی
»	کتابم نسخه دیوان بر مضنون ( ومعنا ) در
	امسا که پرده دارلقی ایلر تغافل
نابی	وضع غروری شرم ( وحیا ) صورتده در
	کوستور سرگشته حال وادی وحشت هنوز
نائلی قدیم	کردباد دشت ( وصحرا ) روح مجنونی بکا
	عدویه عرصه قیلوب دسترد کرای
نابت	آکلدی غزوة خیر قدر بوقع ( وکشاد )
	حرفکیر اوله ظرافت صاعه
سنبلزاده وهی	سوزیکه کذب ( ودروغ ) ی قاعه

تفعینک قابل تنظیر اولیان قصائد بایقه سندن معدود بولان  
 ( ایلر ) قصیده سنک شو خاتمه سنه بر کره عطف نظر تنقید  
 ایدلم :

تا جلوه که رایتی خسرو انجم  
 که مملکت خاورو که باختر ایلر  
 منصور ابد هری رده خدا رایت بختن  
 تا خسرو سیاره فلکده سفر ایلر

طرزافاده به نظراً مقصد ایکیدن خالی اوله ماز : یا د کوش

گاه مشرقده ، گاه مغربده رایت نما اولدجه خدا رایت بختی  
هر یرده منصور ایده ! « ویا » کونش فلکده سفر ایندجه  
خدا رایت بختی هر یرده منصور ایده ! « دیمکن عبارت اولور .  
برنجی صورته کوره :

تا خسرو سیاره فلکده سفر ایلر [۵]

مصراع‌ی کاملاً - ایکنجی صورته کوره ایسه :

تا جلوه که رایتی خسرو انجم  
که مملکت خاورو که باختر ایلر  
یتتی طاقیله حشو قییح رنکنده کورینور . .  
دینیله بیلیر که :

— شاعرک مرادی « کونش گاه مشرقده گاه مغربده  
جلوه کر و فلکده سفر بر اولدجه . . . » دیمکدر . بو حالد  
مصراعک ویا یتک حشو اولسی محذوری بر طرف اولور ،  
جواباً دینیلیر که :

— بو صورت بالفرض قبول اولنسه مصراعک تأخیری  
خصوصی بشقهجه بر اعتراضی دعوت ایدر . « شویله اولدجه  
ویله اولسون ! » دیهرک دعای بیتردکن صکره تکرار بر  
« توقینه » ایراد ایتک قاتون بلاغتك هانکی قاعده سنه تطیق  
اولنه بیایر ؟ نفی بو قصیده بی انشاد ایدرکن :

[۵] کونش حقنده « فلکده سفر ایلر » دینیلوب دینیله میه جکی بو مجنه  
تعلق ایدر مسائلدن دکلدر .

منصور ایده هر رده خدا رایت بخت  
مصرعنه کلدیکی صیره ده اولجه :

نا جلوه که رایتی خسرو انجم  
که مملکت خاورو که باختر ایلر  
دیمش اولدینک فرقه وار میان بر ذات « نه مدنجه ؟ » ديه  
صور مامش که آهنا ايراد ایلدیکی توقیتیه بی تکرار یوللو :  
نا خسرو سیاره فلکده سفر ایلر  
دیمکه مجبور اولمش بولنسون ! مصرعنک تقدیمه امکان  
بوله رق یتلر :

نا جلوه که رایتی خسرو انجم  
که مملکت خاورو که باختر ایلر  
نا خسرو سیاره فلکده سفر ایلر  
منصور ایده هر رده خدا رایت بخت

صورتنه قونلده افادنک کسب ایده جکی طرز عجیدن  
قطع نظر ( خسرو سیاره ) تعمیر اورتده حشو قییح اولق  
اوزره قالیر . طوغریسنی سویله لم : اویله سوزلر تاویلات  
اضطراریه قیلندندر . نفمینک وجدانه مراجعت اولنسه ظن  
ایدرزکه « نا خسرو سیاره فلکده سفر ایلر » مصرعنی بر  
طولدرمق ایچون یازدیغی کتم ایتمز ،  
مشار الیهک سائر بعض قصائدینک خاتمه لری دخی بویله بی  
لزوم کلماتی حاوی اولدینی ارباب تبعه کوره محتاج اثبات دکلدیر .

حشو قیچ نثرده اقبح کورینور . بونک بونمونهنی کورمک  
ایچون کیف مانفق آجدیغمز ( تاج التواریخ ) ک شو یارچهسنه  
باقلم :

پیرون حصارده اولان سباه ظفر پناهک دست امدادی درون حصنه  
کیرن مجاهدلردن کوتاه اتمکله اول دلاورلرک جلهسی شهید و حیات دنیا  
تمتعندن ناامید اولدیغی معروض درگاه فلک اشتباه اولدقده درون اشفاق  
نمونلری حریت ایله مسوزان و آتش غضبیلری فروزان اولوب شمشر  
عدو التقاطلرن نیام انعامندن اخراج و دست کرم پیوستلری ایله گروه  
لجاج اعمارینی تاراج ایدوب ساقی تیغ آبدار ایله بالذات نیجه دیو سیرنه  
هادم اللذات حیمین ایچیردیلر و نیجه دشمن زشت اهر من سرشتی تیغ  
فی درینلرندن کچیردیلر .

بر بختیارکه شهید اولور ، البته حیات دنیا تمتعندن ناامید  
اولور . بوصورتده ( اول دلاورلرک جلهسی شهید ) دینلرکن  
صکره ( و حیات دنیا تمتعندن ناامید ) دینامک ایچوننه لزوم قالیر ؟  
« ساقی تیغ آبدار ایله بالذات نیجه دیو سیرنه هادم اللذات  
حیمین ایچیردیلر » عباره سیله « و نیجه دشمن زشت اهر من سرشتی  
تیغ فی درینلرندن کچیردیلر » فقره سی بیتنده مأله نه فرق واردر ؟  
فضولینک مشهور شکایتنامه سندن اولان سطور آیه بی ده  
کوزدن کچیره یلیرز :

طقوز افلاکه استغنا ایدرکن اوقافدن طقوز آقچه وظیفه به قناعت  
قلوب عرض آلدیم و برات ایچون درگاه عالیه ایه ارسال ایدوب مترصد  
اولدم . مدت ترصد منقضى اولدقده و ایام انتظار سر انجام بولدقده  
مبشرلرکه مژده تشریف بشارت یئوردیلر ، بکامثال میون و برات همایونی  
کشوردیلر . حلیه معارف ایله آراسته وزیر عرفان ایله پیراسته . . .

( مدت ترصد منقضى اولمق ) ایله ( ایام انتظار سر انجم بولمق ) باشقه باشقه شیلر میدر ؟

( حلیه معارف ایله آراسته و زیور عرفان ایله پیراسته ) دینیه -  
 جکنه ( حلیه معارف و عرفان ایله - یاخود : - زیور معارف و  
 عرفان ایله آراسته - ویا - پیراسته ) دینسه کفایت ایتزمی ایدی ؟  
 حشوقیه حک نژده باشلیجه منشای « طمطراقی لفظ غلبه لکنده  
 آرامق ، فکر سقیمیدر » ( اطراف و جوانب - اعتراف و اقرار -  
 الحاح و ابرام - اوقات و احیان - بدیهی و آشکار - بیع  
 و فروخت - جنک و حرب - جهل و نادانی - حرص و آز -  
 خوف و هراس - زیب و زینت - سهل و آسان - شاد و خرم  
 - صلح و آشتی - عهد و پیمان - قتل و اعدام - قدو قامت -  
 لایق و جدیر - محو و نابود - مخفی و نهان - مدح و ستایش  
 - مسکن و مأوی - معمور و آبادان - ناله و فریاد - نصیح و پند  
 - وقت و زمان - یأس و نومبدی - یغما و غارت ) کبی بر طاقم  
 ایکیز تعیرات هپ او منشادن تولد ائمه شیلردر . مکتوبنده ( غوم  
 و هموم ) تعیری استعمال ایدن برکاتبه « غوم یتشمیورمی ؟ هموم  
 نه لازم ! » دینسه نه دیر ؟ بویله تعیرلرک ( دکیز دریا - دلی دیوانه )  
 کبی تعیرلردن فرقی وار ایسه دیه جکمز یوق .

بودرلو تعیراتک اک قساری ( محو و پریشان - استیصال  
 و اضرار ) کبی برخیلری ایکنجیلرندن بتون بتون معنی اولانلریدر .  
 سجع یا یمنق داعیه سی بالاده کوستریلن فکرک تفرعاتدندر .



ویسی کبی، ترکی کبی منشیلر من سکز کله ایله افاده اولسه جق  
بر معنایه بر سجع خاطری ایچون سکز دها علاوه ایدرلر مش!  
نظمده ایسه حشو قییح ینه او فکر ایله برابر اکال وزن،  
ترویج مصراع کبی خصوصاً ندن شآت ایدر . نفی :

بوله دیوان همایونی کال رونق  
آرته کوندن کونه کیتدکجه شکوه و شای

ییتده (کوندن کونه) تعمیرندن صکره معناجه وجودینه قطعا  
لزوم کورلیه جکی محتاج ایضاح اولیان (کیتدکجه) کله سیله اکال  
وزن ایتمش. شیخ غالب کذالك اکال وزن ایچون :

غوغایه اکر دوشرسه ندیر  
ایشنه قلم ایشته نیغ و شمیر

ییتنه بر (تیغ) صوقشدرمش. [۴] ینه مشارالیه :

گاهی اوقونوردی خیر آباد  
نابی اولنوردی خبر ایله یاد  
حقا که عجیب ر اثر در  
اربابی یاننده معتبر در

[۴] سید وهیمنک :

آدم او در که ایتجه تغییر وضعی  
اقبال و بخت کندیبه یار اولش اولماش

ییتنده کی (بخت) ایله سنبلزاده وهیمنک :

عم و غم بر یاریلیر املاده  
فرق بر نقطه در انجیق ساده

ییتنده کی (ساده) دخی بو قیلدندر .

دیدکدن صکره نایینک بو اثری اختیار لغنده یازمش اولدیفی  
سویلکم ایستیه رک :

هنکام هر مده سولشدر

دیش. افاده سی مقصود اولان معنای تمامیه حاوی بولسان بو  
مصراع یالکز بر اقامق ایچون بر مصراعدها سویلکم لازم کنجه  
معنی جهتیه آنک عینی اولق اوزره :

پیر اولدینی دمده سولشدر

دیمکدن باشقه چاره بوله مامش. ( مجموعه معلم ) ده ملاحظه آیه  
درمیان ایدلش ایدی :  
شیخ خالبک :

هنکام هر مده سولشدر

پیر اولدینی دمده سولشدر [\*]

یینی هم تکرار لفظی یی، هم ده تکرار معنوی یی مشتلدر. بونده کی تکرار  
لفظی (اعاده ردیف) قاعده سته مستند ایه ده تکرار معنوی - صانیز که -  
هیچ بر فائده مبتنی دکلد. چونکه (هنکام هر مده) دیدکدن صکره  
برده (پیر اولدینی دمده) دیمکه لزوم یوقدر. (پیر اولدینی دمده) نک  
(هنکام هر مده) یی تفسیر یولو ایراد اولندی ادعا ایدیلجک اولورسه  
دینیلر که :

— تفسیرده قاعده مفسرک مفسردن مستغنی و یا بالعکس مفسرک مفسردن

[\*] مشارالیهک :

واری هله سولنلندک سوز

قالشیمی مکر دینلندک سوز

بیتی ده بوکا بکزر. مصراعلری یکمالدر.

هفتی اولماسیدر \* اولورسه ایکیسندن برینه لزوم قاللار . ظمزه کوره بوراده (هنکام هرم) (پیر اولدینی دم) ایله تفسیره حجت دکلدیر. بناء علیه تعبیر نانی (تطویل) قییلندن اولور. سزک ادعا کزه کوره محتاج اپسه او حالده دخی (پیر اولدینی دم) دنیبنجه (هنکام هرم) لزوم سز قالیر . بناء علیه یوکرده تعبیر اول تطویل قییلندن اولور . معناه بینلرنده قطعاً فرق اولیان بو تعبیرلر دن یالکز بری شیخک مرانی افاده کافاییدی .  
[انتهی]

منقح شعر سویلمک کوچ . مثلاً بر فکر اولور که اوچ مصراع ایله بلا نقصان افاده اولته یلیر . حال بو که شاعر آئی ابکی بیتلی بر قطعه یه درج ایتک ایستر . اساس فکرن خارج اوله رق سویلیله جک مصراعی نه صورتده تشکیل ایتلی که حشو ملیح و یا حشو متوسط عد اولته ییاسون ؟

نژده بویه مشکلات اولمديفنندن حشو قیچندن عاری بر صورتده یازلمی بالنسبه قولای اولدینی حالده اسکی نژلرده ینه اسکی نظم لردن زیاده حشوقیچ کوریلور . سبی ساحه نژک وسعیدر . « یازم جنم شیده المدن کلدیکی قدر صنایع بردازلق کوستره جکم . خصوصیه سجع سز هیچ بر فقره یازمامغه غیرت ایدم جکم » قرار قطعیمسله قلمی انه آلان بر نثر مقتدر نذر یازماز ؟

اوللری بر شاعر ماهرده عینیه بوفکرده بولنوردی ففظ دائرة نظمک محدودیتی ایستدیکی کبی اکنه بوینه اجالة خامه ایتمگه بالطبع مساعد بولنمازدی . بناء علیه مکلف صورتده سویاتمش بر شعرینه او بولده یازلمش بر نثره نسبتله اهون اولوردی .

مثلا نایینک بر تذکره سیله بر غزلی یان یانه کتیر لسه غزلک  
تذکره به نسبتله ساده قالدینی کوریلور. ایشته تکلفات منشیانه  
دینیان شینک نه دیمک اولدینی او زمان آکلاشیلیر .  
نرکسینک شیخ الاسلام بحی، افندی وصفده کی قصیده سندن  
اولان شو نظمی کورلسون :

اله آل نرکسیا جام صفا بیایی  
چونکه کوردنک بودم خرم و مسجت زایی  
کج اوطور مصطفیٰ عشرته جشیده اته  
کج ایدوب طرف کلاه سر استغیای  
منت اللهه که اپردک بو زمان طربه  
شکر مولابه که کوردنک بو دم زیایی  
بارک الله زهی موسم عیش ابدی  
اوحش انه خوشا وقت قدح بیایی  
اول کریم ابن کریم افضل افضل زاده  
جد بیجد ایلدی احیا اثر آبایی  
ذاتنه مجمع بحرین دیسه م ارزانی  
آنده فتویٰ اله جمع ابتدی خدا تقوایی

برده آنی تعقیب ایدن شو نرینه باقاسون :

حبذا دولت عظمای عالم و آدم که خامه حل مشکلات ملل و امم  
اول معلا جناب خجسته قدمک کف کریم عطای کهر باشنه مسلم و خلعت  
مذهب مذهب کریبان و اطلا دامن حضرت امام اعظم اول پکانه عرب و عجم

وحلال عویصات علوم وحکم حضرت تیرنگ نسچ زرین ناردغه فلم خبیسته  
رقی ایلہ مطرز و معطر .

بو نثرک او نظمی یازان قلمک اثری اولدیغه انسان کوچ  
ایسانه بیلیر . هیچ شبهه یوقدر که مرحوم اونظمی ده بو نثر قدر  
کلفتلی یازمق ایسته شد، قصیده مک بالضروره اویله ساده برسی  
اولسته نأسف ایتشد .

نظمده تنابع اضافاتک اوچدن، هله درتدن زیاده سنه نادرأ  
تصادف ایلمکده اولسی ده اوزاتک مساعده منزلکندن دگلی ؟  
اسکی ویکی بعض محرراتده کورلیدیکی وجه ایلہ ( ایسه ده )  
تعییریه امثالی متعاقب کتیریلن ادات استدراک دخی حشوک بو  
نوعندن معدود در .

مثال :

بعضاً مقدم اوله رق ایراد اولندیغی غیر مستتر ایسه ده ( لکن )  
قلیل و نادر در .

[مطول ترجمه سی]

دیگر :

شمعی به قدر علم تفسیر و منطق و دها فنون ساثره به دایر خبلی کتب  
و رسائل طبع و ندر اولمش و حتی الآن کورک در سعادت و کرک مائک  
محروسته شاهانه ک جامع لرنده اوقوغده و اوقودلغده بولمش ایسه ده  
( لکن ) بو دفعه علم کلامدن اولوب . . .

[ترجمان حقیقت]

(مجموعه معلم) ده بیان اولندیغی اوزره او تعیرلردن صکره  
ادات استدراک کتیریه من . مثلاً دپک کوزل دکل ایسه ده چرکینه ده

دکندر» دینیلیر. «بك كوزل دكل ایسه ده فقط چرکین ده دکندر» دینیله مز. ادات استدر اك کتیر یله جك ایسه عباره «بك كوزل دکندر» فقط چرکین ده دکندر» صورته قونلمق لازم کلیر. ادات تعلیل اولان (دن) ی متعاقب کتیر یله جك (بناءً علیه، بنابرین) کجی تعصیرات تعلیلیه ده بو قیلدن اولور. مثلاً «یاننده قلم بولمندیغندن بناءً علیه یازی یازمه مدی» دینیله مز. یا (بناءً علیه) سز اوله رق «یاننده قلم بولمندیغندن یازی یازمه مدی» دینیلیر یا خود عباره «یاتنده قلم بولمندی، بناءً علیه یازی یازمه مدی» شکلنه قونیلور.

حشو ملیح — سوزه کوزلاک ویرن حشو در. حشو ملیح شیخ غالبک :

ارواح که تحفه خدا در  
خائره شاه انیسادر

نعت شریفنده اصل مقصد «ارواح خائره شاه انیسادر» دیمکدن عبارت اولدینی خالده ایرادایدیان «که تحفه خدادر» ترکیب توصیفی حشر ملیح عد اولنور. ["]  
عونی بکک :

احبا شیوه یتهماده مبهوت ابلر اعدایی  
خدا کوستر مسون آتار اضحلال پر یرده

["] «الله که موجد جهاندر — ییک درلو نقابدن عیاندر»  
یتنده کی «موجد جهاندر» ترکیبی ده یونک نظیریدر.

بیتنک مصراع تائینسی تشکیل ایدن جمله دعا شده بویه در .  
اصل مقصد برنجی مصراع ایله افاده اولمش تمشدر .  
بر قاج مثال دها :

طبعنک یونماشی اهل دانش و یغشی صحیحاً وجده کتیرر بر حالت  
ایدی . مکر بو طاغک اتکلری سراپا یابان چیلکلکی ایش معیت عاجزیده  
بولشان یوز بو قدر آدم بر قاج ساعت چیلک دوشیروب بدیلر بالی بیه  
اولدی آقشام قوناق پرته یقشک اوزره بو لطیف چیلکلکی (طیوره)  
توک ایله ایلری حرکتیه مجبور اولدق .

[چودت پاشا]

مکتوبک اوزونلغنه تشکر ایدرم .

بروز غم بغیر از سایه من نیست یار من  
ولی اوهم ندارد طاقت شبای تار من  
بیتنک تصور ایندیکی لیالی نهایدیه (کولکه می یاعده بوله ماز ایکن) بکا  
یار اولدی .

[کال]

حق دافسه آ ! اوقوچه سبید بیه اُرینه یالکنز تعریفات دیش .  
تعریفات علوه دبعه مش حاصلی (برادر!) بز سفراط کی بر حکیم روسو  
کی ر ادیب اوله بیلیرز فقط ابن سینا کی ، سبید کی ، ابن کال کی ،  
هومبولد کی بر عالم کچنکه قلعیشیرو سه ق حد مرزی بیله مش اولورر .

[کذا]

(افندی!) طعن ایدنک عقلی واری مجنونه  
کروه اهل هوا ایچره بری یک دلی وار راغب باشا  
وار ایسه برهنرک (عرض ایله) اثبت ایله  
اوله ماز محض مباهات بو دعوائیه دلیل  
»  
سنی شایسته کوروبایلدی (تأیید ایله) حق  
بد اقبالکه تسلیم زمام دولت منیف

حشو متوسط — سوزه گوزللك ویرمدیکی کچی چرکیلاک ده  
ویرمین حشودر .

بر قاج مثال :

اندلسده اولان ملوک امویه اون یدی نفر ( کیمسه ) اولوب نسبیری  
کنارده تحریر اولندیغی وجه اوزره در .

[ مصائف الاخبار ترجمه ]

اکثر شبان ( سکان ) آستانه بک حالی خیلی زماندر فقدان تریمندن  
ناشی العجوبه جهان وعدم فرق شین وشا ایله حرکتلرق مطابق لعب  
صبیان اولندیغی . . .

[ شانی راده نارنجی ]

اوقوندیقه بوشعر دلپذیرم بزم عالمده  
ایدر زنده روان عرفی مرحوم ( ومغفور ) ی نفی  
( ینه ) هر نامرامک زیور دست و سیری شمعی  
کل افشان ساغر چدر در افشان تاج دارادر صبری شا کر  
زمان عیش وشادبدر دم اقبال دورانددر  
فلک هب ایتدیکی اوصاعه شمعی ( بک ) پسچانددر ریاضی  
اویان حل آلهی به قرین ایلیه من  
( دل بر عقده ایله ) کشف مزایای سخن سنلزاده وهی  
ای سر افراز جهان کیم نظر مکرمتک  
زمره اهل دلی ( قدر ایله ) ذی شان ایله جوری

جوری بیت آتیده حشو قییح ایله حشو متوسطی جمع

ایتمشدر :

بذل واحسان ( کف ) دست کریمی هر بار  
ا. بر بارانی ( غم ) رشک ایله کریان ایله



فن عروض اصطلاحاتندن اولان (حشو) (عروض) مبحثده  
کوستریله جکدر .

## اخطار

عنوانندن دخی آ کلاشیله جفی اوزره ( حشو ) دیدبکمزئی  
هر حالده اصل مقصددن خارج بوانور ؛ بر صورتده که آره دن  
چیقاریله جق اولسه اساس افاده به قطعا خال کلز . طی اولندی  
تقدیرده بیان مقصود اولان فکره هر نه صورتله اولورسه  
اواسون ایرات نقصان ایدمک شیده هیچ بروجه ایله حشو  
دینیه مز .

مثلا « اقدی کوله رک کلدی » عباره سنده ( کوله رک ) تعبیری  
حشو عد اوانه ماز . چونکه متکلم ، اندینک ساده جه کلدیکنی  
دکل ، نه حالده کلدیکنی اخبار ایتک ایستمشدر . اوتعیر طی ایدیه جک  
اولسه مقصد اخلاص ایدلش اولور . بر سوز « اقدی کدرلی  
' اولدیقنی سزدرمه مک ایچون کوله رک کلدی » صورتنده سوبایه جک  
اولسه متکلم مرادی افدینک نه ایچون کوله رک کلدیکنی بیان  
ایتک اوله جفندن « کدرلی اولدیقنی سزدرمه مک ایچون » ترکیبه ده  
حشو اه لمقدن مصون بوانور . زیرا آره دن حیقاریله جفی اواسه  
کذاک مقصده خلل کایر . سائر متممات کلام ده بونله قیاس اواسون .  
( انهی )

بواخطار حشویاتندن عد اولنمسون ! دینیه بیایرکه :

سوزی لزومی قدر سویلمایدر . زیاده سی حشواولور برسوز  
سویایه جک اولدیغمز وقت شو اوج مسئله یی نظر دفته آلمش  
بولملی یز که فصل سویلمک لازم کله جکئی بیله مم : نره ده ، کیمه ، نه  
ایچون سویلیه جکیز ؟

بالاده کی مثاللرده کوردیکمز قیدلردن هر بری لزومسز  
اوله بیلیر . « افندی کلدیمی ؟ » سؤاله - کلمش ایسه - منقح جواب  
« کلدی ، در . » کوله رک کلدی ، دکادر . اخبارورودک بوجهایله  
تقیدی برسبب تحتده اولدینی صورتده ( کوله رک ) حشواولمش  
اولور . حتی حشو مفسده اولمی ممکندر : یانکزده بولنام محترم  
برذاته افدینک بر خصوصدن طولای مکدر اوله رق کله جکئی  
خبر ویرمش اولسه کز ، دیرکن بریسی کلوب افدینک کوله رک  
کلدیکنی سزه اخبار ایله ( کوله رک ) قیدینی نابجا کورمز میسکیز ؟  
کذلک اوزاته افدینک بر موفقیت حسیله مسروراً کله جکئی  
سویلمش بولسه کز ، بخبرده « افدینک کدرلی اولدیغی سزدرمه مک  
ایچون کوله رک کلدیکنی » خبر ویرسه ( کدرلی اولدیغی سزدرمه مک  
ایچون ) قیدینی بک ف بولمازمیسکیز ؟  
جواباً دنیایر که :

( حشو ) دیدیکمز نی اساس فکره نظراً زائد کورینن لفظ  
ویا الفاظدن عبارتدر . بر آدم فکری نه ایسه آنی سوبلر . ایسته  
حشو بوسویلیشده بولنور . خارجه تعاقی یوقدر . افدینک  
کوله رک کلمسندن عبارت اولان بر فکر « افدی کوله رک کلدی ،

صورت‌نده افاده اولنورسه حشوسز برسوز سويلنلمش اولور .  
 اماخارجده (كولهرك) قیدی بی‌لوم كوريله جك ايمش . بوجهت  
 آنك حشو اولمسی ایجاب ایتمز . حشو مسئله سنده خارجدن  
 قطع نظرله يالكز فکرة باقه جنز . دیدیککز بحث دیگر در که  
 مباحث ادبیه نك اكه مهملرندن اولان (مقتضای حال) مبحثه تعلق  
 ایدر . اوراده ایضاحات ویريله جکدر ،

شوراسنی ده اخطار ایده لم که كرك شیوه لسانه ، كرك سائر  
 بعض اعتباراته عائد اولان مکرراته حشو نظريله باقیله ماز . (تکریر)  
 مبحثده ایضاحات ویريله جکدر .



تجاهل عارف - انساک برسوزی بر نکته یه مبنی حقیقت

حالی بیلیمورمش کبی سويلمسیدر .

بوکاساده جه (تجاهل) ديه بيله جکه زکی (تجاهل عارفانه) دخی  
 ديه بیایرز . بعض بیانون بواسلوبك قرآن کریمده دخی وارد  
 اولمسنه نظرآ (تجاهل) تعیرینی شایان استحسان کوره میهرک آکا  
 بدل (معلومك نکته غیر معلوم مسافه سوقی) عواتی اختیار  
 ایتشار ايسه ده بو عنوان کلفتلی اولدیغدن قبول عامه یه مظهر  
 اوله ما مشدر .

فی الحقیقه کلام اللهه نسبتله (تجاهل) تعیرینك استعمال اولنما سی  
 مقتضای کمال تأدب عد اولنور ايسه ده (تجاهل) تعیری موجود

ایکن کلام بشر حقنده دخی ذکر اولئان عنوانک استعمالسه  
 مجبوربت کوريله من (تجاهل) یاخود (تجاهل عارف) ویا (تجاهل  
 عارفانه) تعیری (معلومک لگته غیر معلوم مساقفه سوقی)  
 عنوانندن دها واضح اولمقله برابر کلام بشره کوره بو عنوانک  
 او تعیرلره بدل استعمالی برکلفت بیهوده اختیارندن عبارت قالیر.  
 اسام اولان صورت کلام الله حقنده تبجیلاً بو عنوانک، کلام بشر  
 حقنده ده تسهیلاً او تعیرلردن برینک استعمالیدر. (تجاهل عارفانه)  
 تعیری (تجاهل) تعیرندن اولی کوریلور، (تجاهل عارف) تعیری  
 ایسه ایکسینه ده ترجیح اولنور.

تجاهل عارف یک لطیف بر اسلوبدر. فقط عنوانندن دخی  
 آ کلاشیله جفی اوزره بو یولده سوز سویلیه جک آدم حقیقه عارف  
 اولمق لازم کایر. یویله اولماز ایسه آ کا (تجاهل عارف) دکل،  
 (تعارف جاهل) دیمک مناسب اولور. [۱]

تعارف جاهل ایچون بر مثال آرانیر ایسه شایان توبیخ اولان  
 بر شخصه توبیخ صورتنده «نه یاییورسکز؟» دین بر آدمه اوشخصک  
 «شکر، ای یز. سز نه یاییورسکز؟» یوللو جواب ویرمی تصور  
 اولنسون.

شیخ غالبک :

کل عارف اول که معرفت اولسون تجاهلک  
 سوزی تجاهل عارفک بر تعریف عارفانه سیدر.

[\*] (تعارف) کله سی بوراده عارفک طاسلامق معناسنده قولانادی.

تجاهل عارفده تشییط، توبیخ، تحیر، تدلّه، [ ] مدحده مبالغه  
ذمده مبالغه کبی نکته لرا اعتبار اولنور .

تنشیطه مثال :

خلفای عباسیه دن منصور وثات ایدن عجبه سی قیزی دفن اولمق  
اوزره آماده ایدیلن قبرک کنارنه کله رک جنازه نک ورودینه انتظارا کمال  
حزن ایله قعود ایتدیکی ائشاده مشاهیر ظرفای عربدن شاعر ابودلامه  
حضورنده بولنیوردی . آلدینی امر اوزرینه اوده بر طرفه اوطوردی .  
خلیفه قبری کوتره رک دیدی که :

— یا ابادلامه ! بوراسی ایچون نه حاضر لادک؟

شاعر شو جوابی وپردی :

— خلیفه نک عجبه سی قیزی !

بو جواب منصوری کولمکه مجبور ایتشدر .

قمره نک روشنندن آ کلا سلدینی وجه ایله خلیفه نک « بوراسی  
ایچون نه حاضر لادک؟ » دیمکدن مقصدی « عاقبت ترک حیات ایله  
قبره کیردبکک زمان ایشکه یارایه جق اعمال صالحه ک وارمی ؟ »  
دیمک اولدینی شاعرجه معلوم بولندینی حالده . اشارایبی تشییط  
قصیده تجاهل ایده رک بالاده کی جوابی ویره شدر .

توبیخه مثال :

اصحاب ثروتدن ساده دل بر بک اقتدی بعض ارباب هوانک اخطارات  
کنعورانه سنه قابله رق . بنشیش اولان کمریمه سنی اورو پامادموازلری  
طرزنده تریه ایتک مراقنه دوشمش ایدی . بر مریمه غریبه جاب ایدلری .  
قیزجغزه بر آرز پیانو و ساژه اوکره دلدی .

اوراقدن اوزاغده افر باسندن اولان یکریمی یکریمی ایکی یاشلارنده برکچ  
جواریدن برینک جاذبه سنه طوتلش اولدیغندن آره صیره بک افندیکن  
قوناغنه کلیردی. هر کلیشنده متعلبه نك ترقیات واقعه سنه دار پدردن  
بر حیلی ایضاحات ایشیدردی. اوصاعش ایدی. بو ایضاحاتك آره سنه  
«سی پک کوزلدر» جله سی ده قاریشیردی. غالباً بک افندی کریمه خانمی  
بو کچه تزویج ایتک تصویرنده بولنیوردی. کجک فکری ایسه باشقه  
برده ایدی.

بر آقشام کچ بنه قوناغنه گلش ایدی. بک افدینک تنسیبی اوزر بنه  
کریمه خانم پیانو آهسکیله بر شرقی سویلیدی. کچ بالطبع هم پیانو چالیشی  
هم شرقی سویلایشی تحسین ایلدی. پدر زیاده سیله نمون اولدی. حال بو که  
کریمه نك چالنی چالمسی بک مبتدیجه اولدیغی کچی صداسی ده سولیه جک  
صورنده پک اینجه ایدی.

باشقه بر کون کچ آقشام اوستی به قوناغنه کلدی. بک افندی ایله  
باغچه ده چیقديلر. کومس قارشودن کورینیوردی. قاریشیق بر سس  
ایشیدلمکه باشلادی. بک افندی یاننده بولنان کجک یوزینه باقه رق  
دیدي که :

— او نه ؟ —

کچ بر آز دیکله دکدن سکره ساده دلانه بر طور ایله شو جواجی ویردی :

— پک ای آکلایه مدم افندم ! کومسه سکسار کیرمش اولمی !

کریمه خاتمک پیانو چالهرق شرقی سویلیمکده اولدیغی کچ  
پک کوزل فرق ایتش ایدی. بک افندی یی تویسخ ایچون تجا هله  
بولدی

تجیره مثال :

بر باشقه بدیعه کوسنر هر دم عشق  
حقيله کیم اولمش کیم اولور عمرم عشق

که کلشن اولور سین دله کاهی کلشن  
جنتی جهنم میسین ای عالم عشق  
عالم عشقك جنت و یا جهنم اولدینی معلوم ایکن اظهار  
حیرت یولنده تجاهل ایدلشددر .  
تدکله مثال :

مرحبا ای طرب آباد حزین و خالی  
بر زمان اولمش ایدك یار ایله سنده همد  
اونه خوشدم، نفقدر نشوولی بر عالم ایدی  
هچبا هودت ایدر یی او زمان خرم

دیگر :

سن نصل کل طاقندك ای کلین  
رخ رنگین یار صولش ایکن  
یوقسه اول نونالك اولدیمی  
سکا حال حزینی حزن افکن  
بو ایکی مثالده مخاطب اولان (طرب آباد) ایله (کلین) ك  
حقیقتده قابل خطاب اولناملریله برابر کجهش زمانك عودت  
ایتمه چکی و رخ رنگین یارك صولسندن کلینك، متأثر اوله رق کل  
آجامسی لازم کلیه چکی معلوم ایکن ایدیان تجاهل اظهار مدهو-  
سی غرام مقصدینه مستند در .

مجنون عامرینك :

بالله سویلېك بكا ای آهوان دشت  
سز دمنی یوقسه نوع مشردنمی سودبكم

دیه ترجمه ایدیله بیان :

تَالله يا ظيَّبات القاع قلن لنا  
ليلاى منكن ام ليلى من البشر

يبتنده کي تجاهل ده بوقيلدن عد اولنه بيابر . مجنون ليلاي  
آهودن فرق ايتمه جك قدر ديوانه دکل ابدى .  
مدحده مبالغه به مثال :

آقپور نور ، کور ديكم دره دن  
آب واشجاری برق برق اولمش  
زیر وبالاسی نوره غرق اولمش  
وادی ایمن اولسون کورین

بومیدر وادی شریف طوی  
او نمایش کیم قیلاسی  
بوابه زده شمدي موساسی  
یادکسه نه در اونور هدی

توصیف اولنان دره یی — که ( نصیدین ) جوارنده در —  
مدحده مبالغه مقصیده بوبك جناب کلیم الله تجلی ء آلهی واقع  
اولان وادی مقدس اولوب اولدیغنده تردد کوستریایور .  
نفعینک ادرنه شهرینی تعریف ضمتنده سلطان احمدی توصیف  
ایدن قصیده سندن اولان شو بیتلرده دخی تجاهلاک بو درلوسی  
کوریلور :

ادرنه شهریمی بویا کلشن مأوامیدر  
آمده قصر بادشاهی جنت اعلامیدر  
یت مهمور فلکیمی اولفضاده اول سرای  
یا زمینی جنت اولمش کعبه علیامیدر



جو یلری دور ایدن طرف چنزار بن یاخود  
 مائی پرواز ایله قطع اولمش بشیل خارامیدر  
 سنر وخرم ر فضائی هر کنار جویبار  
 یامیان جوده عکس کنبد خضرامیدر  
 حفظ ایچون یاخود وجود بادشاهی جو یلر  
 پاسبان کج دولت اولمش اذدر هامیدر

بو بیتلرده شمдіکی طرز نظمہ مخالف مسامحہ لر واردر .  
 مع مافیہ ینہ او قصیدہ نک ینہ بو صنعتی مشتمل بولنان شو قطعہ سی  
 هروجه ایله غرادر :

دائما بویله مفرجی بو جای دلکش  
 هر زمان آب وهواسی بویله روح افزامیدر  
 بوقسه شمدی ایلن آب وهواسن نریت  
 آفتاب دولت شاه جهان آرامیدر

عونی بک حضرت مولانا وقبه خضرا وصفندہ کی قصیدہ  
 شریفه سندن اون ابیات آتیہ ایسه بومبجنده الک عالی منالاردن  
 عد اولنور :

بارکاه آسمانی قبه خضرامیدر  
 یا فضائی لامکانده چتر او ادنامیدر  
 شش جهتن روز شب کرویان ایلر طواف  
 مسجد اقصامیدر یا کعبه علیامیدر  
 ساحه منده روشنا قدیللری برق اوران  
 یا نجوم آسمان عالم منامیدر

بشقه بر عالمی ایجاد ایش صنع ازل  
یا معلى خوابگاه حضرت ملامیدر  
قایلادی ارض وسمایی فیضی اماحق بیلیر  
خضر فرخ بچی روح الله جانبخشامیدر

فضولی به مخصوص اولان شیوة لطیفك اك بالا نمونه لرندن  
بولان :

ماه نودر بوقسه سن قیلدقده سیر آسمان  
قالدیروب پارماق کتیرمش آسمان ایمان سکا

نعت عالیحدیه بواسلوب اوزره آسمان پیرای ادب اولمشد .  
ذمده مبالغه به مثال :

ای خسته لره چاره بولان حی مجید  
درد دله چاره بنم فوتمیدر  
بالله قاپودن کیرنججه اولدم نومید  
دوقتور می کلن یا ملک المومئیدر

زواللی خسته دوقتوری ذمده مبالغه مقصیدیه متجاهلانه  
سویشتیور .



تکلم صامت — متکلم کندی وفات ایتمش فرض تکلم تکلم صامت  
صامت ایده رک او وجه ایله سوز سویامسیدر .  
بو بولده سویلنیا سوز (کلام الصامت) تعییر اولتور .  
مثال :

## لوح مزار شاعر

اولدی جان همیزم جان دیکله م صوصسون جهان  
 کوش جانم دیکله سون آرام جام سویلسون  
 بر زمان بن سویلدم کیم ییلدی ؟ بوندن بویله ده  
 کوکلیک حالن بیقلش خاماتم سویلسون  
 مشهدم محشر کسلش ، بنده یوق سوز دن اثر  
 قصه ر تکیننی خون روام سویلسون  
 بن نهان اولدمسه آتارم نهان اولماز طورر  
 شاتمی اخلافه صیت جاوداتم سویلسون  
 بر زمان اولسون بکا لوح مزارم نرجان  
 بن بوردلدم سویلکدن نرجاتم سویلسون  
 دیگر :

مشهدمدن شوق کویکله رواندر قان هنوز  
 کورمدی تیغک بنم کعبده بر قربان هنوز  
 بر شهید دغروشام که کوش جائه  
 روح یحیادن کلیر آواز استحسان هنوز  
 دیگر :

خون جوشان شادت ایچره بن غلطان ایکن  
 سن ایدردک خنده ، قان آغلاردی شمشرک سنک

فضولینک تکلم صامت منالارندن اولان ییت آتییی مشرب  
 رندانه نی نه قدر تهیج ایدر ! :

بن خود اولدم ای تراجمدن اولان ساعر مدام  
 ریدلر بزمن کزوب بر ریتور بدن نیاز [ ]  
 [\*] ( پتور ) ابصال ایت دیکدر .

آذنه لی حتی بک افتدینک شو مطلعی ده بو اسلوب اوزره  
سویانیلن سوزلرک اک وؤثرلرندن عد اولنور :

بو شهید حکمة الروح بنی یاد ایلیک  
دوسنر ! روح شهید حکمی شاد ایلیک

هر حالده نوحات مأیوسانه جمله سندن معدود اولان ( نکلم  
صامت ) ایله اشتغال طبعه ملال کتیره جکندن مخیله نک بونکله  
اشغالی مناسب کورلر ایسه ده شوراسی ده اعتراف اولمیدرکه  
بعض احوالده انسان طبعه ذاتاً کلش اولان ملالی تعدیل ایچون  
کندینه مخصوص برلوح مزار یازمغه مجبور اوله بیایر . نه ده  
طاطلی یازیایر !

بو طرز حزین ( تکلم روح ) عنوانیه یاد اولتور . او حالده  
سوزه ( کلام الروح ) دینلیر .



قافیه — هم لفظدم معنی یاخود یالکز لفظ ویا یالکز معنی  
حسیله مختلف اولدقلری حالده مصراعرک یاخود یتلرک  
اواخرنده ویا بونلرک اواخر منزله سنده بولتان برلرده —  
تلفظه استقلال منروط اولماق وآنسغیده تعداد اولنه حق  
حروف وحرکاتدن عبارت اولق اوزره — نکرر ایدن نیئت  
مجموعیدر .

بو تعریف مغلق کوردیکی ایچون حاوی اولدینی قیوده

دائر ایضاحات آتیه‌نک اعطاسنه لزوم کور ییورز :  
 بونده کی « هم لفظ هم معنی یا خود یا لکنز لفظ و یا یالکنز معنی  
 حسیه مختام اولد قری حالد ، قیدی کی - ترر که مثلاً بر مطلقده  
 قافیه دار عد اولنه جق ایکی کله هم معنی حسیه یکدیگرک  
 عینی اوله ماز . چونکه اولیه اولدینی تقدیرده مقصد غائب ایدلمش  
 اولور . یعنی قافیه تحقق ایتز . از جمله عاکف پاشامک :

کوکل هر دلبرک مفتونی اولماز خیلی سرکشدر  
 ولی اول غمزهی فتای بیلز سین نه دلکشدر  
 مصاحی - ( کنش ) لک کرک لفظ ، کرک معنی حسیه  
 بر بردن فرقی اولدینی ایچون - قافیه سز عد اولنور . دیمک  
 اولیور که قافیه دار عد اولنه جق لفظلر یینده البته اختلافی  
 بولنه جقدر . ایشه بواختلاف اوچ درلو اولور :

۱ - هم لفظ هم معنی حسیه اختلاف .

۲ - یالکنز لفظ حسیه اختلاف .

۳ - یالکنز معنی حسیه اختلاف .

هم لفظ هم معنی معنی حسیه اختلافه مثال :

رفارینه دقت ایت نه موزون

شاعر بوکا اولسونعی مفتون

بویتده قافیه دار اولان ( موزون ) و ( مفتون ) کله لری یینده  
 هم لفظ هم معنی حسیه اختلاف واردر . یعنی ( موزون )  
 ( مفتون ) لفظاً عینی اولدینی کی معنی دخی عینی دکلدر . اکبر  
 قوافی بواسلوب اوزره واقع اولور .

یا لکنز لفظ حسیله اختلافه مثال :

سوزکله دائماً رطب اللسانم

سوزکدن قالسون خالی زبام

بویته قافیه دارا اولان ( لسان ) و ( زبان ) کله لری بری عربی ،  
دیگری فارسی اولق اوزره دیل معناسنه اولدیغدن یینلرنده  
اختلاف لفظ جهته منحصر قالیر . بواسلوب اوزره یاییلان  
قافیه لریکده سولمز . چونکه طبیعت ایکنجی قافیه ده معنای دیگر  
آرامغه میالدر .

یا لکنز معنی حسیله اختلافه مثال :

واری بر جاریه ده بویله بها

مکن اولماز بوکا تقدیر بها

بویته ( بها ) لرله برنجیسی عربی اوله رق حسن ایکنجیسی  
فارسی اوله رق قیمت دینک اولدیغدن یینلرنده یا لکنز معنی حسیله  
اختلاف بولور .

زنبار دریچه قالسون باز

دراجی صیده کلسون باز

یتی ده — بری ( آحیق ) ، دیگری ( طوفان ) معناسه  
ایکی ( باز ) ی حاوی اولدینی ایچون — بوقیلدندر . بواسلوب  
اوزره یاییله حق قوافی صنایعدن معدود اوله جغدن کلقتلی اولما مق  
سرطیله مقبول اولور .

« مصراعلرک » قبدی تعریفه مطالع و منشویات قوافیسنی  
ادخال اتمکده در . بوقید اولسه مثلاً فضولینک :

غیره ایلربی سبب یك التفات اول نوش لب  
التفات اتز بکا مطلق نه در بیلم سبب  
مطالعیه آثار کترانه مدن :

باق صنعتنه نه عالم آرا  
باق قدرتنه نه حیرت افرا  
باق ملکنه واری انتهای  
باق ذهنه صیغاری کویاسی

متوینک قافیه لری تعریفدن خارج قالیردی .  
« یاخودی تارک » قیدی تعریفی غزل لک . قصیده لک ، رباعیلرک  
مطالعنندن ماعدا بیتلریله قطعه لک ابیاتنه شامل قیلمقده در .  
بوقید اولسه مثلاً فضونینک بالاده کی مطلعندن صکره کلن :

حوری کوکلدر چکن کوزدر کورن زخساری  
الله الله کام آلان کچدر چکن کچدر تعب  
بیتیه نفعینک بر قصیده سنده کی :

آفرین ای علم افراخته سردار دلیر  
صفدر قلعه کشاصف شکن کشور کبر  
مطلعنی تعقیب ایدن .

فتح خیبر اوله لی ایله مشدر کیسه  
زوربارو ایله بر بویه حصاری تسخیر  
بیتک و آثار کترانه مدن :

یک باقه عبا پوش تن کترمه  
باق چشم خردله فکر جانپورومه

جعفر کی جو فی ذوالجناحین اولهـم

مستظهرم اللهم پیغمبرمه

رباعیسنک بیت ثانیسیله :

ایستم اسمک کی ذاتکده ده

معنی علویت اولسون منجلی

شتمیدن نقش ایت شو پندی قلبکه

ساده اسمک اولسون اوغلم علی

قطعه سنک قافیه لرینه تعریفک شمولی اولمازدی .

« و یا بونلرک او آخری منزله سنده بولنان یرلرده ، قیدی

کندیلرینی ردیف تعقیب ایدن قافیه لرک تعریفه دخولی ایچوندور .

مثلا :

التفات ایلر الیهوه کاهی کوزلرک

بن دخی آنلردنم کورسون الیهی کوزلرک

مطالعنه باقیدیمزده مصراعلرک آخرلرنده ( کوزلرک ) ی کوردرز .

اگر تعریف ذکر اولنان قیدی حاوی بولنسه قافیه یی بونلرده

آرامه من لازم کلیردی . حال بوکه قافیه بونلرده دکل ، بونلرک

تعقیب ایتدیکی ( کاهی ) ایله ( الیه ) ده در . ( کوزلرک ) ردیفدر .

( کاهی ) ایله ( الیه ) حقیقتده بو مصراعلرک آخری دکل ایسه ده

قافیه نظرآ آخری منزله سنده در .

« تلفظده استقلالی مشروط اولماق اوزره ، قیدی تعریفدن

ردیفی اخراج ایدر . چونکه یوقاریده کورلدیکی اوزره قافیه

اولق احتمالی اولبان ردیف دائماً تلفظده مستقل اولور .



« آشاغیده تعداد اولنه جق حروف و حرکاتدن عبارت اولوق  
اوزره، قیدی (لزوم مالایلزم) یا خود (اعنات) و یا (قافیه مقیده)  
دینیلن صنعتی اجرا یولنده التزام اولسان حروف و حرکاتدن  
احترازه مبتیدر. مثلا :

بکسان نظرمدہ صیف و سرما

اندوه ایسه اسم بی معنی

شوریده نشوۂ شبابم

اولمازسه ده باغ نزهت افزا

فکرم یتیشیر بکا طربزا

مستغنی نفهۂ ربایم

نظمندہ (سرما) ایله (سما) ده کی (م) لر، (شباب) ایله (رباب) -  
ده کی برنجی (ب) لر، (نزهت افزا) ایله (لر بزا) ده کی (ز) لر التزام  
اولتمسده قافیه به خلل کلزدی. از جمله آنک آلت طرفی اولان  
شو پارچه ده (خنده) ایله (سختده) دن ماعدا یرلرده اعناته رعایت  
اولنماش ایکن قافیه محتل اولماشدر :

کوکلمده صفا دهندہ خنده

مزوج ایکی خنده بر سختندہ

یاعده اوکل بدن خرامان

بر نازه بهار وار که بندہ

یوق پیکده بری آنک چندہ

بیپوده نه فخر ایدر کلستان

« تکرر ایدن، قیدی دخی تکرر سز قافیه متحقق اوله میه جفتی  
کوستر . (فرد) یا خود (مفرد) تمیز اولنان :

یوری دریا دل اولوب ایله تحمل یوقسه  
روزگارک اوکنه دوشمین آدم یوریلور

کبی غیر مُصرَع بیتارده قافیه یوقدر .  
حروف ' قافیه

شمدی یوقاریده « آشاغیده تعداد اولنه جق، دیدیکمز  
حروف و حرکاتک نهلردن عبارت اولدیغی کورهلم :  
قول مشهوره کوره حروف قافیه طقوز در :

- روی .
- تأسیس .
- دخیل .
- ردیف .
- فید .
- وصل .
- خروج .
- مزید .
- نازره .

روی — قافیه نك حرف اصلی اخیری اولان و یا حرف  
اصلی اخیری منزله سنده بولان حرفدر .

بر حرفك قافیه حرف اصلی اخیر منزله سنده بولنسی ایکی  
صورتله اوله بیایر : یا تکلفسز اوله رق حرف اصلی اخیر  
منزله سنده بولنور یا خود تکلفله او منزله ده بولندیر بلور . تکلفله  
او منزله ده بولندیر یله جق حرف ایسه کله نك یا وسطنه و یا  
آخرینه کلیر .

شو افاده نك نتیجه سنه نظراً رویده درت احتمال اولش  
اولور .

۱ - حرف اصلیٰ اخیر اولق .

۲ - تکلفسز اوله رق حرف اصلیٰ اخیر منزله سنده بولنش حرف  
اولق .

۳ - تکلفله وسط کلمه ده حرف اصلیٰ اخیر منزله سنده بولندیرلش  
حرف اولق .

۴ - تکلفله آخر کلمه ده حرف اصلیٰ اخیر منزله سنده بولندیرلش  
حرف اولق .

بو احتمالاتی امثله ایله ایضاح ایدلم :

روینك حرف اصلیٰ اخیر اولسنه مثال :

کورديكى بو دامكهده آزاد  
بر دامك اسیری صید و صیاد

بو بیتده حرف اصلیٰ اخیر اولان روی (د) حرفیدر .

طبعمه كه ذوق وشوق تام ایت  
مفتون خرامكم خرام ایت

بیتده ایسه (م) حرفیدر .

روینك تکلفسز اوله رق حرف اصلیٰ اخیر منزله سنده  
بولنش حرف اولسنه مثال :

مژكاتی كه نیم جنبش ایلر  
بك چند بلا غایش ایلر

شیخ غالب

بو بیتده (جنبش) اماله (نمایش) ده کی (ش) لر حرف

اصلی اولدقلری حالده تکلفسز اولار ق حرف اصلیٰ اخیر

منزله سنده بولنشلردر . حقیقیده ( جنبش ) ده حرف اصلی  
اخیر ( ب ) اولدینی کبی ( نمایش ) دده ( ی ) در .

بویله اولان حرفه « غیر مشهور ترکیب » دینیلیرکه بر کله  
ایله برلکده استعمالی کثیر اولمق جهتیله نفس کلمه دن کبی کورینور .  
تعبیر دیگرله : سطحی بر نظر آئی کلمه نك حروف اصلیه سندن  
ظن ایدر . حال بوکه دکلدر .

بودرلو حرفلر یکقافیه اولان قیسه منظومه لرده بردفمه دن  
زیاده روی یاپلماملیدر . قصیده کبی یکقافیه اولان اوزون  
منظومه لرده یاپلمق لازم کلیرسه باری یکدیگره تقریب ایدلیهرک  
یدی بیت فاصله ایله کتیرلملیدر . هر حالده یاپلمامسی اولادر .

( جويا ، زیبا ) کبی صفت مشبهه لرده بویله در . مثلاً بریتک  
برنجی مصراعی ( جويا ) ، ایکنجیسی ( زیبا ) ایله نهایت بولسه  
قافیه تحقیق ایتمز یعنی بیت قافیه سز عد اولنور . مع مافیه بونلردن  
برنجیسی ( جويا ) ، ایکنجیسی ( بویا ) اولسه قافیه متحقق اولور .  
چونکه ایکسینده ده حرف اصلی اخیر ( ی ) در . بوندن  
طولاییدرکه ضیا پاشامک :

ظن ایتکه آژ مایش ایتش

اهل هنره نمایش ایتش

یتی شیخ غالبک بالاده کی ییتنه قیاس اولنه ماز .  
روبنک تکلفله وسط کلمه ده حرف اصلی اخیر منزله سنده  
بولندیرلش حرف اولسنه مثال :

دیدیلر : موسم سرماده چیقاری اودن

هوس صید ایله هیچ اولیان آدم کودن

بویٹک برنجی مصراعنده روی ( او ) ك حرف اصلی  
اخیر اولان واوی اعتبار اولندینی صورتده ایکنجی مصراعنده  
( بون ) دیمك اولان ( کودن ) ك واوی حرف اصلی اخیر  
منزله‌سنده بولندیرلش اولور .

روینك تكلفله آخر کله ده حرف اصلی اخیر منزله‌سنده  
بولندیرلش حرف اولسنه مثال :

اقتدار ایلر بونکله که بز

مستغیض مائر عربز

بویٹک برنجی مصراعنده حرف اصلی اخیر ( ز ) اولایی  
حالده ایکنجی مصراعنده ( عربز ) تعیرنده کی ( ز ) حرف  
اصلی اخیر منزله‌سنده بولندیرلشد .

بو اسلوب اوزره یا ییله‌جق قافیله‌لرک حکمی دخی یوقاریده  
» روینك تكلفسز اوله‌رق حرف اصلی اخیر منزله‌سنده بولمنش  
حرف اولسی « مبحثده کوستریلن وجه اوزره درکه یکفایه  
اولان منظومه‌لرده بردقمه‌دن زیاده ایراد اولنسی مقبول دکلد .  
منظومه‌لرده اوزوناهی حیله ایرادی اقتضا ایدرسه کذاک بدی  
یت فاصله ایله کتیرلاید . هر حالده کتیرله‌می اولادر .  
اساتذه اونه‌دن بری بورالره دقت ایتشلردر . ملا  
ضمیمه :

اسدی نسیم نویار آجادی کالر صجدم

مصراعبله مصدر اولان قصیده سنک قافیه لرینی کوزدن  
کجیره جک اولسه ق :

سن برشه ذی شانسین شاهنشاه دورانسین  
یعنی که سن خاقانسین دورکده بن خاقانیم [۱]

ییتدن بشقه بالجله ایباتنک رویلرینی حرف اصلی<sup>۱</sup> اخیر  
اولق اوزره بولورز . دیمک که قصیده ده یالکز بودفعه اوله رق  
غیر اصلی بر حرفی روی یامش . بونده ایسه بالاده کوسترلدیکی  
وجه ایله باس یوقدر .  
مشار الیه :

سفر مبارک اوله ای خدیو فرخ دم  
مصراعبله مصدر اولان قصیده سنده بویه ایکی روی ایراد  
ایتمشدر . فقط آره لرنده یکرمی ییتدن زیاده فاصله واردر .  
بورایه قدر ویریلن ایضاحاتدن آکلاشامش اولمایدیره روح  
قافیه اولان روینک قوافیده تکراری وجوب تحتنده در . قافیه دار  
اولا ایات و مصارعه ده روی یالکز بر حرف اولور . بشقه  
حرف اوله ماز .

---

[۱] بویتمده کی ( ذی شانسین ، دورانسین ، خاقانسین ) مدلری —  
( اماله ) مجتمده بیان اولنه جغنی اوزره — عیوب شعردن معدود در .  
( خاقانیم ) ده کی صورتک تلفظ ایسه زما عزده قبول اولنه بیلیر بر شبیه  
عجمانه دکلدر . شمعی طوغری عد اولنان تلفظ یانک کسریله ( خاقانیم )  
دیمکله حصوله کلیر .

تأسیس — روی ایله یینلرنده بر حرف متحرك بولتان  
الفدر .

تأسیس

مثلا :

افکارم اگرچه نظمه مائل  
حالم دکل انتظامی قابل  
ییتده ( مائل ) ایله ( قابل ) ده کوربان الفلر تأسیسدرکه  
بولرله روی اولان ( ل ) لر ییتده متحرك ( ء ) ایله ( ب )  
بولئیور .

ابیات آتیهدده دخی تأسیسه رعایت اولمشدر :

مادام که دلیر آمده حاضر  
موقعده در احسن المناظر  
محسود عوالم اولدی حالم  
قارشیده خلاصة العوالم  
بولنشوة حسن وعشق جامع  
آفشامه قلیر ایسه که نه مانع

قافیه مؤسسه قافیه نك بو درلوسنه ( قافیه مؤسسه ) دینایر . فضولینك :

بت نورسم نمازه شب وروز راغب اونش  
بویه دیندر الله الله بته سجده واجب اولمش

مضاعلی غزلنده سراپا قافیه مؤسسه التزام ایدلمشدر . باقی درت  
ییتك قافیه لر شونلر در : جاذب ، کاتب ، غائب ، طالع .

طباع سلیمه نك شهادتیه ثابت اولدینی اوزره تأسیس ترینات  
شعریه دن معدود اولمقله برابر واجب الالتزام دكلدر . عدم  
الترامندن قافیه نقیصه دار اولماز . بناءً علیه صنایع جمله سندن  
عد اولنور .

ینه مشارالیهك :

بئی ذکر ایتمز ایل افسانه مجنونه مائلدر  
نه بکزر اول بکا دردی آنك درمائی قابلدر  
مطلع مؤسسنی تعقیب ایدن اییادن یالکنر شو ییتده تأسیسه  
رعایت اولنماشدر :

نه مشکل حالی اولسه عاشقك معشوق ایدر چاره  
کر اول بی درد بیتلز سه بو حالی حال منکدر  
ایران شعراسیله اوزان وقوافیده آنلره تبصیت کوسترمش  
اولان عثمانلی شاعرلری بالاده بیان اولندینی اوزره تأسیسه رعایتی  
لوازم قافیه دن عد ایتیمور لر ایسده مولانا جامی کبی بعض  
افاضلك افاده لرندن فصحای عربك تأسیسی التزام ایلدکری  
آکلاشیلور . فی الحقیقه ( متنبی ) نك اییات آتیه سی کبی  
مصادف نظر عاجزانه من اولان بعض اشعار عربیه دخی بو  
مدعاك صحته دلالت ایتمکده در :

قبالت مایینی و بین احبئی  
من البعد مایینی و بین المصائب  
کنیر حیاة المره مثل قلبها  
زول و باقی عمره مثل ذاهب



الى لعمري قصد كل هجيه  
كأن هجيت في عيون العجائب

تأسیس ایله روی ییتنده بولته جق حرف متحرک (خاور،  
یاور) کی بر جنسدن اولسی شرط دکلدرد  
دخیل — تأسیس ایله روی ییتنده بولنان حرفدر .

دخیل

اولدقجه زمان زمان مصادف  
حیرانم اولور نگاه عارف

ییتنده کی (مصادف) ک دالی ایله (عارف) ک راسی کی ،  
بعضل « رویلر متحرک اولدینی وقت دخیلارک اختلاف  
حرکاتنده بآس یوقدر ، دیرلر و منلا (کاتبه) ایله (معاتبه) نک  
قافیه یابلمسنی مجویز ایدرلر ایسه ده بو صورت آهنگه ولو کلی  
اولسون خال ویره جکندن عدم جوارینک ترجیحی دها زیاده  
موافق طبع کورینور .

ردف — آرهلرنده بر حرف متحرک بولنماق اوزره رویدن  
اول واقع اولان الف یا خود ماقبلی مضموم و اوسا کنه و یا ماقبلی  
مکسور یاه ساکنه در .

ردف

بو تعریفه نظراً ردف ایکی نوع اولمق لازم کلیر: برنجیمی  
روی ایله بینلرنده نه منحرک نه ساکن هیچ ر حرف بولنمایدرد .

کوکلیجه تبسم اولدی محتاد  
چشمده جهان تبسم آباد

و :

ای صنع صفا فرای همچون  
دل اولدی نزلکله عنون

و :

حاکم: ساده شکل کرده ظریف  
مسکن: خوش مقام کرده لطیف

یا تارنده اولدینی کبی .

ایکنجیسی بینلرنده بر حرف ساکن بولناندر . (باقه) ایله  
(ناقه) ، (سوخته) ایله (دوخته) ، (بیخته) ایله (ریخته) کبی .  
قافیه بالنسبه آز قوللانیلیر .

ایکنجی صورتده آرده بولنان حرف ساکنه (ردف زائد) ،  
الف و یا واوه یا خود یاه دخی (ردف اصلی) نامی و یر یایر .

مطلقا ردفی مشتمل اولان قافیه به (مردف) و (قافیه مردفه)  
دینیلیر . قافیه الف و یا واو یا خود یادن عبارت یالکز بر ردفی  
مشتمل ایسه (ردف مفرد ایله مردف) ، هم ردف زائدی همده  
ردف اصلی بی محتوی ایسه (ردف مرکب ایله مردف) عنوانی آلیر .

ایران و روم شعرا سنک رأینه کوره قوافیده علی الاطلاق  
ردفک تکراری واجبدر . عرب شاعر لری ایسه واو ایله یاده  
اختلاف ردفی نجویز ایدر لر . مثلا (امور) ایله (امیر) ی قافیه  
یابار لر . بو یولده قوافی اشعار عریده پک جوقدر . از جمله  
(کعب بن زهیر) له (رضی الله تعالی عنه) حضور اقدس نبویه  
الشاد ایتیش اولدینی مشهور قصبده بابغه ذکر اولسان اسلوب

تقفیه نك شواهدندن معدود در . نمونه اولقی اوزره ایکی یتسی  
ایراد ایده لم :

انیئت ان رسول الله او عدنی  
والعفو عند رسول الله مأمول  
لا تأخذنی باقوال الوشاة ولم  
اذنب وان كثرت فی الاقاویل

فارسیده اولدینی کی لسانمز ده دخی بو صورتک اجراسنه  
قطعا جواز ویریه من .  
قید — رد فدن باشقه اوله رق روینک بلا فاصله ماقبلنده  
بولنان حرف سا کندر .

قید

سنین بو کون ای مشرف القرش  
جنتلرک اورتیه سنده بر عرش

و :

ترك حقیقت ایمن اولمازی پست  
اولپان النسانی حقیقت پرست

و :

کوهرمی آزار دگیلدر عیب  
دل کندی ابکن خریفه العیب

یتلرنده کی (ر، س، ی) حرفلری کی .

(بزم و رزم . شمع و جمع، درد و مرد، مهر و سپهر، میل و نیل،  
نغز و مغز) طرزنده کی قافیه لر هب بو قیلددر .

اکثر فصحا قوافیده قیدک تکرارینی واجب عدابدلر .

قابوسندن چیقوب همان شهرک

اولدی تازم وینجه برنهرک

یستده اولدینی کبی که قیدلرک ایکیسی ده (ه) حرفیدر. فی الحقیقه  
( نرم و نرم ) قیلندن اولان کلهلرک قافیه یابلمسی آز چوق سلامتی  
حائر بولنان طبعه خوش کلز . عزت ملانک :

اولوب مال قارون اسانده خرج

قیلنمش ترائی جواهرله منج

یاتی بو یولده در .

قیدک اختلافی تجویز ایدنلر قید اوله جق حرفلر ییننده قرب  
مخجج بولنمسی شرط ایتمشدر . بونلره کوره مثلاً ( بحر ) ایله  
( شهر )، ( وحی ) ایله ( نهی ) قافیه اوله بیلیر . قول اول موجبجه  
قیدک اتحادی اسلم اولدیغنده شبهه یوقدر .

مبحثده کورلدیکی وجه ایله جمهوره کوره ( ردف ) الف و یا  
ماقبلی مضموم و او ساکنه یا خود ماقبلی مکسور یادن، تعیردیکرله:  
حروف مددن عبارت ایسه ده بعضار بوتی و روینک بلا فاصله  
ما قبلنده بولسان حرف ساکن و دیه تعریف ایتمشدر . بوقوله  
نظراً قید ردفده داخل اولمش اوله رق ( قید ) تعیرینک استعمالنه  
احتیاج قالمش اولور .

وصل

وصل - روی پی متعاقب کلن حرفدر :

اولفدہ نکاہ بی قرارم  
جوش آور طبع جذبہ دارم

پیتندہ کی (م) لر کبی .

قوافیدہ وصلک تکراری واجبدر .

خروج - وصلی متعاقب کلن حرفدر :

خروج

مست اولور هر کیم که سیر ایلر شرای رنکی  
رقص ایدر هر کیم که دیکلر دلقرب آهنگی

پیتندہ کی (ی) لر کبی

قوافیدہ خروجک تکراری واجبدر .

مزید - خروجی متعاقب کلن حرفدر :

مزید

زمانر سخن افروزیدر زبانرک  
زمانر حکم آموزیدر زمانرک

پیتندہ کی (ک) لر کبی .

قوافیدہ مزیدک تکراری واجبدر

ناثرہ - مزیدی متعاقب کلن بر ویا بردن زیادہ حرفدر .

ناثرہ

اکثریا بر اولور :

شائندہ ہشیارلر مستیکرہ

کندکر دشمسکر ہستیکرہ

پیتندہ کی (ہ) لر کبی .

قوافیدہ ناثرہ مک دخی تکراری واجبدر .

بورایه قدر تعداد اولتان حروف تسعه دن (روی) اساس قافیه  
 لولمق اوزره نظر دفته آندینی حالده باقی سکر حرفدن (تأسیس،  
 دخیل، ردف، قید) دینیلن در دینک رویدن اول، (وصل، خروج،  
 مزید، نأثره) دینیلن دیگر در دینک دخی رویدن سکره واقع  
 اولدینی کوریلور. دیمک که بو طقوز حرفک بر قافیهده اجتماعی  
 لازم کلسه روی بونلردن دردی صاغنده، دردی صولنده اولدینی  
 حالده اورتهده بولنه جق.

### ملاحظه مخصوصه

ظن عاجزانه مزه کوره (روی) دن سکره هر نه کلیرسه  
 (ردیف) عد اولمق اولادر.

بو صورت قبول ای دیله رک بالاده کوردیکمز درت مثاله کی  
 (م) لر، (کی) لر، (مزک) لر، (یکزه) لر کی روی به الحاق اولتان  
 شیر (ردیف) نامیله یاد اولدینی تقدیرده (وصل، خروج، مزید،  
 نأثره) تعبیرلرندن هیچ برینک استعمالنه احتیاج قالمیهرق کلفت بر  
 طرف ایلمش اولور.

(ردف) ک (قیده) دخی شامل اولان سالف الذکره روینک  
 بلا فاصله ماقبلنده بولتان حرف ساکن، تعریفی قبول ایلدیکی  
 حالده ایسه (قید) تعبیرینک استعمالندن ده حاصل اوله جفتدن  
 میدانده یالکز (روی، تأسیس، دخیل، ردف) تعبیرلری قالدیهرق  
 حروف قافیه مسئله سی دهها زیاده ساده لشیر.

ردیف

مع هذا (حرکات قافیه) مبحثیه سائر بعض مباحثه لزومی  
 اوله جفتدن (وصل، خروج، مزید، نائره) تعمیر لری اونیو تمامی بز.  
 قدما (ردیف) ی صور مختلفه ده، حتی ایچندن بیقیله میه جق  
 صور نلرده تعریف ایتمشدر. بواشکال (وصل، خروج، مزید،  
 نائره) اعتبارندن ایلری کلمشدر. یوقاریده ترجیح ایتک ایستدیکمز  
 رأیه کوره ایسه مسئله ده بیهوده ذهن یوره جق هیچ بر جهت  
 قالماز، بناءً علیه (ردیف) شویله تعریف اولئور:

— مصراعلرک یا خود بیتلرک او اخیرنده روی بی متعاقب عیناً  
 تکرر ایدن بر ویا بردن زیاده شی،

بو تعریفده کی (شی) تعمیر بر حرف یا خود بر کلمه دن عبارت  
 اولان ردیفله شاملدر. تعدد صورتلری ایسه ویا بردن زیاده،  
 قیدیه تعریفه ادخال ایدلمشدر.  
 مختلف ردیف مثاللری.

بر صفا بخش ایدلم کل شو دل ناشاد (ه)  
 کیده لم سرو روانم یوری سعد آباد (ه) ندیم

—  
 قاشلرین بالاده سیر این رخلرین کور ریر (ده)  
 قبل عاشا خلدی زیر سایه شمشیر (ده) وله

—  
 حلاوتیاب اولوری نعمت الوان دنیا (دن)  
 دهن شوی اولیانلر بوس دامن مدارا (دن) راغب ناشا

زیارت ایلدم بر تارپاک خرقه پیری  
 کوزل اکراملر کوردوم حنیف نکتته پیرا (دن)  
 علامتدر ایدر ابصال بزم قریه اسراری  
 بو کون سر رشته کیردی دسته دامان ملا (دن) اسرارده

ایدر از بر پری صورت کوزل (ر)  
 غدای روحدر نازه غزل (ر)  
 نوحی

امید و یمن بکا یارب فراغ (و بر)  
 جان و جهانی تر نه ایده جگ بر دماغ (و بر)  
 نائلی قدیم

کیمسه ادراک اجمدی معناسی دعوا (مزک)  
 بز دخی حیرانیز دعوی بی معنا (مزک)  
 عوفی بک

شاخ کلدۀ زاله دوشمش غنچه زیا (میدر)  
 شاه النده یا مرصع سحر صهبا (میدر)  
 باقی

کیتدی باشکدن کوکل اول سرو قدک سایه سی  
 آغلاکیم ادباره تبدیل اولدی اقبال (نه سنک)  
 تیز چکمز سین جفا تیغن بی اولدر مکه  
 اولدیر بر کون بی آخر بو اهمال (ک سنک)  
 فضولی

حیرت ای بت صورتک کور کده لال (ایلر بی)  
 صورت حام کورن صورت خیال (ایلر بی)  
 وله



کبار بسنه زبان غرور اهنس طوقه لم  
 بوره کز درده هزاران سلام (آلیر بولنور)  
 زبون بولوب بزی پامال جور ایدنلردن  
 برای غیرت حق انتقام (آلیر بولنور)

تانی

عید ایرشسون باعث شوق جدید (اولسونده کور)  
 سیر سعد آبادی سن بر کره عید (اولسونده کور)

ندیم

کل سولشه لم جله بکن دملری جانا  
 حیرانکه ابکم (دیر ایدش شمدی نه دیر سین)  
 کوردکی نه در عاقبت جنت نخوت  
 اول کیه آدم (دیر ایدش شمدی نه دیر سین)

سامی

صفا (ی عشق کیم آ کلار کیمکله سولشه لم)  
 وفا (ی عشق کیم آ کلار کیمکله سولشه لم)

لا

مردف  
 ردیفلی شعره (مردف) تعیر اولنور، شعر مردف ایران  
 و روم شعراسنه مخصوصدر. فصیحای عرب ردیفه اعتبار ایتمز لر.  
 حقیقت حالده شعر مردفک حلاوتی انکار اولنه ماز، فقط  
 شوراسی ده اعتراف اولنمیلدر که ردیفسز شعر سوبامکده ردیفلی  
 شعر سوبامکدن زیاده صعوبت حسن اولنور. بونک سببی سائر  
 ایضاحات لازمه ایله برابر (غزل) میبشده بیان اولنه جقدر.

[انهمی]

## حرکات قافیه

## حرکات قافیه آلتیدر :

- رَس .
- اشباع .
- حذو .
- توجیه .
- مجری .
- نفاذ .

## رَس — تأسیس ماقباندہ کی حرکہ در :

معرفت انتقائہ تابعدر

مشتربسز متاع ضایعدر

یتبدہ (تابع) دہ کی (ت) ایلہ (ضایع) دہ کی (ض) ک فتحہ لری کجی .  
الک ماقبلندہ باشفہ درلو حرکہ بوانہ میہ جفتدن رس منحصرأ  
فتحہ اولور .

قوافیدہ تأسیس بکرر ابتدجہ رسک دخی تکرری طیبیدر .  
تأسیسی حروف قافیه دن عد ایتینار رسی دخی بالطبع  
حرکات قافیه دن عد ایتزلر .

اشباع — وصلی مشتمل اولان قوافیدہ دخیلک حرکہ سیدر . اشباع  
بویله اولان دخیلدہ حرکات ملانہ بوانہ بیلیر .  
فتحہ به مثال :

مسند اجلانک رفعت برادنی بایه سی

در کہ اقبالنک دوات قدیمی چا کری

بادۂ ادراکک توحید سر جوش نجی

ساقی اندیشہ مک تحقیق درد ساعری

نفعی

کسر به مثال :

آصف خان اجد فازی وزیر بی نظیر  
 کیم رفاه کونه باعثدر وجود نافی  
 صاحب الحیرات ابراهیم پاشا کیم اودر  
 آسمان بر وجودك آفتاب لامی

سامی

ضمه به مثال :

کو کلم یو بور تعظیمکدن  
 بر جوش اولیور تلاطمکدن

اصحاب اعتنا اشباعك اختلافی عیوب قافیه دن عدا بدر لر .  
 مثلا (ساعری) ایله (شاعری) و (تأخر) کبی گله لر ی  
 قافیه یاماز لر . (دخیل) مبحثده بیان اولندی بی اوزره طبیعت  
 اوفق اولان ده بودر .

حدو — ردف وقیدك ما قبلنده کی حرکه در :

کائناته خانه بیرون اولده ایت برالتفات

شکل اسانی به کیرمش روح کورسون کائنات

ییتده کی (ف) ایله (ن) ك فتحه سی ،

پیش چشمده در اول چند جهانکبر هنوز

کوش جانمده در اول غفل تکبیر هنوز

ییتده کی (ك) ایله (ب) نك کسر به سی ،

کوکلرده کزن او بال منقوش

بر کون اوله حق زمینه مفروش

بیستده کی (ق) ایله (ر) مك ضمه سی و :

بویله یر نغمه دن کیم اولاز مست  
بونه سسدر دکلکی بامک الست

بیستده کی (م) ایله (ل) ك فتحه سی کی .

بو مثاللرده اولدینی وجه ایله روی ساکی بولندینی وقت  
قوافیده حذوك تکراری واجبدر . مثلا ( دیر ) ایله ( دیر ) ،  
( عون ) ایله ( خون ) ، ( شهر ) ایله ( مهر ) قافیه اوله ماز .  
روی متحرك اولدیی رمان ایسه بعض قدما حذوك اختلافی  
نجویز ایشلر ، ( بسته ) ایله ( شسته ) کی کله لری قافیه یامیشلر  
ایسه ده بوکا دخی جواز ویرله مک اولادر .  
بو اختلافی نجویز ابدنلر و قیدک ردفه تبدیلی لازم کله مک ،  
شرطیله ایدرلر . مثلا ( دیری ) ایله ( پیری ) آملرجه ده قافیه  
اوله ماز .

توجیه — تأسیسی مشتمل اولایان قوافیده علی الاطلاق  
رویک ما قبلنده کی حرکه در .

توجیه حرکات ثلاثه دن اوله سیلیر .  
فتحیه مثال :

حالم قالیر اورنه سده ارزن  
حولانکهی بویله ایسترم ن

کسره یه مثال :

بر آریجه قارلی طاغ کسلش

هر موجه کف نثار مدهش

ضمیمه به مثال :

سکا دوشمز بو اعتلا ای کل

اورادن دوش که رشکه دوشدی کوکل

بو مثاللارده کورلدیکی اوزره روی ساکن بولندینی وقت

توجیهک تکراری واجبدر . مثلاً ( الکن ) ایله ( ممکن ) قاقیه  
اوله ماز .

متحرک اولدینی زمان توجیهک اختلافی تجویز ایدنلر

وارددر . مثلاً ( مشتری ) ایله ( سامری ) و ( عنصری ) یی  
قافیه یاپارلر . اندرونی واصفک شو بایاغی یاتلرنده کی توجیه  
بو قیلنددر :

کشورسان بلاغت بر فضای معرکه

اول فضائک ماطقه م بردای دال حجری

عرفا آئدم عرفیدن میدان نظمی شاعران

شاه عرفانم رکامده بورلر هر بری

بوکا دخی جواز ویرلمه مک اولادر .

مجرى — روینک حرکه سیدر

ی

باقدقجه او منع بر کاله

شاهین قضا کلیر خیاله

یائنده ( ل ) لرك فتحه سی ،

عشقک او نوای دلنشین

رقصان ایدپور موحدینی

پیتنده ( ن ) لړك كسره سى كې .

قوافیده مجرائك تکراری واجبدر .

نفاذ

نفاذ — وصلك حرکه سیدر .

دوشدم سقوط ېړك خزان بوللو راهكه

ېړكره باق شو منتظر نظره خواهكه

و :

كورمه جانېلر كې لایق بكا عدوانكى

ېرجنایت ایتدم ایتدسه اعلا شانكى

پیتلرنده ( ك ) لړك فتحه وكسره سى كې .

خروج ایله مزېدك ، حتى ( متحركى بولنورسه ) نأړه نك

حرکه سى ده بوبام ایله یاداوانور .

قوافیده نفاذك تکراری دخی واجبدر .

بالاده ذكراولنان حرکات قافیه ایچون شوېله برخلاصه یابه :

رس : { صنایع — منافع .

آذرى — خاورى .

نائلې — مائلې .

تغافلک — تجاهلاك .

اشباع :

کار - بار .		
تیر - میر .	حدو :	
نور - مور .		
رَنَك - تَنَك .		
بن - سن .		
مشتهر - مفتخر .	توجیہ :	
گل - مل .		
تَنَه - زَنَه .		
زمانی - مکانی .	مجری :	
قلبنہ - جلبنہ .		
عزیمی - جزیمی .		
آکرک - شاکرک .	نفاد :	
پشایکترہ - ہشایکترہ .		
روی ایکی نوعدر :	ع روی	

— روی مقید .

— روی مطلق

ی مقید      روی مقید - وصالہ عدم اتصال حبیبہ ساکی اولان  
رویدر .

مثال :

روحجنش اولدی مسیحا صفت انقاس بهار  
آجدیلر دیدهلرین خواب عدمدن ازهار  
روی مطلق — وصله اتصال حسیله متحرک اولان رویدر. روی مطلق  
مثال :

هر حباب اشکبه برعکس صامش بیکرم  
شاه ملک محتم طوعش جهانی لشکرم  
فصلی  
تقطع اعتبارایله قافیه بش نوعدر :  
تقطع اعتبارایله  
قافیه نك انواعی

— مترادف .

— متواتر .

— متدارک .

— مزاکب .

— متکاف .

قافیه مترادف — تقطیع حسیله آخرنده فاصله سزایی قافیه مترادفه  
حرف ساکن بولان قافیه در .

مثال :

اولجه برده رانداز بطره چشم شهود  
کوریدی آیه دلده جهره مقصود

سامی

قافیه متواتره — تقطیع حسیله آخرنده اولان حرف قافیه متواتره



ساکن ایله آکا تقدم ایدن دیگر حرف ساکن بیتده برحرف  
متحرکدن باشقه شی بولمیان قافیه در .

مثال :

زهی سمند ملایم که حسن رفتاری  
اونودیرر دل عشاقه جلوه یاری  
نفعی

یة متدارکه قافیه متدارکه -- تقطیع حسیله آخرنده اولان حرف  
ساکن ایله آکا تقدم ایدن دیگر حرف ساکن بیتده ایکی حرف  
متحرک بولنان قافیه در .

مثال :

هرکوردن عیب ایندی آب دیده کریانمی  
ایلدم تحقیق کورمش کیسه یوق جانامی

فضولی

یة متراکه قافیه متراکه -- تقطیع حسیله آخرنده اولان حرف  
ساکن ایله آکا تقدم ایدن دیگر حرف ساکن بیتده اوج  
حرف متحرک بولنان قافیه در .

مثال :

جان ورر آدمه اندیشه مهیای عدم  
جوهر چایمی عجب جوهر مینای عدم

حاکف پاشا

دیگر :

او خداوند هنر برور جنکاور کم  
منحصر دولتنه زینت نبغ وقلم

او یکنه سبه انداز ظفر یاورکم  
جند ارواح و ملائکه در آکا خیل وحشم

نقی

قافیه متکافیه - تقطیع حسیله آخرنده اولان حرف قافیه متکافیه ساکن ایله آکا تقدم ایدن دیگر حرف ساکن بیتده درت حرف متحرك بولان قافیه در .

درت حرکه مک تماقيله تقیل اوله جنی درکار بولان بونوع قافیه اولانک مساعد سز لکندن طولانی - بالالتزام یا پلمازسه - همان هیچ بولمیه جق درجده آذرر مثلا (کله مه مش) ایله (چله مه مش) وزنه صوقيله بیلسه قافیه متکافیه ایچون بر مثال اولور .

قافیه مک ذکر اولان بش نوعی تعیین خصوصنده اک زیاده دقت اولنه جق جهت تقطیع حسیله ساقط اولان حرفلری حسابیه قائما مقدر . مثلا (ایده مه مش) ایله (کیده مه مش) قافیه اولاق لارم کلسه (تقطیع) مبحثنده بیان اولنه جنی وجه ایله انشای تقطیعده حروف املا ساقط اوله جفتندن الیه یا لکزر (ا د م ن) حرفلری نالیر . بونلرک اخیری اولان (تس) دن ماعداسی ایسه متحرك تولد یفتندن قافیه ده (تکافوس) تحقق ایتمش اولور .

عیوب ملقبه  
قافیه

عیوب ملقبه قافیه درتندر .

- سناد .

- اقوا .

- اکفا .

- ایطا .

سناد — ردفك اختلافیدر .

سناد

( زار ) ایله ( زیر ) و ( زور ) ، ( مار ) ایله ( میر ) و ( مور ) کبی .

اقوا — حذو وتوجیهك اختلافیدر .

اقوا

( دُور ) ایله ( دُور ) ، ( دَرْد ) ایله ( دَرْد ) ، ( کُل ) ایله ( کُل ) کبی .

اکفا — روینك ینلرنده قرب مخرج اولان دیـکـر بر حرفه تبدیلیدر .

اکفا

( صباح ) ایله ( سپاه ) ، ( احتیاط ) ایله ( اعتماد ) کبی .

عربی حروف ایله فارسی حروفی قافیه ده جمع ایتک ده اکفاییلنددر . مثلا ( طرب ) ایله ( چپ ) ، ( حـك ) ایله ( رگ ) ، ( خواجه ) ایله ( سراچه ) قافیه اوله ماز .

بك چوق شاعرلرمز زیاده سیله شایان دقت اولان بو خصوصدن ذهول ایتمشلردر . از جمله ( خرابات ) مقدمه سنده :

لابقی که شاعرم دین ذات

فرق اتجه مخرج حروفات

بیورمش اولان خیا پاشایه اوراده شویتلری یازمشدر :

اولدی شعراسی بونلرك هب

تریب حروف ایله مرتب

—

سائر لسن عتیقه مک هب

معقولاتی اولور مرتب

—

لکن بویله اثرلرین هپ  
اخلاق عمومه صائمه مکتب

ابکار معانی مرتب  
صف صف دیز یلیر حضورینه هپ

تعقید و رکیکه اوغراماز هیچ  
ایلر او قود قجه طبعی ته هیچ

لطائفدن اولوق اوزره عرض ایدهلم که :  
شاعر دقایق شناس عونى بك مرحومه بر کون پاشانك بو  
یتى اخطار ایله ( هیچ ایله ) ( هیچ ) ك قافیه اولوب اوله میه جفتی  
سؤال ایندك . بلا تأمل شو جوابی و یردی :  
— ( هیچ ) ایله ( هیچ ) قافیه اوله بیلیر .  
بر آز دوشوندکن صکره ده عزت ملانك ( محنت کشان ) ندن  
اولوق اوزره بیت آتی بی او قودی :

آنك کلدی دهره فرزندى هیچ  
ایدردی بنی اکبر بولسه هیچ

ملانك شوققیه سنه دیه جك یوق ایسه دهینه ( محنت کشان ) ده  
مندرج بولتان :

مقدر اعش دیکله دك اوج کیچه  
او اوج کیچه دن کور مدم کوچ کیچه

پیتند عیب اکفاموجوددز. چونکه (اوج) فارسی جیم ایله  
اولدینی حالده (کوچ) عربی جیم ایله در.

ایطاً — قافیه مک بر معاده اوله رق عیناً تکراریدر.

اکثر شمرا مطالعک برنجی ویا ایکنجی مصراعنده کی قافیه یی  
مطلعه اولمانی شرطیله تکرار باس کورمیه رک نجویز ایشملر،  
حتی بوکا (ردّ مطلع) نامیله برده سوس ویرمشلر در.

عثمانی شاعرلری بو تعیری اکثریت اوزره غزل نهایتند  
مطلعک برنجی ویا ایکنجی مصراعنی عیناً ناده خصوصند استعمال  
ایدرلر.

برنجی به منال :

جوی کوستردی به آینه وش روی کلی  
بخیه مهر آجدی هبجون شانه زلف سنبل  
شویه کلشن برطرب بکم کوشلر فرق انلر  
قهقههای خنده کلدن نوای بلبل  
ایلمش کویا که حق ایجاد جسم نازکن  
ایلبوب آبخنه بوی کله رنگ ملی  
کلین حسنک کورن سنبل هوای کلشن  
ار مشکین وش طغند قیجه نسیم اول کا کلی  
نازه معنی روعا نظم سلیسکده (ندیم)  
جوی کوستردی به آینه وش روی کلی

ایکنجی به مثال :

بر شکر خنده یله بزم شوقه جام ایتدک بنی  
 نیم صون بیانه بی ساقی تمام ایتدک بنی  
 شعله سرو آسا جیقار خاکدن اولر لرده کیم  
 بایمال تو سن آتخیرام ایتدک بنی  
 نکهت کیسو ابله کلدک زه آه ای نسیم  
 طره سنبل صفت آشفته کام ایتدک بنی  
 جلوه حسنگله هر مویم پری خیز اولمده  
 عشق ابله سر تا قدم آینه جام ایتدک  
 بویله سرمست خراب ایته ( ندیم ) زاریکی  
 نیم صون بیانه بی ساقی تمام ایتدک بنی

ندیم :

اول پری وش عاشقه رام اولسه ده مانع دکل  
 کوندوزین اولمازسه آقشام اولسه ده مانع دکل  
 مطاعتک مصراع نایسنی دخی غزلک نهایتده :  
 بک او مار تشریفکی عیدک ایکنجی کون ندیم  
 کوندوزین اولمازسه آقشام اولسه ده مانع دکل  
 صورتنده اعاده ایتشدرد .

رد مطالعک مقبولینی اعاده اولناس مصراعلرک بر جسته  
 اولسیله منروطدر . کویا که شاعر مطالعک بر مصراعنی بک  
 مطبوع بولدینی ایچون تکرارنده بی اختیار قالیر .

بویله اولیوبده مصراعك اعاده سی تنکی قافیه دن طولایی  
 بر طولدر مق کبی بر مقصده مبنی اولور سه پك صوغق دوشر .  
 رد مطلع بر مصراعك ایکی دفعه تضمینی دیمك اولدیغندن  
 کورل اولدینی صورتده صنایعدن عد اولور . عکسی حالده  
 شاعر ك عجزیه برهان اوله بیایر .

یالکز قافیه یی تکرار مصراع برجسته اعاده سی کبی لطافت  
 شعره مدار اوله میه جفندن طبع سلیم بونك اجرا سندن ابا ایتسه  
 بمجادر .

#### ایطاء ایکی نوعدر :

- ایطاء جلی .
- ایطاء خفی .

ایطاء جلی

ایطاء جلی - تکراری پك ظاهر اولان ایطادر .  
 ( فسونکر ) ایله ( ستمکر ) ، ( نیکوتر ) ایله ( زیباز ) کبی .  
 قافیه ده بره عاده اوله رق تکرار ایدن کله لر ، کله لرک اواخریه  
 مطر دآ لاحق اولان حرف لر هب ایطاء حلی صایایر . قطعاً بویله  
 شیر اوزرینه قافیه بنا ایدلمه مایدر .

#### برقاچ مال دها .

- آنق - آلق
- آن - آلان
- کیمک - کلک
- کبدن - کن

- چنلر - چنکار
- صفات - کائنات
- معلمین - موحدين
- زرین - سبین
- خندان - کریان
- یاران - خوبان

برغزلده بویولده آنجق قافیه ایراد اولنه بیایر . ایات آنیه نك  
 قافیه لری ایچنده جمع الف نونیه اولان یالکر (کلرخان) در :

کلیر لطافت آلیر هر جهان خیالمدن  
 بکیر ترف قارایر آسمان خیالمدن  
 اوکتمسون اوقدر و سعتیه بی جادر  
 کورنمسون صیقلیر پلامکان خیالمدن  
 سرور ایچنده دخی برملال حس ایدرم  
 مهار کاسه ده کیتیز خزان خیالمدن  
 طبیعت باقه لم هانکیکرله اکلنه جک  
 برر برر بکک ای کلرخان خیالمدن

نونده بؤس یوقدر . ناپینک شوغزلده ایسه ( یاران . بردان ،  
 باشکان ، خوان ) هب ( کلرخان ) قیاندندر . بناء علیه معیوب  
 عد اوئور :

جمع اولدی بوم صحبتیه یاران برر برر  
 جام آدری دست عشرت بردان برر برر  
 ای رهرو اول اورا هکدردن کرر رای  
 جمع اولدی کوه عشقه بلنکان برر برر



اولدی چکان ینه قطرات شراب سرخ  
مانند سالک دانهٔ مرجان برر برر  
دار الشفای وصلی ایتدی کشاده یار  
بیمار هجره ایلدی درمان برر برر  
نابی خیال ماه رخاں طولدی سینه به  
کویا که کلدی مکتبه خوبان برر برر

قصیده ده بویه ایکی، نهایت اوج قافیه ایرادینه جواز واردر،  
فقط بالاده سویلندیکی اوزره آره لرندنه یدیشر بیت قدر فاصله  
بولنق شرطیله .

نقی برقصیده سنک ابتداسی اولان آناغیکی بیتلرده بو افاده به  
مخالف اوله رق (اختران) ایله (کروبیان) ی تقرین اتمشدر:

بارك الله ای بهشت آباد وی رشك جهان  
صانك الله ای سرای دلکشا و دلعتان  
سدهٔ بایله باینده اساس کائنات  
طرح مطبوعیله نازنده زمین و آسمان  
کورمه مشدر چرخ چارمله بهشتی سیرابدن  
بویه بر روشن مقام و بویه برخرم مکان  
درکه دولتنهای متجای خاص وعام  
خاك پاك آستانی بوسه جای انس و جان  
طره طاق و رواق همسر ذات البروج  
سایهٔ سقف بلندی خوابگاه اختران

پیش درگاهنده برپایه نشینان ذاک  
زیر ایوانده پرواز ایتمده کرویان  
ندیم دخی برتاریخنده شواوچ بیتی متوالیاً ایراد ایلمشدر:

یتو بو سانه بو سرمایه اقبال کیم آنده  
هلال عز و دولت بدر تابان اولدی برکونده  
که یعنی نجل عالیشانی ابراهیم پاشانک  
وزارت برجنه مهر در خشان اولدی برکونده  
وزارتله اولوب داماد مرآت سعادتن  
ایکی رخساره شادی ایمان اولدی برکونده

بین الشعرا مشهور اولدینی اوزره کرک جمع اداتی ، کرک  
صفت مشبهه علامتی او'ل(ان) ی مشتمل بولنان قافیه لره (شایگان) قافیه شایگان  
عنوانی ویریا برسه ده حقیقتده بو عنوان او ایکی صورته مخصوص  
دکلدر، علی الاطلاق ایطاء جلی بی محتوی بولنان قافیه لره (شایگان) ایطاء خفی  
تعبیر اولتور . هر حانده بردن زیاده سی ایراد ایدلمه مک اولادر .  
ایطاء خفی - تکراری پک ظاهر اولمیان ایطادر .  
( آب ) ایله ( خرناب ) و ( گلاب ) کبی .  
نفعی برقصیده سنده :

رنک لفظ و نکمت معنای نظم یا که  
نوله المرسه حسدرنک کل و بوی کلاب

بیتی متعاقب :

بر کستاندر قصیده‌م کیم صفا و برمش آکا  
بو نشاط انگیز و جانپور غزل مانند آب

یبتی اراد ایله ایطاء خفی ایچون بر مثال پیدا ایلمشدر .  
مشار الیهک دیگر بر قصیده‌سندن اولان ایات آتیه‌ده کی  
(سیراب) ایله (آب) ده دخی ایطاء خفی جلیدر :

خاڭ بر مرتبه کرم اولدی که دوران ایده‌مر  
نیجه طوقان ایله برزده غبارین سیراب  
دوکیلن خاکه بو فصل ایچره دکلدن باران  
خوی فشان اوله‌ده در تاب غوز ایله سحراب  
بو یله کرماده که درباری خشک ایتدی هوا  
کوهدن ظاهر و جاری اولانی صائمکر آب  
جلیسندن خفیمی اهون عد اولنان ایطا هر نصل اولسه  
طبع سایمه :

اولش اما اولمیدی کاشکی

دیدیرر :

عیوب غیر ملقبه قافیه چوقدر .  
روینک بر برده متحرک، دیگر برده ساکن اولمی بوجه‌دندر.  
اندرونی واصفک :

عیوب غیر  
ملقبه قافیه

کلدی خروش وجوشه ینه دلده آب عشق  
ایتدی اساس صبر و شکبی خراب عشق

مطلعنده (آب) ایله (خراب) کسره اضاقله متحرک بولنیور.  
حال بو که :

فیض موثرات خواص آز موده در  
واصف ایدرسه نوله کر شیخی شاب عشق

مقطعنده (شاب) ساکن اولق لازم کلیور .

ایران مشاهیر شعرا سنک آ نارنده ده بویه شیلره تصادف  
اولته بیلیر . عید زاکا نینک اک زیاده :

فرض خدا و قرض خلائی بکردنم  
آیا ادای فرض کنم یا ادای قرض

بتی شهرت بولمش اولان :

مردم بعیش خوشدل ومن مبتلای قرض  
هر کس بکار وباری ومن در بلای قرض

مطلعلی غزل هزل آمیزنده کی :

مردم زدست قرض کریزان ومن همی  
خواهم پس از نماز و دعا از خدای قرض

و :

عرضم چو آب روی کدایان بیاد رقت  
از بس که خواستم ز در هر کدای قرض  
یتلرنده (خدای) (کدای) ک اضاقتدن اقطاعی بوقیلندرنه .

خواجه حافظك :

صلاح كار بجا ومن خراب بجا  
بين تفاوت ره كز بجاست تا بجا

مطلعه ده دخی بو تقیصه موجود در . چونکه روی اولان (ب) لردن  
برنجیسی ساکن اولدینی حالمه ایکنجیسی متحرک در .

ابن الفارضك :

ولوان ما بی بالجبال وکان طو -  
رسینا بها قبل التجلی لدکت

ییتنده کوردیگی وجه ایله شعرای عرب مصراعلر ییتنده برکله بی  
ایکی به بولمکده باس کورمز لر . بو کیفیت قافیده واقع اوله حق  
اولورسه لسانمزده عیوب غیر ملقبه دن عدا اولور . فارسیده دخی  
بوکا جواز ویرلیور ابلهده حضرت مولانا نك :

عائل آن باشد که عرت کیرد از -  
مرئ یران در بلای محترز

ییتنده اولدینی کبی ادواتك داخل اولدیمی کلماتدن تفریق اولندینی  
وارد در . عید زاکانینک بالاده کوستریان ییتلرندن برنده (همی) -  
نك (خواهم) دن تفریق ده بویلددر . بو صورت دخی پک جرکین  
دوشه چکدن لسانمزده تجویز اولمه ماز .

فردوسینك :

میا زار موری که دانه کنست  
که جان دارد و جان شیرین خوشست

بیتمده اولدینی کبی شعرای عجم قوافیده و او معدوله ناک ما قبلنده  
بولان ضمه آلود فتحه بی فتحه صریحه ایله جمع ایدر لر . شیخ  
سعدینک :

یکی آنکه در نفس خود بین مباش  
دگر آنکه در خلق بد بین مباش

بیتمده بو یولده در . بز ایسه و ضمه آلود ، دیدیکمز فتحه بی قافاجه  
ضمه دینیه جک بر صورتده تلفظ ایتمکده اولدیمزدن بونک فتحه  
صریحه ایله جمعنی جائز کورده میز . مع مافیه (خوان) و (خویش)  
قیلندن اولان کله لرده کی واولری قافیه خصوصنده شعرای عجم کبی  
کآن لم یکن عد ایلرز . مثلاً ( یار بخوان ) ایله ( بی درمان ) ی ،  
( خویش ) ایله ( پیش ) ی قافیه یابه بیلیرز .

تغییر املا خصوصی دخی عیوب غیر ملقبه قافیه دندر .  
( وطن ) ایله قافیه اولمق ایچون ، اوتان ) ی ( اوطن ) صورتنده  
یازمق کبی . خطاب یا خود اضافت کافی نونه و بالعکس نونی خطاب  
یا خو اضافت قافیه تبدیل ایتمکده بونوعه ملحقدر نورس قدیم :

چوقدن حصولنی کوردهم مدعالتک  
تأثیری نده ضدینه دوشدی دعالتک

مطلعی غزلنده ایراد ایتدیکی :

ای ساکنان بزم وطن یاد ایدنه کهی  
غربت اسیری درد و بلا مبتلالتک

بیتده قاعده ( مبتلارین ) یازمسی لازم کلیرکن غزلک ایسات  
سائر سیله توافق املاحصولی ایجون مساحه (مبتلارک) یازمشدر.  
اندرونی واصفک :

ای معینه منت ایله یانعسه الدن  
اربات خرابات یقلسون تلندن

مطالعنده کی (الدن) لک (الکدن) صورتنده یازلمسی لازم که جکی ده  
محتاج ایضاح دکدر .

شیخ غالبک نشیده آتیه سنده کی ( نشانک ) دخی ( سن )  
صورتنده یازلق اقتضا ایدردی :

بر شعله سی وار که شمع جاک  
فلوسنه صیمراز آسمانک  
بو سینه برق آشیانک  
سینا دخی کورمه مش نشانک

افروخته عنایتکدر

خطاب کافیله اضافت کافک جعنده باس یوقدر  
منال :

ای باغی شکوفه آفرینک  
کلبی یارادر طورر زمینک

عیوب غیر ملقبه قافیه مبحنده سوزی بوندن زیاده اوزاعق  
ایسته میورز . باقیسنی حسن طبیعت حواله ایرز . ذاتاً حسن  
طبیعت اولمیتجه قافیه نک لزومی قالماز .

قافیه برده شویله تقسیم اولنور :

— معمول .

— غیر معمول .

قافیه معموله — بعض تصرفات ایله قافیه اولمغه صالح اولاندیر. قافیه معموله  
بو تصرفات ایکی لفظی ترکیب ویا لفظی تجزیه دن عبارت  
اولمق اوزره ایکی صورتده اولور .  
نقصینک :

فکر یز منجوندیر آینه طبعده یا  
عکس نقش کارگاه عالم بالامیدر  
سوزتوکندی نیجه بردعوی شعر و شاعری  
لاف و دعوی بر طرف شمدی دماهنکامیدر

یتلرنده (م) روی ، (پدر) ردیف اعتبار اولندیی صورتده  
(بالا) (م) ایله ترکیب ایدلمش اولهجنی کبی (ا) روی ، (میدر)  
ردیف اعتبار اولندیی صورتده دخی (هنکام) تجزیه فیانمش اولور.  
برنجی صورتده کوره (بالا) (میدر) ک میمنی آلهرق (بالام) شکلنه  
کیرمکله (هنکام) ، ایکنجی صورتده کوره (هنکام) میمنی (پدر) .  
ویره رک (هنکا) شکلنده قالمقله (بالا) به قافیه اوله بیایر  
باقینک :

صوکی زنجیرلر طوتماز دل دیوانه می  
حاصلی آواره ک وقتی بهار ابامیدر



دهره مفتون اوله ای باقی فلک رام اولدی طوت  
بی وفا دنیا هله بن بیلدیکم دبیامیدر

یتلرنده ده حال بویله در .

کرك نفعی، كرك باقی بالاده کی یتلری حاوی اولان نشیده لرنده  
النی روی اعتبار ایتشلر ایسه ده بترکیب و تجزیه بر یرده مثال  
کوسترمش اولقی ایچون میمل ده روی اولسنه احتمال و یردک .  
مشار الیهمانک اعتبارلری وجه ایله بو احتمالی و یرمه مش اولدق  
یا لکن تجزیه برر مثال کوسترمش اولوردق چونکه او حالده  
(بالا) و (دنیا) ک (میدر) که میمهله ترکیبی تصوردن خارج قالیردی .  
قوافی معموله ایطاء جلی قیاندن عد اولنه جق صورته  
تکثیر ایدله مایدرد .

بوراده ده بعض ایضاحات ویرلسه بلکه قائده دن خالی  
اولمازدی ، فقط قافیه مبحثی همان لزومندن زیاده عد اولنه جق  
درجه لرده اوزاتمش اولماق ایچون صرف نظر ایلدک .

معموله قافیه غیر معموله — نصرفسز اوله رق قافیه اونغه صالح  
اولاندرد .

مثال :

هوا عرائس کلزاره اولدی جهیره کشا  
بهار گلشنه کیدردی حله خضرا فغنولی

نفعی نك ایله باقینک بوقاریده کوریایی یتلرنده روی (۱) اعتبار

اولندینی تقدیرده (بالا) و (دنیا)، (م) اعتبار اولندینی تقدیرده

ایسه، هنکام) و (ایام) قافیه غیر معموله اولمش اولور .

ذوقافیتین

ذوقافیتین - ایکی قافیه‌لی شعر در .

ذوقافیتین ایکی نوعدر :

- متقرن .

- محجوب .

متقرن

متقرن - قافیه‌لری متوالی اولان ذوقافیتیندر .

بر قایچ مثال :

ایسه بر اقلیه کر بذل سعادت کوکبی

هرکدای بی‌نواسی شوکت (سلطان) بولور

بن او خاقانی عهدم کیم بنم مدوحک

آستان روب سربای دولت (خاقان) بولور

شعی

—

آفتاب صبح معنی یزم اندیشه‌مده جام

باده فیض لایزال) جاودان) مدر بنم

حتر اولجه تا که شوق انکیزم اهل دل

کیف صهبای خیال) شادمان) مدر بنم

وله

—

افزونی حیات) کم آزار) لقمه در

سرمایه نجات) سبکبار) لقمه در

نایی

—

حقیقیدر جانان و داعمدن ایدرسه امتناع  
وهم ایدر اشك رواعدن بلا (باران) ایدر  
حزن همرا انكله ماتمزار كورددم عالی  
شمعی هر صغرا بكار كر بلا (میدان) ایدر

هانکی قافل دیر که آنجیق راه (كشن) دن بچك  
برده قافلر ! شونالشگاه (شیون) دن بچك

محبوب - قافیه لری فاصله لی اولان ذوقاقتیندر ،  
مثال :

محبوب

عالم (اسیر دست مشیت) دکلیدر  
آدم (زبون بنجه قدرت) دکلیدر

نابی

ذوالقوافی - ایکیدن زیاده قافیه سی اولان شعر در .

ذوالقوافی

مثال :

بادر كل تلاش (مقال) كله خامه (ر  
پهچیده وراش (حبال) كله نمده (ر

عی

دیگر :

ارباب (قلم) معرفت آوور ام (در  
آواب (ام) ماحصل فیعن قلا (در

عونی ملک

ذوقاقتین ایله ذواله وافیده قافیه لر بیتنده بولسان بر یاخود  
 زردن زیاده کله یه (حاجب) دینیسایر ، (محجوب) حاجلی دیمک حاجب  
 اولور .

ذوقاقتین ایله ذواله وافیده قافیه اخبره (قافیه اصایه)، دیگر  
 قافیه و یا قافیه لر (قافیه ملحقه) نامیله یاد اولنور .  
 (ذوالقوافی) ایله (رصیع) بیتنده کی فرق (رصیع) مبحثده  
 بیان اولنه جقدر .

### قافیه عائد بعض ملاحظات مخصوصه

[مجموعه معلم] ده بیان اولندیغی اوزره (حروف املا) حروف املا  
 کلمات ترکیده فتحیه، کسریه، کسریه علامت اوله رق یازیلان  
 (ا و ی) حرفلریدر بونلر لسانمزدده مستعمل کلمات احسیه ده  
 دخی قوللانیلیر . بعضاً بونلردن (ا و ی) حرفلری حروف مد  
 حکمنی آلیر . بو حالده آلره (حروف مستحافه) دینیسایر . حروف مستخلفه  
 (حروف مد) عربی، فارسی کلماتده فتحیه، ضمه یی، حروف مد  
 کسریه یی مد ابدن (ا و ی) حرفلریدر . بعضاً حروف مد  
 حروف املا دن اولان (ا و ی) حکمنده قالیر . بو حالده آلره  
 (حروف معزوله) دینیسایر . حروف معزوله

حروف املا نك اساساً حده تی ماقبلانده کی حرفك حرکه سی  
 کوسترمکدر، مد ایتمک دکلدر حروف مدك اساساً حده تی  
 ماقبلانده کی حرفك حرکه سی کوسترمکله برابر مد ایتمکدر .

بر حرف املا حرف مد حکمنی آایرسہ (حرف مستخالف) •  
 بالعکس بر حرف مد حرف املا حکمنده قالیرسہ (حرف  
 معزول) اولور •

(استخلاف) حرف املا بی حرف مد یرینه، (عزل) بالعکس  
 حرف مدی حرف املا یرینه قویمقدر •

استخلاف  
 عزل

بولسه امکان خیال یار کلز یانه  
 مصراعنده (بان) ده کی (ا) مستخافدر •

عالم بالایه سوق ایلر بو علوی جان بی

و :

حزنه دار صحبت آچدئ ایلدک محزون بی

و :

ای خود آرا ایلبور آینه لر خودین سف

مصراعلنده (جان) و (محزون) و (خودین) ده کی (ا و ی)  
 معزولدر • مبحثده بیان اولسه جفی اوزره حروف معزوله  
 (قطع) ده حسابہ داخل اولماز •

استخلاف هر یرده اجرا اولنه ماز • موقعی سابقه تحیحہ  
 تعیین ایدر مثلا شیخ الاسلام بحی اقدینک :

فرسکده جکدیکم آلامی جبکز طاعلر

مصراعنده (طاعلر) ده کی استخلاف قیل کور سور • حال بوکه  
 فضولینک :

خیال ایلر کورن کیم لعلندئر قهرمک طاشی  
مصراعنده (طاشی) ده کی استخلاف ثقلتدن وارسته بولنور .  
باقینک :

طفل ایکن دایه سی قوجاغنده  
کل ایدی قو یدق بوداغنده  
یتیمی ده حسن استخلاف مثاللرندئر .  
فضولینک :

ویرسیدی آه مجنون فریادمک صداسن  
قوشمی قرار ایدردی باشنده کی یوواده  
یتیمه ندیمک :

ذوقی احباب ابدوب ابواه ندیمایواه  
آدک آکلدی بی چاره سنک آواده  
یتیمه (یووا) و (آرا) ده اجرا ایدیلن استخلاف دخی یوقاریکی  
(طاغیر) قدر قیلدر .

عزل ایسه — ماقبلنده حروف مددن بری بولنق  
سُر طبله — نون ساکنه ایله بیتن کلماته مخصوصدر . نون  
متحرک و یا متحرک حکمنده اولور ایسه [۲] عزل جائز اولماز .  
چونکه بو صورتده او هجق عزل (زحاف) ک عیبی اولور .  
نونک متحرک اولسنه مثال :

[۲] مفرکک متحرک حکمنده اولسی کندیسنی همزه تعقیب ایشکله  
اولور .

المن قيسه قياس ايمه دل محزونك  
 يوق ايدى عقلى نه دردى وارايدي مجنونك  
 باقى نونك متحرك حكمنده اولسنه مثال :

اى فراق لب جانان جكرم خون ايندك  
 چهره زردى خوناب ايله كلگون ايندك      فضولى  
 آخر كرده — متحرك اولسون اولسون — نوندن باشقه  
 بر حرف بولندينى صورتده ايسه (زحاف) مبحثده ايضاح  
 ايديله جكي وجه ايله عزله هيچ جواز و يريله مر .  
 بعض كمانده مصراع آخرنده اولمق شرطيله استخلاف  
 اجراسى تجويز اولئور .

كلرده اولور بورنك دلجو  
 حقل زه بر عطاسيد بو  
 بيتده (بو) لفظى رايحه معناسنه آلتيه رق اسم اشارت عد  
 اولندينى تقديرده تحقق ايدمله، استخلافده باس كورنر .

سيرايت شو تلاشى؛ بق شوشوقه  
 شادى دم و صالدر بو  
 اى كور په فوزى نه حالدر بو  
 العبطه شو حالته، شو دوفه  
 قطعه سيله فصوايت :

زه نه سخت بلا در نه قاره كوندر بو  
 مصراعنده كي (بو) لرده بويلاه در .

ذ لړ اولئان تجوز او اخر مصارعه بولنه جق ( اوی )  
 حروف املا سنك حروف مد صورتندہ تلفظی طبعته اضطراب  
 ویرمه مکده اولسنه ، تعیر دیگرله : طبعی بولنسنه مبتیدر .  
 از جمله مشار الیهك ( صو ) ردیفی نعت شریفی روان بر صورتندہ  
 اوقویہ بیلنلر صانیرز که بو خصوصی بلا تردد تسلیم ایدر لر .  
 اما بنه مشار الیهك :

دمادم قطره قطره قان یا شمدر کیم جبقار کوزدن  
 وبا بیکانلرک کیم آتش دل آتی صو ایلر  
 دیدم کچدر بریشان ایلین عاشقار احوالن  
 صبا کوستردی تار سنبل زلفن که بو ایلر

بیتلرنده کی ( صو ) و ( بو ) قافیه لری زمانمزده شایان تقلیدعد  
 اولنه ماز .

آخرنده حروف املا دن ( ی ) بولنان بر کله ایله آخرنده  
 حروف مددن بنه ( ی ) بولنان دیگر بر کله نك قفیه سی مجازدر .  
 مثال :

آلهی بادشهلر بادشاهی  
 به حیرتبخشدر صنتک آلهی  
 اکرم بک

بو یله قافیه لرده دائماً حروف املا دن اولان ( ی ) حروف  
 مددن اولان ( ی ) کبی تاغظ اولنور . هیچ بر وقت بر ایکی  
 اوتنه کنه تابع قیلماز .  
 بر ایکی مثال ده :



ترک ایش ایشته آشیانی  
خاک ایکن اولش آسمانی

آتش کی سومه اعتلایی  
کل اوله آسودیکم هوایی

مک نا بجل ائک غروری  
برشیی ایش علو صوری

هوهورلی آه پک درونی  
ماشق بکنیر جو ارغنونی

دامن کوهه طوغری کیتسکه  
برکدرکه کورندی نورانی  
کلیور بالک آب جونسانی  
کوش تحسینه دقت ایندککه

یاه معروفه  
یاه مجهوله

بومبجده (یاه معروفه) و (یاه مجهوله) تعیرلرینک قبولی  
مدار سهولت اولور ، حروف مددن اولانه یاه معروفه ، حروف  
املادن اولانه یاه مجهوله دیملی یز . الف ایله واوی دخی معروفه  
و مجهوله دیه توصیف ایده بیایرز . هاء رسمیه ایله واو رسمیه  
عربی ، فارسی کلماته مخصوصدر .

یوقاریده کوسترلدیکی اوزره قافیه دهاء معروفه ایله یاه مجهوله نک  
جعی جائز ایسه ده بونده دقت اولنه حق بر جهت واردر .  
اوده تلفظک فصحای شعرا یئنده معرف اولان صورته مغایر

کورنمه مسی ، بناءً علیه سمعه وحشی کله مسیدر . بوحالده یالکنز  
یاء معروفه ایله یاء مجهوله نك دکل ، ایکی یاء مجهوله نك دخی اجتماعنی  
نجویز ایتمهك مقتضای حسن طبیعتدر .

( خرابات ) مقدمه سنده لسانمژك نفی ایله نابی طرفدن  
تجدید اولندیضدن بحث ایدلدیکی صروده ایراد اولتان و :

ای واقف هر مکای رومك

برآدی ده واننی ارض رومك

تعریض مشهورینك صدورینه سبب مستقل اولان :

یادی ایکی طشره لی بوحالی

والی بریسی بری رهالی

یاتنده برنجی ( لی ) کسره خفیفه ، ایکنجیسی کسره ثقیله ایله  
ناعظ اولمق طبیعی اولدیغنه کوره قافیتین یاتنده امتزاج نام حاصل  
اوله مامشدر . ایکسی ده کسره خفیفه ویا کسره ثقیله ایله اوقونه جق  
اولسه بری مطلقا سمعه وحشی کایر .

ندیك :

بعض احباب کر سیرین ایدر تنهاده

باری زده کری سیر ایدم صحراده

طاغده صید عزال ایتمکه حسرتی چکر

خانده کوزلری آهوسن ایدن آماده

یتلری حقنده مار حظه بیان ایدنلرك و تنهاده ایله صحراده قافیه  
اوله بیایر ، فقط بوایکسیله آماده تقفیه ایدیله من ، چوکه آنرده کی ده

فتحة ثقیله ایله او قوندینی حالدہ بونده کی فتحة خفیفه ایله تالفظ  
 اوئیور ، دیملری شایان قبول دکلدر ، زیرا قافیہ ده واقع اولان  
 بویه ( ده ) لری عمومیت اوزره فتحة خفیفه ایله تالفظ ایتمک  
 معتاد فصاحدر .

عزیمی زاده حالتینک :

سن ایدک کلبه احزانہ قوان یعقوبی  
 آیروب حضرت یوسف کی کوز نورندن  
 کتیروب عشق الہی یی کوئی خانہ سنہ  
 قبولدن باقدیرہم ای غم دنیاسی بن

قطعه سنده کی ( دن ) اداتی دخی ( بن ) کی فتحة خفیفه ایله  
 او قومق الجون بر مانع یوقدر . حتی اصله مو فوق اولان ده بوسورتدر .  
 اصحاب فصاحت ( نورندن ) دیمکه ( نورندن ) دیمکی ترجیح ایدر .  
 مع هذا ( جاندن . جاماندن ) کی ( دن ) ک فتحة ثقیله ایله تالفظی  
 . قضای فصاحت اولان یرلر بوکا قیاس اولنه ماز .  
 الفاظ ترکیه دن یایله حق قوافی الحاحه نظر دقنه آلمغه  
 شایاند . 'فیلی پک مناسبتسز یا حود مناسبتسزی پک ثقیل اولور .  
 شیخ الاسلام یحیی اقدینک :

نه مجلسلر قورلمشدر نه ماغر - سورلمشدر  
 محبت به سینه بکرر اولماز دپ کورلمشدر

مطالعنده کی قفیلری ضمه لرله بری خفیفه مقبوضه . دیکری  
 خفیفه مبسوطه اونق صورتیله اختلافتدن طولانی کنه مهل  
 لازم کلمه بیله آئی تعقیب ایدن :

کوکل مرا آتی صد باره کوردم راه نلنده  
مقرر بر جفا جو سنگدل یاره اورلمشدر  
یتیمک ضمه قیله لی قافیه سنی بکنمک ده الدن کلز . ثابتک :

میان نشئه جامه نجار غم کیومز  
بین ایدر سه م او معنایه باشم آغیرمز  
مطاهی ایسه حقیقه صداع ویره جک مقفیاندندر .

ضمه قیله مبسوطه ایله ضمه قیله مقبوضه نک وضمه  
خفیفه مبسوطه ایله ضمه خفیفه مقبوضه نک قافیه ده ازدواجی  
کنیدلرندن صکره بر حرف متحرک بولنقی شرطیله تجویز  
ابدنماید . فقط نصل اولور سه اولسون ضمه قیله ایله ضمه  
خفیفه نک ازدواجنه جواز ویرله مایدردیمک شو مصراعلرینه  
باقلم :

واروب اول دردشناس دل و جانی کور سه م  
خاک باینه ندیمایه یوزلر سور سه م  
کیچهلر آراسه م آغزین لهن امسه م سور سه م

( کور سه ) ایله ( سور سه م ) ده کی ضمه لک بری مبسوطه ،  
دیگری مقبوض اولقله برابر ایکیمی ده خفیف اولدیغندن ازدواجلرنده  
بأس یوقدر دینیه بیلیر ، فقط ( سور سه م ) ک ثقیل ضمه سی  
اینی بوزمیور دینیه مز . هر حالده کمال اتحاد ممدو حدر .  
قافیه نه عائد ده بر خیلی ملاحظاتمز وار ایسه ده شمیدیک  
یوقدرله اکتفا ایتمکی النسب عد ایلدک .



شعر — بو مقاله ده شعر دن بحث ایتمک ایستورز . بو گونه قدر یازدیغمز شیرل آره سنده شعره دائر در میان ایلدیکمز ملاحظاتی ذهنزدن کچیردیکمز حالده بونلرک اک طوغریسی یا خود طوغری یه اک قریبی اولق اوزره [جموعه معلم] ده مندرج بوانان (نظم — نثر) بندینی بولیورز . او بندی تشکیل ایدن فکری بوراده دخی اساس اتخاذا ایده جکمز دن همان عیناً کبی بر صورتده بر وجه آتی درج ایدیورز :

### نظم — نثر

بو نامرله ایکی یه تقسیم اولان «سوز» یابلیقدر ، یادکادر . بلیغ ایسه نظم اولسون نثر اولسون «ادبیات» دن عد اولنور . دکل ایسه کذلاک نظم اولسون نثر اولسون ادبیاتدن عد اولنماز . نقاد بلاغت صانع حکیمک انسانلردن پک جوغنه احسان بیورمامقده اولدینی «ذوق سایم» در . سوزک بلیغ اولوب اولمدیغنی «معیار ادبیات» دینامکه شایان اولان بو قوه جلیله تعیین ایدر .

«شعر» ادبیاتک اک کوزل پارچه لریدر . بو حالده شعر ادبیاتدن بر قسم خاص اولمش اولور .

ادبیاتدن عد اولنمیان سوزه شعر دینیه .هه مک لازم کایر ، حوکه هر حاده شعر مفهومی ادبیات مفهومنده داخلدر . حقیقته بر سوزک شعر نامنی آله بیلمسی اول امرده

ادبیاتدن معدود اولسه توقف ایدر ، منظوم اولسنه دکل .  
 اوله بیلیر که بر سوز منظوم اولورده ادبیاتدن معدود اولماز .  
 آکا شعر دینله مز . (ذی روح) مفهومنده داخل اولمیان (انسان)  
 دینله بیلیرمی ؟

مادام که سوز ادبیاتدن صایله بیلیمک ایچون اولیق لازم  
 کلیور ، مادامکه سوز منظوم اولقله بلیغ اولیق لازم کلیور ، شعر  
 دینله جک سوز مطلقا منظوم اولسی اقتضا ایتمز .  
 مثلا فضولینک زمانی حکامندن شکایت یوللو سویلمش  
 اولدینی « سلام ویردم ، رشوت دکلدر دیه آلدیلر » سوزی  
 بلیغدر . بناءً علیه ادبیاتدن معدوددر . بوکا شعر دیمک ایستینلرده  
 حق ویرپله بیلیر . فقط نابتک :

چرب و شیرینی پیوب عاشق ایدر جد و ثنا  
 حصه یوقی او سوکشدن بزه بر پاره مدد  
 یتتی بیک پارچه اولسه شعر نامنی آله ماز . فصل آله بیاسون که  
 بر کره ادبیاتدن معدود اوله ماز ؟

بویله سوزلره دینلسه دینلسه « نظم » دینیلیر . حال بوکه  
 یوقاریده بیان اولندینی اوزره منظوم بر سوزک ادبیاتدن معدود  
 اوله مامسی جاژ در . ادبیاتدن معدود اوله میان سوز ایسه  
 هیچ یر وقت شعر اوله ماز .

کال بکک « آثار ادبیه به زاده طبیعت دینلر خفایای قلبه  
 نه بیوک وقوف کوستر مشلر ! هر منتسب ادبک وجدانسه

مراجعت ایدرم : اسانك يازديني شيلر سويلشه اولاديله برابر  
 دكليدر؟ « سوزينه باقاسون . بك سويلي بر شعر دكليدر؟  
 زده هر منتسب ادبك وجداننه مراجعت ايدرز : تابتك  
 شو ياتنه شعر ديوبدم كالك بو سوزينه شعر ديمه مك موافق  
 انصافيدر؟

ادبيات دينيان بليغ سوزلره طبيعت درجه بلاغته كوره  
 آز چوق منجذب اولور . بو انجذابى حاصل ايتين سوزلر دائره  
 ادبياته كيره مز . ادبيات انجمنده طبيعتك اك زياته منجذب  
 اولديني سوزلر شعردر .

### استطراد

مشاهير شعراى عربدن ابن الروميناك هجوندن حذر  
 اوزره بولنان وزير قاسم بن عبدالله شاعر مشار اليه بر كون  
 مجاسنده تسميم ايتديرمش ايدى .  
 ابن ائرومى تسميم اولنديغنى حس ايدنجه مجلسدن چيقمق  
 اوزره قاتقار . قاسم ايله ينلرنده شو محاوره جريان ايدر :

زده به كيديورسين ؟

— كوندرديكك بزه :

— بزه پدريه سوبله :

— حهنه اوغرايه حق دك :

ايشته ابن الروميناك بو صوك جواني منضوه او مامله برابر

ارباب ذوقه کوره کندیسنک پک چوق بر جسته مصراعرندن  
دها شاعرا به برسوز عد اولنور .

ادبیات بلیغ سوزلر ایسه شعر اک بلیغ سوزلردر . شعر  
ادبیاتک اک منتخب پارچه لری اولدیغندن هر شعر ادبیاتدن  
معدود اولدینی حالده هر ادبیاتدن معدود اولان سوز شعر  
اوله ماز

شعر هم نظم هم نثر کسوه سنده تجلی ایده بیلیر . برسوزه  
منظوم اولدینی ایچون « شعر در » دینیه میه جکی کبی منشور  
اولدینی ایچون « شعر دکدر » ده دینیه من . شوقدر وار که  
اکثریت اوزره طبیعت منظوم اولان شعره منشور اولان شعردن  
زیاده میل ایدر . مثلاً لطیف بر فکر نثر ایله شعر دینیه حک  
صورتمده افاده اولنسه ، ینه اوفکر نظم ایله کذلک شعر دینیه حک  
صورتمده بیان ایدلسه طبیعت نظمه نردن زیاده منجذب اولور .  
بوده نظمه کی اوطبیعت نواز آهنگ مخصوصدن ایلری کلیر .  
قافیه ایسه نظمک زیور جاذبه افزاسیدر . بولک ایچودر که  
قافیه لی نظم قافیه سز نظمندن زیاده سویلیر .

ظن ایدر زکه شعرک اوتهدن بری بعض قیود سائر ایله  
برابر « موزون ، مقفی سوز » دیه تعریف اولنمی بیان اولدینی  
اوزره طبیعتک کلام منظومی کلام منشوره ، قافیه لی نظم  
قافیه سز نظمه ترجیح اتمک استعدادده بولمسنندن شأت  
ایتمدر یوقسه شعرک مطلقاً موزون مقفی اولمی ایچون  
لزوم حقیقی بوقدر .



منظوم سوزده عرفده « شعر » دیورلر . چونکه بونامه اکه  
زیاده لایق کوریهلجک جاذبهلی سوزلر نظم آره سنده بولنه بیلیر.  
بز علی العموم بلیغ سوزلره « ادبیات » دیمکله برابر بونلرک  
اکه زیاده بلیغ اولانلرینه « شعر » دیوروز . منظوم و یا منشور  
اولسنی قید ایتیموز . مع هذا شعر دینیه بیهلجک بر سوزک  
منشور اولسنه نسبتله منظوم اولمسندن ده ا زیاده ذوقیاب  
اولدیمیزی اعتراف ایلیموز .

بز شعری نظم ونثره تعمیم ایدیوروز . آنلر نظمه تخصیص  
ایدیورلر . بو تخصیص شایع اولمش . « شعر » دیلادیکی کبی  
موزون، مقفی سوز خاطره کلیور . حال بوکه بالاده کوسترلادیکی  
وجه ایله او یله موزون ، مقفی سوزلر وار که شعر اونق شویله  
طورسون بایاغی ادبیاتدن بیله معدود اوله میور . بالعکس او یله  
منشور سوزلرده وار که بجه منظوماته فائق بولنیور .  
اعتقاد منزه کوره نطق یارادیلهلی شعر موجوددر .

آنکه اول شعر کفت ادم صنی الله بود  
طبع موزون حجت فرزندئ آدم بود  
مدعاسنی آبات ایچون حضرت آدمه اوغلی هایات مقتولیتی  
اوزرینه :

نغیرت البلاد ومن علیها  
فوجه الارض معبر فتح  
دیه مرثیه سویاتمکه نه حاجت ! طبیعتک بوباده کی تمایلاتنه دوق  
اتمک کافیدر .

دنیا ده شعر سز آدم اوله ماز . شعر امید کیدر . شو قدر  
 وار که هر کسک شعری کندی ذوقنه کوره اولور . وزن، قافیه  
 یوق ایکن شعر وار ایدی، هیچ نطق اولورده شعر اولمازمی؟  
 بو حالده شعرک نظمه تخصیصی حادث اولدینی تین ایتزمی ؟  
 بزم تعریف ایتکه چالشدیغمز شعر طبعیدر. شعره موزون  
 مقفی سوز دیمک صناعیدر .

بو باده طبعیلک صناعیلکه البته تقدم ایدر . چونکه انسانک  
 هیچ بکنه میه جکی بر سوز منظوم اوله بیلیر . بالعکس پک  
 بکنه بیله جکی رسوزده منشور بوله بیلور . اوتنه کنه شعر دیمکه .  
 بریکنه دیمکه نه دن مجبور اولسون ؟ بو ذوقه عائد بر کیفیتدر.  
 هانکی سوزی شعر اولق اوزره تاقی ایدیورسه بو نامی آکا  
 ویرر . کندیسنجه هیچ بر مزی تی اولیان سوزلره مجرد منظوم  
 اولدینی ایچون شعر دیمکدن باشقه ادبیات بیله دیمه مک انده در.  
 بوراده شایان دقت اولان جهت شودرکه بلاغته پک منا .  
 سبتی اولیانلر مثلا بر یتی کورر کورمز « بوشعر دکل،  
 ادبیاتدن بیله دکل » دیمکه احتیاط ایتمایدلر . چونکه اویت  
 شاید کر چکدن شعر ایسه بو ادعا موجب خجالت اولور . هر  
 حالده فکر صحیح اوزر بنه حکم ویرمکه چالشمایدر  
 بو افادادن مقصدمز « بوندن بویله شعر لفظی موزون ،  
 مقفی سوز مفاصلده استعمال ایتیم » دیمک دکادر . شعر طبیعی  
 نه دن عبارت اولق لازم کله چکنه دائر حدمز جه بر فکر ویرمکه  
 چالشمقدر .

حرز ، شعر دیدیکمز وقت یرینه گوره معنای طبیعینی  
یاخود معنای عرفینی قصد ایده بیایرز .

آیات واحادیث شریفه ذاتاً مستسادر . بونلری ادبیاتدن  
عد ایتمک هیچ برادیسک حقیله تقدیرینه مقتدر اوله میه جفی  
علویت مقدسه لرینی تجیل ایتمه مک دیمک اوله جفی جهته له مغایر  
ادبدر . بناءً علیه آیات واحادیث مادام که اک بلیغ سوزلردندر ،  
تعریفکزه نظراً بونلرده شعر دیناسمک لازم کلیر « اعتراض  
وارد اوله ماز . حتی شعری «موزون ، مقفی سوز ، دیه تعریف  
ایدنلرک اوزانه موافق اوله رق ورود ایدن آیلر . حدیلر ،  
خارجده قالمق اوزره تعریفه علاوه ایتدکاری « فصدہ مقارن  
اوله رق سولیلن « قیدی بی لزوم کوریمور . چونکه آنلر  
تعریف ایتمک ایستدکاری شعر البته ادبیات مفهومندن خارج  
دکلدر ، آیات واحادیت ایسه اوزانه موافق اولسون اولسون  
بومفهومک داخلنده تصور اولمقدن متعالیدر .

اومقدس سوزلر برطاق معالیدرکه ادبیات آنلردن نه درجه  
اقتباس ایدرسه اودرجه تعالی ایدر . هیچ تعالی ایدن سی ابلا  
آنی متعالی ایدن سی بر اولورمی ؟ مضی باشغه . مستغنی به  
باشقهدر . مهر ایله ماهی مساویمی کوره جکیز :

آیات واحادیثی اصل ادیب بدن عد ابدله : اینع الایب  
شاعر دیمک ایستینلرک قوای تضریر می ایده حکیز :

ظنمزه کوره بوافاداندن سوزک قسم غایبی دیمک اولان

ادبیات ایله ادبیاتک قسم اعلاسی دیمک اولان شعرك ماهیتلری  
آکلاشدینی کی ادیب، شاعر عنوانلرینک ده کیملره ویرلسی  
لازم کله جکی تین ابتدی .

بونکله برابر شعر نه در؟ « سؤاله » اک بلیغ سوزلردر ،  
جوابی کافی کوریه بیلیر سده « ادبیات ندر ؟ » سؤاله یالکز  
« بلیغ سوزلردر » جوابی کفایت ایتمز . ادبیات دینیلنجه باشقه  
برمغی ده آکلاشیلیرکه اوده « بلیغ سوزلر تألیفی ایچون طوتیلان  
اصول » در بوحالده ادبیات عنوان فن اولمش اولور .

دیمک اولیورکه بو اصوله موافق اولمق اوزره یازلمش بر  
مکتوبی ادبیاتدن عد ایده بیله جکمز کی ینه بو اصولی معرف  
اولمق اوزره یازلمش برکتابی ده ادبیاتدن عد ایده بیله جکمز .

انتهای بند

شو بوندک خلاصه الحلاصه سی دیمک اولان « سوز بلیغ  
اولمدجه شعر اوله ماز ، حتی ادبیاتدن معدود اوله ماز ، حکمنک  
حقیقتی آکلاشلمق اوزره بوراده ( بلاغت ) دن بحث ایدمک  
اقتضا ایدیور :

اول امرده دیلم که :

بلاغت برصقندرکه آنکله ماهیتلری مختلف ایکی نی اتصاف

بلاغت

ایدر :

- کلام .
- منکلم .

کلام ایله متکلمه مایه‌تلرنده کی اختصار فی صفتک متصرفلردن  
هر برینه کوره ایکی صورت مختلفه ده تجلی اتمسنی ایجاب ایله یکندن  
علی الاطلاق، یعنی تعیین تجلیگاه اتمکسزین بلاغتی حقیقه تعریف  
ایتمک ممکن اوله ماز. آنک ایچون «کلامده بلاغت» دیا «متکلمده  
بلاغت» دیه تعیین تجلیگاه ایله ایکی درلو تعریف اولنور .

کلامده بلاغت      کلامده بلاغت فصیح اولقله برابر مقتضای حاله مطابق  
متکلمده بلاغت اولمسیله ، متکلمده ایسه کلام باغ ایله افاده مرام ایتمک مالکسنی  
حاضر بولنمسیله تحقق ایدر .

(بلیغ) بلاغته متصف دیمک اولدیمه کوره هم کلامه هم  
متکلمه وصف اوله بیایر. (نظم باغ، قصیده باغ، خطیب باغ،  
ادبیه باغ، کی تعبیرات قوللانیایر .

حالت اقتضا ایتدیکی صورت دیمک اولان (مقتضای حال)  
تعبیرینه بدل (مقتضای مقام) و (اعتبار مناسب) تعبیرلری دخی  
استعمال اولنه بیایر. جمعلرده (مقتضیات احوال، مقتضیات  
مقامات، اعتبارات مناسبه) دینیایر .

مقتضای حال      (حال) تعبیرینه دقت ایدمنم . حالده بولنه جق تنوعات نه دن  
مقتضای مقام      بولنه بیایر؛ افس و آفاده مشاهده ایدلمکده اولان بونجه کیفیات  
اعتبار مناسب      رنگارنگک هر بری برحاطدر . هر حاث مقتضای اولور. هر  
مقتضابه کوره ده سوز بولنور      حال تجلیات آلهیه قدر متوعدر  
مقتضاده اوله .      سوزده اوله .

سوزک کافه مزبانی مفهومنده مندرج اولان بلاغتك مدار

وجودی مقتضای حاله مطابقتدر . آندن محروم اولان سوزده فصاحت بولنسهده بلاغت بولماز .

سوزك درجات بلاغی مقتضای حاله مطابقتك در جاتيله متاسب اولور . برحالك مقتضاسنه مطابق برقاچ درلو سوزبولنه بیلیر . بولردن هانکیسی مقتضایه اك زیاده مطابقت ایدرسه او ابلغ عد اولنور .

مقتضای حال دیدیکمز شینك تیاترو طرزنده یازیلان آثار ادبیهده دخی بیوك اهمیتتی وارددر . اشخاص وقعیهی نوبت بنوبت انطاق ایدمك اولان تیاترو مؤلفی بولردن هر برینه مقتضای حاله مطابق اوله رق سوز سویلتمایدر که بلیغانه بر اثر یازمش اوله بیلسون .<sup>(۱)</sup> (استعاره لسان) مبحثده بورالره دائر ایضاحات ویریله جکدر .

جزئی ملاحظه ایله آکلاشیلیر که سوزده طبعیلك دینیلن مزیت دخی مقتضای حاله مطابقت سایه سنده حصول بولور .

«مقتضای حال مقتضای حال مخاطب دیمکدر ، دینلر خطا ایدرلر . متکلمك حالی یوقی ؟ اویله بر اعداده بولنلق کندینی اونونمق قیلندن اولمازمی ؟ یوقاریده « انفس و آفاده مشاهده ایدلمکده اولان بونجه کیفیات رنکارنكك هر بری بر حالدر ، دیه اشارت ایتدیکمز وجه ایله حالك تعمیمی واجبدر ، انسان یالکز مخاطبك حاله کوره می سوز سویلر ؟ کندی حالزی تصویر ایتیه جکمی یز ؟ مثلاً قلبنك بعض حسیات شدیدیه مغلوب اولدیغی

کوردن برشاعر فریاد ایدر . اوفریاد تک حسب حالیدر .  
باشقه سنک حالنی دوشونمکه وقتی بوله ییلیر ؟ عجیا فضولی نشیده  
آتییه یی یازارکن کیمک حالنی خاطرینه کتیر مشدر ؟ :

دوست بی پروا، فلک بی رحم ، دوران بی سکون  
درد چوق همدرد بوق، دشمن قوی، طالع زبون

سایه امید زائل، آفتاب فوق کرم  
رنبه ادبار عالی، رایه ندیر دون

عقل دون همت، صدای طعنه پر پردن بلند  
بخت کم شفقت، بلای عشق کون کوندن فزون

بر غریب ملک، راه وصل پرتشوش و مکر  
بن حریف ساده لوح و دهر رتمش فسون

هر سهی قد جلوه سی بر سیل طوفان بلا  
هر هلال ابرو قاشی بر سر خط مشق جنون

یلده برک لاله تک تمکین دانس بی بات  
صوده عکس سروش تاثیر دوت واز کون

سرحد مطلوب بر محنت طریق امتحان  
منزل مقصود بر آسیب راه آزمون

شاهد مقصد نوای حنک تک برده نشین  
ساغر عشر حجاب صافی صهبت تک نکون

تفرقه حاصل، طریق ملک جمعیت مخوف  
آه سلیم نیلیم فوق بر ووافی رهمنون

بویله سوزلر غیر اختیاری آهله کیدر . بر درجه یه قدر  
یالکتر صاحبک حالتی معروف اولوو. کیمسه یه بر شی دیمک ایچون  
یازماز .

(آتشپاره) ده مندرج اولان (فریاد) سر لوحه لی منظومه نك  
شو پارچه لری ده اولدقجه حالزده موافقدر :

وولقائیمسین ای دل هوا خواه  
آتشکده اولدی سینه سندن  
طورماز نه یانارسون الله الله  
یادم سنی شعله بار ایدندن

## §

بر شعله مزاج دلفروزه  
نار هوسیه مشتعلین  
افکار شبک ، خیال روزک  
بردر ، هب انکله مشتعلین

## §

اولسه کده کهی نهان اولورسین  
صبرک طویشنبجه اتش افشان  
یان طورمه که برزمان اولورسین  
منظور حقیقت آشنایان

## §

ای لعه خوش بروز سنسین  
نو آتشی دودمان عشقک



ای برقی جهانفروز ستمین  
مشعلکشی کاروان عشق

## §

حیرنده بو عشق بی سکوندن  
اک جاذبه لی بتانی شهرك  
خشینده بو جذبه اجنوندن  
اک جذبه لی عاشقانی دهرک

## §

بیلم نه دیسه‌م که ایسه ایما  
حال دل حسرت آژمائی  
بر حالده در که ایلر ابکا  
بر کریمه ایله ییک آشنائی

## §

بولسه‌م او سوزی که ایسه ایقا  
دنیا ده بولسندیم زمان  
اخلاف کزین ایدردی ایقا  
دمبسته سی اولدیم ففائی

بونکه برابر « سوزی مخاطبک حاله کوره سویلملی »  
قضیه‌سی ده بر دستور ادبیدر . ذاتاً و صورتک التزامی برعافل  
ایچون طبعیدر . مثلاً بر جاهله سویلنیه‌جک سوز برعاله سویانامز .  
سویلنیلیر ، فقط بر نکته‌یه مبنی اولمق شرطیله .  
بر نکته‌یه مبنی دیمک مقتضای حاله مطابق دیمکدر . نکته‌سز  
سوز مقتضای حاله مطابق اوله‌میه‌جفتدن بی لزوم صایایر .

بعض قدما مخاطبده اوج حال بولورلر :

— خلو ذهن .

— تردد .

— انکار .

دیرلر که ؛

— کلام بو حالاره مناسب برر صورتده سوق اولتور .  
برنجیسنه کوره «ابتدائی» ایکنجیسنه کوره «طابی» اوجنجیسنه  
کوره «انکاری» وصفی آلیر . مخاطبک بر خالی الذهن یاخود  
بر متردد ویا برمنکر اولسنه کوره سویانیان سوزه «کلام ابتدائی»  
یاخود «کلام طابی» ویا «کلام انکاری» عنوانی ویریایر . جمعلرده  
«ابتدائیات ، طلیسات ، انکاریات ، تعییرلری قوللایایر .  
ابتدائیانده — مخاطبده تردد و انکار حالاردن هیچ بری  
بولنیمه جنی جهته — اکبربا تأکید احساج مس ایتمز . ساده  
صورتده افاده مرام ایدیایر . یالکز مخاطب تقریر ایلبان  
مسئله یی آکلایه مدینی صورتده تأکید مراجعت اولتور .  
طلبیانده ساده لئکک محافظه می جائز اولمقله برابر — ترددی  
قطعاً ازاله ایچون — تأکید مستحسن گوریلور . انکاریانده  
ایسه — مقصد انکاری اقراره تحویل اوله جغندن — تأکید  
وجوب تحتده بولتور ،

ظن عاجزانه مزه کوره بویله شیر فن بلاغتك اك ساده

مسائلنددر .

( مجموعہ معلم ) دہ ہو اوج درلو سوزہ مثال اولق اوزرہ :

حق برستم عرض اخلاص ایتدیکم درکاه بر  
بر نفس توحید دن آیرلدم الله بر  
یتنک مصراع نایسنی :

— توحید دن ایرلدم .

— بر نفس توحیددن ایرلدم .

— بر نفس توحیددن ایرلدم الله بر .

صورتلرنده کوستره رک « ہو مصراعلردن برنجیسی — تا کیددن  
خالی اولدیغندن — ابتدائی و طلبی یہ ، ایکنجیسی — « بر نفس »  
ایله مؤ کد بولندیغندن — طلبی وانکاری یہ ، اوچنجیسی —  
« بر نفس » دن باشقه « الله بر » ایله ده تا کید اولندیغان  
بالکزر انکاری یہ مثال اوله بیلیر ، دیتش ایدک .

اوت اوله بیلیر . فقط اعتراف ایسه لم که بز اویتی ( خلاصه  
الاحلاص ) نامنده کی رساله جکک ظهرینه یازدیغمزوقت  
توحیددن آیرلدیغمزی انکار ایتش بر شخصک ولو خیالاً  
اولسون قارشیسنده بولنیور ایدک . حقیقتده او بیت محاطی  
اولیان وجدانیاتدندر . آنی اخلاص شریف تفسیرینه متعلق  
سکز اون محیفه یازی یازمقدن عبارت اولان حال سویلتمش  
ایدی .

بحی تنويع ایده لم :

بالاده کی افادادن آکلاشلدیغنه کوره بلاغت کلامه نظراً :

— فصیح اولقله برابر مقتضای حاله مطابق اولق .

طرزنده ، متکلمه نظراً :

— کلام بلیغ ایله افاده مرام ایتک ملکه سنی حائر بولمق .

یولنده تعریف ایدلک لازم کلیور .

بلاعتک حاوی اولدینی معانی بی بیلش اولق ایچون بوایکی

تعریفی کورمک کافیمی ؟ دکل .

کلامده بلاغت ، متکلمده بلاغت دیدیکمز کبی برده « فن بلاغت » دیبورز . دیمک که بلاغت برفن . سائر فنلر کبی بودخی تعریف ایستر . « فن بلاغت نه در ؟ » سؤالنه جواب اوله رق یوقاریکی تعریفلردن هر هامکی سنی اوقویه حق اولساق موافق دوشمدیکنی کوررز . چونکه فن یلاغت نه کلامک فصیح اولقله برابر مقتضای حاله مطابق اولسیدر ، نه ده متکلمک کلام بلیغ ایله افاده مرام ایتک ملکه سنی حائر بولنمیدر .

« فن بلاغت نه در ؟ » سؤالنه شو جوابی ویره بیایرز :

— بایغ سوزلر تألیفی ایچون اساتده طرفندن طوتیلان

اصولدر .

اصول دیدیکمز شیر لسانمژک بلاغت کتابلرنده موضحاً مندرج اولسی لازم کلن بر طاقم مسائلدن عبارتدر . ایشته بونلرک هیئت مجموعه سنه « فن بلاغت » دینیایر .

بو اصولی اوگرنمش فرض ایده جکمز هر شخصک کرک ذاته کرک کلامنه بلیغ دیمک اقتضا ایتیه جکنی آ کلامق ایچون

العاب ذهن ایتک لازم کلز. نیجه آدملاوله بیلیرکه ذکر اولنان اصولی تمامیه اوکر نسلر، حتی باشقه ترینه ده اوکر نسلر نه کندیلری، نه ده سوزلری بحق بلیغ اطلاقسه لایق اولماز. آنک ایچون بعض بلغا دیررکه :

— انسان بلیغ اولقی ایچون بلیغ اولقی اوزره طوغمق شرط اقدمدر .

هر ملککنک حسن تحصیلی قابلیت موقوف دکلیدر ؟ قابلیت مساعد اولیان بر آدم فن بلاغت دینیلن اصولی ولو احاطه صورتیه اولسون اوکر نمکله نصل بلیغ اوله بیلسون ؟ فن بلاغت آکا تعدادی غیر قابل اولان مقتضیات احوالی برر برر تصویر و تعریفی ایده جک ؟ بر ایکی نمونه کوستر . باقیشتی استعداد بر اقبیر . فرض ابدلم که مقتضات احوالی برر برر تصویر و تعریف ایتسون ، اولیه جق اولانینه اولماز . بر یسنه « فلان یرده شو سوزی شو ادا ایله سویلیه جکسین » دیه بر سوز تعایم ایداسه مستعد اولمدینی تقدیرده مطلوب وجه ایله سویلیه بیایمی ؟ « اوبله ایشه قابلیت مساعد اولیان بر آدم نیچون بو فی تحصیله قالدشسون ؟ » دینیایره سویله جواب ویر یایر :

— هیچ اولمازسه حال طبعیسنی دکشدیرر ، آنک بر قاج قات فوقه چیفار، فنک اصطلاحاتندن خبردار اولور ، بلاغته سویلنیلان سوزلری بر درجهیه قدر اولسون تقدیر ایدر، بر جوق فوائد قازایر ،

برده شوراسنی دوشونه لم :

بایغ سوزلر تألیفی ایچون اساتذه طرفدن طوتیلان  
 اصول، دیدیکمز شیرک قابلیتی مساعد اولیانلره گوره خارجه  
 تطبیقی ممکن اوله مبه جق دیمک اولور . بونکله برابر ذکر اولنان  
 اصوله فن بلاغت دینیلور . برده اصوله تطبیقاً سوز سویلر  
 بر ذات بر بلیغ تصور ایده لم . آنده فعلاً نحلی ایدن احوالت  
 نه در ؟ ینه نقطه نظر دکشدی . « فلان بلاغته سوز سویلر »  
 دیوروز . نه دیمک ایستوروز ؟ بو کیفیت متکلمده بلاغت دیدیکمز  
 شیمیدر ؟ « کلام بایغ ایله افاده مرام ایتک ملکه سنی حائر  
 بولنمق » دیدیکمز کیفیت شخص بایغده فعلاً نحلی ایدن احوالتیدر ؟  
 البته دکل . اوله ایسه « فن بلاغت نه در ؟ سؤاله برده شو  
 جوابی ویرملی یز :

— فصاحتله مقتضای حاله مطابق اوله رق سوز سویلمک قیدر .  
 یوقاریدن بری سرداولنان ملاحظات گوز اوکنده جمع  
 ایدیانجه گوریلور که بلاغت دینلیدیکی وقت ذهنه درت درلوفکر  
 وارد اولور :

- کلامه صفت اولمق اعتباریله بلاغت .
  - متکلمده ملکه اولمق اعتباریله بلاغت .
  - اصول مخصوصه دن عبارت اولمق اعتباریله بلاغت .
  - متکلمده فعلاً نحلی ایتک اعتباریله بلاغت .
- برنجی مثال :

شو منظومه ده بلاغت موجود در .

ایکنجی به مثال :

شو ذات بلاغی حائر در .

اوچنجی به مثال :

بو اقتدیلر بلاغت اوقو پور لر .

دردنجی به مثال :

او خطیبك كال بلاغتنه حیوان اولمش ایدم .

متكلمده بلاغت ( ذوق ) دینیلن قوه معنویه نك وجودیه  
حصوله کایر . بلاغت ابن خلدونك دولتو وجودت پاشاحضر ناری  
طرفدن ترجمه بیوریلان ذوقه دائر مقاله حکیمانہ سی لسان  
عربی به متعلق اولمقله برابر هر لسانه تطبیق اولنه بیله جکندن  
بر وجه آئی خلاصه درج اولنور :

### ذوق

(ذوق) لفظی علمای بیان یتشده متداولدر . معنای لسانده  
بلاغت مالک سنك حصولیدر . بلاغت دخی کلام عربده مرعی  
اولان خواص تراکیه رعایت نیجه سی اوله رق کلامك مقتضای  
حاله مطابق اولمسندن عبارتدر . عربجه تکلم ایدن بر متکام  
بلغ عربك اسالیب و اصول مخاطباتی اوزره مفید اولان هیئت  
تحریری ایدر ك کلامنی او وجه ایله ترتیب ایلر . کورت اشتغال  
ایله بو درجه واصل اوانجه کندینه مالک کله رك سهولته ترتیب  
کلام ایدر ، عربك مسلک بلاغتندن باشقه بر طرفه صامق احتمالی  
قالماز . بو مسالک او یتماز بر ترکیب ایشته ادنی فکر ایله، بلکه

ذوق

بلا فکر مجرد ملکه‌سی اقتضاسیله بالاستقباح آدن تبری ایلر .  
 زیرا ملکات راسخ اولنجه طبیعت کبی اولور . احوال ملکاتی  
 بیامین خافلار « عرب ایچون اعراب و بلاغتجه صوابده بولنق  
 برامر طبیعیدر » دیرلر . حقیقت حال ایسه او یله دکلدر . عربک  
 تکلمی تمکن ایتمش ملکه لسانی اولدیغندن وهله طبیعت کبی  
 کوریشور . بو ملکه ممارسه و سمعده تکرر و خواص ترا کبی  
 تقطن ایله حاصل اولور ، فن لسان اصحابنک استنباط ایتمش  
 اولدقاری قوانینی بیلیمکه حصوله کلز . زیرا بوقوانین آنجق  
 معرفت لسانی افاده ایدر ، ملکه‌نک بالفعل محنده حصولی . فید  
 اولماز . الحاصل : لسانده حصوله کلن ملکه بلاغت متکلم بیلغی  
 کلام عربده واقع ترا کییه موافق صورته حسن ترتیب کلام  
 طریقه ارشاد ایدر ، برحاله که کندیبی بوبولدن عدول ایتک  
 ایستسه ایده مز . بویله خلاف مألوف اولان طریقه ذه‌اب  
 خصوصنده لسان و ملکه‌سی کندیبسه موافقت ایتزعربک طرز  
 بلاغته مخالف بر کلام ایستسه درحال مألوف اولدیغی کلام  
 عربدن اولدیغی بیلوب آندن اعراض ایدر . مع ذلك اکریا  
 بوبابده قوانین نحویه و بیانیه اصحابنک اصولی اوزره دلیل  
 اقامه سندن عاجز اولور . چونکه آنلرک مسلکی بالاستقرا حاصل  
 اولان قوانین ایله استدلالدر . بونک عامی ایسه وجه مسروح  
 اوزره ممارسه ایله حاصل اوله برامر وجدانیدر . صبیان  
 عربدن کندی ایچارنده نشأت ایله تربیه اولمش برصی آنلرک



لغتتی اخذ وتعلم ایلر . اعراب و بلاغتده انلره تمامی تمامنه تقلید ایدمرك درجه نایبه واصل اولور . حال بو که علم قانونیدن هبیج برشی بیلمز . کندیسنده بو کیفیت آنجق ملکه ایله حصوله کیش بولنور . كذلك عربك اشعار ومنشائی حفظ ایدمرك ایچوننده نشوونما بولمش بر آدم مرتبه سنه کلنجه به قدر بومسلکده دوام ایدن کیمسه دن دخی او ملکه حاصل اولور . اما قوانینی بیلمکله بو کیفیت حاصل ایديله مز . ایشه شو ملکه به راسخ اولدینی حالده اصحاب فن بیانك مصطاحی اولان ( ذوق ) اسمی استعاره اولنمشدر . ذوق فی الاصل برنوع طعمی ادراك دیمکدر . طعم لسان ایله ادراك اولندینی کبی بوملکه دخی لسانده وجدانی برکیصیت اولدیغندن آکا ذوق دینامشدر .

بو مقدمات معلوم اوانجه شوده مجزوم اولق لازم کلیر که مسرقده فرس . روم و ترك ، مغر نده بربر کبی عرب لسانته دخیل و اهل لسان ایله اختلاطلرندن طولایی اواسان ایله تکلله مضطر اولان اعاجك بو مالکدن ایلمری قاصر اوله حفندن دیدیکمز ذوق آنلرده حاصل اولماز . چونکه بولرك محمول عملری عمر لر بک رمقداری مرور ولسانلرده بر ملکه دبکر ، یعی کندی لغتری ملکه سی سق ایند کدن صکره اهل امصارك محاوراننده متداول اولان الفاظ و عباراته محتاج اولدق لری جهته آلمری اوکرنمك دیمکدر . حال بو که اهل امصارده کی مالکه باشقهدر ، مطلوب اولان ملکه اسان دکادر . بوملکهك احکامی کتالمرده

مسطور اولان قوایندن اوکرنمک دخی ر منوال سابق تحصیل  
ملکه دیمک اوله ماز . بوملکه آنجق ممارسه ایله حصوله کلیر  
« سیبویه، فارسی . زخسری و بونلره ممال اولان فحول علمای  
لسان عجم اولدقلری حالدله آلوده بوملکه حاصل اولمشدر »  
خاطره سی وارد اولور ایسه جواماً دیرز که :

— بوقیلدن اولان فحول آنجق نسباً عجمدر. نشأت و تربیتلری  
عرب ایچنده واقع اولمشدر . بوجه ایله کلامک بر مرتبه سنه  
واصل اولمشدر که آندن اوتسی اوله ماز . آتله مبدأ نشأتلرینه  
نظراً کو حک عرب جوجقلری مثابه سنده ایدیلر . لغتک کنهنه  
واقف اولدق اهل لغتن معدود اولدیلر . نسباً عجم ایسه لرد  
کلاماً عجم دکل ایدیلر . ملتی مبادیسنده لغتی شبابنده بولدیلر که  
آثار ملکه هنوز زائل اولماش ایدی . ممارسه و مدارسیه  
مواظبتله اساتک غایتنه واصل اولدیلر »

شمدیکی حالدله اعاحمدن بری شهرلده اهل لسن ایله  
اختلاط ایتسه عربیدن مقصود اولان ملکه بی زائل اولش  
بولدق برباشقه ملکه حصوله کلش اولدیفنی کورر . فرض ایدلم که  
ملکه مطلوبه بی تحصیل ایچون ممارسه و مدارسیه ایله اشتغال  
ایتسون، ینه او ملکه ک حصول بولدیفنی پک نادر اولور . چونکه  
یوقاریده دیدیکمز وجه ایله محلنده دیگر بر ملکه سبق ایتش  
اولان ملکه حاصل اولسه ببله نافص قالیر . نسباً عجم اولان  
برشخص لسان عجم ایله اختلاطدن بنون بتون سالم اولدیفنی

حالده ممارسه و مدارسه ایله بو ملکه کی تحصیله سعی ایتسه آنده بوملکه حاصل اوله بیلیر . لکن بوده نادر اتمنددر . قوانین بیانیه بی تعلم ایدنلردن بعضاری بو ذوق کندیلرنده و جودینی ادعا ایدر لر . بوایه غلط و یا مغالطه در . کندیلرنده حاصل اولان آنحق قوانین بیانیه ملکه سیدر ، عباره ملکه سی دکادر .

انتهای مقاله

ابن خلدونک بومقاله ده تعریف ابتدکی ذوقک لسانمزه حاصل ایدیله جک ذوقه تطبیق خصوصنی اصحاب مطالعه به حواله ایلرز .

محتاج ایضاح اولمدینی اوزره برلسانده آکا اتسابی اولانلرک حاصل ایده جکلری ذوق متساوی اوله ماز ، متفاوت اولور . ایشه بونک ایچونددر که ذوقک الک عالی عد اولنان درجه سته (ذوق سلیم) عنوانی تخصیص ایدمشدر . بونک مادوننده بولنه جق ذوقلر سلامت کامله بی حائر اولیه جقلرندن آنلر (سایم) ایله توصیفه شایان کورلمه مشدر . ذوقده کی سلیمک خاصه جایله سته (سلامت ذوق) نامی و بریلیر . بلاغه متعاق اولان مزیاتک کافه سی بوتعیرک تحتنده مندر جدر .

ذوق سلیم

سلامت ذوق

برده (سلامت حسن) وار . اوده اساساً پک زیاده مهمدر . حتی سلامت حسن اولمدیجه سلام ذوق تصور بیله اولنه ماز . بالاده دیش ایدک که :

سلامت حسن

— متکلمده بلاغت ذوق دینان قوه معنویه نک و جودیه

حصوله کابر .

شمعی ده دیزرکه :

— ذوق دینیلن قوه مغویه سلامت حس دینیلن موهبه  
فطریه وجودیله حصوله کلیر .

ایشته یوقاریده کو-تریان :

— انسان بلیغ اولق ایچون بلیغ اولق اوزره طوغمق  
شرط اقدمدر .

سوزینک مالی بودر ،

سلامت ذوقده علوم لسانیه تحصیلک بر قاچ درجهیه قدر  
دخی اولق طبعیدر . سلامت حسده ایسه حکم ( خلقت سلیمه )  
تعبیر اولنان ممتاز یارادیلمش مظهریت علویه سنکدر .

دقت ایدلسه ( طبیعت شعریه ) دینیلن مزینک دخی سلامت  
حسدن تولد ایندیکی آکلاشایر . حسنده سلامت اولمیان  
بر آدمده او مزیت بولنه میه جفندن طبیعی اوله رق موزون سوز  
سویلیه میه جکی ، حتی سویلسه ده فرقده اوله میه جفی کبی اوزان  
شعریه ده کی آهنگدن دخی طبیعت شعریه اصحابی قدر ذوقیاب  
اوله ماز . آکا کوره موزون ایله غیر موزون بر در دینیله بیلیر .  
مثلا فضولینک ندیمک :

ما ملایم لهجه سی مورونی نا موزون ایدر

و :

نا سخنور مصرع موزونی ناموزون اوقور

مصراعرینی اوقویه جق اولسه مضمونلرینک صدقنه نفسی  
اشهاد ایتش اولور .

بو بر عجیبه خاقندر نه ( اعوجاج طبیعت ) نامیله یاد اولنور  
اعوجاج طبیعتک درکاتی واردر . آنفاً تعریف ایتدیکنز در که  
الک آشاغیسیدر که اعوجاج کلیدر . او بر حاله رکه عروض اوقومق ،  
اشعار مطالعه ایتمک کبی تدبیر لرله تحوی ممکن اولماز . فن عروضک  
موجدی عد اولسان امام خایلیک بو فی کدیسنندن اخذ ایتمک  
اوزره تزدینه دوامه بانسلایان واعوجاج کلی احجابندن اولدینی  
ایچون مشار الیهک جائی صیقمقده صولک درجه یه وارن برذاته  
شاعرانه بر استنقال اولق اوزره :

اذا لم تستطع شيئاً فدعه  
وجاوزه الى ما تستطع

یاتی تقطیع ایتسنی تکلیف ایلدیکی مشهور در .  
بو یله ذاتلرک عروض اوکرنمک آری وسنده بولنلری شایان  
تعیب کورلمسه بحادر . انسان بر شاعر بلیغ اولغنی البته ایستر .  
شو قدر وار که عروض اوقومقله . حتی اوقوتقله کیمسه شاعر  
اولما مشدر .

( مدرسه خاطره لری ) مندرجاتندن ارلان ( مصحح ) فقره دی  
در خاطر ایدیایر سه بر اعوجاج مالی کورلمش اولور مصحح  
دیدیکمز آدم :

کیم ایدردی آرزو محبوب اصغر وصلنی [\*]  
 عاشقه زرسزجه رام اولسیدی سیم انداملر  
 ییتی تدقیق ایتدیکی صیرهده مصراع اولی تصحیحاً :  
 کیم ایدردی آرزو محبوب اصغر وصلک سنک  
 شکلنه قویمش ایدی .  
 بوندن بر ایکی سن مقدم ضیلا پاشانک :

ایستر ایسهک آکلامق جهانی  
 اوکرملی اوروبا لسانی  
 ییتی نحریف ایله :

یپلک ایسترسهک جهانی  
 اوکرن اجنبی لسانی

صورتنده و « ظن ائمه که جوابسز قالیرسین ، بزدن بویله آفرینلر  
 آلیرسین » عباره سنی یات ظنیله :

ظن ائمه که جوابسز قالیرسین  
 بزدن بویله آفرینلر آلیرسین

هیئتده یازانلر دخی گبرلش ایدی .  
 اعوجاج طبعیت انجانبندن بر طاقی ده واردرکه کاه صوابده ،  
 کاه خطاده بولنورلر . نلا درت ییتی بر قطعه سویاسه لر بش  
 مصراعی موزون اولورسه اوچ مصراعی نا موزون دوشر .  
 [\*] « محبوب اصغر » بر تعبیر اصطلاحیدرکه آئونه اطلاق اولنور .

بولنر توغل ایله بر درجه به قدر تصحیح طبیعت ایده بیایر لر .  
 بو خصوصده حکم قومیت دخی نظر دقته آلتملیدر . اقوام  
 اسلامیة نكالك مشهورلرندن اولان ولساندی اسلام ادبیاتنك  
 مدار بقاسی بولنان عرب ، عجم ، ترك قوملری مله متحد  
 اولدقلری حالده خلقه بر اولدقلرندن طبیعتلرنده اوزان شعریه به  
 تمایل مسئله سنده آز چوق اختلاف موجود در ، عربك بعض  
 بحوری ، خصوصیه فروع بحوردن اولان بر چوق اوزانی  
 عجمك ، تركك طبیعتنه توافق ایتمز . حتی عیدزاکانی کی لغات  
 هزلیه جمع ایتمش اولان بر عجم لطائف پردازی دیمش که :

— الناموزون = شعر عربی .

شونلرده او ذانك تعریفاتندندر :

— الشاعر = دزد سخن .

العروض = اندازه طبع سقیم .

عیدزاکانی ایسه شاعری شویله تعریف ایدر :

— الشاعر = طامع خودپسند .

بونك ایچوندركه عجمده عروض مخصوص اتخاذا ایدلشددر .  
 بز ایسه اکثر اوزان عجم طبیعتزه موافق کلدیکندن آبریمجه  
 عروض اتخاذه حاجت کورمیه رك عجم عروضنی قبول  
 ایتمنز در . بونكه برابر شوراسی اونودلاملی که المزده بولنان  
 عجم عروضنك بر ترك عروضی شكلنه افرای ایچون طبیعتزه  
 تامیله توافق ایده جك صورتده حسن تنقیحی لازمه دندر .

مقتضای قومیتك خارجنه چیقيله رق عربيه ياخود عجمه  
 مخصوص اولق لازم كلن بعض اوزان اوزره تركجه شعر  
 تنظیمی داعیه سنه دوشیلورسه بیهوده اختیار کلفت ایدلش  
 اولور . مثلاً عربك بحر بسیطی اوزره سویلنلمش بر شعر بلیغ  
 عربی ارباب ذوقه و قص آور اوله جق بر آهنگ لطیفی حائر  
 بولنور . از جمله امام بوصیر ينك قصیده برده سی بویه در .  
 حال بو که اوبجوده تركجه شعر سویلنله جك اولسه لسانمزده  
 او آهنگه عربی کی استعداد اولدیغندن کلفت حس اولنور .  
 لطافت ایسه کلفت ایله اجتماع اتمز . آثار اسلاف آره سنده  
 تركجه یازلش بر خیلی قصیده برده تخیلساری کوریورز .  
 هانکیسنی لذتله اوقویه بلیورز ؟ داناً عربی بر شعری تركجه ایله  
 تخیلس ایتکده نه معنی واردر ؟ مقصد قصیده مبارکه دن استعداد  
 ایسه آنی اوقوملی ، آکلاملی ، ذوقه وارملی ، از برله ملی  
 یانسه بر طاقم لزومسز تركجه سوزلر قاتمق مذهب عشاقده  
 حرمتسزلك عد اولنور . بر کره (نوسل) صاحبك شو تخیلسنه  
 باقکز ! :

چیقارم بوب دردلدن مسالك حری  
 همیشه یاد ایدوب احباب یار محترمی  
 صجب بو کریه حسرت بو اشک دمبیدی  
 امن تذکر جیران بندی سلم  
 مزجت دمعا جری من مقوله بدم

اویمیشی ؟



مع مافیه بویه اثر لرك اصحاب اقتدار طرفدن ینه عربی ایله  
تخمیس ایدلسنه برشی دینله مەمەك طیبیدر.

فن بلاغت اربابندن بعضاری شعری (مرقص، مطرب،  
مقبول، مسموع، متروك) نامرلیله ین قسمة تقسیم ایدرلر.  
مرقص انسانی رقصه ڪثیره جك درجه لرده لطیف اولان.  
مطرب طبیعت طرب و یرن، مقبول بوله شایان کوریلن،  
مسموع دیکله نیله بیلن، متروك ترك ایدیلن طاقیدر.

مرقص  
مطرب  
مقبول  
مسموع  
متروك

بو قسمی ایدنلر مثالر ایرادیله اقسام خمسەنك ایضاحه  
جالشە شلر ايسوده طبایع مختلف اولدیندن برطیعتك مرقص  
عد ایدمە جکی شعری دیگرى مثلاً مسموع عد ایدمە بیله جکی  
جهتله بوبانده متان ایرادینه پك ده اوم کورلمه مایدر. حتی  
برشعرك مطلقاً بو بش وصفدن بر یله وصیفنه دخی احتیاج.  
بانکده امکان اولمە دینی ایضاحدن مستغنی کوریلور.

اسانده طرفدن تنظیم شعره دائر د. میان ایدیلن ملاحظاتدن  
بعضارینك بوراده ایرادینی فائده لی عد ایلدك :

۱ — معانی قوافی ایلا یك آهند، اونلی. قافیه خاطری  
ایچون حسن جریان معانی به خال ویره جك صور افاده به التفات  
ایدلمە ملی، دائماً الفاظ معانی به تابع قیانه ی.

۲ — زوائد تحریرندن اجتناب ایله برابر مقصد نه ايسه  
تماماً افاده اولنلی. فقط بعض کره. خی تصریح مقصددن

اصحاب ذوفك انتقال ایده جکری بر صورتده عدول ایدلملی .  
مع هذا ايجاز غل سهته کیدلملی .

۳ — طرز افاد. ممکن اولدینی قدر تنويع ایدلملی . یکطرز اولان بیان اوصاندریچی اولور . موسیقیده تنوع نعمات حسیاتی نه قدر تهییج ایدر ! حال بوکه بردوزی به کیدن بر آهنگ حواسی یورار ، اوصاندر . شرده بویله در . اثنای تحریرده طرز افاده نك حسن تبدیل مهارت ایستر . ماهرانه اجرا ایدیلیرسه پك لطیف ایلور . مهارتکارانه اولمازسه آهنگی بتون بتون بوزار . مثلاً لئائفدن عبارت کبی کورینن بر منظومه نك ایچنده بر حقیقت کوسترمك لازم کئنجه ارائه نك موقع طرزینی کوزل دوشوره بیللم بوجك بر معرفتدر .

۴ — ساده لك ایچنده صنعت ، صنعت ایچنده ساده لك ارائه سنه جالشملی . صنعت اجبار طبیعت شائبه سندن وارسته بر صورتده اجرا ایدلملی . بویولده اجرا ایدیلیمیه جك ایسه صنعتسز ساده لك ترجیح اولنملی .

۵ — آهنگلی ، طمطراقلی الفاظ انتخاب ایدلملی . فقط اوالفاظ افاده ایدیلیمیه جك معانی ایله متناسب اولملی . بعضاً کوزل بر شعر برکله ایله چرکیناشه بیایر . الفاظ آهنگلی ، طمطراقلی اولوبده معانی عادی اولورسه گولنج اولمغه استعداد کوستر .

۶ — یازمه دن دوشونملی ، دوشونمه دن یازماملی . دوشونمکسزین

یازیلان شیرک سروبی اولماز . نه قدر این دوشونیلورسه او قدر ای یازیلیر .

۷ - پرکولقدن احتراز ایتملی . آز سویلملی ، کوزل سویلملی . چوق سویلین گوزل سویلیه مز .

۸ - انسان کنندی شعری حقننده بر مؤاخذ شدید اولملی که سائر مؤاخذلره بکنندیره بیله جک سوز سویلمکه موفق اوله بیلسون . جهل آدمه کنندی آثارینی گوزل گوستر . شعردن آکلایانلرک تحسینه قایلانلر آنلردن اجهل عد اونور .

۹ - انسان کندنده حس اتمدیکی بر فکری ای یازه ماز . مثلاً بر مرثیه حسابات ذاتیه اوزرینه مؤثر اوله رق یازیله بیلیر . ایصهارلامه مزار طانی یازمق باشقه در .

۱۰ - ممکن اولدینی قدر طبعیلکدن آبرلاملی . هر لطافتی طبعیلکده بولملی .

مصراع - موزون برپارچه در که کنندیسيله بحرأ متساوی

دیگر موزون برپارچه به مقارنتندن بریت تشکل ایدر .

بوکه ( مصرع ) صورتنده دخی قوللانیلیر

مصراع آزاده - قرینی اولمیان ، یعنی نك اولان مصراعه ( مصراع آزاده )

دینیلیر . بوندن اوج درت سنه مقدم نبسم حالنده جیقاردیلان بر رسمک آلتنه یازدیغمز :

مضحکات دهره بن اولسه دم ده تصویرم کولر

مصراع‌ی کبی .

قرنی ایله مناسبت مضویه سی اولیوب هر بری باشقه برسوز  
عد اولنه جق صورتده واقع اولان مصراع‌لره دخی ( آزاده )  
تعبیر اولنور . بو درلو آزاده مصراع‌لر طبیعت رکیکه احمبابی  
آ نارتده بولنور .

مثال :

هوس زلف یار وار سرده  
سر کرامت خیار وار سرده      خواجه نشان

متین ولطیف اولان مصراع‌لر ( بر جسته ) ایله توصیف  
ایلدیلر .

مثال :

ا کرچه طبع ناجیزانه مده بر مصرع بر جسته نظمیه ییله ذره قدر  
استعداد اولدیغنی بیلیر ایسه مده ( باقی قالان بو قبه مده بر خوش صدا ایش )  
فحوا سنجه احلافه یادکار اولوق آرزوی خاصانه سیله ...  
ضیا پاشا

دیگر :

ا کر مقصود اترسه مصرع بر جسته کافیدر  
عجب حیرتده یم بن سد اسکندر خصوصنده      راغب پاشا

( بر جسته ) وصفی مصراع‌لر مخصوص دکلدیر . عمومیت اوزره  
اشعار و افکار حقنده استعمال اولنه بیلیر .

مثال :

اشعاری لطیف لیک آزادی  
بر بر جسته قصیده یازدی  
ضیا پشا

دیگر :

تنقیح ابد سوزی او دانا  
بر جسته در آمده لفظ و معنا  
وله

یازمقدمه اولدیغمز لغت کتابنده شویله دیمش ایدک :  
— بر جسته تعیری اکثر یا اشعار و افکار حقنده قوللانیایر.  
مثلا ( شعر بر جسته ، مصراع بر جسته . فکر بر جسته ) دینیایر.  
انسان بعضاً کمال سهولتله بر شعر سویلر که باشقه وقت نه قدر  
چالشسه آنک کبی سویابدمز . کذلک بعضاً کندی کندینه ذهنه  
اویله بر فکر کلیر که معادلک فوقنده عد اولتور . ایشته اصل  
( بر جسته ) او درلو شعرلره ، او درلو فکرلره دینیایر .

~~~~~

بیت — بر وزیده اولان ایکی مصراعدن مناشکل نظمدر.  
متحد الوزن اولیان ایکی مصراعدن تشکل ایدن نظمه بیت  
دینیله مز . مثلا روح البیان صاحبی اسماعیل حقیقک :

نته کیم شمس عره قونیه ایدوب  
ایدی ملا جلالی ارشاد

سوزی ایکی مصراعدن مناشکل ایهده مصراعلر مختلف الوزن

اولدیغندن بیت عد او انه مار . بناءً علیه یئتک تعریفنده «ایکی  
مصراعدن مرکب نظم» دیمک ناقص اولور .  
بریتی تشکیل ایدن مصراعلرک یکدیگرله مقفی اولمسی  
سرط دکلدر . مثلاً :

جوقبدر اولدیهسه مهرکدن سویدا غرق نور  
سن کسلدم بن ، نه وار اولسه م سراً غرق نور

نظمی ر بیت :

شوق رویتدن فصل برق جهان اولماز کلیم  
سینه بر آتش، نظرکاهنده سینا غرق تور

نظمی دهینه بر بیتدر .

بر قصیده نك اك پارلاق عد اولنان بیتسه ( بیت القصید ) عنوانی بیت القصید  
ویر یایر . مترجم قاموس دیرکه :

— بیت القصید منی عایه اولان بیتدر که ایات سائرهدن  
رنکین وجودت طبعه تصادفله دلنشین اولور ، نه کیم دیمشلردر :  
«قصیده ده بر اولور بیت نادر المضمون»

کدک بر غزلک اك پارلاق عد اولنان بیتسه ( بیت الغزل ) بیت الغزل  
اطلاق اولتور .

( بیت الغزل ) . بدل ( شاه بیت ) و ( شه بیت ) تعیرلری شه بیت  
دخی قولانیایر .

کاظم پاشا لك :

بر غزل طرح ایده بم لعل لبك وصفند  
اوله هر مصرع بر جسته سی شه بیت قصید

بسته اوج صورتله اعتراض ایدلشدر :

اولاً — ( شه بیت ) ایله ( بیت قصید ) آری آری ایکی  
تعبیر اولدینی حالد بونلری مزج ایده رك ( شه بیت قصید ) دیمك  
بولسز در . ( شه بیت ) دینیلنجه ( قصید ) ك ، ( بیت قصید )  
دینیلنجه ده ( شه ) ك لزومی قالماز . مصراع :

اوله هر مصرع بر جسته سی بر بیت قصید

صورتنده یاز یله بیایردی .

ثانیاً مصرع بر جسته ( شه بیت ) اوله میه جنی کی ( بیت قصید ) ده  
اوله ماز . بسته مخصوص اولان بر عنوان مصراعه فصل ویر یله بیایر ؟  
ثالثاً — ( شه بیت ) غزلده اولور ایسه ده ( بیت قصید )  
قصیده ده بولنور . حالبوکه « بر غزل طرح ایده بم » دینیلور .  
اوجنی اعتراضه شویله جواب ویر یله بیایر :

— شاعر ك « طرح ایده بم » دیدیکی غزل امام علی ( کره  
الله وجهه ) وصفنده کی بر قصیده سی میاسنده اولدیندن بوغزلده  
بوانه حق بر جسته مصراعلرینه او قصیده ده بوله حی حنه  
بونلره ( بیت قصید ) دیمك تا بمحل اوئامش اولور .

ایکنجی اعتراضده سؤیله جواب ویریه بیلیر :

— برجسته بر مصراع مدحده مبالغه مقصدینه منی مجازاً  
(شه ییت) یاخود (یت قصید) مثابه سنده طوتیله ییایر .

برنجی اعتراضه دخی (شه) لفظنک (یت قصید) مفهومی  
تأکید ایچون کتیرلش اولدینی درمیان ایدیلرک جواب ویریه -  
یلیرسه ده دیگر ایکی جوابدن ده ضعیف دوشر .



تصریع - ییتک هر ایکی مصراعی قافیه دار قیامقدر .

تصریع او بولده یازیلان بیتله (مُصَرَّع) دینیایر . اکرم بک افندیکنک مُصَرَّع منظومه آتیه سنی تشکیل ایدن یاتلر هب مصرّعدر :

### بویله ده شعر یازیله بیلیریا

هیچ بردم سندرز اولق ایسته مز جانم بئم  
اولدی کویا تاب حسنک نور ایمانم بئم ؛  
جورنک اولماز کاسر شوق فراوام بئم ؛  
راحت ایتمز محنتک کورمزسه وجدام بئم ؛  
منصل عالمده ایسون کر به چشمم بئم ؛  
راضیم یانسون موید قلب سوزانم بئم ؛  
موت طوتسون دلغم، خسران کر پیام بئم ؛  
ترک ایدرسه م عشقکی ای مهر تابانم بئم ؛



(اشتلاف) مبحشه ( رقت ) • مثال اوله رق ایراد ایدلمش  
اولان ( صوك تشيه ) عنوانی منظومه دخی بوفیلدندر .

•••••

فرد - مُصَرَّعْ اولیان تک بیتدر .

رد

مصراع اولور ایسه ( مطلع ) نامنی آلیز • فرده ( مفرد )  
دخی دینیلیر • حتی جمعی لازم کلنجه ( افراد ) یاخود (فردات)  
دینلمیهرك ( مفردات ) تعیری قوللانیلیر •

فرد

مفردجالب نظر دقت بر مضمونی مشتمل بولمیلدر که تحریره  
شایان گورلسون • یوقسه ناینک ، ندیمک :

نشاط و صلت الیه یاره قارشی سیننه مزی  
طورر طورر دوکرز طبل عبدکاه کی

و :

بزمده سازینه مضراب اوروب بته مطرب  
سمند شوقی چست ابتد نازیانه الیه  
مفردلری کبی شیلر حقیقت حالده یازمغه دکز •



مطلع - بر منظومه تک ایلاک بیت مصرعیدر •

لمح

بوتعیر قصیده ، خصوصیه غزل حقنده زباده استعه - ل  
اولنور •

علی الاطلاق (مطلع) دیندیکی کبی بالاده کوستریلن معنی  
 آ کلاشیایر قصیده وغزل آره لرنده تجدید کلام یوللوا ایراد  
 اولسان مصرع بیتله دخی (مطلع) نامی و یر یلیرسه بونلر  
 مرتبه لرینه کوره (مطلع نانی، مطلع ثالث) طرزنده قیید اولنور.  
 شو حالده منظومه ناک ائک باشده کی مطلعنه (مطلع اول) دینلمک  
 لازم کلیر .

بدن زیاده مطلعی حاوی اولان شعره قصیده ویا منظومه  
 اعتباریه ( ذات المطالع ) ، نظم ویا شعر اعتباریه (ذوالمطالع)  
 ذات للمطالع  
 تعیر اولور .  
 ندیم :

حبذا ای تاج ونختک مایه زیب و فری  
 طامک آرابشی ملکک طراز وزیری

بیتله مصدر اولان قصیده سنده طورآتی ابله تجدید . مطلع  
 اتمشدر :

جست وجوی معنی\* و مشکله عقل و فکرم وفهم  
 کشت ایدرکن زیر و بالای سهری سر سری

راست کلدی بیک اندیشه م بوغرا مطلع  
 چرخ چارمدن اوتله عرش معلادن یری

دست قهرکده رخ چرخ کهن نیلوفر  
 باغ لطفکده بهشت هشت زورد طری  
 شوده غزل ایچون بر مثال اوله بیایر :

فضولی به پیرو اوله بیایمی بم ؟

ای تعالی ابلدبکجه ایلین حیوان بنی  
 خاك پای ابتدی سکا میل علو شان بنی  
 خاك پاپك اوله دن آسودکی بولماز نم  
 طالم بالایه سوق ایلر بوعلوی جان بنی  
 شعله بارم، دوردن سیر ایلسون یاران بنی  
 ابتدی هجران آنشی سیار روونغان بنی  
 لطفنه لایق کوروب اولدرمدی جاتان بنی  
 شمدی هر ساعت آنکچون اولدی رهبران بنی  
 غمزه سی رو یاده اولسون ایلسون قربان بنی  
 تکرری حقیرون اوپوت ر لحظه ای افغان بنی  
 ویرمه ای آرام جان یهوده زجت تبعکه  
 جسمدن تجرید ایدر بر جنبش مزکان بنی  
 دوندی بر کرداب خونینه کوزمده کاپشان  
 کردش چشمک خیالی قبلدی سرکردان بنی  
 دوستم دور وصالکده عجیب حوصصال ایدم  
 باق نه حاله قویدی عهدندن دونوب دوران بنی

بر منظومه نك مصرع اولمیان ایلک بیتیه دخی (مطلع) دینیله.  
 بیایر .

حسن مطلع      برده (حسن مطلع) تعبیری وارد در که غزلده مصلحی تعقیب  
 ابدن یث رنگینک عنوانیدر . شوکت فراهینک .

فلک حسن ترا از حسن یوسف کرده کلکون تر  
که رنگین تر کند شاعر ز مطلع حسن مطلع را  
قولنجه شاعر بویقی مطلعدن دها کوزل سوبلمکه چالیشیر.



مقطع - بر منظومه نك نهایتنده اولان بیتدر .  
بوتعیر اکثریا غزل حقنده قوللانیلیر .

مطلعك آلت طرفنده کی بیته ( حسن مطلع ) دینلدیکی کبی  
مقطعك اوست طرفنده کی بیته دخی ( حسن مقطع ) دینیلیر .  
شاعر بونك ده حسن نظمینه صرف همت ایدر . مثلاً یدی  
یتلی بر غزلده بر حسن مطلع انخاذا ایلدکدن صکره مقطعدن  
باشقه الهه قاله جق درت بیتك اك کوزلنه مقطعك اوزرنده بر  
نمین ایتمك دأب دیرین شرادر .



قصیده - مطعی مصرع اوله رق اون بشدن زیاده بر قافیه قصیده

اوزره سوبلنلمش بیتدن متشکل اولان نظمدر .  
ابیات قصیده نك اقلی اوتوز بر ، اکثری طقسان طقوز  
اولور . ایکبسی اورته سی بر مقدار اختیار ایتمك اعلادر .  
( مجموعه معلم ) ده ملاحظه آتیه درمیان ایدلش ایدی :  
قصیده اکثریا مدایح اکبری متضمن اولور . بعضاً اولنده  
ویا آخرینه قریب تغزل ایدیلیر . ندیم ( کلیر ) ردیفلی قصیده سنه :

نَز و شیوه بله که آقوشمه جانانه کلیر  
 سینه بی قلبی بکوب تا حرم جانانه کلیر  
 دیه بر غزل ایله ابتدا ایتمشدر. قشقی :  
 شکر کیم بر بارگاه لطفه قیلدم انساب  
 مصرعیه باشلایان قصیده سنک آخرینه قریب .

کوز اوجیهله عاشقه که لطف ایدر کاهی عتاب  
 برسواله یر قوماز اول غمزه حاضر جواب

مطلعلی غزلی سویلمشدر . بو ایکنجی صورت اکثریت اوزره  
 دها مطبوع دوسر .

قصیده ده مقصده انتقال ایچون مناسبت پیدا ایدن یته  
 (گریز) یاخود (گریزگاه) تعیر اولنور . ندیمک مشهور قصیده  
 رائیه سنده کی :

گریز  
 گریزگاه

دیدی که برایکی بیت القصید کیم اولمش  
 آنکله حضرت صدر کزینه خدمتکار  
 ییتی کبی بونی متعاقب مقصدی اولان ابراهیم پاشا وصفته  
 ( حناب ) ی یاخود ( حضرت ) ی زاندد کورینان :

جناب حضرت دستور آسمان مستند  
 که مهر ذاته بر کرد بالش زرنار  
 بیتله گیرشمشدر .

قصیده ده اکریا گریزدن صکره کلوب شاعرك مخلصنی

تاج مشتمل بولتان يته ( تاج ) عنوانی ويريلير . آندن صكره دعا  
كلير . نفعينك سلطان عثمان وصفنده كي قصيده سنك آشاعیده  
گوستريلن صوك ييتلری كجي :

باشلا شمدن صكره ای نفعی دعاى دولته  
بر دعا ايت كيم اوله حسن قبولك مظهری

ايله تاخسرو صاحبقران شرق و غرب  
اشب زرهالهنگ صبح ايله جولانكری

حق سرافراز ايلسون رايات دين و دولت  
قنده عزم ايلرسه اولسون قبح و نصرت رهبرى

ايلديكجه عزم ميدان غزا اول قدم  
پاچال اولسون يولنده دشمن ديتك سرى

انئى

معروف اولدينى اوزره بزده اك پارلاق قصيده سويلين  
شاعر نفعيدر . صكره دن بو وادیده مشار اليه يتشمش ، حق  
ياقلاشمش بر شاعر گورلمه مشدر . بر مقاله مزده ديديكمزوجه  
ايله عصر مزده نفعی ايله اك زياده اوغراشانلردن برى قوت  
طبعی ، كفايت دانئى كنديسنى بيلنلرك مسلى اولان اسماعيل  
پاشا زداده صاحب ديوان حق بك اقتيدير . مقايسه اولنسون :  
نفعی ايله آره لرنده خيل مسافه اولدينى گوريور . بوراسنى  
كندى ده هر زمان اعتراف ايدر . حال بو كه نفعيدن صكره كلن  
ارباب نظم اينجده اقتدار شاعرانه جه حق بكه معادل طوتيله  
بيله جك پك آز آدم بولنه بيلير .

بونکله برابر شمیدلرده نفی مسلکی همان بالکلیه گوزدن  
 دو شمشدر . نفیانه بر قصیده سویلمک بیهوده اختیار کلفت  
 ایلمک قیلندن عد اولنیور . « نفی موده سی کجدی » دینیلور .  
 صحیحاً کجدی . طرز جدید ادبیات شعر طبعته موافق بدایع  
 فکریه مصوری اولق لازم کله جکنی بیدانه قویدی . بوندن  
 بویله نفی مسلکنک اعاده اقبالی قابل دکلدر . شوخالده بوندن  
 بویله دخی نفی کبی بر شاعر یتشمک احتمالی قالدی دیمک  
 اولور . افکاره بودرجه لرده تحول کلدکدن صکره عمرینی الی  
 آلتش یکنسق قصیده ایله سکر اون غزلدن عبارت اولق  
 مرتبه سنده بر مجموعه میدانه کتیرمک اوغرنده صرف ایده جک  
 بر شاعر مقتدر بولق فصل ممکن اولور ؟ بوندن بویله  
 یتیشه جک شاعر لر مز بدایع فکریه نه کبی شیلردن عبارت ایسه آنلری  
 بزه گوستره جک زمینلر بولهرق و فقط ادبیات غریبه دن استفاضه نامیله :

دیوانهجه سوزلری دیمکدر ادبیات  
 آثار ترقی دیوروز بز بو کا هیهات

دیدیره جک معاسز لاقیر دیلر سویلمک سودا سنده بولمیه رق  
 ملتزمه ، دولتمزه گر چکدن خدمت ایده جکار .

نفینک قصیده لری ایچون « یکنسقی » دیوروز . اوت  
 اویله در . هر قصیده سی تشیب ، توصیف ، فخریه ، هجویه ، دعا  
 ماده لرندن عبارتد دینیله بیلیر . ذاتاً قصیده بواسلوب اوزره

تنظیم اولنور . شمیدی شاعرلک عالمی بویه غایت محدود بر  
دائرة دن عبارت اولن ایستیمور ، ضیا پاشانک دیدیکی کبی :

محدود میدر دیار افکار

نقیبی بی اودائرة دن چیقارمیان شی بولندی زمانک حکمیدر .  
یوقسه اوقوتده یرشاعر میلان طبیعتنه نظراً مثلاً عثمانلی محاربات  
مشهوره سنی تاریخ طرزنده وپک پارلاق بر صورتده نظم ایده رک  
بزه حسیات ملیه ایله مشحون بر ظفرنامه بدایع موزن براقه -  
بیلیدی .

مشار الیهک قصائدنده بعض غلطات لفظیه گوردیکی کبی  
بر خیلی غرائب معنویه دخی بولنور . مثلاً دیرکه :

کر اولسه فیض حکم عدل ودادی عالمه شامل  
ایلدردی بجه کبک دری شهباز ایله بازی  
کر اولسه همنی عاجز نواز وتقویت کستر  
کبوتر جره شاهین کبی صیدا ایلردی شهبازی

بر یسی چیقوب دیه بیایرکه :

شاعر بوسوزلره مدح ایتک ایستدیکی ذاتی ذم ایدیور .  
«کر اولسه» دیور . دیمک که او ذاتک نه فیض عدالتی عالمه  
شامل اولش ، نه ده همتی عاجز نواز وتقویت کستر !

نفعیده بویه شیرلر آز دکلدرد . فقط شوراسنه دقت ایتلی که  
بونلر :



اولیدی آب و تاب فیض طبع فیضیده  
ایدری فیضه مستغرق سواد ملک لاهوری

دیگه بکزه مز .

بو مسلکده مشار الیه پیرو اولاندرها زیاده غرائب نمالق  
ایتملدر . مثلاً :

لاملای بر ایدر ادخنة فحم آمل  
مطبخ جودی اکر آجسه سپره باجنک

دینلمش . مضامی شو اولیور :

— مطبخ جودی سپره باجه آجسه لاملای امل کوموری  
دومانلری طولدر . فقط آجیور . . . . .



غزل — مطلبی مصرع اوله رق طرز مخصوصده یازیلان  
نظمدر .

اقلی درت ویا بش ، اکثری اون ویا اون بش بیت اولور .  
غزل اساساً حسن وه شقه تعلق ایدن مضامین ایله ترین  
ایدیلیر که بو وادیده یازیلان غزللر شریک ( غرامیات ) تعبیر  
اولتان و صرف حسیات عاشقانه تصاویرندن عبارت بولسان  
قسمندن صاییلیر . بو وادیده :

غزلدر صفا بخش اهل نظر  
غزلدر کل بوستان هنر

غزال غزل صیدی آسان دکل  
 غزل منکری اهل عرفان دکل  
 غزل یلدر بر شاعرک قدرتن  
 غزل آرتور ناطمک شهرتن  
 کوکل کرچه اشعاره چوق رسم وار  
 غزل رسمن ایت جمله دن اختیار  
 که هر محفلک زینتیدر غزل  
 خرد مند لر صنعتیدر غزل  
 غزل دی که مشهور دوران اوله  
 اوقومقده یازمقده آسان اوله

نشیده سیله اقسام شعر آره سنده غزالک درجه اهمیتتی کو سترمک  
 ایستمش اولان فضول تفرد ایتشدور . کندیسسنگ از جمله شو  
 غزلی اوقویه لم :

قیلدی زلفک نک بریشان حالی خالک سنگ  
 بر کون ای تی درد صورمازین نه در حالک سنگ  
 کیتدی باشکل کوکل اول سرو قدک سابه سی  
 آغلاکیم اباره تبدیل اولدی اقبالک سنگ  
 زینت ایچون جسم دیوارنده قیلمازدم برین  
 چکمسیدی عشق جان لوحنده تمناک سنگ  
 تیز چکمز سین جفا تیعن بنی اولدرمکه  
 اولدیرر بر کون بنی آخر بو اهمالک سنگ  
 غرق خوناب جکر قیلش کوزم مردملرین  
 آرزوی خال مشکین ورخ آلاک سنگ

دامگاه عشق‌دن طوط بر کنار ای مرغ دل  
 صیغه‌دن سسک ملائمت‌دن پر و بالک سنک  
 سایه وش چوقدن فضولی خاک پایک یاصلانیر  
 اول امید ایله که بر کون اوله پا مالک سنک

سائر غزل‌سرا شاعر لر مزك آثاری ایچنده یو تأثیرده بر  
 غزل بوله بیلیرمی یز ؟  
 اربانه :

« يك بيت عاشقانه به از صد قصیده است »  
 دیدیرن بو وادیده اظهار کمال ایده بیلیمک طبیعتده شاعر لکله  
 عاشق‌لک اجتماعنه متوقف اولدینندن هر شاعر م دینه میسر  
 اولماز .

طرز افادەنک غایت جدی اولسی بو وادیسک شرائط اساسیه  
 سندندر . ولو یک جزئی اولسون هزل جهتیه میل ایدلدیکی کبی  
 غرامیاتک الک بیوک مزیت مغنویه سی اولان سوزش تباعد ایدر .  
 مثلاً اندرونی و اصفک غزلیاتنده سوزشدن همان هیچ اثر  
 کورلمز . چونکه هزلیات مقوله سندندر .

فضولی ایله ندیمک شو غزل لرینی مقایسه ایدم :

حیرت ای بت صورتک کوردکده لال ایلرینی  
 صورت حالم کورن صورت خیال ایلرینی  
 مهر صالمازسین بکا رحم ایلر سین بونجه کیم  
 سایه تک سودای زلفک پایمال ایلرینی

ضعف طالع مانع توفیق اولور هر نیجه کیم  
 التفاتک آرزو مند وصال ایلر بنی  
 بن کدا سن شاهه یار اولقی یوق اما نیلیم  
 آرزو سر کشته فکر محال ایلر بنی  
 تیر غمزه آئه کیم باغرم دیر قام دوکر  
 عقد زلفک آچه کیم آشفته حال ایلر بنی  
 دهر وقف ایتش بنی نورس حوانلر عشقنه  
 هریتن مهوش اسیر خط وخال ایلر بنی  
 ای فصولی قیلزم ترک طریق عشقی کیم  
 بو فضیلت داخل اهل کال ایلر بنی

## §

بوس لعلک شویله سیراب زلال ایلر بنی  
 کیم کورن آب حیات ایچمش خیال ایلر بنی  
 شاهره سوز بولمه منت نه اما نیلیم  
 آه کیم حیرت سنی کوردکه لال ایلر بنی  
 سودیکم جام میسه حاجت نه درلعل لبک  
 بر شکر خندیلله مست بی مجال ایلر بنی  
 باغده زلف و رخک آ کدکجه بو کیم دردیو  
 سنبل وکل پیری بیرندن سؤال ایلر بنی  
 نکمت زلفکله کلدکجه نسیم نو بهار  
 طره سنبل صفت آشفته حال ایلر بنی  
 نا توانم شویله چشمک حسرتدن کیم کهی  
 سایه مز کان آهو پایمال ایلر بنی

کردش کوردجکه ساقی ملایم مشربك  
 « آرزو سرکشته فكر محال ایلرینی »  
 حسرت چشمکله بن خاک سیاه اولسه مدخی  
 بخت آخر سرمه چشم غزال ایلر بنی  
 کویا بیلر اقدم بنده دیرینه سن  
 کیم ندیمسا بومیدر دبو سوال ایلر بنی

بو نظیره ندیمك اك كوزل غزللرندن معدود در. فضولی به  
 پیرولك یولنده یازلدینی ایچون کندیسنك سائر غزللرنده کوچ  
 بولنه بیله جك بر تأتیری ده حائر بولنیور . احتمال که فضولینك  
 غزلندن پارلاق کورینور . نه قدر پارلاق اولسه سوزش جهتیه  
 آندن خیلی آشانی قالیر . فضولی غزلنده محل سوزش اوله جق  
 هیچ بر نی سویلمدیکی حالد ندیم نظیره سنده تضمین بیتیه  
 مقطعه سوزشی اخلاص ایتش . فضولینك « آرزو سرکشته فكر  
 محال ایلر نی ، فکرینی » کردش کوردجکه ساقی ملایم مشربك  
 توفتیه سیله تقید بر شوخاق ، تعبیر دیکرله : پرده بیرونلق  
 اولیور . مقطكم محتوی اولدینی مأل ایسه ساده بر شطارت  
 ندیمه دن عبارت بولنیور . بناءً علیه نظیره نك ابیات سائر سنده  
 وجود وتخیل اولان جدیت افاده به کلی خال کلیور ، تضمین  
 بیتیه مقطع آره دن چیقارلسه نظیره به بر نظیره صحیحه نظریله  
 باقیله بیله جك .

بالاده افاده اولندینی اوزره غزل اساساً حسن و عشقه

تعلق ایدن مضامین ایله تزین ایدمک موافق طبیعت اولدینی  
حاله اکثر شعرا بو طریقه دن عدول ایده رک غزل ایله قطعاً  
مناسبتی اولماق لازم کلن سیاسیاته وارنجیه قدره درلو افکاری  
غزل میاننده ایراد ایلمشلر . مثلاً سکنز بیتلی بر غزله باقیلیر ،  
ایچنده سکنز درلو فکر کور یلور .

بو یله غزللرک بیتلری غزته نسخهلرینک حاوی اولدینی  
مختلف بندلره بکزر . او فکرلر بعضاً یکدیگره مناقض ده اولور .  
دیمک که شاعر غزلده تصریح مطامع ایله قافیه دن باشقه برشی  
کوزتمک لزوم کور میور ، وزن وقافیه نک سوقه تابع اوله رق  
علقنه کلنی یازیور . بزدخی شمدی یه قدر بو مسلکده برخیلی  
غزل یازدق . بونلرک ایچنده تصادفی اوله رق بیتلری ییتنده  
ارتباط معنوی اولانلرده بولور .

مثال :

ای عشق بلای جانم اولدک  
آتشزن دود ماتم اولدک  
اول او جهان مستردن  
کلدک الم نهام اولدک  
اظهار ایچون آتش درونی  
آتش فکن زبانم اولدک  
چوق یکمدی باشلادک ظهوره  
دنیالره داستاتم اولدک

بندن کورینوب جہانیانہ  
برهان علو شام اولدک

دیگر :

ای عشق یاقارمه ک ایشته جانم  
یاق دیردم اولبدی خانم  
ویردک خلیجان دل و دماغه  
صارصلدی زمین آسمانم  
بر علم ذوقک ویردم  
باری کی اولسه یک جہانم  
خضر اولسه ایدم ایدرم اینار  
راهکده حیات جاودانم  
عالمده قالیر سنکله نام  
محو اولسه ده جسم ناتوانم

عصر مزده ظهور ایدن مجادلات ادبیه اکثرین اوزره  
حد معروفک خارجنده گورنمش ایسه ده آرزویه موافق بعض  
نتایج دخی انتاج ایامشدر . ایشته ایاتی آره سنده ارتباط  
معنوی بولسه جق صورتده غزل سوبلمک هوسنک تعم  
درجه سنه کلسی او جمله دندر .  
ایکی مثال :

رنک بخش لطف اولوب فیاض قدت کلره  
لؤلؤ شبنم ایل ویرمش لطافت کلره  
اول نه خوش رنک لطافتدرکه ارباب صفا  
منشرح اولقده در ابتدیکه دقت کلره

مظهر اولش التفات حضرت پیغمبره  
منعطفدر دیده تقدیس امت کلره  
کاستانه رونق دیگر وبرر هر غنچه سی  
دینسه ده شایسته در ازهار جنت کلره

افتخار ایلر وجودیله شهنشاه بهار  
فیض رنکین طبیعتدر طراوت کلره

شیخ وصفی

## §

سنک عشق ای دلربا بر بلاد  
اومبرم بلا یه کوکل مبتلادر

ییلورسین که سندن دریغ انلم بن  
بولکده سنک ایشته جام فدادر

نیحون کریه ی اوله تعیب ایدرسین  
نصل آغلام بن بو بر ابتلادر

یا بن آغلادقجه نیحون سن کولرسین  
بوخنده نسنک طوغریسی بابجادر

و فاسزلق ایتکده سین بویه اما  
یه بن دیم سودیکم بی وقادر

غریم ملولم جقادیده یم بن  
صفا کور یکم بوقدراسم صفادر

اسماعیل صفا

کنج شاعر اسماعیل صفا افندیکنک (تأسف) عنوانیه



یازمش اولدینی شو تحف غزل دخی بو مبحثده خاطره کله جک  
آئاردندر :

غزلسراق ایچون قلبه امل کلدی  
بش اون دقیقه مبداه بر غزل کلدی  
بکچدم بونی کوزدن کچبردیکم آمده  
او سوزلرک بکا معناسی مبتدل کلدی  
اوت شو اوج سنه اول یازمش آئارم  
حقیقه بکا بوندن دها کوزل کلدی  
بنابرین نه قدر وارسه بنده شعره هوس  
توکندی هبسی همان طبعیه کسل کلدی  
صفا بو حاله فصل بن تأسف ایجه یم  
یازیق طبیعت شعریه مه خلل کلدی

بو یله یتلری آره سنده ارباط معنوی بولمق اوزره یازیلان  
غزللره ( یک آهنگ ) عنوانی ویرلملیدر کچنلرده ( رنگ ) ردیفلی  
برغزله دأثر بیان ملاحظه ایتدیکمز صیره ده :

یک آهنگ

کوزل اما غزل رنگ یک آهنگ دکل  
دیمش ایدک ( یک آواز ) تعیری ایسه باشند آشاغیه قدر بر  
قوتده سوبلنلمش منظومه لره تخصیص ایدلملیدر . بعض منظوماتک  
ابتدالرنده کی یتلر قوتلی اولورده آلت طرفلری ضعیف  
دوشمکه باشلار . ایشته او یله منظومه لر حقنده « یک آواز دکل »  
دینیا پر ضیا پاشانهی وصفنده :

یک آواز

ایتدکده قصیده به سر آغاز  
تا آخره دک اولور یک اواز

دیمش ایدی .

برغزل هیئت مجموعه سیله مقبول اولق ایچون یا یک آهنگ  
اوللی یا خود ایاتلک، محتوی اولدینی افکار بر برینه یک آهنگ  
دینله جک درجه لرده متقارب بولمیلدر مثلاً ندیمک :

ناز اولور دمبسته چشم نیم خوابکدن سنک  
شرم ایدر رنگ تبسم لعل نایکدن سنک  
کبی نازک بر مطلع ایله موشح اولان غزلده خطابی زاهده  
جویره رک :

زاهدا معذور طوٹ جلدکده نقلت وار براز  
غلظتک فهم اولنور حجم کتسابکدن سنک  
دیجکی کیمک خاطرینه کلیر ؟  
ینه مشار الیهک :

لعل نایک چاشنی سنج عذاب ایتمزیمسین  
لطف ایدوب قهر ایله اولسون بر جواب ایتمزیمسین  
مطلعنندن صکره :

قامتن سیر ایله انصاف ایت اوبالا مصرعی  
زاهدا سرشاعر اواسهک انتخاب ایتمزیمسین  
دیمسی دخی یک مناسبتلی دکل ايسهده طبعته یوقاریکی قدر  
گران کلز .

غزلک ہر بریتندہ باشقہ بر شیدن دم اور مق معرفتی بزم  
 شعرای عجمدن انتقال ایتشددر . عرب شاعرلری غزلی یک -  
 آھنک دیدیکمز یولده سویلر لر آنلرک اثرینہ اقتفا ایتلی ایدک!  
 بر عرب شاعرینک شوغزلی (عبت) ایله باشلا یورایسہ دہ یک آھنک  
 اولدیتندن لذتله او قونیور :

عبت النفس بقده فتاودا  
 وسری الحیاء بخندہ فتوردا  
 رشاً تفرد فیہ قلبی بالہوی  
 لما غدا بجماله متفردا  
 قاسوہ بالعصن الرطبیب جہالہ  
 تالله قد ظلم المشبہ فاعتدی  
 حسن العصون اذا کتست اوراقھا  
 وتراه احسن ما یكون بمجردا

دیورکہ :

- سودیکمک قامت نازکی فحخت لسیمک لا ابالیانہ ایلشمسندن  
 تمایل ایلدی . رخسار لطیفی سریان سرم ایله فی الحال کلکون  
 اولدی . او بر غزال بی مالدركہ کوزلاکدہ تفردایدنجه کوکلم  
 دخی عشقندہ متفرد اولشددر . کدیسنک قد موزوننی جہل  
 ایله نہال تازہیہ تشبیہ ایتدیلر . بو تشبیہی ایدلر والله حدی  
 تجاوزله ظلم ایلدیلر ! تارہ نہاللرک حسی سبز پوش اوراق  
 اولملریله قائمدر . حال بوکہ سودیکم لباسدن تجرد ایتدکجه دھا  
 کوزل اولور .

سکا ای نور مجسم نیچه تشبیه ایدیم  
 یوق ایکن وجه شبه تازه نهال چنی  
 او بولور جامه سبزین ورقله رونق  
 سن ایسه احسن اولور سین چیقاروب پیرهنی

قطعه سی بو غزلک صوک یتلرندن اقتباس ایدلش اوله بیلیر .  
 ابن کمالک اولق اوزره مشهور اولان بو قطعه یی مستظرف  
 مترجمی اسعد اقدی « خیلی سال اول بو فقیر ابن هلال صاینک  
 کرک اأخذ طریقیه اولسون کرکسه توارد قیلندن بولنسون  
 یتین اخیرین مذکورین معناسنده بر قطعه سنی کورمش اولوب  
 « سکا ای روح مجرد نیچه تشبیه ایدیم — یوق ایکن وجه شبه  
 تازه نهال چنی — او بولور کسوه سبزین ورقله رونق — سن  
 ایسه احسن اولور سین چیقاروب پیرهنی ، نظم ساده معناسیله  
 ترجمه یه جرأت ایتشیدی « دهرک بنسمه مک ایتشمدر .

مردف شعر سوبلمک خصوصی دخی بزه شعرای عجمدن  
 انتقال ایتشدرد . باغای عربک اشعارنده ردیف کورلمز . بونکله  
 برابر مردف اولان شعرک کندینه مخصوص برلطاقی اولدینی  
 انکار ایدیله مز . مثلاً مردف بر غزل بلیغک مطای اوقوندینی  
 وقت آنی تعقیب ایدن یتلرده ردیفک بصل بر مهارتله تکرار  
 ایدلبیکی کورمکه طبیعت متشوق اولور . ردیف تکرر ایتدیکجه  
 تشوقی آرتار . ردیف سر شعرده ایسه بو حالت بولماز . آیده بالکز  
 قافیه ذوقی واردر . حال بوکه طبیعت ردیفلی شعر سوبلمک

ردیف‌سز شعر سویلمکدن قولای کلیر . چونکه مضامینی ردیف  
جذب ایدر . طبعیت ده آنک جاذبه‌سن قایلیر کیدر . بونک  
ایچوندیر که اکزیا مردف اولان غزللر یك آهنگ اوله‌ماز .  
شاعرك تعقیب ایتمک ایستدیکی مضمون ردیفه یاخود ردیف  
اومضمونه اویماز . بوجه ایله سویلینلن غزل ردیف اسارتی  
تحتنده اوله‌رق اتمام ایدیلیر . میدانه یینلری مضامین مختلفه‌یی  
حاوی بر شی چیقار . مردف اولسان نزللرده ایسه وزندن  
صکره یالکیز قافیه غائله‌سی بولنه‌جفندن تعقیب مضمونده اوقدر  
کوجاک چکلمز . بناء علیه بلاغتجه ، تساوی اولان وبری  
مردف . دیکری غیر مردف بولنار ، ایکی غزلدن برنجیسی  
ایکنجیسنه ترجیح اولنور .

توراسی ده اونودلماایدیر که بعضاً ردیف مضامین ایبارک  
یکدیگره مرتبط اونسنی ایجاب ایدر . مثلا ( کوزلرک ) ردیفلی  
بر غزلده ایراد ایدبله‌جک مضامین هب کوزلره ناظر اولق  
طبیعی اوله‌جفندن اوغزل یك آهنگ دینلجک صورته وجوده  
کتیریلیر . بالاده‌مندرج اولان ( کالره ) ردیفلی غزلده بوقیلدندر .  
اسماعیل صفا افدینک غزل آتسی ده ابر یولده‌در .

سه‌بادلر اولبور قطره بار صافه‌لره  
هجوم ایدوب طور یور رورکا ، طاقه‌لره  
شو بحر اعظم طوفانخروشه ، قت ابدک  
باقل شو طاغله . دهشت نثار طاقه‌لره

مشابه اولی بولوتلره طالعله طاعه  
دیتلمش اولسه بیجا کوهسار طالعله

فلکله چار پشه جفلر صانیوده دیر انسان  
نونه غضب کرد کار طالعله

صفا بوبوله دوام ایلمز کلجه ریع  
سکونت آور اولور بی قرار طالعله



قطعه - مطلبی مصرع اولمدینی حالده یکقافیه اولان قطعه

نظمدر .

اقلی ایکی بیت اولور .

بر قاج مثال :

نوک فلکده در همیشه  
خک قدمکده در دمام

- ایماز کف کلیم عمران  
آ یاز دم مسیح مریم

حالی

کرم مفاطعه بی تا دماں حاعدن  
فالوب مزده بر کیمسه اولمدی طالب  
کیل بقود مطایای وار آنی آلاق  
مکر جناب . . . . . اوله راعب

خاک

قلم اولسون الی اول کاتب بد تحریرک  
که فساد رقی سوزمزی شورایلر

کاه بر حرف سقوطیلہ ایدر نادری نار  
کاه بر نقطه قصوریلہ کوزی کورایلر

فضولی دست کوتاہمزی ایتمه مش الله رسا  
منبع لطفی یوقسه المزلہ قاپارز

بزم ویرسونی خدا آب حیات توفیق  
خضری بولسه قورہ ظلمتده کلاهن قاپارز  
غزل ملا

یا رب نه اکیلیردی دریای عزتکدن  
پمانه وجوده زهراب طولسیدی

آزاده سر اولوردم آسیب درد وغدن  
یا دهره کلسیدم یا عقم اولسیدی  
ضیا پاشا

ارزان متاع فضل وهنر نا اورته کیم  
بیک معرفت زمانه ده بر آفرینه در

ایندای دهر هر هنره آفرین ویرر  
یارب بو آفرین نه توکشن خزینه در

نابی

لسقویقه لی غالب نکاک :

تجلی برق اورر یرر سواد داغ جانندن  
جهانده طور عشقم نور اقرار هر کسنانندن

مطلعیله باشلایان نشیده مشهوره سنه یته کندی طرفندن :

نوله باغ جهاده اولسه مهر و ماهدن مشهور

بو قطعه م تازه بر کلدز کلستان یساندن

یئیلله قطعه اطلاق اولنسی (قطعه) نك معنای لغویسنه گوره

اولنق لازم کلیر . چونکه یوقاریده ایما اولندیقی اوزره قطعه ده

مطلع مصرع اولماق شرطدر . اصطلاحه مراجعت ایدلایکی

صورته ذکر اولتان نشیده یه (نظم) دینلک اقتضا ایدر .

(نظم) ایله (قطعه) یئینده شو قدر فرق واردر : مطاع نظمده نظم

مصرع ، قطعه ده غیر مصرع اولور .



رباعی — بحر هزجك اخرم و اخرب [ ] اولان وزنندن رباعی

مأخوذ بوزن مخصوص اوزره سوبیلیان ایکی یئندن عبارت

نظمدر .

رباعینك برنجی ، ایکنجی مصراعلریله دردنجی مصراعنده

قافیه بولنور . اوچنجی مصراعده قافیه بولنق شرط اولمديفنندن

او مصرع اکتربا قافیه دن آزاده قالیر . اوچنجی مصراعی دخی

[\*] عروضیون اصطلاحنده (خرم) (مفاعیلن) رکننك میی اسقاط

ایتمکدر . بو حالده (فاعیلن) قالیر . آنك یرینه (مفعولن) اقامه اولنور .

(خرم) (مفاعیلن) لك میی ایله نوتی اسقاط ایتمکدر . بو حالده (فاعیلن)

قالیر . آنك یرینه ده (مفعول) اقامه اولنور .



رباعی مصرع قافیه دارا و لآن رباعی به (رباعی مصرع) نامی تخصیص ایدلشد که بیت نایبی مصرع اولان رباعی دیمکدر .

رباعی وزنا یکرمی درت درلو اولور . بو نوعلر (اخرم) و (اخرب) عنوانلریله ایکی به منقسمدر . بو قسملر اون ایکی نسر نوعی شامل اولدیفندن مطلقا رباعینک نوعی یکرمی درده بالغ اولمقده در .

قسمیندن برینک جزء اولی (مفعولن) اولور . بوکا (اخرم) نامی ویریلیر . دیگرینک جزء اولی (مفعول) بولنور . بوکا (اخرب) تسمیه اولنور . اسهل والائف اولان قسم ناینک آهنکنه متابعت دهها زیاده موافق طبعیت اولدیفندن اغاب رباعیات اخرب واقع اولور .

(مدرسه خاطره لری) مندرجاننان اولان (شعرده رباعی) بندنده رباعینک ذکر اواننان یکرمی درت نوعی ایچون بررمال کوسترلش ایدی . بوراده مختلف بعض امثله ایرادیله اکثفا ایده جکتر :

مشافه دکل قید علابق لایق  
هرکز غم روزکاری چکتر عاشق  
قید غم روزکار بر حلتدر  
اول عله عشقدر طیب حاذق

فضولی

ارباب کمال پیشوان نیلر  
شهراهی بولان راهتی نیلر

اسباب یقین دلیله محتاج اولماز  
سکین حرم قبله نمایی نیلر [۵]

سید وهی

دلدن هوس عارض آلت چیقماز  
مانشد سویدا غم خالک چیقماز  
چشمه دن اگر چه نقش عالم چیقدی  
بر وجه ایله تصویر بر جالک چیقماز

فصیح دده

سینه دده یا نار نار تجلا در بو  
تکرم اولنسان آدم معنادر بو  
قحنه قلاطون خرد عاجز در  
دل زمنه بر نکته عرا در بو

اسرار دده

رباعی (ترانه) و (دو بیت) نامر یله دخی یاد اولنور. ترانه، دو بیت

ساحر یسین ای ترانه برداز شهر  
بر نغمه ایله بیک کوکل ایتدک تسخیر  
تمیج طبیعت ایتدی اهنک نوک  
یکدن سکا بر ترانه ایتدم تحریر

رباعیسنده ایکنجی (ترانه) رباعی معناسنده قولالانامشدر

[۵] سید وهی بو مضون :

مستغنی ارشاد اولور ارباب حقیقت  
سکان حرم بیلر ایش قبله نمایی  
صورتیله ده افاده اتمشار .

. ندیمك :

حالتی اوج رباعیده اوچار عنقاکی  
دیمسندن دخی آکلاشدینی وجه ایله عثمانلیلرک اک چوق واک  
کوزل رباعی سویلین شاعری عزیمی زاده حالتی اولمق لازم  
کایر . مشار الیهک بر مجموعه مخصوصه تشکیل ایندیکی ترجمه  
حائنده محرر بولنان رباعیاتندن پک آزی رسیده نظر استفاده من  
اولمشدر .

عجمده اک بیوک رباعی ناظمی :

قومی متفکرند در مذهب و دین  
جعی تمیزند در شک و یقین  
ناگاه منادی بر آید زکین  
کای بی خیران راه نه آنست و نه این  
دیمش اولان عمر بن الحیامدر . عربده ایسه اک لطیف ، اک عاشقانه  
ترانه لر حضرت عمر بن الفارضدن ایشیدلشدر . شو رباعی  
مشار الیهکدر :

روحي لك ياز اتر في الليل قدا  
يا مونس وحشي اذا الليل هدى  
ان كان فراقنا مع الصبح به  
لا اسفر بعد داك صبح ابدًا

(تجاهل عارف) مبحثك نهایتنده ایما اولدینی اوزره  
بز رباعیده بیت اولك دخی غیر مصرع اولسنی تجویز ایدرز .



مثنوی - ہریتی باشلی باشنہ مقفی اولان نظمدر . مثنوی

نظمک بودر لوسی اک زیاده حکایات فیلندن اولان آئارده  
یا قیشیق آلیر .  
مثال :

آحاب قریش اولجہ عیال  
ظلمات اوزره اولدی نورفشان

نور وجهی اولجہ پر تو بار  
سبہلر اولدی مطلع الاور

مست شیر اداکن ایلدی عربی  
حکوز نطق جافزای نی

قبلدی الله او قوم فیروزی  
شرف اندوز وحدت آموزی

آز زمان ایجرہ ایلدی رھین  
ادلش خلقتی اونور مین

بور علم اول دیارہ عکس ابتدی  
ظلمت جھل نحو اولوب کیندی

دیگر :

جبعی سیر ایت کیدیور صانکہ جھادہ [۱]  
دین عیرتی سونی ایتش آنی قح بلادہ

[\*] وقتیلہ اوروبادن قدس شریفہ طوغری حرکت ایدن اهل صلیب

ہنکامہ سی .

طوقان جنون دینسه بو طغیانه سزادر  
 هم قهقهه زا طوغریمی هم کره فرادر  
 آلدقاری هر ناحیه بر مسلحه دوندی  
 قالدقاری هر بلده ده یسک عاله سوندی  
 اول طائفه ییشرو اولمشدی دواهی  
 دنیای خراب ابتد زهی جند آلهی



مربع . مربع - هر بندی در در مصراعدن مرکب اولان  
 نظمدر .

برنجی بنده دردنجی مصراعك دیگر اوج مصراع ایله  
 همقافیه اولسی شرط دکدر . دردنجی مصراع تکرار ایدرسه  
 آکا (مربع متکرر) نامی ویریلیر .  
 مثال :

حاصل رقی حوادندن ملامت داغیدر  
 مسندم کوی ملامته فنا طوراغیدر  
 زار کوکلم تده زندان بلا طوتساغیدر [۱]  
 رح قیل دولتلو ساطانم مروت چاغیدر  
 §

دور جورندن تن وچاعده راحت قالدی  
 صورت حالمده آثار فراغت قالدی  
 [۲] (طوتساق) اسیر دیمکدر .

محنت و غم چکمه که من بعد طاقت قالمدی  
رحم قبل دولتلو سلطانم مروت چاغیدر



کور قصولینک رخ زردنده اشک آلتی  
برده اذربار طومش صورت اقبالی

درد مند کدر عنایتلر ابدوب صور حالنی  
رحم قبل دولتلو سلطانم مروت چاغیدر  
فضولی

بر مربعی تشکیل ایدن بندلرک دردنجی مصراعلری تکرر  
ایتمیوبده قافیهجه یکدیگره توافق ایدرسه آکا ( مرابع مزدوج )  
تسمیه اولنور . ( وقا ایله صفا ییتنده . شاعره ) سرلوحه سیله  
یاریلان منظومه آنیه مرابع مزدوجک ایکیشر ایکیشر توافق  
ایدن قسمندندر :

و — المده ساغر ایستم

یا تمده دلبر ایستر

ترا نه برور ایستم

برم ده کلشن اولمی

ص — نجاری وار می ایستم

اوزون کیدرنی ایستم

خلاصه : برشی ایستم

فقط کوکل ش اولمی

و — جهانی طوندی دود غم

کور غمبور حدود غم

آلای آلای جنود غم

نصل مظفر اولمی

ص - هجوم اينجه غم سکا  
بم کي کورين آکا  
طوري قارشى باق بکا  
ار اولمى ار اولمى

و - زمانه خلقى بى وفا  
نه در بو چکديکم جفا  
جهانده کورمدم صفا  
او باشقه عالم اولمى

ص - سن آلت جفا ايکن  
جفادن اشتکاته دن  
وقالى آدم ايستين  
و قالى آدم اولمى



نخمس - هر بندى بنر مصرعدن مرکب اولان

نخمس

نظمدر .

نخمس متکرر  
بشنجى مصراع تکرر ايدرسه آکا (نخمس متکرر) نامى  
ويريلير . مربهده اولدينى کي نخمسک دنخى برنجى بندنده بشنجى  
مصراعک ديکر درت مصراع ايله همقا فيه اولمى شرط دکلدر .  
برنخمسى نشکيل ايدن بندلرک بشنجى مصراعلى تکرر ايتيوبده  
نخمس مزدوج قافيهجه يکديکره توافق ايدرسه آکا (نخمس مزدوج) تسميه  
اولنور .

خوش کلدك ايا خدیو اکرم  
 لطفکله کوکلر اولدی خرم  
 شاد اولدی مکارمکله عالم  
 هرگونه مآرك دمادم  
 آرایش عرصه جهاندر  
 رأیکله ایدر زمینى تسخیر  
 کردون کهن دبدکلری پیر  
 کیم سنده کی پاک رای وندییر  
 چرخك الله کشیده شمسیر  
 بازوسنه آهنین کماندر  
 باب کرمك جهانہ مأوا  
 فخر ایتمده خدمتکله دنیا  
 ای صدر کزین عالم آرا  
 تشریفك ایلہ بو صدر والا  
 مغبوط فراز آسماندر  
 ندیم

نخمسك بندلرنده تکرار یاخود قافیہجه یکدیگره توافق ایدن  
 شی مطلقاً مصراع اولق لازم کلز ، بعضاً بیتده اوله بیایر .  
 مثال :

سایه دیکر کوزنم مستظل یار ایکن  
 سایه حواه اولسونمی فکریم بویه برتوبار ایکن  
 سایه طوبانی اکیم نونہالم وار ایکن  
 واراپسه بدن جدادوشسون رجاك سایه سی  
 الویرر بر شاعره بر نونہالك سایه سی



گرچه مهر دور فیض اولقله بولدم اشتها  
 پابنه دوشمک مراقدر هر اقسام سایه وار  
 بنده مستغنی طبیعت ' نونہالم سایه دار  
 وار ایسه بدن جدا دوشمون رجالک سایه سی  
 الورر بر شاعره بر نونہالک سایه سی



مسدس - هر بندی آلتیشر مصراعدن مرکب اولان  
 نظمدر .

مسدسده درت مصراعدن صکره بر بیت ایراد اولنور .  
 مسدس متکرر بوییت تکرر ایدرسه آکا ( مسدس متکرر ) نامی ویریلیر تکرر  
 ایتیموب ده دیگر اوچنجی بیتلرله قافیجه توافق ایدرسه آکا  
 مسدس مزدوج ( مسدس مزدوج ) نسیمه اولنور .  
 واصفک :

کیم اولور زور ایله مقصودینه رهباب ظفر  
 کلیر البته ظهوره نه ایسه حکم قدر  
 حقه تفویض امور ایت نه الم چک نه کدر  
 قیل سوزم عارف ایسه ک کوش قبوله کوهر  
 محنتی ککندیه دوو ایتهدر عالمده هنر  
 غم وشادی قلک بویله کلیر بویله کیدر

بندی محتوی اولان مسدس متکرر . فضولینک :

دون سایه صالیدی باشه بر سر و سر بلند  
 کیم قدی دلربا ایدی رفتاری دلبسند  
 گفتاره کلدی ناکه اچوب لعل نوشخند  
 بر بسته کوردم آنده دوکر ریزه ریزه قند  
 سوردم مکر بودرج دهندر دیم دیدی  
 یوق یوق دوا ی درد نمانکدر سنک  
 بندینی مشتمل بولتان مسدس دخی مزدوج قیلنددر .  
 مرابع ونغمسده اولدینی کبی مسدسک دخی برنجی بندنده  
 اوچنجی یتک دیگر درت مصراع ایله همقافیه اولسی شرط  
 دکدر .



مسمط - یتلری اکثریت اوزره قافیه لی جزء دن مسمط  
 مشکل اولان نظمدر .  
 مثال :

کوکلم لبال فرقتک      بیدار یارب خوانیدر  
 فکر ایتدیکم بر افتک      دیدار نور افشایدر

عکس ایتدی یلک واحسراً      طاغزله چیقدیم آشنا  
 هر طاغده کی قلی صدا      افقاعک افغانیدر

یهوده دوشش یاره دل      دلبردم سنک خاره دل  
 چوقدن بری بی چاره دل      نالنده هجرانیدر

اولقدهدر دامغشان      فیض حقیقتدن جهان  
 لبریز فریاد اولیان      یارب کچک وجدانیدر

ای قارسانک سروری اول سن ده بتلکدن یری  
 زپرا جهانک هر یری بر امقان میدا یسدر  
 نفقینک مشهور قصیده ربیعیه سی سراپا بویولده در . مسقط  
 کوزل یازیلیرسه پک دلنشین اولور .

( مرابع ) مبحثده مندرج اولان ( وفا ایله صفاییتندمه  
 مشاعره ) منظومه سی شو صورتده یازیلیرسه مسقط نوعندن  
 عد اولتور :

المدده ساغر ایسترم یاغده دلبر ایسترم  
 تراه پرور ایسترم برنده کلشن اولمی



ترجیع بند - مختلف القوافی بر قاج قسمندن مرکب اوله رق

هر قسمنک نهایتنده بالکز بریت تکرار ایدیان نظمدر .

قسملرک نهایتلرنده باشقهجه برر بیت ایراد اولورسه آکا  
 ( ترکیب بند ) دینیلیر . مثال اوله رق ضیا یاشاک الک کوزل واک

مشهور اثرلرندن اولان ترجیع بند ایله ترکیب بندی اخطار .  
 ایدرز .

ترجیع بندک هر قسمنه ( ترجیع خانه ) ، ترکیب بندک هر  
 قسمنده ( ترکیب خانه ) تعمیر اولتور . کُرک ترجیع بندک ، کُرک

ترکیب بندک اقسامی آرهلرنده بولان یتلره ( واسطه ) یاخود  
 ( بند ) نامی ویراییر . بر قسمه واسطه سیله برابر ( بند ) دینلیریکده

واردر .

ترجیع خانه  
 ترکیب خانه  
 واسطه  
 بند

ضیا پاشایہ کلنجہ قدر روحی بغدادینک مشهور اولان  
ترکیب بندینه شعرا طرفندن یازیلان نظیره لردن هیچ بری  
آنده کی لطافتہ حقیله اشتراک ایدمه مش اولدینی حالده پاشا  
نظیره کویانک جمله سنه تقدم ایتک کبی عالم ادبیانجه حقیقه بیوک  
صایبله جق بر موقتیه مظهر اولمشدر . حتی روحی به خطاباً :

میدان سفنده بوق ایکن سن کبی برار  
برشاعر روم اولدی سکا شمیدی برابر  
دیلمسی فخریه سویلمک دکل ، تواضع کوسترمک قیلندن عد  
اولنسه لایقدر . ترجیع بندی ایسه اشتال حکم جهتیه البته  
ترکیب بندینه فاقدر . کال بکک :

ترجیع ایله فکری قیلدک اعلا  
ترکیب ایله شعری ابتدک احیا

اعترافی حقیقه موافقدر .

ترجیع بند سسولمک ترکیب بند سسولمکدن کوجدر .  
چونکه ترجیع بندده سرد ایدیله جک افکار دائماً بر نقطه  
اوزرینه کیدر . یوز یکریمی یت سولیوب ده هر اون یتده کال  
مناسبتله بر کره :

سبحان من تحیر فی صنعہ العقول

سبحان من بقدرته یعجز العقول

دیلمکده کی اشکالی شاعر اولانلر تقدیر ایدرلر . ترکیب بندده

اینه افکارینه مناسبت دائره‌سندّه اولنله برابر نقاط مختلفه‌یه توجه ایده‌جکندن تنظیمنده او درجه صعوبت چکلمز .



ترجیع

ترجیع اولدن سويلتمش بر منظومه نك هر ييتی مطلعده  
هر ايکی مصراعيله ، ديكرلرنده يالکز برنجی مصراعيله همقافيه  
اولوق اوزره ايکی مصراع ضم ايده‌رك درت مصراعه ابلاغ  
ايلمکدر .

مثال :

آلدم آتش بر زمان بر آتشین رخساره‌دن  
فرق اولئم شمدی بر آتشغشاش سیاره‌دن  
» وپردم آتش دلره سوز دل آواره‌دن  
» ایلدم ایجاد ییک یانغین بر آتشیاره‌دن

§

یم هجرک و پردی دهشت طبع غم‌وردمه  
الله کل انصاف باق بر کره روی زردمه  
» چاره سازم ، کینه کیم روز فراقک دردمه  
» قطع امید ابتدکم کوندر حصول چاره‌دن

§

وارسون اولسون شیوه ایران طباع ناسده  
باشقه‌در فکرم ، دکدر طبعم اول مقباسده  
» کر چه مهلك بر تأثر وار دل حساسده  
» اشتکا اغتر عجم طرزنده سینه‌م یاره‌دن

## §

چشم بی فر یاد چشمانکله پر آب اولمه ده  
 جسم لایق تاب هجر انکله بی تاب اولمه ده  
 « طفل نوسودای دل کیتدیکه بی خواب اولمه ده  
 « کرچه درقید اولدیم پر قلیور کهواره دن

## §

دقت ورقت ایدر اربابی محنت سرشت  
 راحت ایتک ایستین دل اولسون دقت سرشت  
 « سالب آرامدر ناجی دل رقت سرشت  
 « مالک اولسه کاشکی بر قلبه سنک خاره دن

ایکی مصراع کذلک ایکی مصراع ضمندن اوچ یاخود دوت  
 مصراع ضمی — ضمیمه نك اصلدن زیاده اولسی اصل ایله  
 متساوی بولمئسندن ده طبعی کورنمسنه منی — انسب اولدیغندن  
 تربع اک زیاده غزله یا قشیدنی حالده ( تخمیس ) ویا ( تسدیس )  
 قدر لطافتی اولق استعدادینی حائر بولنه ماز .

تربعده اک زیاده دقت اولنه جق جهت ضمیمه نك معنی  
 اصله کمال ارتباطیله برابر لفظاً دخی آنکله هم آهنگ اولمیدر .  
 اکثراً اولدینی وجه ایله اصل باشقه بر شاعرک اثری ایسه تربع  
 سراپا بر طبیعتک محسولی کبی کورنمیدر . بویله اولیوب ده  
 ضمیمه اصله نسبتله آشاغی بولنورسه یامه کبی کورینه رک  
 اصحاب ذوقی مجبور تبسم ایدر . بو ملاحظه ( تخمیس ) ایله  
 ( تسدیس ) دخی شاملدر .

( تربع ) ایله ( مربع ) یکننده کی فرق تعریفارینه مراجعتله  
آکلاشیلیر . هر تربیعدن بر مربع وجوده کلیرسه ده آکا  
اصطلاحاً مربع دینبله منر. تربیعك میدانك کتیردیکی هر بعینه  
تربع تعیر اولنور .



تخمیس — اولدن سویلنلمش بر منظومه نك هر بیتنی  
مطلعه هر ایکی مصراعيله ، دیگرلرنده یالکز برنجی مصراعيله  
همقافیه اولق اوزره اوج مصراع ضم ایدهرك بش مصراعه  
ابلاغ ایلمکدر .  
تخمیس اکثریا غزلده اجزا اولنور .  
مثال :

شو بر غریب کی وقت احتضارنده  
که باره باره کفن دوش انتقارنده  
این حسرت ایدر قبر یك کنارنده  
» ندر اونوحه شو ویرانهك جوارنده  
» طوقندی خاطرمه حال انکسارنده

## §

نه ذوق الفت یاران نه شوق اس کتاب  
شرابدر بکا امداد ایدن شراب شراب  
دوشوب رهنه سر آلوده غبار و تراب  
» دکل مریب بولنسه مدام مست خراب  
» مسافرم و طنك بر خرابه زارنده

## §

نه درد در که ایدر بویله زار زار بی  
 نه بختدر که ایدر بویله بی قرار بی  
 ایدن نه در ییله هم بویله بی مدار بی  
 « هواده باپراغه دوندردی روز کار بی  
 « خزانه منتظرم عمرمک بیارنده

## §

زیانه چیقیدی بتون انتغاع ملک وجود  
 یتر بکا یتر اولدی صداع ملک وجود  
 وطنده اولسه چکلنز نزاع ملک وجود  
 « ایدر سه دل پری وارد و داع ملک وجود  
 « غریبه یر بولنورمش عدم دیارنده

## §

رجای بده ایله دستبوس نجارم  
 شرابسز طورهم نشسته دن ده یزارم  
 شو بزم کهنه ده بر سودسز کنه کارم  
 « قرار یاب اولهم کرچه مست سرشارم  
 « حسد اورنده که آسوده در مزارنده

## §

روای (اکرم) اونوقی اومهر غناجی  
 رواده اولسه نه ممکن کوکلدن اخراجی  
 خیاله بارقه لر صالیدی شوق منهایی  
 « کوکل اونوسفیر نور طلعتک (ناجی)  
 « یانار قیامته دک نار انتظارنده



(نخمس) ایله (نخمس) یئنده کی فرق تعریفلرینه مراجعتله  
آکلاشیلیر . هر نخمیسدن بر نخمس وجوده کلیرسه ده آکا  
اصطلاحاً نخمس دینبله من . نخمیسك میدانه کتیردیکی نخمسینه  
نخمیس تعیر اولنور .



تسدیس — اولدن سویلنلمش بر منظومهك هر ییتی  
مطلعه هر ایکی مصراعیله ، دیگرلرنده یالکز برنجی مصراعیله  
همقافیه اولق اوزره درت مصراع ضم ایدهرك آلتی مصراع  
ابلاغ ایلمکدر .

تسدیس

تسدیس اکتر یا مطلع متخجده اجرا اولندیقندن سویلهده  
تعریف اولنه بیلیر: اولدن سویلنلمش بر مطلعی برنجی بندده آك  
هر ایکی مصراعیله همقافیه اولق و دیگر بندلرده یالکز مصراع  
ملحقه بر لر یله مقفی بولنلق اوزره درت مصراع ضم ایدهرك  
آلتی مصراع ابلاغ ایلمکدر .

مثال :

### هجراندن شکایت

یقبلوب قصر فلك خاك ایله بكسان اولسه  
مهر و ماهی عدمك قهرینه غلطان اولسه  
مالك عنصر واجزاسی بریشان اولسه  
غرق طوقان قضا لقمة نیران اولسه

دار دنیا دلی کوکلم کچی ویران اولسه [۵]  
نه جهان اولسه نه جان اولسه نه هجران اولسه

## §

هجره دوشدم بنه چشمانه نار اولدی جهان  
یاغده ده آتش سیال کچی جسمی جان  
نه پمان درد ایمش الله بو درد هجران  
اوله شاید که خلاصه بو بلادن امکان  
دار دنیا دلی کوکلم کچی ویران اولسه  
نه جهان اولسه نه جان اولسه نه هجران اولسه

## §

آهنگ سوز شنه باقدک ای ماه چال  
اپلدک (اکرمی) هجرکله پریشان احوال  
ایده رک یأس ایله قورقلغه ییک جاره خیال  
کلیور خاطره بی جاره لکمدن بو مال  
دار دنیا دلی کوکلم کچی ویران اولسه  
نه جهان اولسه نه جان اولسه نه هجران اولسه

(تسدیس) ایله (مسدس) یاننده کی فرق تعریفلرینه مراجعتله  
آکلاشیلیر. هر تسدیسدن بر مسدس وجوده کلیرسه ده آکا  
اصطلاحاً مسدس دینیله مز. تسدیسک میدانه کتیردیکی مسدسه  
ینه تسدیس تعیر اولنور.



[۵] بوه مطلع یچی بککدر.

تهزیل

تهزیل — جدی بر اثری هزل صورتش قویق ، تمیز  
دیگرله : هزل صورتنده تنظیر ایتکدر .

تهزیل — که اکثریا نظمده اجرا اولتور — دائرة ادبدن  
چیقلماق شرطیله لطائف ادبیه دن معدود اولور . بو یوله  
اسلاف اینجنده اک زیاده مشهور اولاندن بری :

بیا بیا نکهی کن زمن بنحواء مرکب  
چیقار بومده دیکندهجیب سیاه مرکب

دیمش اولان (مرکبجی هوایی) در که بعضی تهزیلاتی اصلریله  
برلکده بر وجه آتی ایراد اولتور :

درد سردن نیمه آزاد اولور اول طائفه کیم  
باده نوش ایلیه جگ یرده کلاب ایستور  
سن همان دلدکی نقش هوسی محو ایله  
سندن ای خواجه نه دفتر نه کتاب ایستور

نابی

صاحبیدن قیشده نیمه قورنیلور اول طائفه کیم  
چوربا نوش ایلیه جگ یرده خوشاب ایستور  
سن همان قیشده چارقمر قومه شا کردلری  
سندن ای اوستا نه قلچین نه جوراب ایستور

هوایی

دلی نه نائل ذوق وصال یار ایده ییلدک  
نه قائل الم کنخ انتظار ایده ییلدک

رجای وصل ایله اول شاهه عرض حاللر ابتدك  
نه بر محلی دیدردك نه در كنار ایده ییلدك  
ناپی

دلی نه مائل وادی کسب وکار ایده ییلدك  
نه سائل در تابسته کبار ایده ییلدك  
پیوک صاریق ایله شا کردمز بویابه کتیردك  
نه بر افتدی دیدردك نه کیسه دار ایده ییلدك  
هوانی

کردون ویردی چهره مهر ومهه کساد  
حفظ غبار خاطر مه بر یر ایستسه م  
ناپی

شا کردلر سیلر سوپورر خردوانی هب  
دکانده بوریا بوله م مندر ایستسه م  
هوانی

طاغتك خواب ناز یاری ای فریاد یلرسین  
ایدوب فتنه یله دنیایی خراب آباد تیلرسین  
بیایی  
طاغتك آربه وبوغدایی ای پاد نیلرسین  
ایدوب خرمنکهم یکسر خراب آباد نیلرسین  
هوانی

طربزونی حافظ زهدی افتدی مشهور :  
بر ملکسپایی کوزلر کورلرم

## نقراتلی شرقینی :

اولم اوج ییک بش ییک آلتون طالهی  
چونکه یوقدر بویله امیدک دبی  
شمیدیک اولسه بکا کافی کی  
بر بنی بر یوده کوزلر کوزلرم

یوللو تهزیل ایتمش ایدی .



توصیف — بر شینی کوز اوکنه کتیره دیکنجسم ایتدیره جک  
صورتاه او شینک حالنه مناسب بر طاقم تعیرات ایله تعریف  
ایتمکدر .

نوصیف

بو یولده تعریفی مشتمل اولان اترده توصیف دینیلیر .  
مثال :

سلطان سلیم قلمی طوله مائل ، کیکلری قالدین ، اومورلرینک آره سی  
غایت واسع ، وجودینک نصف اعلاسی نصف اسفلندن قیصه ، باشی بیوک ،  
ناشلی چایق ، یوزی مدور و قمری ، ییقلری چهره سنه بر غریب  
هیبت و د حاله بیوک ، آرسلان کی آغزی ابری ، جکه کیکی واسع  
وقوی بر دهشتلی قهرمان ایدی . هله جبهه سنک انظام و نورانیله  
کوزلرینک کاه بر فکر حکیمانه کی منظورینک کوکلنده اولان اک بنهان  
کوشه لره دخول ایدر یولده وکاه بر زمان کویاکی نظرلره افشای مرام ایدر  
سورتمه باقشلی استعدادینک فوق العاده لکنه برر واضح برهان ایدی .  
سیرتمه ايسه قدرنک نادراً تزییننده بذل کال ایتدیکی خوارق عاداتن

معدود بر ذات اوله رق علوه مت ، متانت عزم ، کبر نفس ، انساع تصور ،  
حدت ذکا ، عمق نظر ، سرعت انتقال ، اصابت ظن ، جلالت فطریه ،  
مهارت حریه ، میل انقلاب ، تحقیر حادثات ، نفوذ امر القای دهشت ،  
شدت شکیه ، غلبه مشکلات ، نفرت لذائذ ، استغنائی حیات کی هر بری  
بر قهرمانه سرمایه افتخار اوله حق بر جوق مزیات جلیله پی جامع اولمغله  
برابر فطرنده شهوت و راحت انهماک اولماق جبهیله خالی زمانلرینی  
صحبت علما و مذاکره علوم ایله امرار ایتش ابدی .

کال

توصیفاتده تفصیلات زائده دن احتراز ایله برابر لزومی قدر  
ایضاحات اعطاسنه اعتنا ایدلملیدر . توصیف بر صورتده اوللی که  
مقتضای حاله نظراً آئنده نه زیاده ، نه ده نقصان گورلملی . بر طاقم  
زواندی مشتمل توصیفات فنا یازلمش رومانلرده پک جوق  
بولنور « بو آلو » نك دیدیکی کی برکاشانه توصیفنده قرق صحیفه  
یازی اوقونماز .

توصیفاتده لزومنه گوره طمطراقلی ، پارلاق الفاظ و عبارات  
قولانماق ممدوح اولمقله برابر اغراضات ایرانیه پی تنظیر ایدرجه سنه  
کیفیتی طبعیلکدن چیقارماق مقدوح اولور . هنر توصیفه طبعیلاک  
ایچنده بر شعشه ویرمکدر . بر پنجره جامنی کونشدن دهضا دار  
گوسترمکه قالقشماق عیدر . نایینک :

آیا صوفیه خود او اعجوبه دهر

قبه سی ثامن اجرام سپهر

بیتمده کی قبه ایله نفعینک :

نه در اوقصر معلى كنار درياده  
كه عكس قبه‌سى اولش نظيره كردون

بيننده‌كى قبه عكس‌نه باقه‌جق اولسه‌ق نه لطافت كوره بيليرز ؟  
اسكى آ نار ادبيه من اينچنده فنا توصيف ايچون مثال نه قدر چوق  
ايسه ابي توصيف ايچون مثال اودرجه آزرر . بونك سببي قدمای  
ادبانك ايشي طبعيلككن چيقارمغى بر بيوك معرفت عدايتش  
اولمليدري . مثلاً برطاغ توصيف اولنه‌جق ، آ نلرك مذاقه كوره  
« چون فراز كوهه يتدى بر سرا فراز گوردی كه سایه دامنى  
سر آسمانه سايبان وزبانه تينى خنجر مریخ ايله همزبان » ياخود  
« ناكاه بر كوهه ايردى كه علو مرتبه‌ده شرفه‌سى كنكره افلا كه  
همسر وفايت عظمتدن كره زمين زير دامنده بر توده احقر » [۱]  
كبي بر طاقم ياوه لر سويلنلهلى . بويله شيلردن آرتق نفرت  
ايدلى . واقعا مبالغه‌سز ادبيات اوله‌ماز ، حتى ادبيات ايچون  
مبالغه بر لازم غير مفار قدر اما بويله لر يني سلامتدن بهره دار  
اولان هيچ بر طبيعت قبول ايتمز . بونكله برابر مثلاً عزت ملانك  
بر مطبب حقنده كى :

او قتلله چوكدى كلوب مندره  
مريضى بانيردى همان قان‌ره  
كوروب آنى علت فرار ايلدى  
صاووشدى ديو افتخار ايلدى

[۱] بوعباره لر ( همايونامه ) دندر .

توصیفی مبالغه‌ای اولدینی ایچون رد اولنه ماز . اک کوزل  
توصیفادن اولق اوزره کمال بکک کلیولی یه عائد اولان (توصیف  
غروب) فی اخطار ایدرز . (ده لیل) دن مقتبس اولان شوپارچه‌بی  
دخی اسلوب ساده ایله یازلمش بر توصیف اولق اوزره عرض ایلرز :

## آغاز پرواز

باقکز شو یاورو قوشجغیزی طیرانه آلدردنه آناسی ، باباسی نه قدر  
جدی بر غیرت شفقت پرورانه ایله چالیشیورلر !  
وقت آقشام ، طبیعت سکون حالنده ، هوا لطیف و خوشبو ،  
اورته‌لق یشیک .

طائر نورسیده لطافت ایچنده بولنان اطرافه باقه باقه کندنده بر  
شوق پرواز حس ایدرک مینی مینی قانادلرینی آجوب او زمانه قدر محبس  
تربیه‌سی اولمش اولان یووه‌دن برکره هوالانیر ، چیقار . جوارده بولان  
بر آخاجک اینجه دالی اوزریه قوه‌رق دال ایله صاللامغه باشلار .  
اوجه ییله جکندنه نرود اوزره بولنور .

بر آره‌لق نتره‌مکده اولان قانادجقلر یله بر تجربه طیران اجراسته‌دها  
جسارت ایده‌جکی آکلاشیلر . ینه طورر . اوچغه یلتنیر .

بولتنش‌لر آساینده تلاش ایچنده بولنان والدینی نو هوس  
یاوروجقلربک اطرافنده اویشسه اویشسه اوچیشسه‌رق حس احترازینی  
تعديل ایله کندیسینه جرأت جدیده ویرمکه سعی ایدرلر . بوکره دخی  
کمال احتراز ایله پرواز ایدر . بر آز کیدر ، اوجه ییلمکده اولدینی کورنجه  
آرتق اجنه نورسته‌سنه کرکی کپی اعتماد ایده‌رک ، انبساط ویره‌رک یول  
آلغه باشلار .

هوا بوبار لطیف قوجاغنده بر آز کونوردکن صکره اوراده‌کی



چنستان اوزرینه خفیجه یراقویرر . پدر و مادر کال افتخار ایله نغمه  
ممرتلرینی تکرار ایدرلر .

نو طیران یاوروجق بودفه دها جسورانه برطور ایله قالدقرق  
پروازه آقا ایلر . یته دوشر . یته قالدقار .

بو یله دوشه قالدق حاقبت قاندلر یته جدا کوهه یله جک برحاله کله رنه  
بی پروا پرواز ایدر کیدر .

ایشته اوزمان والدیه کندی ییتنده تعاطی اولنان دلفریب آوازملر  
اجرای وداع خدمتی ایضا ایلش اولور .



اعنات      سجع ویا قافیه ده بونلرک صحتده دخلی اولیان  
برحرفی التزام ایتمکدر .

مثلا ( کال ) و ( مثال ) کله لرندن یاییلان سجع ویا قافیه  
صحت اوزره بولنور . فقط ( کال ) ه ( هال ) ترفیق ایدیلیرسه  
( م ) حرفی التزام ایدلش اولور . بوصنت لفظیه ( التزام )  
و ( لزوم ) مالایزم ( عنوانلریله دخی یاد اولنور .

مثال :

« داخل حکومتیه خودبخود دخوله فرد آفریده جسارت ایدمهز ایکن  
نصل کله ییلدیکز ومواخذه وجرادن نه وجه ایله قوریه ییلیرسکز؟ » یوللو  
خطاب وعتاب ( ۱ ) و بوزندن لمعان ایدن شعله مسرور یقی ستر و اخفاده  
بیج وناب ( ۲ ) ایلدکده . . .

کامل پاشا

دیگر :

نستور و قلو قنت نخطئه نیتنه خیمه سنه کلهرک ندامت علیه سنی  
 کورد کلرنده معامله مو اخذه بی لسان تسلیمه تبدیل ( ۱ ) ویاس و فتورینی  
 تعدیل ( ۲ ) ایلدیلر ایسه ده . . . کذا

دیگر :

دنیاده شرف انسانیت فیض معرفتدن عبارتدر ، یوقسه نصاب علمه  
 مالک ( ۱ ) ویا تحصیلیه سالک ( ۲ ) اولیان عوامک هوامدن هیچ فرقی  
 اوله ماز . کال

دیگر :

بر واقعه در بوقلبه عائد  
 اولماز صانیرم بیانی زائد  
 مضمون حزینی اشتکادر  
 تأثیری مهیج بکادر  
 معذور طوتار بلا شناسان  
 یازمازدم اولیدی کتمی آسان  
 زائد کورن اهل دل دکدر  
 انسان قیلغنده آب وکلدر  
 کیم دیردی کوکل کلیر بو حاله  
 امکان و بر پیور قضا محاله  
 واسعدی خیالمک مسیری  
 اولماز ابدی بر برک اسیری  
 هر حاله التحاق ایدردی  
 اکلجه سی چوقدی پوقدی دیردی

ایواه دکشدی شمدی حالت  
ایلر بو اسارنه دلالت  
الله ییلر ~~که~~ بر زماندر  
وردن کیمه کوندور الاماندر  
برآه کسلدی جسم مجروح

ایاس بک

سجیع مقید  
قافیه مقیده  
بو بولده اولان سجع وقافیه لره ( سجع مقید ) و ( قافیه مقیده ) دینیلیر .

اغناط طبع و سماعه غایت حوس کلیر بر کلفتدر . سوزک  
جریان طبعیسنه حلال و بره رک معنائک لفظه تابع اولسنی انتاج  
ایده ییله جکندن التزامنده احتیاطه رعایت ایدلیدر . افاده طبعیلاک  
دائرة سندن چیقه جق اولدقدن صکره اغناطک نه اهمیتی قالیر ؟  
اغناطسر اوله رق سویللمش بر شعر طبعی اغناط ایله یازلمش  
بر نظم غیر طبعیدن البته بیک قات اغلادر .

۰۰۰۰۰۰۰۰۰۰۰۰

طرد و عکس — ر مصرعی ایکی شطرنجدن بری تقدیم  
ویا تأخیر ایدیلنجه مصراع دیگر حاصل اوله حق صورته  
سویلیوب بونلردن بریت تشکیل ایتمکدر .

جناب حقى ذاته نظراً بيلمك ، صفاته نظراً بيلمه مك  
امكاده اولديغنى ناطق اولان :

ممکن دکل خدایى بيلمك ده بيلمه مك ده[\*]

مصراعنك بر شطرى « ممکن دکل خدایى » ، دیگر شطرى  
« بيلمك ده بيلمه مك ده اولوب شطر ناینك تقدیمی ویا شطر  
اولك تاخیری حالده :

بيلمك ده بيلمه مك ده ممکن دکل خدایى

مصراعى ظهوره كله رل :

ممکن دکل خدایى بيلمك ده بيلمه مك ده  
بيلمك ده بيلمه مك ده ممکن دکل خدایى

صورتده بریت تشکل ایتمش اولور. بیت آنی دخی طردو عکسی  
مشنملدر :

هنكام جوايدير تحصيل هنر وفقى  
تحصيل هنر وفقى هنكام جوايدير

[۲] بومصراع قائل مجرولر اولان :

on ne peut le comprendre on ne peut l'ignorer

مصراعندن مقتبسدر.

حافظ شیرازینک بو اسلوبده اولان :

ذوقی چنان ندارد بی دوست زندگانی  
بی دوست زندگانی ذوقی چنان ندارد

یعنی ضرب مثل حکمنده در .

بالاده کی ایاتده گورلدیکی وجه ایله طرد و عکس ایکی  
شطردن برینک منتظماً تقدیم و یا تأخیری صورتیه میدانه  
کثیریلیرسه آکا ساده جه ( طرد و عکس ) دینلدیکی کبی ( طرد  
طرد و عکس نام ) دخی دینیلیر . اما ضیا پاشاک :

کله درگاهکه اکرام کوررلر کرما  
کرما درککه کله کوررلر اکرام

ییتده اولدینی کبی تقدیم و تأخیر غیر منتظم بر صورتده اجرا  
ایدیلیرسه آکا ( طرد و عکس ناقص ) نامی ویریاور .

طرد و عکس  
ناقص

بر نوع تکرار دیمک اولان طرد و عکس مقبول طبع سابع  
اوله سیلمک ایچون آئی وجوده کتیره جک مصراعک حقیقه  
برجسته اولسی لارم کلیر .



رجوع — بر نکته‌یہ منبی کلام سابق نقض ایتمکدر .  
 رجوع اکثریا افاده ایدملکده اولان فکره قوت ویاشدت  
 ویرمک مقصدیله اختیار اولنور . حسن اجرایه مقارن اولمق  
 شرطیله بر صنعت مقبوله صایلیر . عاکف پاشا قصیده  
 مشهورده سنده :

چشم امعان ایله باقدقجه وجود عدمه  
 صحن جنت کورینور آدمه صحرای عدم  
 دیدکدن صکره بروجه آتی اجرای رجوع ایله مقصدی اولان  
 مدح عدمی تقویه ایتمشدر :

غلط ایتم نه روا جنته تشبیه ایتمک  
 باشقه در نعمت آسایش مأوای عدم

طوته لم آده ده اولمش نعم کونا کون  
 او یله نه محتاج تناولیدر آلائی عدم

نفعی دخی شیخ الاسلام محمد افتدی وصفنده کی قصیده سنده :

نامکی نظم بلندمله جی قاردم فلکه  
 ابدہ تا خازن اسرار قضائش ختام

خطابنی تعقیب ایدن :

کیدہ رکع مرشه جی قارمق ده اولور، مرشه دکل  
 ایدرم غایت امکانه وارنجبه اقدام

درکه حاسد اولور لر سه محلد هر کس  
کا وله ده مله مه کؤکله مدحک الهام

کبی سوزلری نیچون سویلملی ؟

اسلاف ادبا بو اسلوبده دخی بد طولی ککو ستر مشاردر .  
مقامات صاحبی حریرینک (مقامه سمرقندیه) ده « الحمد لله  
المدوح الاسماء المحمود الالاء الواسع العطاء المدعو لحسم اللاواء ،  
مقدمه سیله ایراد ایلدیکی خطبه آثار محذوفه مک اک مشهور لر بدندر .  
فیضی هندیکنک بر نسخہ سی حمیدیه کتب خانه سنده موجود اولان  
(سواطع الالهام) نامنده کی تفسیر شریفیه ینه بر نسخہ سی اوراده  
محموظ بولنان (موارد الکلم) عنوانلی رساله سی دخی سراپ  
نقطه سزدر . بر مکتو نمزده بو باده ملاحظه آتیه بی در میان ایتش  
ایدک :

- فیضی هندیکنک (سواطع الالهام) ی کبی (موارد  
الکلم) ی ده معجز عد اولنه یلیر ، فقط بونلرله اوغراشیله جق  
زمان دکدر . بن آندن (مترجم) ه درج اولنان پارچه لری نمونه  
اولق اوزره یازدهش ایدم . کویا اک قولایلرینی انتخاب ایتدیکم  
حالدہ قاموسه باقه باقه یورلمش ایدم . بزم بضاعه منر آنی حل  
و ترجمه یه کافی دکل . او قوجه آدم لزوم گورمش ، اطهار  
اعجاز ایتش . بز حیرتله تماشا ایدیورز ، فقط آنکله اشتغاله

لزوم کور میورز، چونکه دها مهم مشاغلنز وار. مثلا اسان  
(سواطع الالهام)ه بدل (مفاتیح القیب) اوقورسه البته پک چوق  
زیاده استفاده ایدر. فیضی مثلا (نصاری) دیه جک یرده (رهط  
روح الله) دیور. بو کلفت نه ایچون؟ قطه قویماق ایچون ا  
بز یازیمزه قطه قورز، فقط اوچ کله ایله افاده اولنه جق مضای  
بر کله ایله افاده ایدرز. دها مناسب دکلی؟

بر مقاله مزده دخی ینه بو مبخنده بیان ایندیکمز افکاره  
شو فقره ایله نهایت ویرمش ایدک:

— شونی ده علاوه ایدیم که حیران کالی اولدیفمز فیضی  
اگر عصر مزده بو ثوب ده گوندن گونه ترقی اینمکده اولان علوم  
وقون حاضره ایله اشتغال ایتسیدی یازمجنی شیر البته الله  
بولان آثار جلیله سندن زیاده استفاده مزه موجب اولوردی.  
بلکه او زمان بویه نقطه سز کتابلر یازمغه وقت بیله بوله مازدی،  
بو ملاحظاتی اراددن مقصد مز گنجار مزی حذف کبی  
اضاعه اوقادن باشقه بر شیه یارامیه جق اولان شیرله اشتغالدن  
تخذیر در. حذفه دائر بو قدر جق معلومات استحصالی آنره کفایت  
ایدر.

(حذف) • (تجربید) نامنی ویرنلر بو صنعتی مشتمل اولان  
آثاره (مجرد) دیرلر.

تجربید  
مجرد





خیفاء - بر کلمه‌سی نقطه‌لی، دیگر کلمه‌سی نقطه‌سز اوله‌رق  
 سویلنیلن سوز در .  
 (حذف) کبی مصنعات مردوده دن اولان خیفاء ایچون بدیعیات  
 فارسیده ده :

نیفت مدام زینت اسلام و پشت ملک  
 تخت معد و بخت مدد جیش کامکار

کبی بعضی امثله رکیکه ایراد اولنور. مقامات صاحبی حریرینک  
 (مقامه مراغیه) ده « الکرم ثبت الله جیش سعودک یزین واللوم  
 غص الدهر جفن حسودک یشین ، جمله لریله باشلایان مقاله‌سی  
 خیفاتک اک بلیغ عد اولتان مثالر ننددر .  
 ترجمه مثال بوله‌مدق . بولنی آرزوده اتمیورز .



رقطاء - هر کلمه‌سنک بر حرفی نقطه‌لی، دیگر حرفی  
 نقطه‌سز اوله‌رق سویلنیلن سوز در .  
 (حذف) و (خیفا) کبی مصنعات مردوده دن اولان رقطا  
 ایچون بدیعیات فارسیده ده :

چون من از هجر پری رخ صنم توبه شکن  
بمی آشوب کند بلبل خوش طبع چن

کبی بعضی امثلهٔ رکیکه ایراد اولتور . مقامات صاحبی حریرینک  
(مقامهٔ رقطا) ده «اخلاق سید نا تحب و بمقوته یلب» جمله لریله  
باشلایان مقاله سی رقطانک الک بلیغ عد اولنان مثالرندندر .  
ترکجه مثال بوله مدق . بولنی آرزوده ایتیمورز .



منقوط - کلمه لرینک کافهٔ حروفی قطعه لی اوله رق سویلنیلن منقوط  
سوزدر .

( حذف ) ایله ( خیف ) و ( رقطا ) کبی مصنعات مردوده دن  
اولان منقوط ایچون بدیعیات فارسیه ده :

زلفزی زیب تخفی زین جیشی  
زویی جز بختت زبنت تخت

کبی بعضی امثلهٔ رکیکه ایراد اولتور .  
عربی و ترکی مثال بوله مدق . بولنی آرزوده ایتیمورز .



مقطع

مقطع - صرف حروف منفصله ایله سویلنیلن سوزدر .  
( حذف ) و (خیف) ایله (رقط) و ( منقوط ) کی مصنعات  
مردوده دن اولان مقطع ایچون بدییات فارسیده :

زدر و داغ دوری زردوزارم  
زروی و رای او آژرم دارم

کی بعض امثله ریکه ایراد اولنور .

عربی و ترکی مثال بوله مدق . بولنی آرزوده ایتیمورز .



موصل

موصل - صرف حروف متصله ایله سویلنیلن سوزدر .  
( حذف ) و (خیف) و (رقط) ایله (منقوط) و (مقطع) کی  
مصنعات مردوده دن اولان موصل بعض بدییات فارسیده  
حرفلرک ایکیشر ایکیشر، اوچر اوچر، دردر دردر و تمامها  
متصل اوللرینه کوره درت قسم اعتبار اولنورق برنجی، ایکنجی،  
اوچنجی قسملر ایچون برنجی بیتک مناسنی پک ده آکلایه .  
مدیغمز شوربای مشال اولق اوزره گوسرلشدر که مصراع  
اولی ( مقطع ) قیلنددر :

ای دردل آزرده از رخ اذر  
مانی بر هرگز خط تو چون چاکر

غیر شکن جعد کشت کلک فضا  
مشکل بکشد بشکل چنبر عنبر

دردیچی قسم ایچون دخی مثال (مدرسه خاطره لری)  
مندرجاتندن وشاعر مشهور سلمان ساوجینک آثارندن  
اولان :

ستیشیتیشیتیشیتیشیت  
بتیشیتیشیتیشیتیشیت

بیتیدر که شویله اوقونور :

ستیشیتیشیتیشیتیشیت  
بتیشیتیشیتیشیتیشیت

اوراده بروجہ آتی بیان ملاحظہ اتمش ایدک :

— بروجہ ایله مصراعلری سراسر بتیشیک یازیله رق  
چوجقلرک قوۂ ذکاسنی امتحان ایچون درمیال اولنور ترکیه  
ایکی یت مشهور وار ایسه ده آنلر بعض حروف منفصله یی دخی  
حاوی اولدقلری حالده قاعده املایه بتون بتون مغایر اوله رق  
صورت متصله ده یازلدقلری جهته بالاده کی یتہ مقیس اوله مازلر.

آکا قیاس اولنه جق بیت وزن دیکرده بولمقله برابر اولسه  
اولسه شو اوله بیلیر :

لییمشهملکییمچنم  
ملکچتتسینبنمچنم

السان نه مقلد شیدر ! بوییتی معاصرین ارباب قلمدن  
سرلوحه یاپدیغم بیته برکتابده بنمله برابر تصادف ایدن برذات  
یاریم ساعته قریب زمان صرفیله سویلمشدر . بویله حروف  
متصله دن کلام منشور ترکیبنده ییله کوچلک اولدینی حالده کلام  
موزون ، خصوصیه برمطالع خوشمضمون انشاسی دهامشکل  
اولوق طبیعی بولندینی جهتله مقلد افندی یه برآفرین اولسون  
ویرلملیدر . بیت شویله اوقونور :

لییم شه ملک بی محنم  
ملک جنتسین بنم جنتم



معجم - هیچ بری مکرر اولماق اوزره عربی ویافارسی  
حروف هجاءک کافه سنی حاوی اوله رق ایراد اولنان جمله در .  
مصنعات مردو ده نك اك برباد لرندن بری ده بودر . بونك

ایچون مثال اوله رق بدییات فارسیه ده — معهود دالی ذال  
 او قومق قاعده سنه استناداً ( ندهد ) ك دالی ذال اعتبار ایملك  
 اوزره — شوییت ایراد اولتیور :

اثر وصف غم عشق خطت  
 ندهد حظ کسی جز بضلال

عربی وترکی مثال بوله مدق . بولنی آرزوده ایتیمورز .  
 جناب حق بویه شیلره اوغراشان شاعرلره شعور احسان  
 بیورسون .



مستزاد — بحر هزج اوزانندن اولان « مفعول مفاعیل  
 مفاعیل فعولن » یا خود « مفعول مفاعیل مفاعیل مفاعیل » وزننده  
 بولنان مصراعلر « مفعول فعولن » ویا « مفعول مفاعیل » جزء لرینه  
 مساوی برر پارچه ضم ایتمك صورتیه میدانه کتیر یان نظمدر .  
 او پارچه لره ( زیاده ) نامی ویربایر .  
 مثال :

مستزاد

زیاده

## لا اله الا انت کونشه عرض ایتدیک بر نیاز [ ]

|                  |                                          |
|------------------|------------------------------------------|
| سندس آلبور فیض   | ای کوکب رخشان که بنم جسم و جام           |
| ناقص قالبور فیض  | اولسون بسکا آرایش باقی بو کالم           |
| غدار زمانی       | منع ایله امان ! ایتمه دن اورا قی بی رمک  |
| سوسون بنی جای    | اولسون (زولی) [۴] نک جبهه ناکی بکا اورمک |
| طالع اوله رق یار | ایلر سه اوپوزدن بنی رنگین و ضیادار       |
| شاهنشاه ازهار    | ارتق اولورم بن شرف و شان ایله هر بار     |

( ذات النطاقین — یاخود — ابن الزبیر ) منظومه سنده  
ذات النطاقین لسانندن اوغلنه خطاباً ایراد اولنان شو پارچه لر  
دخی مستزاد مثاللر ننددر :

|                   |                                       |
|-------------------|---------------------------------------|
| اوغلم ، بولن آگاه | مرد ایلدیکم سوزلری اس الحركات ایت     |
| اجر بن ویر الله   | زنهار عدول انطه ، صبر ایله ، ثبات ایت |

### §

|                  |                                      |
|------------------|--------------------------------------|
| مردایسندی میدان  | شاهانه یوررسین ، پوری ای مفخر مردان  |
| عاشق سکا ییک شان | بر شانده بو صورته قازان واریکی امکان |

[۱] ( قورنه ی ) دن مقتبس .

[۲] شاعرک معشوقه سی .

مستزاد طبع و سمعه خوش کلیر ، فقط زیاده سی فضله  
اولماق شرطیله .

عزت ملانك :

بلبل ' یتیشیر باغری خون ایتدی فغانك  
خبر کچی دلدی بورکم تیغ زباناك  
ضبط ایله دهانك  
تأثیر لسانك

و :

آه ایقسه نوله بلبل دل مشهدم اوزره  
جوق چکدی غم خارینی کلزار جهانك  
تا بحشر اولجه  
بو باغ فسانك

یتلرنده کی ( تأثیر لسانك ) و ( بو باغ فنانك ) ضمیمه لری  
حشو کی گورینور .

الحاصل : مستزاد سوبلیه جک شاعر اصحاب دفته و زیاده سی  
زیاده ، دیدر مه مکه چالشمیلدر .

بعض بدیع یانده مستزاد اوچ قسم اولمق اوزره گوستریلیور سده  
عثمانلی شاعر لری آره سنده مسهور اولان بالاده تعریف اولان  
صورت اولدیغندن آسکله اکتفا ایدلدی .





اعاده — بیت متقدمك آخرنده واقع اولان کله یی بیت متأخرک اولنده تکرار ایتمکدر .

اعاده

بواسلوب اوزره سویلنیلن شعره (مُعاد) عنوانی ویریلیر . معادك مطلبی وار ایسه مطلقنده دخی اکثریا اعاده اجرا اولتور . تکرار ایدیله جک کله به ادات لاحق اولش بولندینی صورتده ادات ایله برابر تکراری مستحسن ایسه ده اداتک ترکی دخی جائز اولور .

معاد

اعاده بر صورت ماهرانده اجرا اولماز ایسه مناسبتسز تکرار لر کبی طبیعته ملال کتیرر . بومبجده بوله بیلدیکمز الک گوزل مثال فضولینک شو غزلیدر :

ای وجود کاملک اسرار حکمت مصدری  
مصدری ذاتک اولان اشیا صفاتک مظهری  
مظهری هر حکمتک سنسین که کلک قدرتک  
صفیحه افلا که نقش ایتنس خطوط اختری  
اختری مسعود اولان اولدرکه طبع با کنک  
قابل فیض اوله نطقکدن صفای جوهری  
جوهری معیوب اولان ناقص بنم کیم متصل  
ساده در خطک خیالیدن ضمیرم دقتی  
دفتر اعمالک خطی حطادندر سیاه  
قال دوکرچشم خیال ابتدکجه هول محشری  
محشری اشکم ویرر سیلابه کر روز جزا  
اولسه مقبول درگاهک سرشکم کوهری

کوهر یدر عشق بحر ینک فضولی آب چشم  
 لیک بر کوهر که لطف حق آکادر مشغری  
 (رد العجز علی الصدر) میخشدن مستبان اوله جفی اوزره  
 آنکه (اعاده) یننده فرق واردر .



سهل ممتنع — سويلنلمسى قولای کورندیکی حالده بك سهل ممتنع  
 کوچ اولان سوزدر .

سهل ممتنعك اك بيوك زینتی کلفسز لکدر . غایت طبیعی  
 وروان اولدیغندن آنی ایشیدن « بنده بویله سوز سويلیه بیلیرم »  
 دیر . ایشته او زمان آکا ینه سهل ممتنع قیلیدن اولان :

« طن ایته که شویله بویله برسوز »

« کل سن دخی سویله بویله برسوز »

حطاب امتحاییسی وارد اولور . چالیشیر حالیشیر ، کلفلی  
 برسوز سویلر . بو صورتله سهل ممتنع ضدینی میدانه کتیرمش  
 اولور .

سهل ممتنع منجذب اولیه جق طیب یوقدر ، فقط آنی  
 وجوده کتیره جک طیبیت آاز بولنور .

عثمانی شاعر لری آره سنده سهل ممتنع سویلیه بیله جک  
قابلیتده بولنانلردن بری مشهور نابیدر . از جمله شویتلری  
او قیلدن عد اولنمقده در :

﴿ اولدی سرمایه حیرت بکایم و اتمید  
بیله هم ایله جک کریه میدر خنده میدر

﴿ شهرتی مال ایله در معبد اسلامک ده  
جامع کهنه بی وقفه جماعت کلز

﴿ یوسف کی انواع عن چکنکه موقوف  
آسان دکل اخوانه ولی النم اولق

﴿ اولبای نعمک عادت دیرینه سیدر  
کندی اوضاعنی آباعنه اسناد ایتک

﴿ یوق بی غرض معامله اهل زمانه ده  
کجه عبادت ایتز ابدی جنت اولسه

سهل ممتنع نظمه تخصیص ایدلمه ملیدر . نثرده ده ایلری  
بولنور .

عجمده شیخ سعدینک اکر آثاری سهل ممتنع اولق  
اوزره تاقی ایدیلیور حقیقت ! بر عثمانی بیله قوتابجه فارسی  
تحصیل ایدنبجه در گلستان ده بن یازسه می ؟ « کی واهمه لره دوشه

سیلیر . حال بوکه او گلستان شمندی به قدر بلغای ایران طرفندن  
دخی تنظیر ایدیله مه مشدر .



ارصاد — مسجع ویا مقفی اولان کلامده — صورت ارصاد  
تسجیع و تقفیه سامعک معلومی اولدیفنه کوره — نهایت کلامک  
نه دن عبارت بولندیفنه لفظاً ویا معنی دلالت ایدمک بر شی  
ایراد ایلمکدر .

لفظاً دلالت مثال :

نیجه بر خدمت مخلوق ایله مخدول اولهلم  
سائل حق اولهلم نائل مستول اولهلم

آقلم پایسه بر بحر حیت بولهلم  
صله همتنه ما کی موصول اولهلم

یزده صورت ویرهلم کندمزه قابل ایسه  
کیرهلم اهل صفا یزمنه مقبول اولهلم

کنیر ای ساقی یئر ایلدک اشعال یزی  
برزمانده می بی غش ایله مشغول اولهلم

قالله دن خاك منلته همان ای عاصم  
مازم سوی سماسی ستانبول اولم  
مترجم قاموس

بو غزلك محصول عینتاب اولدیقتی اشراب ایتمکده اولاز  
مقطعندن ماعدا یتلری مثل لهه تطبیق اولنه بیایر :  
بونی اولدن ایشتمه مش اولدیغی حالده :

نیمه بر خدمت مخلوق ایله مخذول اولهلم

مصراعنی طوینجه قافیەك نه دن عبارت بولندیغنی آکلایان  
بر سامع ( سائل ) دن ( مسئول ) ، ، ( صله ) دن ( موصول ) ، ،  
( قابل ) دن ( مقبوله ) ، ، ( اشغال ) دن ( مشغول ) ، انتقال ایده ییلیر.

سنبازاده وهینك بر فکر سخینی حاوی اولان :

قابلیت اثرین محو ایدهلم قایل ایسه  
بز دخی جاهل مقبل کی مقبول اولهلم

یتیله ر مضمون خفیی مشتمل بولنان :

طقل نارم یوری کیت مکتبه تنها بولدس  
حرف آ تارملکه سکا رایکی مدلهجه حریف

یتی دخی بو قیلدندر .

بودرلو ارسادات — مبحثده ایضاح اولنه جفی وجه ایله  
 — لزوم طیبی گورنمدجکه اجرایی محسناتدن عد اولنیمان  
 (ارشتقاق) صنعتی سونلرک آئارنده کثرت اوزره بولتور .  
 معنی دلالتله مثال :

هانکی لاله چن ملاحتدر که قافیت رول بولدی. و هانکی آفتاب فلک  
 صباحتدر که نهایت افول بولدی ؟ . . . نیجه هلال درخشان اولور که بدر  
 اولمه دن خسوف بولور و بیجه آفتاب تابان اولور که افقندن ظاهر اولمه دن  
 کسوف بولور . سنن پاشا

دیگر :

المن قیسه قیاس ایتمه دل محزونک  
 یوق ایدی عقلی نه دردی وار ایدی مجنونک

باقی

مثال اولده (زبول) و (خسوف) — جملاری معلومی اولان  
 ر سامع و هانکی آفتاب فلک صباحتدر که، و نیجه آفتاب تابان  
 اولور که، دینیلیر دینلمز بونلرک آلت طرفلری (افول) و (کسوف)  
 اوله جفتی آکلار .

مثال ثانیده دخی (محزونک) قافیه سنک معلومیتی اوزرینه  
 « یوق ایدی عقلی نه دردی وار ایدی » دینلمسیله برابر بونی  
 (مجنونک) قافیه سی تمقیب ایده جکی آکلایشیلیر .

فضولینک (کور دیکک کوکم) ردیفی غزلنده کی :

دیار هجرده سبل ستمدن اولدی خراب  
فضای مشغده آباد کوردیکک کوکم

بیتی دخی بو قیلنددرکه (خراب) دلالتیه قافیەنک (آباد)  
اولهجنی ذهنه تبادر ایدر .

تسهیم) نامیه دخی یاد اولتان ارساد ذهن سامعی معنای  
آتینک فهمنه آماده قیلهجنی ، حتی بعض کره معنای آتی بی ذهن  
سامعه سوبلمه دن القایده جکی جهته صنایع مقبوله دن عد اولنور .



لف ونشر — عبارده اول امرده ایکی یا خود ده ازیاده  
شیئی ذکر ایدهرک بعده آلردن هر برینه عائد اولان شیلوی  
ایراد ایلمکدر .

نزدن زیاده نظمه یاقیشان بو صنعت — که بین الشعرا کثرت  
اوزره اجرا ایدیلان صنایعنددر — اول امرده وبعده ذکر  
اولتان شیلر یئنده ترتیب تقابلی به رعایت اولنقی ویا اولنماقی  
صورتلرندن بریسیله وجوده کلدیکندن ایکی قسمه منقسم اولور.

برنجیسنه (لف و نشر مرتب)، ایکنجیسنه (لف و نشر مشوش) لِف و نشر مرتب  
 لِف و نشر مشوش  
 تعیر اولئور. مثلاً «ابو بکر و عمر حضراتی صدق و عدل ایله  
 شهرت بولشاردر» دینلسه «صدق» (ابو بکر ایله) (عدل) عمر  
 ایله قابل ایده جکندن عبارتده لِف و نشر مرتب بولنه جفی کبی  
 بالعکس «ابو بکر و عمر حضراتی عدل و صدق ایله شهرت  
 بولشاردر» دینلسه لِف و نشر مشوش بولئور. کذلک، صدق،  
 عدلی، شجاعتی صدیقی، فاروقی، حیدری آکدیر بیور،  
 عبارتده سنده کی لِف و نشر مرتب بونک «عدلی، شجاعتی، صدقی  
 فاروقی، صدیقی، حیدری آکدیر بیور» صورتنه تحویلله لِف  
 و نشر مشوش اولور.

بو افتاده لردن آکلاشیله جفته کوره مرتب اولیان لِف و نشر  
 معکوس اولسه ده، مخلوط بولسه ده (مشوش) وصفی آلیر.  
 بناءً علیه لِف و نشر دینیلن سی حقیقتده اوچ قسم اولدینی حالده  
 عنوان جهتیله ایکی قسمه منحصر قالیر.

بعض ادبالیف و نشرک برنده ترتیب معکوسه رعایت اولتان،  
 دیگرنده هیچ برگونه ترتیبه رعایت اولنمیان ایکی قسمندن برنجیسنه  
 (معکوس ترتیب) ایکنجیسنه (مختلف ترتیب) عنوانخی ویررلر.  
 (لف و نشر مرتب) «مقابل بو ایکی قسمدن هر برینه (لف و نشر  
 غیر مرتب) دیمکله اکنتفا ایدنلرده واردر.

معکوس الترتیب  
 مختلف الترتیب  
 لِف و نشر غیر  
 مرتب



لف و نشر مشوش نژده بر مقصد مخصوصه مستند اولد قجه  
 حائر لطافت اوله ماز. نظمده دخی اکثریا وزن و قافیه الجاسیه  
 اختیار اولسور. لف و نشر مرتب ايسه نظمده اولدینی کبی  
 نژده دخی ترینادن معدود اولور. آشاغیکی مثالده اول امرده  
 (حرب و صلح) ذکر اولنه رق بعده حرب به عائد اولان (آلت)  
 'ایله (خشت خونمون) و صلحه راجع بولسان (اشارت) ایله  
 (شاخ شجر زیتون) ایراد ایدلمشدر:

... ایشته منظورکز اولدینی وجه ایله حرب و صلحه آلت و اشارتدن  
 کنایه برالمزده خشت خونمون و برالمزده شاخ شجر زیتون اولعه ایکیسندن  
 برینی انتخاب و قبول پیورکز ...  
 کامل پاشا

ینه تله ماق ترجمه سندن اولان شو پارچه دخی بوتک نظیر یدر:

بنی بشر علی ماهو علیه واقف حقایق (خیر و شر) اولدقلرندن درجه  
 (حظ و فقر تله) کوره برشیتک (له و علیه) حکم ایدرلر ايسه ده بوراده  
 اوله اولیوب . . .

بالاده کی مثالرده گوردیکی اوزره لف و نشر ایکسر ایکسر  
 اولدینی کبی اوچر اوچر و دردر دردر دخی اوله بیلیر .

## استطراد

صورت اخیرده اوله رق فردوسی طوسی طرقدن شاهنامه ده  
ایراد اولتان و اوته دن بری شاعر لک نظر نقدیرینی جلب ایتمش  
بولان :

بروز نرد آن یل ارچند  
تیغ و بختیر بکرز و کند

برید و درید و شکست و بست  
یلان راسرو سینه و اودست

یتلرنده اول امرده ( تیغ ، خنجر ، گرز ، کند ) ذکر اولنه رق  
بعده تیغه عائد اولان ( برید ) ایله ( سر ) ، خنجره مناسب بولتان  
( درید ) ایله ( سینه ) ، گرز و راجع اولان ( شکست ) ایله ( پا ) ،  
کننده ملایم بولتان ( بست ) ایله ( دست ) ایراد ایدلمشدر .

انی  
لف و ثمر مشوشك مقبول اولسی مأله هیچ بر کونه  
قاریشیقانی موجب اولماسیله مشروطدر . هله سوء ایهام بونده  
اک زیاده احتراز ایدیه جک بر شیدر . مثلا :

کوله کی ایتما اول ذلیله قیاس  
متماوی اولوری تاج و مداس

و :

قارہ طاشی کرانبہا ، زرمی

ہندک اوغلی۔ حسینہ بک زرمی

بیترندنندہ کی لف و نسر مرتب مداسک تاجدن ، حسینک ہندک  
 اوغلندن مقدم ایرادیلہ لف و نسر مشوش حالہ کتیریلہ جک  
 اولسہ میال ترتیب اولان ذہن و ہلہ مداسک کولہ یہ ، تاجک  
 ذلیلہ ، حسینک قارہ طاشہ ہندک اوغلنک زرہ مقابل طوتلمش  
 اولدیغہ ذاہب اولور . مقصود ایسہ بونک تمامیلہ خلاقی اولق  
 اوزرہ کولہ یی تاجہ ، ذیلی مداسہ ، ہندک اوغلنی قارہ طاشہ ،  
 حسینی زرہ تشبیہ ایتمکدر .

او یولدہ سوء ایہامہ قرین اولہ جق لف و نسر مشوشلر  
 صنایع مقبولہ دن عد اولنمقدقدن باشقہ قطعاً مردود اولور .  
 قائلنی در خاطر ابدہ مدیکمز :

کورن اول غمزہ مردمشکار و چشم شوخ دیر  
 طہبدر ایتمش آمیزش غزال و شیر بریردہ

بیتمدہ کی لف و نسر مشوش ضرر سزدر .



تنسيق — صيره ايله ذكر اولنه جق شيلري آشاعيدن  
يوقاري ياخود يوقاري دن آشانغى ترتيب اوزره ايراد ايلمكدر.

ترتيب آشاعيدن يوقاري اولدينى حالده (تنسيق ارتقائى) ،  
يوقاري دن آشانغى بولندينى صورتده (تنسيق انحطاطى) دينايير .  
تنسيق ارتقائى به مثال :

شهر خوارلر بشپكنى، چوجقلر اكندىكى پرى، كنجلر معيشتكاهنى،  
اختيارلر كوشه فراغنى، اولاد والدهنى بدر عاتله سنى نه درلو حسيات  
ايله سورسه انسانده وطننى او درلو حسيات ايله سور .

كمال

تنسيق انحطاطى به مثال :

پدرك، برادرك، بنم مكتبده او قود بنم يازمه 'صحف شريف حالا  
زدمزده محفوظدر .

بو ايكي درلو تنسيقدن برينك ديگرى مقامنده اجراسى  
بمضاً سوزه بيوك بر او يغولسزلق ايراث ايده جكي جهنله مقامك  
بونلردن هانكيسنه دها الو يرشلى بولنديقتدن غفلت اولنمايليدر.

حضرت ابن الزبير لسانندن اوله رق امام حسين اقدمزه  
خطاباً ايراد ايدلش اولان تسليات آتيده اولاً ( اينس جان

بتول)، ثانیاً ( فروغ قلب علی )، ثالثاً ( حفید پیغمبر ) ذکر  
اوله رق تسبیق ارتقائی به رعایت ایدلشدر :

السلام ای امیر آل رسول

السلام ای ایسی جان بتول

السلام ای نهفته نورچلی

السلام ای فروغ قلب علی

السلام ای شهید غمپرور

السلام ای حفید پیغمبر

بوراده بالفرض تنسیق انحطاطی گوزه دلش اولیدی خلاف  
مقام اوزره سوق کلام ایدلش اولوردی .

مثال آئیده وطنه مقابل کله جکی ایچون (مربع) که ابتدا ،  
خارج وطن ایله تقابل ایدم جکی ایچون (مثلث) که بعده ذکر  
ایدلسی دخی انواع تسبیقنددر :

عقل «مربع باشقه در» مثال باشقه «قضیه سنک حقیقته به قونده حکم  
ایلیورسه وجدانده «وطن باشقه در» خارج وطن باشقه «سوزیسک  
صحنه او قونده اعتماد ایدیور .

کان



تغلیب — ایکی یا خود دها زیاده شیدن برینی دیگرینه  
و یا دیگرلرینه غالب عد ایده رک او وجه ایله ایکیسنی یا خود  
هپسنی برلکده تعیر اتمکدر .

مثلا ( فضولی ) بردانه اولدینی حالده ( فضولی ) واقدارجه  
آ کا قریب اولان شاعر لر ( یعنی ) ( فضولی و امثالی ) دینیه جک  
برده ( فضولیلر ) دینیلر که فضولی سائرلرینه تغلیب ایدلش  
اولور . کاظم پاشاک بر مرثیه سندن اولان شو یتده کی ( ابوبلر )  
تعیری بوکا ماملدر :

باخصوص اول شهریار عالم توفیق کیم  
صبر بی پایانه ابوبلر حیران اولور

ضیا پاشاک بطم آتیبی دخی بو بایده بزه بر ایکی مثال  
کوسترمکده در :

برانده کلن هنرورانک  
آرایش هر بری جهماک

ایرانده ظهور ایدن افاضل  
دهرک هضلاسنه مقابل

ایتدی هنر آوران اعجام  
احسای علوم دین اسلام

بیضاویلر      زغشریلر

شیرازیله      جوهریلر

هپ اولدی اوخا کدن نمودار

آنلردر ایدن علومی اظهار

ابوبکر و عمر ایله حسن و حسین حضراتنه (عمرین) و  
(حسین)، آنا ایله بابایه (والدین) و (ابوین)، آی ایله کونشه  
(قرین) اطلاق دخی تغلیب قیلندندر. جناب فاروق حضرت  
صدیقن افضل اولماقسه برابر آنک تغلیبی (عمرین) دیمک  
(ابوبکرین) دیمکدن اسهل اولدیفنه مبنیدر. حسن محبتامک  
حسین کربلایه تغلیبی دخی هم کندیسنگ بیوک برادری  
اولسندن هم ده (حسین) دیمک (حسینین) دیمکدن اسهل  
بولمسنندندر. (والد) ک (والده) یه، (اب) ک (ام) ه، (قر) ک  
(شمس) ه تغلیبی ایسه حقیقی اولسون اعتباری اولسون  
مذکرک مؤننه غالب عد اولمسنندندر. تغلیبک بو درلوسنه  
(متناسیندن برینک) تغلیبی (تعبیر اولنور.

تغلیب متکلم ایله مخاطب و طابدن عبارت اولان اشخاص  
بلاسه بیتده دخی جریان ایدر.

متکلم مخاطب و طابدن اقوی اولدیفندن ایکسسه تغلیب  
اولدیفنی حاله مخاطب یالکز غائبه سبتله دهاقوتلی بولدیفندن  
آمحق آ کا تغلیب اولور. غائب مخاطبه، غائب و مخاطبه متکلمه  
تغلیب اولنه ماز.

متكلمك مخاطبه تغليينه مثال :

بن و سن - من و بن - بن و سز - سز و بن بزوسن - سن و بز -  
بز و سز - سز و بز یازیورز .

متكلمك غائبه تغليينه مثال :

بن واو - او و بن - بن و آنلر - آنلر و بن - بز و او - بز و آنلر -  
آنلر و بز یازیورز .

مخاطبك غائبه تغليينه مثال :

سن واو - او و سن - سن و آنلر - آنلر و سن - سز و او - او و سز -  
سز و آنلر - آنلر و سز یازیورسکز .

اشخاص آره سنده جاری اولان بو تغلیب قاعده سنه نظرأ  
کمال بکک بر مکتوبندن اولان شو عبارده (جهلی) مقامنده  
(جهلمز) دینلمک لازم کلیردی :

لاقیردی بی یالکز کندی اوزریکه آلوبده مناسبتمز سوز سویله .  
ماهیات علوم یازمقده یالکز سنک دکل ' هیزک ' طوبعزک جهلی مانعدر .



اکمال - برعباره ایله افاده اولسان معنای عبارتة اخرى اکمال

ایرادیه اتمام ایتمکدر .

آشاعیده قوس المجنده کوستریلس عبارتله اکمال قیلندندر:

هیچ برزونی متصرف اولی کتم عدمدن برابر کتیرمه مشدر دیباده  
مال اطلاق اولور به وار ایسه اقدام ایله طوبلاییر ' (سعی ایله وجوده  
کلیر) .

کمال



انسان کندی سعیله یاشاملیدرکه زمانک قچنی ییلسون، ( حیانتک  
لذتی طویسون . کذا

رحم ایت که غریب و درد مندم  
( بی موئس و یار و مستمند ) فحنولی

مرد اولان کذبہ تنزل ایتمز  
( ذلت کذبہ تحمل ایتمز ) . نابی

آنی سن لطف ایله ایله بنده  
( عفو واکرا ایله ایت شرمنده ) وله

بخت ایسه ایدر جهانی الزام  
( رسوله ایدر فحاشی افحام ) شیخ غالب

آلدی سخن عزم راه قیلدی  
( هد هد کی قصد شاه قیلدی ) وله

شیخ غالبک ( حشو ) مبحثده ایراد اولنان :

هنکام هر مده سولیشدر  
بیر اولدینی دمه سولیشدر

و :

واری هله سولیندک سوز  
قالشی مکر دیندک سوز  
یتلرینک ایکنجی مصراعلری اکمال قیلندن عد اولنه‌ماز .  
حشوی اکمال صامق اکمالی حشو ظن اینک کی دقاسزلکدن  
ایلری کلپر) .

جناس — که (تجنیس) نامیده دخی یاد اولنور — ایکی جناس

لفظك مضاری مختلف اولدینی حالده تلفظ ویا کتابتده یکدیگره مشابه اولسیدر .

لفظین بیننده مشابته کامل ویا ناقص اولمقدن خالی  
 قالمیهجنی جهته جناس اول امرده (جناس تام) و (جناس غیر  
 تام) عنوانر یله ایکی فسمه آریلیر .

جناس تام ایکی لفظ، تشکیل ایدن حروفك نوع ، عدد ،  
 ترتیب ، هیئت جهتاریله متفق اولسندن حصوله کلیر . بو اتفاقه  
 « وجوه اربعهده اتفاق » تعیر اولنور که آنسز جناس تام تحقق  
 ایتمز . هیئت حرکه وسکوندن عبارتدر .

جناس تام بسیط جناس نام (بسیط) ویا (مركب) اولمق اوزره ایکی نوعدر .  
 جناس تام بسیطه مثال :

باشقه بر قوت ویرر جنکاورانك (قلب) نه  
 (قلب) لشکر کاهده اولدجه حضرت منجلی  
 دیگر :

ایدر اراقه (دم) حسرتکله چشماتم  
 ترجم اینت نیمه (دم) در اسیر هجراتم  
 فضولینك :

کرچه ای دل یار ایچون (بوز) ویردی (بوز) همتسکا [\*]  
 ذرهجه قطع محبت ایتدك رجعت سکا

[\*] بوراده «بوز ویردی» بوز کومستردی ، توجه ایتدی دیمکدر .  
 (بوز ویرمك) ماده می شمدی بومعناده قوللا بلور .

ییتی دخی جناس تام بسیط مثالرندندر . سنبلزاده وهینک :

امله وئکی ضایع دیمه فیش ( یاز ) اوقو ( یاز )  
مصراع مشهور یله اسماعیل صفا ائدینک :

بکلم هفتته ده برنامه بو ( یاز )  
یاز جقسه ک دیدیکم وجه ایله ( یاز )

ییتی ده او جمله دندر .

جناس تام مرکبه بر قاج مثال :

دست کوتاهمزی ایتمه مش الله رسا  
منبع جودینی بوقسه المزله ( قاپارز )  
بزه و برسوغی خدا آب حیات توفیق  
خضری بولسه ق ره ظلمتده کلاهن ( قاپارز )

عزت ملا

سویلر کن او سوزلری ( قیزاردی )  
هم حظ ایدر آه هم ( نیزاردی )

صفا

فریادی آنک دکللی ( واهی )  
بلبلده ییلیری آه و ( راهی )

وله

سودیکم باقی بونه مهلك ( یاره )  
یاقیشیری بونی آجیق ( یاره )

وله

بالذات بولدینی معرکه لردن برینی مصور اوله دق قانونی

سلطان سلیمانك لساندن صدور ایتدیكى روایت اولئان  
و فردوسی طوسینك :

زسم ستوران دران پهن دشت  
زمین شش شد وآسمان کشت هشت  
ییتندن مقتبس اولمق اوزره یرك ، کوکك یدینسر طبقه اولمسی  
اعتبار مشهورینه کوره سویلنلمش بولئان قطعه آتیه بوراده  
اخطاره شایاندر :

اودكلو حبقدی توز یردن هوایه  
سكزقات كوك اولوب بر ( آلتی ) قالدی  
چریدن طولدی طول وعرضی ارضك  
عدویه قاجه جق بر ( آلتی ) قالدی

( سیفی ) نامنده بر شاعرك شو ییتسنده کی ( مویه ) و ( ناله )  
جناسلری دخی بو قیلدندر :

دوندی جسم ضعیف پر ناله  
مویه دن مویه ناله دن ناله

بوراده ( ناله ) لردن برنجی وایکنجیسی فریاد دیمك اولدینی  
حاله اوچنجیسی قلم تلی معناسنه کلن ( نال ) ایله ( ه ) ادانندن  
مرکبدر . ( مویه ) لردن برنجیسی حافظ شیرازینك :

خنده و کریمه عشاق زجای دکرست  
می سرایم بشب ووقت سهر می موم

ییتده بر مضارعی بولئان وسوزشله آغلامق معناسنه کلن  
( موییدن ) مصدرندن اسمدرکه ینه مشار الیهك :

نماز شام غریبان چو کربه آغازم  
عوبهای فریبانه فسه پردازم

مطالعده جمعی گوریلور . ایکنجیبسی قیل دیمک اولان ( موی )  
ایله ینه (ه) اداآندن مرکدر .

جناس مرکبه لفظین املاده متفق اولورلر ایسه آکا  
( جناس متشابه ) نامی ویریلیر ؛ بالاده کی مثالرده اولدینی کچی  
جناس مفروق بالعکس املاده مختلف اولورلر ایسه آکا ( جناس مفروق ) تسمیه  
اولنور . بوصورتله جناس مرکب دخی ایکی نوع اولمش اولور .  
جناس مفروقه مثال :

دیدیلر اولدی بر ایکن ( اکیشر )  
جیقیدیلر خارجه برر ( ایکیشر )

قائلی مجهولز اولان یات آتی منفور بر جناس مفروق حاویدر:  
رحساریکی ای دلبر ( آینه ) یه بکرتدم  
وه وه نه خطا ایتدم ( آینه ) به بکرتدم  
جناس مفروقده مرکبک تمامیه ایکی کلمه دن ترکیب ایتسی  
شرطدر . بویه اولیوب ده برکله ایله دیکر کلمه نك بعض اجزاسندن  
ترکیب ایدر ایسه آکا ( جناس مرفو ) نامی تخصیص اولنور .  
جناس مرفو مثال :

یوقکن کونشک انی ( ۷۰ ) ده  
براش کور یوردی شه ( ۷۰ ) ده

صفا

شوراسی ده اخطاره شایاندر که ( مجموعه معلم ) ده بیان

اولندینی اوزره ماقبلنده حروف معزوله دن بری بولنق شرطیه  
نون ایله بیتن کلمات مستثنی اوله رق علی العموم ایکی ساکن ایله  
نهایت بولان کله ره الحاق اولنه جق (ایله) ادا تنک تخفیفاً (له)  
صورتنده تحریری جائز اولمدیغندن سنبلزاده وهینک :

جاهله جاهله رفتنی کلیر عالده

مصراعی کبی عباره لرده (جناس متشابه) متحقق اولماز. بوا یکی  
(جاهله) دن هانکیسی (جاه) لفظی محتوی اعتبار اولنورسه  
آنک (جاه ایله) صورتنده یازلمسی واجب اولور. بناءً علیه  
(جاه ایله) ایله (جاهه) بیننده جناس مفروق بولنور.

صیرهمی کلش ایکن سویلیه لم که ینه (مجموعه معلم) ده بیان  
اولندینی اوزره حروف مد ایله بیتن کلماته لاحق اوله جق (ایله)  
ادا تنک تخفیفی جائز اولمدیغندن مشهور سرورینک تاریخ  
آتیسنده تعمیمه اوله رق کورستر دیکی (با ایله) املاسی قبول  
اولنه ماز :

با ایله یازدی قلم بت ایدیجک تارینخن

قشله ده ایتدی بتا والده سلطان جام

بونک هر حالده (با ایله) صورتنده یازلمسی واجبه دره ایکی  
صورتله یازیله بیلیر شنیلر واردر اما بونلر آنلردن دکدر .  
اسلاف شعرانک بو باده کی مساعهلری نظر استحسان ایله  
کور یله مه مک طبعیدر .  
کله لم جناس غیر تامه :

بونده جناس نامک شرط حصولی اولان « وجوه اربعمده اتفاق » بولمیبوب وجوه اربعمه دن برنده اختلاف بولنور .  
لفظین متجانسین یالکز نوع حروف جهتیله مختلف اولور لر  
ایسه آکا (جناس لاحق) دینیلیر. بونده اختلافک اولده، وسطده،  
آخرده بولنمسنه کوره اوچ قسم اولور . جناس لاحق

اولده بولندیغنه مثال :

بدرکزک طریق ادب و تربیه سنه ( سالک ) وهوا وهوسه غلبه ایله  
نفسکره ( مالک ) اولملیسکره .  
کامل پاشا

دیگر :

کلامک فائده سی بشریتک نوعیتیه ( قائم ) و بناء علیه بر کوزل سوز  
ناطبقتله برابر ( دائم ) اولور .  
کمال

دیگر :

تبیاق یوق بو عالمک آکا کیم اعتماد ایدر  
( فرح ) کلیر ( ترخ ) کیدر زرح کلیر فرح کیدر

وسطده بولندیغنه مثال :

بربلدهده وار ( تمکن ) ایله  
کست شرف ایبت ( ترکن ) ایله

دیگر :

دل کیسه یه ایلز ( تملق )  
اول خلق ایله ایتمه منس ( تخلق )

آخرده بولندیغنه مثال :

طرحلر ایچنده کی متعدد ایرماقلر بربری آردنجه جریان و دوران  
ایده رک بعضیسی کال سرعتله دائر و بعضیسی یاواش یاواش طولاشه  
طولاشه صانکه تارک و قارغ اوله مدینی منبع قدیمی سینه ( سائل )  
و ( سائر ) اولوب . . .  
کامل پاشا

لفظین متجانسین یالکز عدد حروف جهتیله مختلف  
اولور لر ایسه آ کا ( جناس ناقص ) دینیلیر. بو دخی اختلافک  
اولده ، وسطده ، آخرده بولنسنه کوره اوچ قسم اولور .  
اولده بولندیغنه مثال :

هر کچده که طرز انشایه استطاعة ما اوله خضر سربیز حسد و سبیز  
ایله جریح ال ( خلد ) وغایت غوایت ایله «الاعداء من مادائک بالحد»  
جیمیئنده ( بخلد ) اولور .  
اوچقی زاده

دیگر :

بر مسئله ده عقل و نقل تعارض ایدنجه حجت بالفه قدرت اولان  
عقلک حکمی ( اول ) و نقل آنکله ( مؤول ) اولدنیغیون علمی شریعت  
اشتغال معقولات ایله مکلف اولدنی . . .  
کال  
دیگر :

بو محبت اساس ( ایمان ) در  
باغبان بر طاقم ( لثیان ) در

دیگر :

اوغلام ای مایه دار حسن ( حسن )  
سنیندن کوزل ییلیر سین ( سن )



وسطده بولندیغه مثال :

کوستردیکم مراجعتی کورمه نابجا  
(الجا)ی فرط فاقه ابله ایتده (الجا)

صفا

آخرده بولندیغه مثال :

بزه ای (باد) (بادی) پریشانی اولورسه لئده  
طوقن کاهی اوزلف ناروماره هرچه بادا باد

سنبلزاده وهی

مثال اخیرده اولدینی کبی آخرده زائد حرف واحد اولور  
ایسه آکا اکریا (جناس مطرف) دیبیلیر . بردن زیاده اولدینی  
صورته آکا دخی اکریا (جناس مذیل) تعبیر اولنور: (بلا  
— بلاغت) (صلا — صلابت) (نوا — نواذب) کبی .

لغظین متجاسین یا لکز ترتیب حزنله مختلف اولور لر ایسه  
آکا (جناس قلب) دینیلیر . قلبک ناه ویا ناقص اولسنه کوره  
جناس قلب ایکی قسمه آیریلیر . تام ولور ایسه (قلب کل)،  
ناقص اولور ایسه (قلب بعض) نامنی آلیر .

حناس قلب

قلب کل

قلب بعض

قلب کله مثال :

اوکنه ابر سیاهی چکه رک  
ایتدی بهان (کلف) بدری (فلک)

قلب بعضه مثال :

نیچه ظالمر الملش پامال  
ایتمز (اهمال) ایدرسه ده (امهال)

دیگر :

آلئی دکدر سوزم افتخار  
تسلویه (مادر) ایچونر (مدار)

جنایت کتابتنده بولسدیفمز بیره ده سویلدیکمز شو  
مصراعده دخی قلب بعض موجود در :  
( جانی) لر ایچنده قالدی ( ناجی)

لفظین متجاسین یالکمز هیئت جهتیله مختلف اولورلر ایسه  
آکا (جناس محرف) دینیلیر .  
مثال :

جناس محرف

شهرک ایچنده شهرق آرنار چالسنک  
اوصاف (ورد) عارضی (ورد) زبان اولور

لاادری

جناس خصوصنده حرف مشدد حرفی مخفف حکمنده در .  
بناءً علیه و جاهل یا مفرط و یا مفرط اولور ، قول و شهورنده  
جناس محرف متحققدر .

جناس خط  
جناس تصحیف  
جناس مصحف

( جناس خط ) و یا (جناس خطی ) تمیز اولتان جناس — که  
آکا ( جناس تصحیف ) و ( جناس مصحف ) دخی دینیلیر —

نقطه اختلافدن ویا کتابتده مشابه اولان ایکی حرفدن برینک  
نقطه لی ، دیگرینک نقطه سز بولنمندن عبارتدر .

بر ایکی مثال :

و نه احسان آئیدر که دوچار اولدیمز چار موجه اضطرارک  
اوزربنه بر (بری) (بری) مسکن و ماواسنده ضرورت واحتیاجدن (بری)  
ایلدی ! کامل ماشا

—

خلفی مستعد ایش ( یوریدی )  
مکه وادیلرین دومان ( یوریدی )

—

( تمخیر ) عیون ایدر نکاهک  
( تمخیر ) درون ایدر نکاهک

—

چکمه ییهوده زجت ای مطرب  
و ( آغی ) دکل ( تغنی ) در

—

دیرسهک اولهیم کالی ( حائر )  
تضییع زمانی کورمه ( جائز )  
فضولینک بیت آتیسنده کی ( رحمت ) ایله ( زحمت ) دخی  
بو یله در :

ای فضولی اولدک افغان ایتدک زجت سکا  
رحم قلبدک خلقه افغانکله زجت ویرمدک

نفعینک طاهر اقلدی نامنده بر ذات حقنده کی شو قطعه سندن  
دخی جناس خطی ظاهر اولمقده در :

بزه طاهر اقلدی کلب دیش  
التغاتی بو سوزده طاهر در  
مالکی مذهب بزم زوا  
اعتقادحه کلب طاهر در

جناسک دها بعض انواعی بولنه بیلیرسده ذاتاً پک ده جدی  
صورتده اوغراشیله جق بر شی اولمدیقندن بر قدرینک اراشیله  
اکتفا السب کورلدی .

محتاج ابصاح اولمدینی اوزره سوز حد ذاتنده گوزل اولمقدن  
صکره جناس آکا گوزلک ویره مز . مع هذا حسن ذاتی بی  
حائر اولان بر کلام ایچون حسن عرضی عد اولتور . هله  
طبیعیلک دینیان مزیت جلیله هیچ بر وقت نجیسه فدا  
ایلمه مایدر .



اشتقاق — بر ماده اصلیه ایله آندن مأخوذ اولان بر اشتقاق  
ویا دها زیاده کله بی یا خود بر ماده اصلیه دن مأخوذ اولان ایکی  
ویا دها زیاده کله بی عبارده ده جمع اینمکدر .  
بر قاج مثال :

فیت (شعر) ی ایدن همت ( شاعر ) کی پست  
شاعرک مسکنت جائزه جو یانه سیدر

( حق ) لی بی حقمنزی امان ایله تفریق ایدهلم  
طور تلاش ایته اقتدی ایشی ( تحقیق ) ایدهلم

حقک البته قوی ثابت اولور  
طفل ( ساکت ) دلیل ( مسکت ) اولور

بن که صبارهم ( دیم ) او یله  
( دیسهل ) ( سوله ) ( سویلم ) شویله

دل فرقتده ذاتاً ( محزون )  
سن ده برقات دهها ( تحزین ) ایته

نه صایار سین بکا ( مشاغل ) کی  
او یله شیلرله ( اشتغال ) ایدهلم

ایطش مولی ( تجمل ) دن ( چال ) ک بی نیاز

( قول ) اصحاب ( نقول ) لایق اصغادکل

شکرکیم ابتدک ( علل ) ( ملت ) اسلام ایله

بوکون ( غابن ) اولان ( مغبون ) اولور یوم ( تعابن ) ده

(ارصاد) مبحثده ایما اولندینی اوزره صنعت اشتقاق

اجراسی لزوم طبعی یه مستند اولق سُرطیله مقبول اولور

(شبه اشتقاق) دیلین و حقیقتده بر ماده دن مشتق اولیان  
ایکی کله نك تلفظ ویا کتابده یکدیگره بکزه مسندن عبارت  
بولنان صنعت - که :

قالیمی باصره خالی خیال خاندن

مصراعنده کی (خیال) و (خال) کی کله لر یئتمده تحقق ایدر -  
اکزاد باز دنده شبه اشتقاق و اشتقاق، کی جناسه ملحق عد اولنمقده در.  
باقینک ینه (ارصاد) مبحثده ایراد اولنان :

المن (قیس) ه (قیاس) الله دل عز وک

یوق ابدی عقلی نه دردی وار ایدی مجنونک

یئنی دخی شبه اشتقاق مثاللرندندر . وقیله یت آتی بی آکا  
تقلید ایازش ایدک :

(قیس) ه دکدر خطراتم (مقیس)

محبس شاهین بلادر سرم



مراعات نظیر - که (مناسب) (توفیق) (اتلاف) (تلفیق)

مراعات نظیر

ناملریله دخی یاد اولنور - تضاد صورتنده اولیه رق معنی  
جهتیه متناسب اولان ایکی ویا دهها زیاده شیئی عبارده جمع  
ایتمکدر .

( جمعیت ) دخی آنک نام دیگر یدر . بولندی عبارتست به ( جمعیتی )

دینیلیر .

طبیعت شاعرانه تناسبه عاشق اولدیغندن کندی محصولا تنک  
بو زیور دلفریب ایله مزین اولسنی انهماک درجه سنده آرزو  
ایدر . بناءً علیه مراعات نظیر اک طبعی صنایعدن اوله رق آثار  
ادبیه ده ، خصوصیه اشعارده کثرت اوزره بولنور .  
برخیلی مثال :

اک بیوک جهانگیر لردن اولان اسکندر رومی دیوژنک ( آياغنه )  
کیتدیکی و فاتح سلطان محمد ملا کورانیکنک دائما ( الی ) اوپدیکی نمونه  
عبثت اوله جق و قایعدندر .

کمال

ینه او عصر ایچنده ایدی که اوروپاده لوتر پروتستانلق نامنه ( بر )  
مذهب جدید آچهرق اصحاب ( تبلی ) ( ایکی ) به ( تقسیم ) ایش ایدی  
کذا

ارکان اربعه نامیه مشهر اولان و دولتنک قوای معنویه سی حکمنده  
بولنان درت ذاتک برنجیمی مملکتده ارنسا و مداهنه تک موجودی صاییلان  
شمسی پاشا ایسه ایکنجیمی ده ( صدیقی برعزم ) ، ( عمری برتوفیق ) ( عثمانی  
برفدا کارلق ) ، ( حیدری برجلادت ) ایله ۱۰۰۵ تاریخنده و محمد نالت  
زماننده اکری ملحه کبراسنک قازانلسنه سبب مستقل اولان مرقوم  
خواجه سعد الدین ایدی .

کذا

آداعه که ( شاعر ) سوزی البته ( یالان ) در

فضولی

باقی قالان بو ( قبه ) ده بر خوش ( صدا ) ایش

باقی

حسرت (عید) ایله (ماه نو) ی دنیا کوزه در

وله

(زنجیر) دن بو شامش (دیوانه) در صانیر لر

وله

شجاعت عرض ایدرکن مرد (قبطی) (سرفت) ن سویلر

راغب پاشا

آمید (نشوه) در بزه هب (دردسر) ویرن

وله

ایدرمی (ساز) سینهم دکه بر (مضرب) دن (فریاد)

وله

مثال (بحر) درونکده صاقلایوب (کهر) ک

هنر عالفه میل اتمه وار ایسه هنرک

سید وهی

رونادر (نشئه) سنده هب تفاوت عالمک

(ساق) منعک ولی (جام) جهان پیراسی بر

حکمت بک

بعضاً مثلاً بر یئنده تناسب تکرر ایدر . از جمله باقینک :

دامن شاهد معنایه بری دست اویره ماز

چوق اولور کرچه سرفکری کریانه چکر

یئنده (دامن) کریبان) ایله، (دست) دخی (سر) ایله متناسبدر .

شیخ الاسلام یحیی افندینک شو ییتی بوتک نظیر ایدر :

(بحر) ایسه ک ده (قطره) ناچیز کوسر کندیکی

کوکله کیر ای کوکل اول (غجه) نک « شیم » کپی



تناسبك تداخل ابتدیی اولور . مثلاً موصلی اسعدك  
مشهور اولان :

ایام انبساط ایله در لذت حیات  
طوفان غمه آدمه لاری عمر نوح  
ییتده (ایام) ایله (حیات) و (عمر) ، (طوفان) ایله ده (نوح) ،  
(نوح) ایله ده کدك (عمر) ، (آدم) ایله دخی کدك (نوح)  
متناسبدر .

بعض ادباتك (تشابه اطراف) نامیهله یاد ایلدکری صنعت  
— که سوزی ابتداسیهله متناسب بر صورتده استها پذیر ایتمکدن  
عبارتدو — مراعات نظیر قیلندن عد اولئور .

تشابه اطراف

مثال :

... فقط برده «اوقتاب ظلماتینك ماوراسنه تعلیق نظر اولئورسه»  
نازنین دلربای تمدن نظر فریب افکار اوله حق پرزیت و سلطنت ایله  
عرض دیدار اتمکه باشلار که بدایع پسند اولان کوکلر ایچون «حسن  
اندامنه مقنون اولماق احتمالك خارجندهدر»  
کمال  
(ایهام تناسب) دینیلن ومعنای غیر مقصوده گوره بینلرنده  
مناسبت اولان لفظلرکه جمعدن عبارت بولئان صنعت دخی  
مراعات نظیره ملحقدر .

ایهام تناسب

مثلاً فضولینك :

صو ویرر هر صمعدم کوز یاشی تیج آهمه  
کیم دوکم قان سپرک صالحه مهرین ماهمه

مطلعنده قصد اولتان معناسی (محبت) اولان (مهر) لفظی غیر مقصود بولتان (کونش) معناسنه گوره (صبی‌خدم) و (سپهر) و (ماه) ایله متناسب دوشدیکندن ایهام تناسب تحقق ایتمشدر. مشارالیهک یوقاریده بالمتناسبه ایراد اولتان بر غزلندن اولان :

مهر صالارسیں بکا رحم المیزسین یونجه کیم  
سایه‌تک سودای زلفک پایمال ایلر بنی  
ییتده کی (مهر) لفظتک (سایه) ایله مناسبتی ده‌او یولده در. (جایی)  
نامنده بر شاعرك اولان بیت آتی ده آنلره بکزر :

مهرم که اولدی عاله روشن کونش کی  
بر ذره کبز ای مه نامهربان سکا  
حاکف پاشانک :

هر کسک قسقی یوقدن کلیر اما بیلز  
بری وار طاله من ایلسه سلوای عدم

ییتده دخی ایهام تناسب موجود در، زیر ا بوراده قصد اولان معناسی (منت) اولان (من) لفظی غیر مقصود بولتان (قدرت حلواسی) معناسنه گوره (سلوی) ایله متناسبدر .



وصل، فصل — وصل عطفدن، فصل ترك عطفدن وصل، فصل  
عبارتدر .

وصل ایله فصل کله لر، ترکیلر، جمله لر ییتنده جریان ایدر .  
وصل عطف و تشریک ادواتشدن بریه اجرا اولنور . بو  
ادواتک ترکیله ده فصل حاصل اولور . بولردن (و) اداتشک  
صورت استعمالی خیلی زماندن بری مباحث مهمه صیره سته  
کچمش اولدیغندن ارل امرده (بجرعه . بلم) ک آلتیجی نسخه سنی  
اشغال ایدن مقاله و اویه نک اصلی اولان بد مفصلک بروحه آتی  
درجته لزوم گورندی :

## و

عربیده، فارسیده اولدینی کبی لسانزده دخی ادات عطف  
اوله رق مستعمل اولان (و) جمع ایچوندن . مفردلری، ترکیلری،  
جمله لری بربری اوزرینه عطف ایدر .

(عطف) لغتجه (اماله) دیمکدر . معطوفی معطوف عایه اماله  
ایتدیکی ایچون واوه (عاطفه) دینیلیر .

عربیده «واو مطلقاً جمع ایچوندن» دینامسی و اوک معطوف  
ایله معطوف عایه ییتنده ترتیبی ایجاب ایغه مسندندر . مثلاً « جاء  
زید وعمر و» دینلده که بو آدم لک مجرد کلمدکلری بیسان ایدلش  
اولور، هانکی سنک اول و یا صکره کلدیگن افاده مقصود اولماز .  
لسانزده ایسه واو اکزیا جمع ایله برابر ترتیه دلالت ایدر .  
مثلاً « محمدنانی و سابع اول اک بیوک جهان یئرلدن ایدیلر » دیمک  
محمد ناینک زماناً سابع اوله تقدمنی گوسزه چکی جهتله « سابع

اول و محمد ثانی اك بيوك جهانگیر لردن ایدیلر ، دیمکه ترجیح اولنور . ایکنجی صورتده واو یالکز محمد ثانی ایله سلیم اولی اك بيوك جهانگیر لردن اولق خصوصنده جمع ایدر . برنجی صورتده ایسه آنلری بو خصوصده جمع ایتدکن باشقه یینلرنده کی ترتیب زمانی بی دخی کوسنمش اولور ،

عربیده واو عاطفه دائماً مفتوح اوقونور .

مثال :

بالعز والشرف .

فارسیده ایکی درلو استعمال اولنور : حروف مددن برنی و یا های رسمیه بی تعقیب ایدر سه بر رایه کوره مضموم، رأی دیگره کوره مفتوح اونونور : ضم ایله تلفظی غالبدر .

امثله :

بالا وزیر — ابرو زلف — بندی و اخلاص — دیده و دل — سائر حرفلردن برنی تعقیب ایدر سه کندیسی اوقونماز ، یالکز ماقبلنی مضموم اوقودر :

امثله :

زیر و بالا — زلف و ابرو — اخلاص و بندی — دل و دیده .

## اخطار

عربی (ولکن) دن بوزمه اولان (ولیکن) ك واوی دائماً

مفتوح او قونور. (ولیکن) دن مخفف اولان (ولیک) ایله (ولی) دخی بویله در. انتهی

واو یالکز حروف مددن (ی) حرفی تعقیب ابتدکی وقت یرینه کوره ایکی صورت جائز اولور، یعنی هم آریجه تلفظ اولنه بیلیر هم ده ماقبلتی مضموم او قوده بیلیر. مثال :

جهان را (بلندی و پستی) توبی [\*]  
ندانم چه هرجه هستی توبی

قردوسی

دیگر :

بای مدرسه از جنس (عالی و سافل)  
خراب کشت و خرابات همچون معمر

امیدی طهرانی

لسانم زده واو عاطفه عربک و بعضی عجمک استعمالنه افتفاء فتح ایله قوللاندی کی عجمک واوی نم ایله تلفظ اتمک و یا ماقبالتک ضمیمه اکتفا ایلمکدن عبارت اولان ابکی درلو استعمالنه افتفاء دخی قوللایلیر.

دیمک اولیور که بزبواداتی اوج صوتله استعمال ایدیورز. واو مفتوحه یی عربی و یا فارسیدن، ضم ایله او قونان و ماقبالی مضموم او قودان واوی فارسیدن آلسز.

[\*] بویله یالری اهل لسانک تشدید ایله - او قودقلمی اولور.

بونلردن فتح ویاضم ایله اوقونانه — ماقبلندن فصل اولندی  
ایچون — (واو مفصوله) ، ماقبلنی مضموم اوقودانه — ماقبلنه  
وصل اولندی ایچون — (واو موصوله) تعمیر اولنور .  
کرك واو مفصوله نك ، كرك واو موصوله نك لسانمزده مواضع  
استعمالی تعین ایدلک لازم کلیور . بناءً علیه ایضاحات آتیه یی  
اعطایه مجبور بولئیورز :

حروف مددن ، حروف املادن بریله ویا های رسمیه ایله  
بیتن هر درلو کلماتدن صوگره واو مفصوله کلیر .  
امثله :

بكا وىكا — صو وىتك — یال وىكوشك — كلى وىكتدى —  
بىجره وىقاپاق — صىرا وىجیل — عدو وىحلیل — والى وىاهالى —  
دانا وىینا — كىسو وىرخسار — شادى وىناشادى — صىرا وىدكیز —  
دریا وىکیلر — كورلى وىعریده — كدى وىبلىك .

## اخطار

نژده (شادی وناشادی) قیلندن اولان عطفلرده واهان  
دائماً مفصوله صورتنده تافىظ اولنور سده نظمده بالاده گوستریلن  
شیوه ایرانه اقتفاء ماقبلنك ضمیله اکتفا دخی اولنه بیلیر .

انتهی

حروف مذکورده دن ماعدا حرفلر ایله بیتن کلماتدن صوگره  
یرینه کوره واو مفصوله ویا واو موصوله کتیر یله بیلیر . بونلردن

هانکیسنک زرده ایراد ایدیه جکی بیلنمک ایچون معطوف ایله  
معطوف علیه دقت ایدلک لازم کلیر .

معطوف ، معطوف علیه تعیر ایتدی کمز کله لرده — که و او  
بوللرک آره سنده بولنه جقدر آلتی احتمال واردر :

برنجیسی ایکیسی ده عربی — ایکنجیسی ایکیسی ده فارسی  
— اوچنجیسی بری عربی ، دیکری فارسی — دردنچیسی بری  
عربی ، دیکری ترکی — بشنجیسی بری فارسی ، دیکری ترکی  
— آلتنجیسی ایکیسی ده ترکی اولوق احتمالدر .  
برنجی ، ایکنجی ، اوچنجی احتمالره کوره و او موصوله  
کتیریلیر .

امثله :

عدل واحسان — آب وتاب — امنیت وآسایش .

ادیات ایله ( تاریخ وسیر )

سنبلراده وهی

ترازوسی ( مهرومه ) آسمان

عزت ملا

( عقل ودانس ) بونی جزم اقسوخی

ماهی

دردنجی ، بشنجی ، آلتنجی احتمالره کوره و او مفصوله  
کتیریلیر .

امثله :

درایت و چالشقانلق — پدر و اوغل — قاش و کوز .  
فاضی اوله ( دعواچی و محضر ) دخی شاهد

ضیا پاشا

اوچنجی احتماله معطوفك عربی ویا فارسی اولسی ایله  
معطوف عایهك عربی ویا فارسی اولسی بئتنده فرق اولدینی  
کبی دردنجی ، بشنجی احتمالارده دخی كرك معطوفك ، كرك  
معطوف علیهك عربی ویا فارسی اولسی بئتنده فرق یوقدر .

امثله :

آسایش و امنیت — چالشقانلق و درایت — اوغل و پدر .  
لسانمزده استعمال ایدلمکده اولان ( قومیسون ) ( قومیسر )  
کبی بعض کلمات اجنیه دخی بو بایده کلمات ترکیه حکمنده در ،  
یعنی بونلردن بری معطوف ویا معطوف علیه اولدینی زمان —  
مقارنی فصل کله اولورسه اولسون — و او مفصوله کتیریلیر .

رأی عاجزانه مزه کوره لسانمزده و او مفصولهك دائماً فتح  
ایله استعمالی انسیبدر . شو قدر وار که بعضاً نظمه بو و اوک  
حرکه سی اماله ایدلمک لازم کلنجه — فتحهك اماله سندن ظهوره  
کله جک هجته ضمهك اماله سندن حاصل اوله جق ثقلت ترجیح  
اولنه رق — اسلوب فارسی یه اتباعاً ضم ایله اوقونور .

مثال :



ایده منضم یتہ اولکی کیی کشور رومہ  
چکوب صاغہ صولہ شمشیر بران سراندازی  
شمالاً نخجوان وکنجه (وتغلیس) وشروائی  
جنوباً شہر زور وبصرہ (وبغداد) واهوازی

نقی

واوموصولہ نك ماقبلہ ویردیکی ضمه دخی نظمده بعضا امالہ  
ایدیلیر . ایشته نفعینك :

شمالاً نخجوان وکنجه وتغلیس وشروائی  
جنوباً شہر زور وبصرہ وبغداد واهوازی

یبتده کی (نخجوان) ایله (کنجا) ، (شہر زور) ایله  
(بصرہ) آرہ سندہ واقع موصولہ لرك ماقبلرینہ ویردکری ضمه  
اویولده او قونور .  
ضیا پاشانك :

عقل و جمال وعشق آلہ اولای برزمان  
مصراعنده کی (عقل) ایله (جمال) آرہ سندہ واقع  
موصولہ نك ضمه سی امالہ ایدلمکده اولدیغدن بویابده بر مثال اولیور .  
حال بوک (جمال) ایله (عشق) یبتده واقع موصولہ نك ضمه سی  
امالہ ایدلیور . بناءً علیہ مصراع نظمده موصولہ نك امالہ لی ،  
امالہ سز استعمالنه شاهد طوتیلہ بیلیر . دقت اولسه یت نفعینك  
دخی بوقیلدن اولدینی آکلاشیایر .  
روحی بغدادینك ، فضولینك ، ناینك :

﴿ اول زاهدك آغلار ( یر و كوك ) حالته یارین  
 ﴿ بو بزمده قالمشز ( سن و بن )  
 ﴿ آغلر ( ظالم و آج و عریان )  
 مصراعلری کی ضیا پاشا :

سندندر الیمی به بو ( مکرو بو ) قتنه

مصراعنی دخی موصوله نك استعمالنه دائر انخاذا ایندی کمز قاعده به  
 موافق بوله میز، چونکه قاعده مزه گوره ایکی کلمه ترکیه ییتنده  
 موصوله بولنه ماز . حال بوکه روحینك فضولینك مصراعلرنده  
 ( یر ) ایله ( كوك )، ( سن ) ایله ( بن ) آره سنه موصوله کتیرلمشدر .  
 ینه قاعده مزه گوره بر کلمه عربیه ایله بر کلمه ترکیه ییتنده موصوله  
 بولنه ماز، حال بوکه مصراع نابیسده ( ظالم ) ایله ( آج )، ( آج ) ایله  
 ( عریان ) آره سنه کدلك موصوله کتیرلمشدر . ( مکر ) ایله ( بو )  
 آره سنه موصوله کتیرمکده بوقیلدندر، چونکه ( مکر ) عربی  
 اولدینی حالده ( بو ) ترکیدر . نائلی قديمك :

نه آکلادك بو سماع و بو نابدن صوفی

مصراعنده کی ( بو سماع و بونای ) دخی ( بو مکرو بوفتنه ) به بکزر .  
 بو ایضا حاتدن آکلایلیرکه ( جان و کوکل — آج و بی علاج  
 — نك و تنها ) کی ذاتاً لسان ادبجه مقبول اولیان کهنه تصویراتک  
 موصوله ایله استعمالی طوغری دکدر . ( بای ) لفظنك ترکی  
 اولسنه گوره ضیا پاشانك :

چون بای وکدا خا که برابر کیره جکدر  
مصراعنده دخی بو هجنت موجود در.

شوراسنه دقت اولنمیدر که — دردنجی، بشنجی، آلتنجی  
احمالر مستثنی اوله رق — واک بالاده گوستریلن مواضعده  
مفصوله ویا موصوله صورتنده ایرادی اساساً تلفظک سهولت  
و عذوبته مستند بولندیغندن، یعنی هانکی صورت لسانه نقلت  
و یرمیورسه او ترجیح اولنه جقندن قاعده موصوله صورتنده  
تلفظی لازم کلن و واک بعضاً مفصوله صورتنده اوقونمسی  
اولی گوریلور.

مثال :

بطریق الاملا یازمغه تنزل پیورر ایسه کنز (تشکر و دعا) ایلمرم.  
ادهم پرتو پاشا  
بعضاً دخی مفصوله صورتنده تلفظی واجب اولور.  
مثال :

ملل تمهنه دن اولین پایه ترقیده اولانلرک بیله عوامندن لاقل نصفی  
اوقویوب یازمق بیلیر. حال بوکه ملتزمک بیکده بری نامنی (تصریر و بلکه)  
قراشدن عاجز در.  
کمال  
(شرعاً و نظاماً) (طوعاً و کرهاً) (لساناً و قلماً) (مالاً و بدناً)  
کبی لسانمزده مستعمل اولان تعیرات عربیه ده کی واولر نژده  
دائماً مفصوله صورتنده اوقونورسه ده نظمده موصوله صورتنده  
دخی ایرادی تجویز اولنور.

مثال :

(خلقاً وخلقاً) مشابیهین رسول الله سن  
 غبیه کلشنسرای مصطفای سن یا حسین  
 کدخدازاده مارف

قابل انکار دکلدر که عبارده مفصوله اولسون موصوله  
 اولسون بر قاج و اوک تعاقبی لسانمزه ثقلت ویرر . مثلاً کمال بکک  
 « بر ذهن متفکر اویله عرش اعلای الوهیه قدر ایصال ایدلش  
 بر حالک عمومیت اعتباریله حس و تقدیر و تعریف و تصویرینه  
 نرهدن مقتدر اولسون ؟ » عبارده سنده (حس) (تقدیر) (تعریف)  
 (تصویر) کلمه لرینک آره لرنده بر برینی تعقیب ایدن واولر نه درلو  
 اعتبار ایدیلیرسه ایدلسون لسانه ثقیل کلیر . اک خفیفی (حس)  
 ایله (تقدیر) ، (تعریف) ایله (تصویر) ینلرنده کی واولری  
 موصوله ، (تقدیر) ایله (تعریف) یننده کی واولی مفصوله  
 صورتنده اوقومقدر . جال بوکه بونده ده اوقدر سهولت و عذوبت  
 اولمدینی آشکاردر .

بوسوز مشار الیه کلمات قدیمه سندن معدوددر . مؤخرآ  
 وجوده کتیردیکی آثار جیدیه آره سنده بویله اوج واولی بر عبارده  
 تصادفی اولنه ماز صانیرز .

نقینک :

قبض استعداد ذان کورکیم ایتش تا ازل  
 جذبیه سی خورشید و ماه و آسمانی مولوی

ییتده ایکی واولک تعاقبتدن بیله بر درجه یه قدر ثقلت حس  
اولنیور . حال بوکه :

جذبه سی خورشیدی ، ماهی ، آسمانی مولوی

دینیلویر نجبه او ثقلندن اثر قالمیور . هله :

شمالاً نخجوان و کنجه و تغلیس و شروانی  
جنوباً شهر زور و بصره و بغداد و اهوازی

ییتی حامل اولدینی و اولرنه قدر تنقیل ایدیور ! حال بوکه :

شمالاً نخجوانی ، کنجه بی ، تغلیسی ، شروانی  
جنوباً شهر زوری ، بصره بی ، بغدادی ، اهوازی

صورتنه قونیلویر نجبه پک لطیف اولیور او ثقلت و اولرک  
اجتماعندن ، بولطافت یته آنلرک اندفاعندن حصوله کلیور .  
ضیا پاشا :

سفیان ، جعده یه ، شمره ، ابن ملجمه  
مصراعنی یا کیلوب ده :

سفیان و جعده و شمره و ابن ملجمه  
صورتنده یازمش اولیدی بکنیایرمی ایدی ؟ مع هذا :  
یا خواب و یا خیال و یا خود بر فسانه در  
مصراعنی نیچون و اولرک اسقاطیله :

یا خواب ، یا خیال ، یا خود بر فسانه در [\*]

صورت‌نده یاز مامش اولدینی بیلنه من .

بورایه قدر ویردیکمز ایضاحات کله‌لی عطف ایدن واوه  
عانددر . بر آزده ترکیلری ، جمله‌لی عطف ایدن واودن بحث  
ایده لم :

ترکیلری ، جمله‌لی مسجع اولسون اولسون عطف ایدن  
واو مفصوله صورت‌نده کلیر .  
بر ایکی مثال :

... بنی نوعن اوج درت بیک سنه دن بری بونجه ( باران بلا  
وَ خونا بۀ استیلا ) طوفان‌لریته اوغرامش ایکن ( اسرار طبیعی ادراک  
وَ خفایای معرفتی استدراک ) صرف ابتدیی اقدامات سایه سنده اوله بر  
مرتبۀ اعتلایه واصل اولمشدر که نصوری عقللره حیرت ویرد . کمال

آچلدی قبحه طوماری و معلوم اولدی مضمونی

فضولی

اوق دکنی و یاره حاصل اولدی

شیخ غالب

کل بچدی و نوپار بچدی

وله

[\*] ( یا خود ) تعبیر فارسینده کی ( یا ) نك قصری تجویر اولنمایددر .

پاشا بو خصوصده نفی کی :

برق اوران دستکده نیغ برکهر میدریا خود

طرزنده شعر سویلین اسلاقه پیرو اولمش دیک اولور .

واولرك تعاقبتدن حاصل اوله جق ثقتك اندقاعي بولرك  
ممکن اولدینی قدر تقلیل استعمالاته توقف ایدر . لزوم قطعی  
گورلمدیکجه واولك تکریردن اجتناب ایدلملیدر .

دقت اولنسه آکلاشیلیر که بر عبارمه ده واونه قدر آزاو لورسه  
اوقدر ساده اولور . لسانمرك اصل لطافتی ایسه ساده لك ایچنده  
بولنور .

اوتهدن بری معنایی اوقدر نظر اعتباره آلیوب لطافتی  
طمطراق الفاظده آرایان ار باب قلم طرفندن بر طاقم لزومسز  
تکلفاته بوغلمش اولان لسانمرك بوتکلفاندن تجرید یله ساده -  
لكنك ، لطافتك اظهاری زمانی چوقدن کلمشدر .

بر سوزنه قدر طبیعی سو یلنیر ، نه قدر طبیعی یازیایر سه  
اودرجه ساده ، اودرجه لطیف اولور . فصاحت ، بلاغت دنیایان  
شیلرك طبیعی لکده آرانلمسی لازم کلیر . سوزه تکلف قارشیدینی  
کی فصاحت ، بلاغت آرهدن چیقار . ضیا پاشانك :

چیققدجه لسان طبیعتندن

البته دوشر فصاحتندن

سوزی بك طوغریدر .

تکلف ایله فصاحت ، بلاغت هیچ بر وقته برلشمه مش  
اولدییی حالده بولری تکلفده آرامق غریب اولمازمی ؟  
لسانمرك طبیعی لکده ایچون دقت اولنه جق شیلردن  
بری ده یوقاریده کوسترلدیکی اوزره واولك نقایل استعمالیدر .

بزم واوه احتیاجز او قدر آذر که بر محرر مزایجنده ولو بردانه  
اولسون واو عاطفه بولنامق شرطیه بر جلد یازده بیایر. شو حالد  
واوک استعمالی ایستدیکمز قدر آزالده بیایرز .

فرانسز لرك ( پونقتو آسیون ) دیدکری ( اصول تنقیطی )  
لسانمزک شیوه تحریرینه تطبیقاً قبول ایتلی یز، چونکه بو اصول  
افاده نك انتظامنه، ساده لکنه زیاده سبله یاردم ایدیور . بوراسی  
آز جوق یازی ایله اشتغال ایدنلرجه مصدق اولمق لازم کلیر .  
بر زماندن بری بو اصولی استعماله باشلامش اولان محرر لر مزه  
بونی قبول ایتدکلرندن طولانی تعریض ایدنلرک، مقلد، بلکه ده  
مبتدع نظریله باقاندلرک سوزلرینه باقلماز . فصل باقلسون که  
روایت کوره میلاددن ایکی عصر اول اسکندر یه عامای طرفندن  
قوللانلمغه باشلامش ، مؤخرآ تلاحق افکار ایله قصصانی ا کمال  
ایدلمش اولان بو اصولی عامای اسلام دخی استعمال ایتشلدرد؟  
حالا المزد بولنان قرآن کریم لشخه لر به کورمکده اولدیغمز  
( سجاوند ) تعبیر اولنان اشارات نه در ؟ اصول تنفیطدن باشقه  
بر شیمیدر ؟

ایشاحدن مستغیدر که انسان تکلم ایدرکن مرافعی تصور  
استدیککی وجه ایله افاده ایده بیلیمک ایچون آره صیره سوزی  
کسمکه لزوم گورر . بو کسیتیلر مختلفدر . بعضاً آز ، بعضاً  
حووجه اولور . جمله اولور که ختامنده بر نفس آله جق قدر  
طوریلور . بر کلیرکه سوز بر قاچ نفس آله جق قدر و ده زیاده



کسیلیر . هر نه صورتله اولورسه اولسون بو کیفیته (وقف) دینیلیر .

(سامی) بك افندیك (اصول تنقیط و ترتیبی) عنوانلی اثرنده دیدیکی کجی — یازی سوزك تصویر ی اولدیغندن — آندهده بو کسینتیلر رعایت ایدلمك لازم کلیر بر متکلم سوز سویلرکن یرینه گوره وقفه نه قدر رعایت ایدرسه هر امنی اودرجه آچیق ومؤثر اوله رق افاده ایدر . کذلک بر محرر یازی یازارکن وقف اولنه جق یرلری نه قدر مکمل کوسترسه یازی سنی تصویر ایتمکده اولدینی سوزه او درجه او یدرمش اولور . بناءً علیه هر لسانده اولدینی کجی عثمانلیجهده دخی اصول تنقیطك مناسبوجه ایله قبولی ضرورت حکمنی آلیر .

بعض ارباب قلمک بو اصولی قبولده متعصبانه تردد گوسترشلری ناجادار . بو بابده مقنع بر دلیل قبول آرانیه جق اولورسه بالاده بیان اولندیغی اوزوه و قتیله علمامن طرفندن قرآن کریم نسخه لرینه (سجاوند) دینیلن اشاراتک وضعنه ضرورت مس ایتمش اولسی وهنوز زیور ایدی مطهر و ناولان مصاحف شریفه نك بو اشاراتی حاوی بولنمی کافیدر ظن ایدرز .

### استطراذ

ائمه علم قرائندن (ابو حفص محمد بن طیفور السجاوندی) طرفندن تعیین اواندیغنه کوره آیات کریمه یه وضع اولنان اشارات شو ایدر :

م - ط - ج - ز ص - لا .

م - وقف لازم اشارتیدر که طورلمدینی حالده معنائک  
تغیر ایدہجکی برہ وضع اولنور .

ط - وقف مطلق اشارتیدر که طورلمق مدار حسن بیان  
اولان برہ وضع اولنور .

ج - وقف جائز اشارتیدر که وصل وفصلندہ بأس  
اولیان برہ وضع اولنور .

ز - وقف مجوز لوجه اشارتیدر که برجهتله وصلی دیگر  
جهتله فصلی مناسب اولان برہ وضع اولنور .

ص - مرخص لضرورة اشارتیدر که مابعدی ماقبلدن  
مستقی اولمدینی حالده سوزک اوزا مسندن طولانی نفسک  
اقطاعی جهتله طورلمنه مجبوریت گوریلن برہ وضع اولنور .

لا - لاوقف علیه اشارتیدر که طورلمق جائز اولیان برہ  
وضع اولنور .

اشارات قرآنیہ آرهسندہ بعضاً (ك) دخی گوریلور بو  
(كذلك) اشارتیدر که بر اشارتک صیرہ ایله ایکی دفعه وضعی  
لازم کلنجه تکراردن احترازاً ایکنجی مرتبهده وضع النور .

شوا ایضاتی اعطادن مقصدمن اصول تنقیطک لسانمزده  
دخی استعمالی الزم اولدیتی قبول اولنماسنی التزام ایدنلرک  
فکری هرجهتله واهی بولدیقتی اباتدر .

لسانمژك ساده لگنی محافظه ، لطافتی اظهار ایچون قلیل استعمالنه لزوم کور نمکده اولدیقمز واوه بدل (ویرکول) دیدکلی (،) اشارتی قوللانه بیلیرز . شو قدر وارکه بونی (،) صورتنه تحویل ایدرز ، چونکه اوروبا خطری صولدن صاغه یازلدینی حالده بزم خطمز بالعکس صاغدن صوله یازیلیور . بزور کولی عیناً قبول ایده جک اولساق کلهیه ، عباریه یوزینی چوپره جک یرده آرقسنی چوپر مش اوله جغندن باشقه قلممژك یوریشنه دخی موافق کلز .

سامی بك اقدی ( اصول تنقیط و ترتیب ) ده ویرکوله ( فاصله ) عنواتی و برمش . ذهنی اقدی ( المنتخب ) ده ( سکنه ) دینلمسنی تنسیب ایتمش . بواسلردن هر برینک ویرکولک کوردیکی خدمته مناسبتی اولدیغندن هانکیسی اختیار ایدلسه اولور . بز شمدیلک ( فاصله ) تعیرینی اختیار ایدیورز . سامی بك اقدینک شایان تدقیق اولان نه کور اثرنده فاصله ایله اشارات سائریه دائر خیلی ایضاحات و رلشدر .

برینه کوره واوه بدل فاصله استعمالنه قرر و یرلدکن صکره بونلردن هانکیسنگ نرده ایرادی انسب اوله جفی جهتی قالبر . بوراسنک تعینی سابقه بك ایشیدر . شو قدر وارکه بر آدم یازی یازارکن واو ایله فاصله دن برینی ترجیح ایده بیامک ایچون شو ایکی شیئه دف ایتمایدز :

— وضوح .

لفظه «اُلا» اولان سلاست ایله معنایه متعلق بولتان وضوح سوزك ایکی بیوک بدار حزینی اولدیفندن بولنره هر یرده رعایت اولنق ، یعنی سهولتله اوقونه میه جق ، سهولتله آکلاشله میه جق سوز یازلامق لازم کلدیکی کبی واو یا خود فاصله و ضعه دخی بورالری کوزمه دلمک اقتضا ایدر . چونکه واو بعضاً سلاستی ، فاصله ده بعضاً وضوحی اخلاص ایده بیلیر . مثلاً فردوسینک :

روز نیرد آن یل ارجند  
بئق و بختجر بکرز و کند

بریدودریدوشکست و یست  
پلان راسروسینه و پاودست

بیتلرینی ترجمه ده « محاربه گونی اوپهلوان غالب قلیج و خنجر و کرز و کند . ایله سائر پهلوانلرک باشلرینی و ککسارینی و آقارینی رالرینی کسیدی و یرتدی و قیردی و باغلادی » دیه جک اولساق سلاستی بر سوز سویلمش اولیز . بوده شو اوافاق عبا ده طقوز و اوک اجتماعندن نشأت ایدر . بالاده کی افاداتدن آکلاشلدینی اوزره واو نه قدر آراستعمال اولنورسه شوه لسان عثمانی به اودرجه رعایت ایدلمش اولور . بناء علیه نرده ممکن اولدینی قدر ولو ایکی و اوک اولسون تعاقبه میدان ویرلمک لازم کلیر . اما نظمده بعضاً بر قاج و اوک تعاقبی ضروریه مجویز اولنور .

مثال :

مرتبی مسلمان و یهود و کبر و ترسادر

نفعی

اوچ و اووی حاوی بولسان بومصرای نثره نحویل ایده جک  
اولسه قواو ایرادینه قطعا لزوم کورمیوب « مسلمانک ، یهودک ،  
کبرک ، ترسانک مرپیسیدر » دیرز .

برزماندن بری بعض ارباب قلم فرانسزجه ده اکثریت اوزره  
جاری اولان اصوله توفیقاً معطوف بردن زیاده اولتجه اولکننده  
ویا اولکیلرده فاصله ایله اکتفا ایلدکلری حالده معطوف اخیری  
واو ایله ایراد ایتیمکه باشلامشلدردر .

مثال :

مشار الیک مزیت ادبیانه سی ایسه عاکف پاشادن ، رشید پاشادن  
وحی ضیا پاشا مرحومدن ده طالبدر .

مجموعه ابوالضیا

بو صورت لسانمزده برقاعده مطرده حکمنده طوتیه ماز ،  
چونکه معطوف احیرک بویه و او ایله ایرادینه لروم گورلدیکی  
یک آزدرد . حتی دقت اولنسه بالاده کی عبارده ده ( وحی ) ده کی  
واوک لزومسز اولدیگی آکلاشیایر .

بوندن طولاییدر که اک بیوک ادیلرمن معطوف اخیرک  
اولیه و او ایله ایرادینی التزام ایتیمورلر ، اکثریا آنده ده فاصله  
ایله اکتفا ایدیورلر .

مثال :

ایکجهیسی ده ( صدیقی برعزم ، عمری برتوفیق ، عثمانی بر فدا کارلاق )

حیدری بر جلادت ایله ( ۱۰۰۵ تاریخنده و محمد ثالث زماننده اکری  
ملحمة کبراستک قازانلمسته مینب مستقل اولان مرحوم خواجه سعد الدین  
ایدی . کمال

بوراده « وحیدری بر جلادت ایله » دیمک طبیعی اوله میه جنی  
جزئی ملاحظه ایله تسلیم اولنور ظن ایدرز .

## اخطار

معطوف اولان ( سائر ) و ( سائره ) کله لرینک هر حالده و او  
ایله ایرادی واجدیر . مثلاً « ادبیات » حکمیات و سائره « دینیلیر .  
« ادبیات ، حکمیات ، سائره » دینیله منر .

( جزئی ) نك برده شو عبارده سنه باقه لم :

معارضلره ماجرای و جزمینک سن و حالنی تعریف ایدره نك قصیده بی  
نوعی به عرض ایتدیلر . نوعی ایسه نهایت درجه ده دلدادة لیاقت  
فوق الغایه اهل پرور و ذات ایدی .

بوراده فاصله ایله « ماجرای ، جزمینک سن و حالنی »  
دینلمیوب ده و او ایله « ماجرای و جزمینک سن و حالنی » دینلمسی  
— کذاک فاصله ایله « نهایت درجه ده دلدادة لیاقت ، فوق الغایه  
اهل پرور » دینیلوب ده و او ایله « نهایت درجه ده دلدادة لیاقت  
و فوق الغایه اهل پرور » دینلمه می نه دندر ؟ یوقاریده  
سویلد کلامی اونو تماش ایسه کز یوسواله نك قولای جواب  
ویره بیلیرسکز . نه دیمش ایدک ؟ عبارده و او ایله فاصله دن برنی

ترجیح ایده بیلیمک ایچون لفظه هاند اولان سلاست ایله مضایه  
 متعلق بولتان وضوحه دقت ایدلمک لازم کله جکئی سویلمه مشمی  
 ایدک؟ بونک ده سببی بعضاً واوک سلاستی، بعضاً ده فاصله نک  
 وضوحی اخلال ایده بیله جکی اولدقئی گوسترمه مشمی ایدک؟  
 ایشته «ماجرائی وجزمینک سن و حالئی» ده واو، «نهایت درجه ده  
 دلدادۀ لیاقت، فوق الغایه اهل پرور» ده دخی فاصله ایرادی  
 بو نکته لره منیدر.

دقت اولنسون! (ماجرائی) دن صکره فاصله، (لیاقت) دن  
 صکره واو کتیر لسه برنجیسنده وضوحه، ایکنجیسنده سلاسته  
 خلل کلزمی؟

ایشته نا بمحل فاصله نک وضوحی، کذلک نا بمحل واوک  
 سلاستی آز چوق اخلال ایده بیله جکی بومثال ایله ثابت اولور.  
 بورالری دقایق لساندن معدود در. افاده ده وضوحی،  
 سلاستی اخلال ایتهمک ایچون حسن طبیعت لازم. یوقسه دائماً  
 کورلدیکی اوزره او یله طبیعت سزلر بولنور که تعقیدی وضوح،  
 منافرتی سلاست ظن ایدر لر. ایشته بالاده واو ایله فاصله دن  
 هانکی سنک زده ایرادی اسب اوله جئی مسئله نی سلیقه یه  
 حواله ایدیشمز بوندن طولاییدر.

انسان حسن طبیعتله حسن تحصیل جمع ایتماید که کوزل  
 سوز سویلمکه مقتدر اوله بیلسون. حسن طبیعت خدا داد  
 بر سرمایه در که تحصیل ایله نما بولور.

انتهای بند


ذخیره الهی و برکوله (سکته) دینلمسنی (المقتضب) ک  
صرفی تقسمنده شو عبارده ده تنسب ایشدر :

— بونلردن ما عدا ندا واستفهام و نقل و تمثیل و تفصیل  
و فصل و توقف علامتی اولقی اوزره شو اشاراتی استعماله دخی  
لزوم واردر : ( ۹۱ : ) شوکا : ( قعلتین ) و شوکا ( )  
( قلامتین ) و شوکا « ( نمنتین ) دیملیدر که اولکیسی ایکی طرناق  
کستینسی و ایکنجیسی ایکی طرناق نشانی دیمکدر . شوکاده ،  
( سکتیه ) و ققطه لیسنه ( منقوطه ) دیملیدر .

ایشته بو سورتله مشار الیه دخی اصول تنقیطک قبولی  
ترویج بیوریور .

واودن سکره عطف و تشریک ادواتندن (دخی) و آنک  
عطفی اولان (ده) ایله اجرا ایدیلن وصلر شایان دقتدر .  
مثلاً « کتابتده اولدینی کی خطابتده دخی (یا خود) خطابتده ده  
مهارتی وار ایدی ، عبارسندده وصل واجب اولدینی حالده  
« کتابتده اولدینی کی خطابتده مهارتی یوق ایدی ، عبارسندده  
جائز اولماز ، چونکه بوندده « خطابتده دخی (یا خود) ده ،  
دینیه جک اولسه مبحوث عنه اولان ذامک بوشیلرک ایکیسندده ده  
مهارتی اولدینی گوسترلش اولور . مقصود ایسه آنک کتابتده  
اولان مهارتی خطابتده اولدینی افاده در .

برنجی جلدک نهایتی





# د اصطلاحات ادبيه « دڼ برنجي جلدك فهرسي :

| صحيحه            | صحيحه                       |
|------------------|-----------------------------|
| ٦٥ قافيه         | ٣ افاده مخصوصه              |
| ٧١ حروف قافيه    | ٥ اخطار                     |
| ٧١ روى           | ٦ سحر حلال                  |
| ٧٦ تأسيس         | ٨ استخدام                   |
| ٧٦ قافيه مؤسسه   | ١٠ حسن تعليل                |
| ٧٨ دخيل          | ١٤ شبه حسن تمليل            |
| ٧٨ ردف           | ١٤ ائتلاف                   |
| ٨٠ قيد           | ١٤ لفظك معنى ايله ائتلاف    |
| ٨١ وصل           | ١٥ جزالت و رقت              |
| ٨٢ خروج          | ٢٦ لفظك وزن ايله ائتلاف     |
| ٨٢ مزيد          | ٢٨ لفظك وزن ايله كال ائتلاف |
| ٨٢ نازه          | ٢٣ لفظك لفظ ايله ائتلاف     |
| ٨٣ ملاحظه مخصوصه | ٣٤ معنائك وزن ايله ائتلاف   |
| ٨٤ رديف          | ٣٥ معنائك معنى ايله ائتلاف  |
| ٨٦ مردف          | ٣٦ حشو                      |
| ٨٧ حركات قافيه   | ٣٦ حشو مفسد                 |
| ٨٧ اشباع         | ٣٩ حشو غير مفسد             |
| ٨٩ توجيه         | ٤٠ حشو قبيح                 |
| ٩٠ مجرى          | ٥١ حشو مليح                 |
| ٩١ نفاذ          | ٥٣ حشو متوسط                |
| ٩٢ انواع روى     | ٥٦ نجاهل عارف               |
| ٩٢ روى مقيد      | ٥٦ تكلم صامت ياخود تكلم     |

| مصنفه                                    | روي مطلق                    |
|------------------------------------------|-----------------------------|
| ١١٣ حروف املا                            | ٩٣ تطبيع اعتباريه قافيه ناك |
| ١١٣ حروف مستغفنه                         | انواحي                      |
| ١١٣ حروف مد                              | ٩٣ قافيه مترادفه            |
| ١١٣ حروف معزوله                          | ٩٣ قافيه متواتره            |
| ١١٤ اختلاف                               | ٩٤ قافيه متداركه            |
| ١١٤ عزل                                  | ٩٤ قافيه متراكبه            |
| ١١٨ ياء معروفه                           | ٩٥ قافيه متكافئه            |
| ١١٨ ياء مجهوله                           | ٩٥ عيوب ملقيه قافيه         |
| ١٢٢ شعر                                  | ٩٦ سناد                     |
| ١٢٢ نظم — نثر                            | ٩٦ اقوا                     |
| ١٢٤ استطراد                              | ٩٦ اكفا                     |
| ١٢٩ بلاغت                                | ٩٨ ابطا                     |
| ١٣٠ كلامده بلاغت                         | ١٠٠ ابطاء حلي               |
| ١٣٠ متكلمده بلاغت                        | ١٠٣ قافيه شايدكان           |
| ١٢٠ مقتضاي حال — مقتضاي مقام             | ١٠٣ ابطاء حي                |
| ١٤٠ ذوق                                  | ١٠٤ عيوب غير ملقيه قافيه    |
| ١٤٤ ذوق سليم                             | ١٠٩ قافيه معموله            |
| ١٤٤ سلامت ذوق                            | ١١٠ قافيه غير معموله        |
| ١٤٤ سلامت حسي                            | ١١١ دو قافيتين              |
| ١٥٠ شعره مرقص، مطرب، مقبول، مسجوع، متروك | ١١١ متقرن                   |
| فصليه تقسيبي                             | ١١٢ محبوب                   |
| ١٥٠ تنظيم شعره دائر بعض                  | ١١٢ ذو القوافي              |
| ملاحظات                                  | ١١٣ صاحب                    |
| ١٥٢ مصراع                                | ١١٣ قافيه اصليه             |
|                                          | ١١٣ قافيه ملحقه             |

| صحیفه                      | صحیفه              |
|----------------------------|--------------------|
| ۱۸۴ تراشه — دو بیت         | ۱۵۲ مصراع آزاده    |
| ۱۸۵ مثنوی                  | ۱۵۳ مصراع ر جسته   |
| ۱۸۶ مربع                   | ۱۵۴ بیت            |
| ۱۸۸ مخمس                   | ۱۵۵ بیت القصید     |
| ۱۸۸ مخمس متکسر             | ۱۵۵ بیت لعل        |
| ۱۸۸ مخمس مزدوج             | ۱۵۵ شاه بیت        |
| ۱۹۰ مسدس                   | ۱۵۷ تصریع          |
| ۱۹۰ مسدس متکسر             | در                 |
| ۱۹۰ مسدس مزدوج             | ۱۵۷ مصرع           |
| ۱۹۱ مسقط                   | ۱۵۸ فرد — معرود    |
| ۱۹۲ ترجیع سد               | ۱۵۸ مطلع           |
| ۱۹۲ ترکیب سد               | ۱۵۹ ذات المطالع    |
| ۱۹۲ ترجیعگاه               | ۱۵۹ دو المطالع     |
| ۱۹۲ ترکیبگاه               | ۱۶۰ حسن مطلع       |
| ۱۹۲ واسطه                  | ۱۶۱ مقطع           |
| ۱۹۲ بد                     | ۱۶۱ حسن مقطع       |
| ۱۹۴ ترجیع                  | ۱۶۱ قصیده          |
| ۱۹۶ تخمیس                  | ۱۶۲ کریر — کریرگاه |
| ۱۹۸ تسدیس                  | ۱۶۳ ناس            |
| ۲۰۰ تنزیل                  | ۱۶۶ عرل            |
| ۲۰۲ توصیف                  | ۱۷۴ یک آهنگ        |
| ۲۰۶ اعنات — التزام مالایلم | ۱۷۴ یک آوار        |
| ۲۰۸ سجع مقید — قافیه مقیده | ۱۷۹ قطعه           |
| ۲۰۸ طرد و عکس              | ۱۸۱ نظم            |
| ۲۱۰ طرد و عکس تام          | ۱۸۱ رمعی           |
| ۲۱۰ طرد و عکس ناقص         | ۱۸۲ رمعی مصرع      |

| جذیفه                       | جذیفه                 |
|-----------------------------|-----------------------|
| ۲۳۵ تسبیق ارتقائی — تسبیق   | ۲۱۱ رجوع              |
| انصطاطی                     | ۲۱۳ حذف               |
| ۲۳۷ تغلیب                   | ۲۱۵ تجرید — مجرد      |
| ۲۳۹ اکال                    | ۲۱۶ خیف               |
| ۲۴۱ جناس                    | ۲۱۶ رقطا              |
| ۲۴۱ جناس تام — جناس غیر تام | ۲۱۷ منقوط             |
| ۲۴۱ جناس تام بسیط — جناس    | ۲۱۸ مقطع              |
| تام مرکب                    | ۲۱۸ موصل              |
| ۲۴۴ جناس متشابه             | ۲۲۰ معجم              |
| ۲۴۴ جناس مرفوع              | ۲۲۱ مستراد            |
| ۲۴۶ جناس لاحق               | ۲۲۱ زیاده             |
| ۲۴۷ جناس ناقص               | ۲۲۴ اعاده — معاد      |
| ۲۴۸ جناس قلب                | ۲۲۵ سهل متنع          |
| ۲۴۸ قلب کل — قلب بعض        | ۲۲۷ ارساد             |
| ۲۴۹ جناس محرف               | ۲۳۰ تسهیم             |
| ۲۴۹ جناس خط — جناس          | ۲۳۰ لف و نشر          |
| تجصیف — جناس مصحف           | ۲۳۰ لف و نشر مرتب     |
| ۲۵۱ اشتقاق                  | ۲۳۱ لف و نشر مشوش     |
| ۲۵۳ شبه اشتقاق              | ۲۳۱ معکوس الترتیب     |
| ۲۵۳ مراعات نظیر             | ۲۳۱ مختلف الترتیب     |
| ۲۵۶ تشابه اطراف             | ۲۳۱ لف و نشر غیر مرتب |
| ۲۵۶ ایام تناسب              | ۲۳۳ استطراد           |
| ۲۵۷ فصل، فصل                | ۲۳۵ تسبیق             |
| ۲۵۸ «و»                     |                       |

انتهای فهرس



